

মাসুদ রানা

# হারানো আটলান্টিস

কাজী আনোয়ার হেসেন

বিত্তীয়  
খণ্ড



মাসুদ রানা

# হারানো আটলান্টিস

[দ্বিতীয় খণ্ড]

কাজী আনোয়ার হোসেন

এ কি সত্য একেকটা জাহাজ ছয় হাজার ফুট লম্বা?  
সত্য। কিশোরী মেয়েকে নিয়ে ডেক্টের শাহানা নাকি  
নিখোঁজ? হ্যাঁ। আসলেই কি পৃথিবীকে  
ঝাকি দেওয়া সম্ভব? সম্ভব।  
কীভাবে? খালি চোখে দেখা যায় না এমন  
কোটি কোটি কাটি মেশিন সরল একটা রেখা ধরে  
রস আইস শেলফের চোদশো মাইল ধরফ কেটে  
ফেলছে, ফলে একটা পোলার শিফট ঘটবে।  
দুনিয়া হয়ে উঠবে, বদ্ধ মাতাল। এত দিক  
সামনাতে মাসুদ রানার নাকি কালঘাম ছুট যাচ্ছে?  
আরে, নাহ!



সেবা বই

প্রিয় বই

অবসরের সঙ্গী


সেবা প্রকাশনী, ২৪/৪ সেগুনবাগিচা, ঢাকা-১০০০

সেবা শো-রুম: ৩৬/১০ বাংলাবাজার, ঢাকা-১১০০

প্রজাপতি শো-রুম: ৩৮/২ক বাংলাবাজার, ঢাকা-১১০০

মাসুদ রানা ৩৫৮

# হারানো আটলান্টিস [দ্বিতীয় খণ্ড] কাজী আনোয়ার হোসেন



সেবা প্রকাশনী  
২৪/৮ সেগুনবাগিচা, ঢাকা-১০০০

ISBN 984-16-7358-4

প্রকাশক

কাজী আনন্দয়ার হোসেন  
সেবা প্রকাশনী

২৪/৮ সেগুনবাগিচা, ঢাকা ১০০০

সর্বস্বত্ত্ব প্রকাশকের

প্রথম প্রকাশ. ২০০৫

রচনা: বিদেশী কাহিনী অবলম্বনে

প্রচন্দ বিদেশী ছবি অবলম্বনে

রনবীর আহমেদ বিপ্লব

মুদ্রাকর

কাজী আনন্দয়ার হোসেন

সেগুনবাগিচা প্রেস

২৪/৮ সেগুনবাগিচা, ঢাকা ১০০০

হেড অফিস

সেবা প্রকাশনী

২৪/৮ সেগুনবাগিচা, ঢাকা ১০০০

দ্বারালাপন: ৮৩১ ৪১৮৪

মোবাইল: ০১১-৮৯৪০৫৭

জি.পি.ও.বুক্স. ৮৫০

E-mail: sebaprok@citechco.net

Web Site: www.ancbooks.com

একমাত্র পরিবেশক

প্রজাপতি প্রকাশন

২৪/৮ সেগুনবাগিচা, ঢাকা ১০০০

শো-কুম

সেবা প্রকাশনী

৩৬/১০ বাংলাবাজার, ঢাকা ১১০০

প্রজাপতি প্রকাশন

৩৮/২ক বাংলাবাজার, ঢাকা ১১০০

মোবাইল: ০১৭৮-১৯০২০৩

Masud Rana-358

HARANO ATLANTIS

Part-II

A Thriller Novel

By: Qazi Anwar Husain



আটগ্রিং টাকা

# ঘূঁঘূদ রামো

বাংলাদেশ কাউন্টার ইন্টেলিজেন্সের  
এক দুর্দান্ত, দুঃসাহসী স্পাই  
গোপন মিশন নিয়ে ঘুরে বেড়ায় দেশ-দেশান্তরে ।  
বিচ্ছিন্ন তার জীবন । অঙ্গুত রহস্যময় তার গতিবিধি ।  
কোমলে কঠোরে মেশানো নিষ্ঠুর সুন্দর এক অন্তর ।  
একা ।

টানে সবাইকে, কিন্তু বাঁধনে জড়ায় না ।  
কোথাও অন্যায়-অবিচার-অত্যাচার দেখলে  
রুখে দাঁড়ায় ।

পদে পদে তার বিপদ-শিহরন-ভয়  
আর মৃত্যুর হাতছানি ।  
আসুন, এই দুর্ধর্ষ, চিরনবীন ঘুবকটির সঙ্গে  
পরিচিত হই ।

সীমিত গণ্ডিবন্দ জীবনের একঘেয়েমি থেকে  
একটানে তুলে নিয়ে যাবে ও আমাদের  
স্বপ্নের এক আশ্চর্য মায়াবী জগতে ।

আপনি আমন্ত্রিত ।  
ধন্যবাদ ।



## এক নজরে

### মাসুদ রানা সিরিজের সমস্ত বই

বৎস-পাহাড়\*ভারতনাট্যম\*শৃঙ্গমগ\*দুঃসাহসিক\*মৃত্যুর সাথে পাঞ্চা\*দুর্গম দুর্গ শক্র ভয়ঙ্কর\*সাগরসঙ্গম\*রানা! সাবধান!!\*বিস্ময়ণ\*রত্নাদীপ\*নীল আতঙ্ক\*কায়রো মৃত্যুহর\*গুপ্তক্রু\*মূল্য এক কোটি টাকা মাত্র\*রাত্রি অঙ্ককার\*জাল\*অটল সিংহাসন মৃত্যুর, ঠিকানা\*ক্ষয়াপা নর্তক\*শয়তানের দৃত\*খনও ঘড়যন্ত্র\*প্রমাণ কই? বিপদজনক\*রক্তের রঙ\*অদৃশ্য শক্র\*পিশাচ দীপ\*বিদেশী গুপ্তচর\*ব্র্যাক স্পাইডার গুপ্তহত্যা\*তিনশত্রু\*অকস্মাত সীমান্ত\* সতর্ক শয়তান \*নীলছবি\*প্রবেশ নিষেধ পাগল বৈজ্ঞানিক\*এসপিওনাজ\*লাল পাহাড়\*হৃৎকম্পন\*প্রতিহিংসা\*হংকং সম্রাট কুটু়\*বিদায় রানা\*প্রতিদ্বন্দ্বী\*আকর্ষণ\*গ্রাস\*শৰ্পতরী\*পপ\*জিপসী \*আমিই রান সেই উ সেন\*হালো, সোহানা\*হাইজ্যাক\*আই লাভ ইউ, ম্যান\*সাগর কন্যা পালাবে কোথায়\*টাগেট নাইন\*বিষ\* নিঃশ্বাস\*প্রেতাভ্যা\*বন্দী গগল\*জিম্মি তষার যাত্রা\*স্বর্ণ সংকট\*সন্মুসিনী\*পাশের কামরা\*নিবাপদ কারাগার\*স্বর্গরাজ্য উদ্ধার\*হামলা\*প্রতিশোধ\*মেজের রাহত\*লেনিনগ্রাদ\*অ্যামবুশ\*আরেক বারমুড়া বেনামী\*বন্দর\*নকল রানা\*রিপোর্টার\*মরণযাত্রা\*বন্ধু\*সংকেত\*স্পর্ধা\*চালেঞ্জ শক্রপক্ষ\*চারিদিকে শক্র\*অগ্নিপুরুষ\*অঙ্ককার চিতা\*মরণ কামড়\*মরণ খেলা অপহরণ\*আবার সেই দৃঃশ্যপু\*বিপর্যয়\*শান্তিদৃত\*শ্বেত সন্তাস\*ছদ্মবেশী\*কালপ্রিট মৃত্যু আলিঙ্গন\*সময়সীমা মধ্যরাত\*আবার উ সেন\*বুমেরাং\*কে কেন কিভাবে মুক্ত বিহঙ্গ\*কুচক্র\*চাই সম্রাজ্য\*অনুপ্রবেশ\*যাত্রা অঙ্গু\*জুয়াভী\*কালো টাকা কোকেন সম্মাট\*বিমকন্যা\*সত্যবাবা\*যাত্রীর হাঁশিমার\*অপারেশন চিতা আক্রমণ '৮৯\*অশান্ত সাগর\*শ্বাপদ সংকুল\*দশন\*প্রলয় সঙ্কেত\*ব্র্যাক ম্যাজিক তিতি অবকাশ\*ডাবল এজেন্ট\*আমি সোহানা\*অগ্নিপথ\*জাপানী ফ্যানাটিক সাক্ষাৎ শয়তান\*গুপ্তঘাতক\*নরপিশাচ\* শক্র বিভীষণ \*অক শিকারী \*দুই নম্বর কম্পপক্ষ\*কালো ছায়া\*নকল বিজ্ঞানী\*বড় ক্ষুধা\*বণ্ডীপ\*রক্তপিদাস\*অপচ্ছায়া বৰ্যৰ্থ মিশন\*নীল দংশন\*সাউন্দিয়া ১০৩\*কালপুরুষ\*নীল বজ্র\*মৃত্যুর প্রতিনিধি কালকৃত\*অমানিশা\*সবাই চলে গেছে\*অনন্ত যাত্রা\*রক্তচোষা\*কালো ফাইল মাফিয়া\*হাইকসম্মুক্ত\*সাত রাজার ধন\*শ্বেষ চাল\*বিগব্যাঙ\*অপারেশন বসনিয়া টাগেট বাল্লাদেশ\*মহাপ্রলয়\*যুদ্ধবাজ\*প্রিসেস হিয়া\*মৃত্যুফাদ\*শয়তানের ধাঁচি ধৰ্মসের নকশা\*মায়ান ট্ৰেজাৰ \*বাঢ়ের পূর্বাভাস\*অক্রান্ত দৃতাবাস\*জন্মভূমি দুর্গম গিরি \*মুণ্ডযাত্রা \*মাদকচক্র\*শুনুনের ছায়া \*তুরুপের তাস \*কালসাপ গুডবাই, রানা\* সীমা লজন\*রন্ধুবড়\*কান্তার মুক\*কক্ষের বিষ\*বোস্টন জুলছে শয়তানের দোসর\*নরকের ঠিকানা\*অগ্নিবাণ\*কুহেলি রাত\*বিষাক্ত থাবা\*জনুশক্র মৃত্যুর হাতছানি\*সেই পাগল বৈজ্ঞানিক\*সার্বিয়া চক্রান্ত\*দুরভিসদ্বি\*কিলার কোবরা মৃত্যুপথের যাত্রী\*পালাও, রানা! \*দেশপ্রেম \*বৰ্তলালসা \*বায়ের খাঁচা সিক্রেট এজেন্ট \*ভাইরাস X-৭৭ \*মুক্তিপণ \*চাঁচে সঙ্কট \*গোপন শক্র মোসাদ চক্রান্ত \*চরসম্বাপ \*বিপদসীমা \*মৃত্যুবীজ \*জাতগোক্ষুর \*আবার ঘড়যন্ত্র, অক আত্মেশ \*অঙ্গু প্রহর \*কনকতরী \*স্বর্ণখন \*অপারেশন ইজৱাইল শয়তানের উপাসক \*হারানো মিগ \*ব্ৰাইস্ক মিশন\*টপ সিক্রেট\*মহাবিপদ\*সঙ্কেত \*সবুজ সঙ্কেত \*অপারেশন কাঞ্চনজহাঁ \*গাহীন অৱণ্য \*প্রজেক্ট X-১৫ অঙ্ককারের বন্ধু \*আবার সোহানা \*আরেক গড়ফাদাৰ \*অকপ্রেম \*মিশন তেল আবিব \*ক্রাইম বস্তু \*সুমেরুৰ ডাক \*ইশকাপনের টেকো কালো! নকশা \*কালান্ধিনী \*বেঙ্গলীন \*দুর্গে অন্তর্বীণ \*মুণ্ডকন্যা \*রেড ড্রাগন \*বিষচক্র \*শয়তানের দীপ\*মাফিয়া ডন \*হারানো আটলান্টিস :

**বিক্রয়ের শর্ত:** এই বইটি ভিন্ন প্রচ্ছদে বিক্রয় ভাড়া দেওয়া বা নেওয়া, কোনভাবে এবং সিডি, ডেরেক বা প্রত্যালোপ তৈরি বা প্রচার করা, এবং স্বত্ত্বাধিকারীর বিবিত অনুমতি দাত্ত এবং কেন ও অংশ মুদ্রণ বা ফটোকপি করা আইনত দণ্ডনীয়।

## এক

মিটিঙের পর সরাসরি নিজের অফিসে চলে এল নুমার অবৈতনিক স্পেশাল প্রজেক্ট ডিরেক্টর মাসুদ রানা। তাকে অভ্যর্থনা জানাল প্রাইভেট সেক্রেটারি সোফিয়া সালজার।

সুন্দরী অপরপা মেয়েটির ঠোঁটে মুক্ত ঝরা হাসি। এমন একটা শরীরের অধিকারিণী, লাস ভেগাসের শো গার্লরাও যা দেখে ঈর্ষা বোধ করবে। শুকনো খড় রঙ চুল, কাঁধের কাছে নেমে এসে সামান্য কোঁকড়া হয়ে বেঁকে আছে। দুনিয়াটাকে দেখছে হালকা হলুদাভ-চকলেট রঙের জাদুভরা চোখ দিয়ে। একা থাকে না সোফিয়া, মিয়াও নামে একটা কালো বিড়াল তার সঙ্গী, ডেটিং প্রায় করে না বললেই চলে।

মাসুদ রানা তাকে পছন্দ করে, তার প্রতি আকৃষ্টও বটে, তবে কঠোর শৃংখলা মেনে চলার কারণে সব সময় একটা দূরত্ব বজায় রাখে। কল্পনার চোখে প্রায়ই দেখতে পায় ওর বাহুবন্ধনে ধরা পড়েছে মেয়েটি, কিন্তু ওই পর্যন্তই; নিজের অধীনস্থ কোনও মেয়ের সঙ্গে ঘনিষ্ঠ না হওয়ার নীতি বরাবর আটুটাই থাকে। এ-ধরনের অনেক অ্যাফেয়ারকে মারাত্মক পরিণতি দেকে আনতে দেখেছে ও।

নুমার স্পেশাল প্রজেক্ট ডিরেক্টর পদটি রানার পিত্ত্প্রতিম বস্মেজর জেনারেল [অবসরপ্রাপ্ত] রাহাত খানের অত্যন্ত ঘনিষ্ঠ বন্ধু অ্যাডমিরাল জর্জ হ্যামিলটনের বিশেষ অনুরোধে গ্রহণ করতে হয়েছিল রানাকে।

একদিনে নয়, স্বায়ত্তশাসিত এই প্রতিষ্ঠানটির প্রতি ধীরে ধীরে ভালবাসা জন্মেছে রানার মনে। এখানে কাজ করে আনন্দ পায় ও। তার কারণও আছে। প্রথম কারণ এখানকার যানুষগুলো। প্রায় সবাই আমেরিকান হলেও, প্রত্যেকে তারা নিজ নিজ ক্ষেত্রে অন্যতম সেরা, সৎ, বিচক্ষণ আর মুক্তবুদ্ধির অধিকারী। জহুরি যেমন জহুর চিনে নিতে পারে, তেমনি নুমার জহুরতগুলোকে চিনে নিতে বেগ পেতে হয়নি ওর। একইভাবে আবার উল্টোটাও সত্যি, তারাও ঠিক চিনে নিয়েছে ওকে, জড়িয়ে নিয়েছে তাদের বিচিত্র কর্মকাণ্ডে।

আরেকটা কারণ, নুমায় রয়েছে স্টেট অভ দি আর্ট, অর্থাৎ অত্যাধুনিক ইকুইপমেন্ট-যা আর কোথাও নেই। এখানে অত্যন্ত সম্মানজনক একটি পদে থাকায় ওগুলো যখন খুশি ব্যবহার করতে পারছে রানা। আর যখনই ব্যবহার করছে তখনই নতুন কিছু না কিছু শিখছে। লেটেস্ট যন্ত্রপাতি ব্যবহার করতে গিয়ে নিজেকে ওর শুধু পশ্চাংপদ বাংলাদেশ নয়, গোটা পৃথিবীর নাগরিক বলে মনে হয়। এরকম একটা লোভনীয় সুযোগ ছেড়ে দেওয়ার কথা রানা ভাবতেই পারে না।

আর অ্যাডমিরাল হ্যামিল্টন ওকে শুধু বক্সুর প্রিয় শিষ্য বলে স্নেহ করেন না; বিশেষ কিছু গুণের কারণে তাঁর স্নেহ, ভালবাসা, এমনকী সমীহ পর্যন্ত আদায় করে নিয়েছে রানা। ওর সততা, নিষ্ঠা, নিজ দেশের প্রতি ভালবাসা ও তীক্ষ্ণ বুদ্ধিমত্তায় মুক্ত নুমার চিফ; কয়েকবার নিশ্চিত মৃত্যুর হাত থেকে তাঁকে রক্ষা করায় কৃতজ্ঞও। যে-কোনও ঠেকায় পড়লে প্রথমেই মনে আসে তাঁর রানার কথা।

‘এফবিআই-এর স্পেশাল এজেন্ট জিম প্যাটারসন ফোন করেছিলেন। তোমাকে কল ব্যাক করতে বলেছেন।’ রানার হাতে এক টুকরো কাগজ ধরিয়ে দিল সোফিয়া, তাতে প্যাটারসনের প্রাইভেট ফোন নম্বর লেখা। ‘আমাদের সরকারের সঙ্গে আবার

কিছু একটা বাধিয়েছ নাকি?’

নিঃশব্দে হাসল রানা, সোফিয়ার ডেস্কের দিকে ঝুঁকল যতক্ষণ না ওদের নাক পরস্পরের এক ইঞ্চির মধ্যে চলে আসে। ‘ওদের সঙে তো সারাক্ষণ বেধেই আছে সারা দুনিয়ার।’

সোফিয়ার দুই চোখে দুষ্টামির আলো ঝিক করে উঠল। ‘এখনও আমি অপেক্ষা করছি, টান দিয়ে বুকে তুলে নেবে আমাকে, তারপর প্লেনে করে তাহিতির কোন সৈকতে নিয়ে ফেলবে।’

‘ওরেক্বাপ!’ সিধে হয়ে নিরাপদ দূরত্বে সরে এল রানা, কারণ সোফিয়ার সেন্ট শ্যানেল-ফাইভ ওর ভিতরে অস্বাভাবিক অনুভূতির জন্ম দিচ্ছে। ‘শান্ত, ভদ্র কাউকে বিয়ে করে সংসার পাতছ না কেন? তা হলে তো আর আমার মত নোঙ্গর ছেঁড়া পরপুরুষকে জ্বালাতন করতে হয় না।’

‘শান্ত আর ভদ্ররা মজা জানে না।’

‘কে বলে মেয়েরা ঘরমুখো?’ দীর্ঘশ্বাস ফেলল রানা। ঘুরে নিজের চেম্বারে ঢুকল। ডেস্কের পিছনে রিভলভিং চেয়ারে বসে ডায়াল করল প্যাটারসনের নম্বরে।

‘ইয়েস?’ অপরপ্রান্ত থেকে একটু চড়া গলা ভেসে এল।

‘মিস্টার প্যাটারসন, মাসুদ রানা।’

‘ও, মিস্টার রানা, ধন্যবাদ,’ নরম হলো কণ্ঠস্বর। ‘ভাবলাম আপনাকে জানানো দরকার যে অ্যান্টার্কটিকা থেকে আপনি যে লাশটা নিয়ে এসেছেন সেটাকে আমাদের বুরো সনাক্ত করতে পেরেছে। কাল রাতে আপনি যে মেয়েটিকে ধরেছেন তার পরিচয়ও জেনেছি আমরা।’

‘বাহ, কাজ দেখছি বেশ দ্রুতই এগোচ্ছে।’

‘কতিতৃটা আমাদের নতুন কমপিউটারইজড আইডি ডিপার্টমেন্টের,’ ব্যাখ্যা করল এফবিআই এজেন্ট। ‘মেয়ে দুটোর পরিচয় জানতে মাত্র বিশ মিনিট লেগেছে আমাদের।’

‘বলুন, প্লিজ।’

‘সাবমেরিনে পাওয়া লাশটা কার্লা। আর কাল রাতে আপনি যাকে ধরেছেন তার নাম সাসনা।’

‘নিশ্চয়ই তারা যমজ।’

‘না, আসলে কাজিন। আমাদের যেটা অবাক করেছে, দু’জনই সাংঘাতিক ধনী পরিবারের মেয়ে, সেই সঙ্গে বিশাল একটা বাণিজ্যিক সাম্রাজ্যের প্রভাবশালী কর্মকর্তা।’

অফিসের জানালা দিয়ে বাইরে তাকিয়ে আছে রানা, তবে পটোম্যাক নদী বা ব্যাকগ্রাউন্ডে দাঁড়িয়ে থাকা ক্যাপিটল হিলকে দেখতে পাচ্ছে না। ‘তারা কি আর্জেন্টিনার ডেস্টিনি এন্টার-প্রাইজেসের সিইও হিউগো হারমানের কেউ হয়?’

প্যাটারসন এক মুহূর্ত পরে জবাব দিল, ‘দেখা যাচ্ছে আমার চেয়ে দুই ধাপ এগিয়ে আছেন আপনি, মিস্টার মাসুদ রানা।’

‘রানা।’

‘হ্যাঁ, রানা, ঠিক ধরেছেন আপনি। হিউগোর বোন কার্লা। সাসনা হলো হিউগোর কাজিন। আর ডেস্টিনি এন্টারপ্রাইজেস হলো পঁচিশটা পরিবারের একটা, পার্টনারশিপ ব্যবসা, হেডকোয়ার্টার বুয়েনাস আইরিসে। ফর্বস ম্যাগাজিন তাদের হিসেবে বলেছে ওদের অর্থ-সম্পদের পরিমাণ দুশো দশ বিলিয়ন মার্কিন ডলার।’

‘ঠিক রাস্তায় বসবাস করে না, কী বলেন?’

‘অথচ আমাকে কিনা বিয়ে করতে হয়েছে এক রাজমিস্ত্রির মেয়েকে।’

রানা বলল, ‘ঠিক বুঝতে পারছি না এরকম একটা ধনী মেয়ে কী কারণে ছিঁকে চোর হতে যাবে।’

‘জবাবটা পেলে আশা করি আমাকে আপনি জানাবেন।’

‘সাসনা। কোথায় সে?’ জিজ্ঞেস করল রানা।

‘বুরো চালায় এমন একটা ক্লিনিকে ওটা ড্রিউ স্ট্রিটে।

মাউন্ট ভারনন কলেজের উল্টোদিকে।'

'আমি তার সঙ্গে কথা বলব।'

'ব্যরোর তরফ থেকে আমি কোন সমস্যা দেখি না, তবে চার্জে থাকা ডাক্তারের অনুমতি নিতে হবে। ভদ্রলোকের নাম ডার্ক ফিলার। তাঁকে আমি জানিয়ে রাখছি আপনি যাচ্ছেন।'

'মেয়েটি এখন কেমন আছে?'

'জ্ঞান ফিরেছে। বেশ জোরেই মেরেছেন। আরেকটু হলে খুলিটা ফেটে যেত।'

'আমি মারিনি। নিজের মোটরসাইকেলের বাড়ি খেয়েছে।'

'যাই হোক, একটু কৌতুকের সুরে বলল প্যাটারসন। 'তার কাছ থেকে বেশি কিছু জানতে পারবেন বলে মনে হয় না। আমাদের সেরা ইন্টারোগেটরাও চেষ্টা করে ব্যর্থ হয়েছে। টাফ লেডি।'

'জানে কাজিন মারা গেছে?'

'জানে।'

'ব্যাপারটা ইন্টারেস্টিং হয়ে উঠতে পারে, ধীরে ধীরে বলল রানা।

'কী?'

'সাসনা যখন শুনবে অ্যান্টার্কটিকার পানি থেকে আমিই কার্লার লাশ উদ্ধার করে ওয়াশিংটনে নিয়ে এসেছি।'

ফোনটা রেখেই নুমা বিল্ডিং থেকে বেরিয়ে পড়ল রানা। ড্রিউ স্ট্রিটের ক্লিনিকটার কোনও নাম নেই। এফবিআই আর অন্যান্য জাতীয় সিকিউরিটি এজেন্সিগুলোই শুধু ব্যবহার করে এটা।

দালানটার পাশের পার্কিং লটে ঢুকল রানা, নুমার একটা মার্সিডিজ চালাচ্ছে। ওর পরিচয়-পত্র দেখতে চাওয়া হলো। সিকিউরিটি গার্ডরা ফোন করে নিশ্চিত হয়ে নিল কোন ভুল তথ্য দেওয়া হয়নি ভিতরে ঢোকার পর একজন কর্মচারী দেখিয়ে

দিল কোথায় পাওয়া ঘৰে ডষ্টের ডার্ক ফিলারকে ।

নাদুসন্দুস শৰীর, হাসিখুশি একজন মানুষ ডাঙ্গার ফিলার ।  
‘মাসুদ রানা?’ চেম্বারের দরজা দিয়ে ওকে ঢুকতে দেখে একটা ফাইল থেকে মুখ তুলে তাকাল ।

‘জিম প্যাটারসন ফোন করেছিলেন?’

‘তা না করলে তেতরে ঢুকতে পারতেন না ।’

‘দেখে তো মনে হলো আ ক্লিনিকে কোথাও কড়া পাহারা আছে ।’

‘একটা সাভেইলাস ক্যামেরার দিকে বাঁকা চোখে তাকান,  
তারপর দেখেন কী ঘটে ।’

‘মাথায় চোট লাগায়, ব্রেনের কোন ক্ষতি হয়নি তো  
মেয়েটির?’ কাজের কথা তুলল রানা ।

ফিলার মাথা নাড়ল । ‘কয়েক হণ্টার মধ্যেই একশো ভাগ  
মেরামত হয়ে যাবে । এত ভাল স্বাস্থ্য সাধারণত দেখা যায় না ।’

‘হ্যাঁ, খুব আকর্ষণীয়,’ বলল রানা ।

‘না, না, আমি চেহারার কথা বলছি না । ফিজিক্যালি আশ্চর্য  
একটা নমুনা সে । একা শুধু সে নয়, লাশটা সম্পর্কেও কথাটা  
সত্যি, যেটা অ্যান্টর্কটিকা থেকে এনেছেন আপনি ।’

‘এফবিআই বলছে ওরা কাজিন ।’

‘তা সত্ত্বেও, নিখুঁত জেনেটিক ম্যাচ.’ গভীর সূরে বললেন  
ডাঙ্গার ফিলার । ‘সত্যি কথা বলতে কি, বড় বেশি নিখুঁত ।’

‘কী রকম?’

‘পোস্টমর্টেম এগজামিনেশনের সময় ছিলাম আমি । পাওয়া  
তথ্যগুলো আরেক বিচানায় শুয়ে থাকা কাজিনের শারীরিক  
বৈশিষ্ট্যের সঙ্গে মেলালাম । শুধুমাত্র পারিবারিক সামঞ্জস্য নয়,  
তারচেয়ে অনেক বেশি কিছু রয়েছে এখানে ।’

‘শুনলাম কার্লার লাশটা এই ক্লিনিকে আছে ।’

‘তবে আর বলছি কী । বেয়মেন্ট মর্গে ।’

‘পারিবারিক সদস্যদের জিন, বিশেষ করে কাজিন হলে, হ্বহু এক রকম হতে পারে না?’ জিজ্ঞেস করল রানা।

‘অসম্ভব নয়, তবে অতি বিরল দৃষ্টান্ত,’ জবাব দিল ফিলার।

‘শোনা যায়, আমাদের প্রত্যেকেরই হ্বহু একই রকম দেখতে একটা করে ডুপ্পিকেট মানুষ দুনিয়ার কোথাও না কোথাও ঘুরে বেড়াচ্ছে।’

ফিলার হাসল। ‘যে লোকটা আমার মত দেখতে সৈমান্ত তাকে সাহায্য করুন।’

রানা জানতে চাইল, ‘তা হলে কী দাঁড়াচ্ছে?’

‘কয়েক মাস ধরে টেস্ট আর এগজামিন না করে ব্যাপারটা আমার পক্ষে প্রমাণ করা সম্ভব নয়, তবে আমি আমার সমস্ত সুনাম বাজি ধরে বলতে পারি-এই দুই তরণীকে, একজন জীবিত আর একজন মৃত, ডেভেলপ-অন্য কথায়, ম্যানুফ্যাকচার করা হয়েছে।’

একদৃষ্টে তাকিয়ে রয়েছে রানা। ‘আপনি নিশ্চয়ই অ্যান্ডরয়েড, অর্থাৎ মানুষের মত দেখতে রোবটের কথা বলছেন না?’

‘না, না।’ ফিলার হাত নাড়ল। ‘সেরকম উদ্গৃত কিছু নয়।’

‘ক্লোনিং?’

‘মোটেও না।’

‘তা হলে কী?’

‘আমার বিশ্বাস, কিছু জেনেটিক কারিগরি ফলান হয়েছে।’

‘তা কি সম্ভব?’ জিজ্ঞেস করল রানা, বিশ্বাস করতে পারছে না। ‘এ ধরনের কিছু অর্জন করবে, বিজ্ঞান বা টেকনোলজি’ কি ততটা উন্নতি করেছে?’

‘জেনেটিক ইঞ্জিনিয়ারিংরে মাধ্যমে প্রাণীর শরীর নিখুঁত করার জন্যে সারা দুনিয়ার অগণিত ল্যাবে অসংখ্য বিজ্ঞানী কাজ করছেন, তবে আমার জানামতে এখনও তাঁরা ইন্দুরকে নিয়ে

পরীক্ষা-নিরীক্ষার পর্যায়ে আছেন। আমি শুধু আপনাকে এটুকু বলতে পারি, কালুর মত অ্যাক্সিডেন্টে মারা না গেলে সাসনা একশো পঞ্চাশ বছর অনায়াসে বাঁচবে।'

'সন্দেহ আছে অতদিন আমি বাঁচতে চাই কিনা,' চিন্তিতভাবে বলল রানা।

'আমিও না,' বলল ফিলার, হেসে উঠল। 'অন্তত পুরানো এই খোলসের ভেতর নয়।'

'সাসনাকে আমি দেখতে যেতে পারি?'

মাথা ঝাঁকিয়ে চেয়ার ছাড়ল ফিলার। রানাকে নিয়ে অফিস থেকে বেরিয়ে একটা প্যাসেজ পেরাল। ক্লিনিকে ঢোকার পর ডাক্তার ফিলার ছাড়া আর মাত্র একজন কর্মচারীর সঙ্গে দেখা হয়েছে রানার। জায়গাটাকে অসন্তুষ্ট পরিচ্ছন্ন আর নির্জন।

একটা দরজার সামনে এসে থামল ওরা, আশপাশে কোন গার্ড নেই। ইলেক্ট্রনিক স্লটে একটা কার্ড ঢুকিয়ে কবাটে চাপ দিল ডাক্তার। দরজা খুলে গেল।

সাধারণ একটা হসপিটাল বেডে বসে রয়েছে মেয়েটি, মেটা গরাদ আর শক্ত তার লাগানো জানালা দিয়ে বাইরে তাকিয়ে। সাসনাকে এই প্রথম দিনের আলোয় দেখছে রানা। মৃত কাজিনের সঙ্গে তার মিল দেখে আরেকবার চমকাল ও। সেই খড় রঙের একই রকম চুল, সেই চোখ। বিশ্বাস করতে কষ্ট হচ্ছে ওরা শুধু কাজিন।

'মিস সাসনা,' বলল ডাক্তার, কঠস্বর নরম। 'এক ভদ্রলোক আপনার সঙ্গে দেখা করতে এসেছেন।' রানার দিকে ফিরে মাথা ঝাঁকালেন। 'আপনাদেরকে রেখে আমি চলে যাচ্ছি। খুব বেশি সময় নেবেন না, প্লিজ।'

কোন সমস্যা হলে ডাক্তারের সঙ্গে যোগাযোগের কী উপায় বলা হয়নি। তবে রানা নিশ্চিত যে ওদের প্রতিটি শব্দ আর নৃড়াচড়া শুধু মনিটর নয়, রেকর্ডও করা হচ্ছে।

বিছানার পাশে একটা চেয়ার টেনে এনে বসল রানা, প্রায় এক মিনিট কিছু বলল না, তাকিয়ে আছে একজোড়া চোখের দিকে, যে চোখের দৃষ্টি ওর মাথার ভিতর দিয়ে উল্টোদিকের দেয়ালে ঝুলে থাকা গ্যাল্ট ক্যানিয়নের ছবিতে নিবন্ধ বলে মনে হচ্ছে। তারপর বলল, ‘আমি মাসুদ রানা। জানি না তোমার কাছে এই নামের কোন তাৎপর্য আছে কিনা, তবে অ্যান্টার্কটিকায় পুরানো এক ইউ-বোটের কমান্ডারের সঙ্গে কথা বলার সময় মনে হয়েছিল আমার নামটা তার জানা আছে।’

চোখ দুটো একটু সরু হলো, ধরা যায় কি যায় না। তবে কথা বলছে না মেয়েটি।

‘ডুবে যাওয়া সাবমেরিনে নেমেছিলাম আমি, আবার বলল রানা। ‘তোমার কাজিনের লাশটা তুলে আনি আমরা। তুমি কি চাও ওটাকে বুয়েনাস আইরিসে হিউগোর কাছে পাঠাবার জন্যে পরিবহনের ব্যবস্থা করি আমি? নিশ্চয়ই হারমানদের নিজস্ব গোরস্থান আছে, কার্লাকে তোমরা সেখানেই কবর দিতে চাইবে?’

এবার সাড়া পেল রানা। মেয়েটির দৃষ্টি খুঁজে নিল ওকে। কঠিন চোখে ভাল করে দেখার পর রাগে ঠোট জোড়া পরস্পরের সঙ্গে চাপল; তারপর হিসহিস করে বলল, ‘তুমি! তুমিই সেই কালপ্রিট! তোমার জন্যেই কলোরাডোয় আমাদের লোকজন মারা গেছে!’

‘দেখা যাচ্ছে ডাক্তার ফিলার ভুল করেছেন। তুমি বোবা নও।’

‘তুমি তা হলে অ্যান্টার্কটিকাতেও ছিলে, যেখানে আমাদের সাবমেরিনটা ডুবে গেছে?’ জিজেস করল সাসনা, যেন ঠিক মেলাতে পারছে না।

‘কলোরাডোয় আমি যা কিছু করেছি, আত্মরক্ষার জন্যে! আর হ্যাঁ, তোমাদের সাবমেরিন ধ্বংস হবার সময় পোলার হোয়াইটে ছিলাম আমি তবে ওটা ডোবার জন্যে আমি দায়ী হারানো আটলান্টিস-২

নই। দোষ যদি কাউকে দিতেই হয়, ইউ.এস. নেভিকে দিতে পার। ওরা যদি সময় মত নাক না গলাত, তোমার কাজিন কার্লা আর তার বোম্বেটের দল নিরীহ একটা রিসার্চ শিপকে ডুবিয়ে দিত, খুন করত একশোরও বেশি ক্রু আর বিজ্ঞানীকে। কার্লার জন্যে আমাকে চোখের পানি ফেলতে বোলো না।'

'তুমি তার লাশ নিয়ে কী করেছ?' জবাব চাইল সাসনা।

'এখানেই আছে সেটা, ক্লিনিকের মর্গে,' বলল রানা।

কথাটা শুনে যতটা না চমকাল, তারচেয়ে যেন গভীর কোনও চিন্তায় পড়ে গেল সাসনা। তবে কিছু বলল না সে।

'শুনলাম লোকে বলছে তোমরা দুজন হয়তো একই শুঁটিতে বেড়ে উঠেছ,' বলল রানা।

'জেনেটিক্যালি আমরা ক্রটিহীন,' গর্ব আর জিদের সুরে বলল সাসনা। 'বাকি মানুষদের মত নই। আমাদের পঁচিশটা পরিবারের কেউই না।'

'সেটা কীভাবে সম্ভব?'

'এর জন্যে দরকার হয়েছে তিন প্রজন্মের সিলেকশন আর এক্সপেরিমেন্টেশন। আমার জেনারেশনের, আমাদের সবার রয়েছে ক্রটিহীন আদর্শ শরীর আর মেধাবী হৃবার মানসিক সক্ষমতা। আমরা শিল্প-সংস্কৃতিতে অত্যন্ত সৃষ্টিশীল প্রতিভার অধিকারী; তবে সবাই আমরা একরূপ দেখতে নই। আমি আর কার্লাই শুধু ব্যতিক্রম...'

'সত্যি?' রানার কথার সুরে বিদ্রূপ। 'অথচ এতদিন আমি ভেবে এসেছি আত্মীয়দের মধ্যে বিয়ে হলে তারা গর্ভ প্রসব করে।'

রানার দিকে দীর্ঘ কয়েক মুহূর্ত তাকিয়ে থাকল সাসনা, তারপর ঠোঁট বাঁকা করে হাসল। 'তোমার অপমানের চেষ্টা অর্থহীন। অল্প কদিনের মধ্যেই তুমি সহ এ-গ্রহের অন্য সমস্ত কল্যাণিত লোকজন মারা যাবে।'

কী প্রতিক্রিয়া হয় দেখার জন্য সাসনার চোখের দিকে  
তাকিয়ে রয়েছে রানা, কথা বলার সময় নির্লিপি দেখাল ওকে।  
‘ও, হ্যাঁ, একটা ধূমকেতু আসছে, দুনিয়াটাকে ধ্বংস করে দেবে।  
ওটারই এক সঙ্গী নয় হাজার বছর আগে আমিনিসদের ধ্বংস  
করেছিল। এ-সব এরই মধ্যে জেনে গেছি আমরা।’

সাসনার চোখের তারা কী এক অশ্ব কারণে যেন ক্ষীণ একটু  
বিক করে উঠল। অস্থি বোধ করল রানা। ওর সন্দেহ হলো  
আরও অনেক ভয়াবহ কোনও গোপন বিষয় জানা আছে তার।

‘লিপির অর্থ বের করতে কী রকম সময় নিল তোমাদের  
এক্সপার্টরা?’ শান্ত স্বাভাবিক সুরে জিজ্ঞেস করল সাসনা।

‘পাঁচ কী ছয় দিন।’

তাচ্ছিল্যের সঙ্গে বলল সাসনা, ‘আমাদের লেগেছে তিনদিন।’

রানা নিশ্চিত, মিথ্যে কথা বলছে মেঘেটি। তথ্য আদায়ের  
জন্য আরেকটা খোঁচা মারল ও। ‘তা তোমাদের পঁচিশ পরিবার  
কেয়ামত উপলক্ষে কোনও উৎসবের আয়োজন করছে না?’

ধীরে ধীরে মাথা নাড়ল সাসনা। ‘বোকার মত আনন্দ-উৎসব  
করার সময় কোথায়। আমাদের শ্রম আর মেধা ব্যয় হয়েছে  
বাঁচার কাজে।’

‘তোমারও কি তা-ই বিশ্বাস, কয়েক হণ্টার মধ্যে একটা  
ধূমকেতু আঘাত করবে?’

‘আমিনিসরা মহাকাশের যে চার্ট রেখে গেছে সেটা এত  
নিখুঁত যে তাদের প্রেডিকশন মিথ্যে বলে মনে কুরার কোন  
উপায় নেই,’ অহেতুক জোর দিয়ে বলল সাসনা, তারপর রানার  
মুখ থেকে চোখ নামিয়ে মেঝের দিকে-তাকাল।

রানার সন্দেহ আরও বাড়ল। ‘আমি ও তাই শনেছি।’

‘ইউরোপ আর আমেরিকার বেশ কিছু অ্যাস্ট্রনামারের সঙ্গে  
যোগাযোগ আছে আমাদের। আমিনিসদের ছকটা পরীক্ষা করেছে  
তারা। সবাই জানিয়েছে ধূমকেতুটির ফিরে আসার পথ আর

সময় আশ্চর্য নিখুতভাবে বর্ণনা করা হয়েছে তাতে।'

'আর এত বড় একটা খবর তোমাদের ক্লোন টাইপের পারিবারিক সদস্যরা নিজেদের মধ্যে চেপে রেখেছে, মানুষকে সাবধান করার প্রয়োজন বোধ করেনি,' কঠিন সুরে বলল রানা। 'এ-ও বোঝা যাচ্ছে যে তোমাদের সঙ্গে যোগাযোগ থাকাতেই আস্ট্রনমাররা মুখ খুলছে না। ডেস্টিনি পরিবারের অভিধানে পারোপকার শব্দটি নেই।'

'কী কারণে দুনিয়া জুড়ে আতঙ্ক ছড়াই?' কাঁধ ঝাঁকিয়ে বলল সাসনা। 'শেষ পর্যন্ত তাতে লাভটা কী হবে? তারচেয়ে মানুষকে কিছু না জানিয়ে মরতে দেয়াই ভাল। অন্তত মানসিক যন্ত্রণা থেকে তো বাঁচবে।'

'সত্য, এরকম দরদ খুব কমই দেখা যায়!'

'জীবন আর দুনিয়া যোগ্য লোকেদের, আর যারা প্ল্যান করতে জানে তাদের জন্যে।'

'অর্থাৎ ডেস্টিনি পরিবার, তাই তো? তা, কী প্ল্যান করলে তোমরা যে অযোগ্যরা মারা গেলেও তোমরা বহাল তবিয়তে বেঁচে থাকবে?'

'পঞ্চাশ বছরের বেশি হলো বেঁচে থাকার জন্যে প্ল্যান করছি আমরা,' বলল সাসনা। 'ডেস্টিনি পরিবার বন্যায় ভেসে যাবে না, আগন্তেও পুড়ে মরবে না। বিপর্যয় শুরু হলে সেটাকে আমরা সামাল দিতে পারব, পরবর্তী ধকল কাটাতেও কোন সমস্যা হবে না।'

'পঞ্চাশ বছর,' পুনরাবৃত্তি করল রানা। 'তখনই কি তোমরা আমিনিসদের একটা চেম্বার খুঁজে পেয়েছিলে, খোদাই করা লিপিসহ? যে লিপিতে বলা হয়েছিল ধূমকেতু আঘাত হানায় প্রায় বিলুপ্ত হয়ে যায় তারা?'

'হ্যা,' এক কথায় জবাব দিল সাসনা।

'সব মিলিয়ে তা হলে কটা চেম্বার?'

‘আমিনিসরা ছয়টার কথা বলে গেছে।’

‘ডেস্টিনি পরিবার কটা পেয়েছে?’

‘একটা।’

বুঝতে পারল রানা, সাসনা সত্যি কথা বলছে না। ‘আমরা পেয়েছি দুটো,’ বলল ও। ‘বাকি তিনটে কে জানে কোথায়!’

চোখে ক্রোধ আর ঘৃণা নিয়ে তাকিয়ে থাকল সাসনা, কিছু বলতে রাজি নয়।

‘ঠিক আছে, তুমি তা হলে অন্য একটা প্রশ্নের জবাব দাও। ডেস্টিনি পরিবার আমিনিসদের যে চেম্বারটা খুঁজে পেয়েছে সেটি কোথায়?’ আবার প্রশ্ন করল রানা।

হঠাতে সাসনার চোখের দৃষ্টি বদলে গেল। এমনভাবে তাকাল সে, রানা যেন তার করণার পাত্র। ‘আমিনিসদের খোদাই কুরা লিপি একটা মন্দিরে পাই আমরা। মন্দিরটা দাঁড়িয়ে ছিল তাদের একটা বন্দরনগরীর ধ্বংসাবশেষের মাঝখানে। এর বেশি তোমার আর জানার দরকার নেই, মিস্টার রানা। কারণ আর বেশি দেরি নেই, তোমাদের সবার দেহ একটা সাগরে ভেসে যাবে, এর আগে যে সাগরের কোন অস্তিত্ব ছিল না।’

কথাটা বলে চোখ বুজল সাসনা।

## দুই

ক্লিনিক থেকে শেষ বিকেলের দিকে বেরিয়ে এল রানা, সিদ্ধান্ত নিল নুমা হেডকোয়ার্টারে না ফিরে নিজের বাগানবাড়িতে খানিক বিশ্রাম নেবে।

ওর মার্সিডিজ হাইওয়েতে রোডে চলে এসেছে, এই সময়  
গ্লোবস্টার ফোন সংকেত দিল একটা কল এসেছে।

‘হ্যালো।’

‘হাই, লাভার বয়,’ কঠে উল্লাস নিয়ে বলল কংগ্রেস সদস্যা  
লরেলি।’

‘হাই!'

‘আজ রাতে কী করছ তুমি?’

‘ভাবছি নিজেই স্যামন ভেজে খাব, তারপর শাওয়ার সেরে  
চিভির সামনে বসে পড়ব-অনেক দিন হয়ে গেল অপরাহ  
উইনফ্রের কোন অনুষ্ঠান দেখি না।’

‘ব্যাচেলোররা দেখছি বড় একঘেয়ে জীবন কাটায়।’ খোঁচা  
মেরে বলল লরেলি।

‘জীবন নিরবচ্ছিন্ন রোমাঞ্চ হলেও সমস্যা ছিল।’

‘তা বটে।’ একজন এইড-এর প্রশ্নের জবাব দেয়ার জন্য  
কয়েক মুহূর্ত লাইনে থাকল না লরেলি, ফিরে এসে বলল,  
‘দুঃখিত। একজন ভোটার অভিযোগ করেছে, তার বাড়ির  
সামনের রাস্তায় গর্ত তৈরি হয়েছে।’

‘কংগ্রেস সদস্যারাও দেখছি একঘেয়ে জীবন কাটায়।’ হেসে  
উঠে ঝাল ঝাড়ুল রানা।

‘শুধু এরকম স্বাদু হবার জন্যে আজ তুমি আমাকে দ্য  
ডিকয়-এ ডিনার খাওয়াতে নিয়ে যাচ্ছ।’

‘তোমার রঞ্চির তারিফ করতে হয়,’ বলল রানা। ‘তবে এক  
মাসের বেতন খোয়াব আমি। তা উপলক্ষ্টা কী?’

‘আমার টেবিলে বেশ মোটাসোটা একটা ফাইল পড়ে  
রয়েছে। বুঝতেই পারছ, ডেস্টিনি এন্টারপ্রাইজেস সম্পর্কে।  
পড়তে প্রচুর সময় লাগবে তোমার।’

‘কথাটা কেউ তোমাকে বলেছে আগে: তুমি ভুল পেশা বেছে  
নিয়েছ?’

‘আমি আইন পাস করার জন্যে এতবার আমার আত্মা বিক্রি করেছি, কোন বেশ্যাও তার মক্কেলকে ততবার দেহ বিক্রি করেনি।’

‘দ্য ডিকয় সাধারণ কাউকে ঢুকতে দেয় না,’ বলল রানা।  
‘আশা করি টেবিল রিজার্ভ করেছ?’

‘ওখানকার শেফকে একবার বিশ্বী এক বিপদ থেকে রক্ষা করেছিলাম,’ বলল লরেলি। ‘বিশ্বাস করো, সবচেয়ে সেরা টেবিলটাই পাব আমরা। সাড়ে সাতটায় তুমি আমার বাড়ির গেট থেকে তুলে নেবে আমাকে।’

‘তুমি বললে ওরা কি আমাকে ওয়াইনে ডিসকাউন্ট দেবে?’

‘ইউ আর কিউট,’ নরম সুরে বলল লরেলি। ‘গুডবাই।’

টাই পরার মুড হয়নি রানার। লরেলির টাউন হাউসের সামনে মার্সিডিজ নিয়ে ঠিক সাড়ে সাতটায় হাজির হলো ও। ছে স্ন্যাকস পরেছে, গাঢ় নীল স্পোর্টস কোট, তার নীচে হলুদাভ-কমলা রঙের টার্টলনেক সোয়েটার।

পাঁচতলার ব্যালকনি থেকে দেখতে পেয়ে হাত নাড়ল লরেলি, নেমে এল তাড়াতাড়ি। একহারা গড়ন, সুন্দরী, সপ্তিতভ, লেস আর পুঁতির কাজ করা চারকোল রঙ কার্ডিগানে দারূণ মানিয়েছে, প্যান্টটা সামনের দিকে ভাঁজ করা আর কোটটা ইমিটেশন ফার। হাতে একটা ব্রিফকেস, ওটার চারকোল লেদার তার পরিচ্ছদের সঙ্গে মানিয়ে গেছে।

ফুটপাথে দাঁড়িয়েছে রানা, লরেলির জন্য মার্সিডিজের দরজা খুলে দিল।

‘দেখে ভাল লাগল, পৃথিবীতে এখনও কিছু ভদ্রলোক রয়ে গেছে,’ সকৌতুক হাসির সঙ্গে বলল লরেলি।

বুঁকে তার গালে চুমো খেল রানা। ‘আমি জানি তুমি কী পছন্দ করো।’

হোটেলটা মাত্র দু'মাইল দূরে, ক্যাপিটল বেল্টওয়ের ওপারে, ভার্জিনিয়ার ফেয়ারফ্যাক্স কাউন্টিতে।

দ্য ডিকয় মানে আন্তরিক ঘরোয়া পরিবেশে খাওয়াদাওয়ার স্বরূপীয় অভিজ্ঞতা। আঠারো শতকের একটা দালানে প্রতিষ্ঠিত, মালিক প্যারিস থেকে আসা একজন নামকরা শেফ। মরোক্কান স্টাইলের ডেকোরেশন আর ফার্নিচার দিয়ে সাজান হয়েছে ডাইনিং রুমটা, গাঢ় নীল আর সোনালি রঙে।

মাত্র বারোটা টেবিল, সার্ভ করে ছ'জন ওয়েটার। রানার বিশেষভাবে ভাল লাগে এখানকার শব্দ-নিরোধক আয়োজন। ভারি পরদা ছাড়াও দেয়ালে ভাঁজ করা কাপড়ের বাহুল্য কথাবার্তার সমস্ত আওয়াজ কমিয়ে অতি অল্পে নামিয়ে আনে। ছোট একটা প্রাইভেট অ্যালকোভে বসার পর লরেলিকে রানা জিঞ্জেস করল, ‘ওয়াইন না শ্যাম্পেন?’

‘কী দরকার জিঞ্জেস করার? তুমি জানো ভাল একটা কাবারনেই পেলে আমার মুড চলে আসে।’

এক বোতল মার্টিন রেই কাবারনেই সোভিজন অর্ডার দিল রানা-জিনিসটা সম্ভবত কালো আঙুর দিয়ে তৈরি সাদা ওয়াইন, কিংবা উল্টোটাও হতে পারে। চেয়ারে হেলান দিল ও, বলল, ‘হ্যাঁ, বলো, ডেস্টিনি এন্টারপ্রাইজেস সম্পর্কে কী জানতে পেরেছ?’

সামনে ঝুঁকে ব্রিফকেসটা খুলল লরেলি, ভিতর থেকে কয়েকটা ফোন্ডার বের করে টেবিলের তলা দিয়ে রানার কোলের উপর রাখল।

‘ডেস্টিনি এন্টারপ্রাইজেস পাবলিক রিলেশন্স-এ বিশ্বাসী নয়, বিশ্বাসী নয় প্রোমোশনাল প্রোগ্রাম অথবা অ্যাডভার্টাইজিং। তারা কখনও স্টক বেচেনি। তিন প্রজন্ম ধরে পঁচিশটা পরিবার এটার মালিক। তারা কিছু উৎপাদন করে না, করে না বিলিবন্টন, লাভ-ক্ষতির হিসেব কিংবা বাণসরিক রিপোর্ট। জানা কথা

এ-ধরনের গোপনীয়তা বজায় রেখে ইউরোপ, যুক্তরাষ্ট্র বা এশিয়ায় তারা ব্যবসা করতে পারত না। তবে আর্জেন্টিনা সরকারের সঙ্গে তাদের ভারি দহরম-মহরম, শুরু হয়েছে সেই দ্বিতীয় মহাযুদ্ধের পরপরই।'

ওয়াইন পরিবেশিত হলো। ইতিমধ্যে বেশ কয়েকটা পাতা পড়া হয়ে গেছে রানার। 'বলা নেই কওয়া নেই হঠাৎ উনিশশো সাতচল্লিশ সালে ডেস্টিনি যেন বাতাস থেকে জন্ম নিল,' বিস্মিত হয়ে বলল ও।

'ওই সময়ের বুয়েনস আইরিসের খবরের কাগজ পরীক্ষা করার জন্যে একজন রিসার্চারকে ভাড়া করি আমি। বাণিজ্য সংবাদে হারমান বা তার সঙ্গে সংশ্লিষ্টদের কারও নাম কোথাও ছাপা হয়নি। রিসার্চার শুধু বাজারে ছড়ানো গুজবটা 'রিপোর্ট' করেছে।'

'কী সেটা?'

'করপরেশনটা তৈরি করে নাঃসিদের ওপর মহলের কিছু কর্মকর্তা, আত্মসমর্পণের আগে যারা জার্মানি ছেড়ে পালিয়েছিল।'

'অ্যাডমিরাল হ্যামিলটন বলছিলেন বটে কিছু নাঃসি অফিসার আর চুরি করা প্রচুর সম্পদ ইউ-বোটে তুলে পাচার করা হয়। এই অপারেশনটার দায়িত্বে ছিল মার্টিন বোরম্যান।'

'বার্লিন লড়াইয়ের সময় না পালাতে গিয়ে মারা যায় সে?' জানতে চাইল লরেলি।

'অনেক পরে কিছু হাড় পাওয়া গিয়েছিল, তবে প্রমাণ করা যায়নি যে সেগুলো তারই।'

'কোথায় যেন পড়েছি দুনিয়ার সবচেয়ে বড় অমীমাংসিত রহস্য হলো জার্মান ট্রেজারির সম্পূর্ণ গায়েব হয়ে যাওয়াটা। একটা মার্ক বা এক রতি সোনাও কোথাও পাওয়া যায়নি। এমন কী হতে পারে যে বোরম্যান বেঁচে গিয়েছিল, দেশের সমস্ত লুঠ হারানো আটলান্টিস-২

করা সম্পদ দক্ষিণ আমেরিকায় সরিয়ে নেয় সে?’

‘সন্দেহের তালিকায় তার নামটাই সবার ওপরে,’ বলল রানা। আরও কিছু পাতা উল্টেপাল্টে দেখল, বিশেষ আগ্রহ বোধ করছে না। বেশিরভাগই খবরের কাগজের আর্টিকেল, ডেস্টিনি এন্টারপ্রাইজেসের বিজনেস ডিল রিপোর্ট করা হয়েছে, যেগুলো আকারে এত বড় যে গোপন করা সম্ভব ছিল না।

সবচেয়ে বড় প্রতিবেদনটি এসেছে সিআইএ-এর তরফ থেকে। তবে ডেস্টিনির বিভিন্ন তৎপরতা আর প্রজেক্টের শুধু তালিকাই তৈরি করেছে তারা, বিশদ কিছু ব্যাখ্যা করেনি।

‘দেখা যাচ্ছে কোনদিকেই হাত বাড়াতে ইতস্তত করে না,’ বলল রানা। ‘অনেকগুলো হাত, সেটাই বোধহয় কারণ। মূল্যবান পাথর, সোনা, প্লাটিনাম ইত্যাদি উৎপাদনের জন্যে দুনিয়ার অন্তত বিশ্বিষ্টা দেশে মাইনিং অপারেশন চালাচ্ছে। তাদের কমপিউটার সফটওয়্যার ডেভলপমেন্ট অ্যান্ড পাবলিশিং ডিভিশন বিখ্যাত মাইক্রোসফটের চেয়ে মাত্র চার ধাপ নীচে। দুনিয়ার বিভিন্ন দেশের অনেকগুলো অয়েল-ফিল্ড আজ তাদের হাতের মুঠোয়। ন্যানোটেকনোলজিতেও নেতৃত্ব দিচ্ছে।’

‘সেটা কী আমি ঠিক বুঝি না,’ বলল লরেলি।

রানা কিছু বলার আগে অর্ডার নেওয়ার জন্য ওয়েটারকে এগিয়ে আসতে দেখা গেল। ‘আজ তোমার কী পছন্দ?’ জিজ্ঞেস করল ও।

‘তোমার টেস্ট-এর ওপর আমার আস্থা আছে,’ মৃদু কণ্ঠে বলল লরেলি। ‘খাওয়াচ্ছ যখন, আমার অর্ডারটাও তুমিই দাও।’

মেনুর কোর্সগুলো ফ্রেঞ্চ ভাষায় উচ্চারণ করার বিড়ম্বনা এড়িয়ে গেল রানা, যা বলল সব ইংরেজিতে। ‘প্যাট দাও, ট্রাফেল সহ; তারপর ভিশিসোয়ায়। মেইন কোর্স, লেডির জন্যে, র্যাবিট সুট, হোয়াইট ওয়াইন সসে ডোবানো। আর আমার জন্যে, ব্রাউন বাটার সস দিয়ে সুইটব্রেড।’

ওয়েটার ফিরে যেতে লরেলির দিকে তাকাল রানা। ‘কোথায় যেন ছিলাম আমরা? ও, হ্যাঁ, ন্যানোটেকনোলজি। অল্প যেটুকু জানি আমি, ন্যানোটেকনোলজি হলো নতুন একটা বিজ্ঞান, যে বিজ্ঞানের কাজ হলো অ্যাটমের বাঁধনকে নিয়ন্ত্রণের চেষ্টা করা, যার ফলে প্রাকৃতিক নিয়মের ভেতর যা কিছু সম্ভব সব বানিয়ে ফেলা যাবে। মানুষের শরীরের ভেতর মলিকিউলার মেরামত করা সম্ভব হবে। সে যে জিনিসই হোক না কেন, সন্তায় মানসম্মত উৎপাদনে কোন সমস্যা থাকবে না। অবিশ্বাস্য ছেট আকারের মেশিন তৈরি হবে, যেগুলো নিজেদের হৃবহু নকল তৈরি করতে পারবে; ওগুলোয় ভরে দেয়া হবে ফুয়েল, ওষুধ, ধাতব পদার্থ, বিল্ডিং প্রোডাক্ট ইত্যাদি তৈরি করার প্রোগ্রাম, সাধারণ টেকনোলজির সাহায্যে যা সম্ভব নয়। শুনেছি মেইনফ্রেম কমপিউটরকে একটা কিউবিক মাইক্রন-এর আকার দেয়া সম্ভব। ন্যানোটেকনোজিকে বলা হচ্ছে ভবিষ্যতের তরঙ্গ।’

‘শুনতে ফ্যান্টাস্টিক লাগছে!’

‘পরবর্তী ত্রিশ বছরে এর যে কতটুকু উন্নতি হবে, ভাবতে গেলে মাথাটাই বিগড়ে যেতে চায়।’

‘অ্যান্টার্কটিকায় ডেস্টিনি প্রজেক্ট সম্পর্কে যে ফাইল রয়েছে, সেটা পড়লেও ব্যাপারটা ঘটতে পারে,’ বলল লরেলি। ‘ফোল্ডারের নাম্বার ফাইভ-এ।’

‘হ্যাঁ, দেখেছি,’ জানাল রানা। ‘সাগরে মাইনিং করার বিশাল এক ফ্যাসিলিটি। তারাই প্রথম সাগরের পানি থেকে মূল্যবান ধাতব পদার্থ বের করে আনতে সফল হয়েছে।’

‘শোনা যাচ্ছে ডেস্টিনির ইঞ্জিনিয়ার আর বিজ্ঞানীরা একটা মলিকিউলার ডিভাইস তৈরি করেছে, যেটা নাকি সাগরের পানি থেকে ধাতব পদার্থ, এই যেমন সোনাকে, আলাদা করতে পারে।’

‘জানা দরকার: প্রোগ্রামটা কি সফল হয়েছে?’

‘পুরোপুরি সফল হয়েছে,’ জানাল লরেলি। ‘সিআইএ-র সংগ্রহ করা সুইস ডিপোজিটরি রেকর্ড অনুসারে-আমি ওদেরকে এক হাজার বাইবেলের দোহাই দিয়ে কথা দিয়েছি তথ্যটা সম্পূর্ণ গোপন থাকবে—সুইস ভল্টে ডেস্টিনির যত সোনা জমা আছে, তার পরিমাণ ফোর্ট নম্ব-এর চেয়ে খুব একটা কম নয়।’

‘সোনা সংগ্রহের মাত্রা নির্ধারিত একটা সীমায় বেঁধে রাখতে হবে, তা না হলে বাজারদর পড়ে যাবে।’

‘আমার সূত্র অনুসারে ডেস্টিনির ম্যানেজমেন্ট এখনও এক আউন্স সেনাও বেচেনি।’

‘কী উদ্দেশ্যে এত বিপুল পরিমাণ সোনা মওজুদ করছে তারা?’

কাঁধ ঝাঁকাল লরেলি। ‘কী করে বলি?’

‘হয়তো অল্প অল্প করে গোপনে বেচে, বাজার দর যাতে পড়ে না যায়। জানে বাজারে টনকে-টন সোনা ছাড়লে লাভ করতে পারবে না।’

ওদের প্যাটিস আর ফাঙ্গাই নিয়ে হাজির হলো ওয়েটার। এক চামচ ইউরেনিয়ান ফাঙ্গাস মুখে দিয়ে চেহারাটাকে স্কৃতজ্ঞ করে তুলল লরেলি। ‘দিস ইজ ওয়াভারফুল।’

‘হ্যাঁ, সত্যি ভাল,’ একমত হলো রানা।

নিঃশব্দে প্যাটিস-এর স্বাদ নিচ্ছে ওরা। তবে খানিক পরেই আবার কাজের কথা শুরু হলো। লরেলি জানাল, ‘যুদ্ধের পর থেকে নিও-নার্থসি আন্দোলন সম্পর্কে সিআইএ প্রচুর তথ্য সংগ্রহ করেছে, তবে এমন কোন আভারগ্রাউন্ড ষড়যন্ত্রের কথা জানতে পারেনি যেটার সঙ্গে ডেস্টিনি এন্টারপ্রাইজেস বা হারমান পরিবারের সম্পর্ক আছে।’

‘তবে,’ একটা ফাইলে টোকা দিয়ে বলল রানা, ‘এটা থেকে জানা যাচ্ছে নার্থসিদের লুঠ করা বিপুল সম্পদ অস্ট্রিয়া, বেলজিয়াম, নরওয়ে, ফ্রান্স আর নেদারল্যান্ড থেকে ইউ-বোটে

করে আর্জেন্টিনায় আনা হয়েছিল যুদ্ধের পর।'

'বেশির ভাগই ডলারে রূপান্তর করে সেন্ট্রাল ব্যাঙ্কের মাধ্যমে গোপন অ্যাকাউন্টে সরিয়ে ফেলা হয়।'

'কার নামে?'

'কার আবার, ডেসটিনি' এন্টারপ্রাইজেসের। সবকিছুর মালিক, সেই উনিশশো সাতচল্লিশ সাল থেকেই, ওই পঁচিশটা পরিবার। গত চুয়ানু বছরে ডেসটিনি বলতে গেলে আর্জেন্টিনার মালিক বনে গেছে। গ্লোবাল ইকনমিতে তাদের প্রভাব কম নয়। বিশ্ব ব্যাঙ্কের অনেক বড় পদ দখল করে আছে তারা। আমার এক এইড-এর ইনফরমার জানিয়েছে, মার্কিন কংগ্রেসের নির্বাচনেও মোটা অঙ্কের টাকা খরচ করে ওরা। বোধহয় সেজনেই ডেসটিনি এন্টারপ্রাইজেসের বিরুদ্ধে কোন সরকারী তদন্ত শুরুই হতে পারেনি।'

'এখানে বলা হয়েছে,' আবার একটা ফাইলে টোকা দিল রানা। 'হোয়াইট হাউসেও ঢুকেছিল তাদের শুঁড়...'

একটা হাত তুলল লরেলি। 'আমার দিকে তাকিয়ো না। আমার নির্বাচনী ফান্ডে ডেসটিনির একটা পয়সাও জমা পড়েনি।'

চতুর শিয়ালের মত ভঙ্গি করে তাকাল রানা। 'সত্যি?'

টেবিলের তলা দিয়ে রানার পা মাড়িয়ে দিল লরেলি। 'র্থামাও এ-সব। তুমি খুব ভালভাবেই জানো আমি কী প্রকৃতির মেয়ে। কংগ্রেসের সবচে সম্মানিত সদস্যার সঙ্গে বন্ধুত্ব রয়েছে তোমার।'

'সুন্দরতমও বটে।'

ওদের সামনে ভিশিসোয়ায় পরিবেশিত হলো। সেটার স্বাদ নেওয়ার ফাঁকে ওয়াইনের প্লাসে চুমুক দেওয়াও চলছে।

'দেখা যাচ্ছে পাইকারী মানুষ খুন, অন্যায় যুদ্ধ ইত্যাদির সাহায্যে নার্সিসেরা যা কিছু অর্জন করতে পারেনি সেগুলো জয় করছে আর্থিক ক্ষমতা দিয়ে,' বলল লরেলি।

‘ডেসটিনি পরিবার বোঝে আর্থিক ক্ষমতা রাজনৈতিক ক্ষমতা লাভের উপায় সহজ করে দেয়। যে-কোন জিনিস কেনার সামর্থ্য আছে তাদের। একমাত্র প্রশ্ন হলো, কোন দিকে যাচ্ছে তারা।’

‘কাল রাতে যে মেয়েটিকে ধরলে তুমি, তার কাছ থেকে কিছু জানতে পারলে?’

‘সে বলছে, এই তো সামনেই কেয়ামত। গোটা মানবজাতি, শুধু ডেসটিনি পরিবারগুলো বাদে, একটা ধূমকেতুর আঘাতে ধ্বংস হয়ে যাবে।’

‘তুমি সেটা বিশ্বাস করছ না?’ জানতে চাইল লরেলি।

‘তুমি করো?’ পাল্টা প্রশ্ন করল রানা। ‘এরকম এক হাজারটা কেয়ামত এসেছে আর গেছে, কোথাও কোন আলোড়ন ওঠে না। ডেসটিনি কেন যে ব্যাপারটাকে এভাবে ছড়াচ্ছে সেটা আমার কাছে একটা রহস্য।’

‘তাদের বক্তব্যের ভিত্তা কী?’

‘আমিনিস নামে পরিচিত প্রাচীন একটা জাতিগোষ্ঠীর প্রেডিক্শন।’

‘অবশ্যই তুমি সিরিয়াস নও,’ বলল লরেলি, হতভম। ‘ডেসটিনির মত চতুর ব্যবসায়ীদের একটা গ্রন্থ কয়েক হাজার বছরের পুরানো একটা মিথকে বিশ্বাস করছে?’

‘এটা শুধু ডেসটিনি পরিবারের কথা নয়। ভারত মহাসাগর আর কলোরাডোয় আমরা যে চেম্বার পেয়েছি, ওগুলোর পাথরেও এই সতর্কবাণী খোদাই করা আছে।’

‘অ্যাডমিরাল হ্যামিলটন টেলিফোনে সংক্ষেপে জানিয়েছেন তোমাদের আবিষ্কার সম্পর্কে, তবে তুমি এখনও কিছু জানাওনি আমাকে।’

‘সুযোগ পেলাম কখন?’ হাত নেড়ে অসহায় একটা ভঙ্গি করল রানা।

‘তোমার সঙ্গে আমার এই সম্পর্কের মধ্যে একটা, শংখলা

ফিরিয়ে আনা দরকার।’

‘কে জানে, আদৌ তুমি তার সময় পাবে কিনা! যারা গ্রহণ  
আর ধূমকেতুর ওপর চোখ রাখে তারা কী বলে দেখো।’

সুপের ডিশ সরিয়ে নিয়ে গিয়ে তার জায়গায় স্টু করা র্যাবিট  
আর সুইটব্রেড পরিবেশন করল শেফ। মুখভর্তি খরগোশের মাংস  
নিয়ে লরেলি বলল, ‘দারুণ তো! র্যাবিট ফার্স্ট ক্লাস চয়েস ছিল।’

রানার চোখে-মুখে উল্লাস। ‘ওস্তাদ কোনও শেফ যখন  
সুইটব্রেড সার্ভ করে, প্রতিটি কামড়ের সঙ্গে মধুর সঙ্গীত বাজে  
আমার কানে। সস্টা যেন...বিরাট কোন বিজয়।’

‘আমার র্যাবিট একটু চেখে দেখবে?’ জিজ্ঞেস করল লরেলি,  
প্লেটটা বাড়িয়ে ধরল।

‘তুমি কি আমার সুইটব্রেড খাবে?’

‘না, ধন্যবাদ,’ বলল লরেলি, নাক কঁচকাল। ‘ভেতরের  
অঙ্গ-প্রতঙ্গ আমাকে তেমন টানে না।’

সবশেষে ছাড়ানো পিচ আর রাসবেরি পুরির অর্ডার দিল  
রানা। সঙ্গে থাকল রেমি মার্টিন ব্র্যান্ডি। আবার ওদের আলোচনা  
শুরু হলো।

‘ডেস্টিনি পরিবারের অনেক কিছুই আমি মেলাতে পারছি  
না,’ বলল রানা। ‘এত বিপুল সম্পদ গড়ে তোলার দরকার ছিল  
কী, যখন জানেই একটা ধূমকেতু তাদের অর্থনৈতিক  
সাম্রাজ্যকে ধ্বংস করে দিতে আসছে?’

‘তারা হয়তো ভাবছে বিপর্যয়টা কাটিয়ে উঠতে পারবে,’  
গ্লাসে ছেট্ট একটা চুমুক দিয়ে বলল লরেলি।

‘সাসনা হারমান আর কলোরাডোঁ তাদের এক খুনি এ-  
ধরনের একটা কথা বলেছে বটে,’ বলল রানা। ‘কিন্তু সবাই  
যেখানে মারা যাবে সেখানে ওরা কীভাবে বাঁচার কথা ভাবছে?’

‘আঠারো নম্বর ফাইলে চোখ বুলিয়েছ?’ জিজ্ঞেস করল  
লরেলি।

সঙ্গে সঙ্গে জবাব না দিয়ে ফোন্ডারগুলো নাড়াচাড়া করল  
রানা। ‘আঠারো’ লেখা ফাইলটা খুলে পড়ল। তিনি মিনিট পর  
মুখ তুলে সরাসরি লরেলির চোখে তাকাল। ‘এটা কি যাচাই করা  
হয়েছে?’

মাথা ঝাঁকাল লরেলি। ‘এ যেন নৃহ নবী নৌকার একটা বহর  
বানিয়েছে।’

‘চারটে প্রকাণ্ড জাহাজ,’ ধীরে ধীরে বলল রানা। ‘প্রকাণ্ড  
বললেও ঠিক বোঝা যায় না। প্রথমটা এত বড়, যেন গোটা  
একটা প্যাসেজার লাইনার, গোটা একটা শহরকে জায়গা দেয়া  
যাবে। একেকটা হয় হাজার ফুট লম্বা। পনেরোশো ফুট চওড়া।  
বত্রিশতলা উঁচু। পানি সরায় সাড়ে তিনি লাখ টন।’ মুখ তুলল  
ও। ‘শুনলে অবাক হতে হয়, তবে প্র্যাকটিকাল বলা যায় না।’

‘বাকিটা পড়ো,’ বলল লরেলি।

‘এই মন্ত সমুদ্রগামী জাহাজে বড়সড় হাসপাতাল, স্কুল-  
কলেজ, এন্টারটেইনমেন্ট সেন্টার, খেলার মাঠ, সিনেমা হল...কী  
নেই? আপারডেকে এয়ারপোর্ট, জাহাজের দৈর্ঘ্যকে ছাড়িয়ে লম্বা  
হয়ে আছে রানওয়ে। রানওয়ের ওই বাড়তি অংশে হেলিকপ্টার  
আর জেট এয়ারক্রাফটের দুটো ঝাঁককে জায়গা ছেড়ে দেয়া  
হয়েছে। লিভিং কোয়ার্টার আর অফিস ফ্যাসিলিটিতে জায়গা  
পাবে পাঁচ হাজার প্যাসেজার আর ক্রু।’ অবিশ্বাসে মাথা নাড়ে  
রানা। ‘অত বড় একটা জাহাজে পদ্ধতি হাজার লোকের জায়গা  
হওয়া উচিত।’

‘আসলে, তার দ্বিতীয়,’ বলল লরেলি। ‘বাকি তিনটে চেক  
করো।’

আবার পড়ল রানা। ‘সেগুলোও বিশাল আকারের। একটা  
কার্গো আর মেইনটেন্যান্স ভেসেল। এটার মধ্যে তোলা হয়েছে  
দুনিয়ার মেশিনারি আর ঝাঁক-ঝাঁক গাড়ি। বড় একটা জায়গা  
ছেড়ে দেয়া হয়েছে ম্যানুফ্যাকচারিং ফ্যাসিলিটিকে। দ্বিতীয়টায়

হয়েছে সত্যিকার একটা চিড়িয়াখানা...’

‘দেখো,’ বাধা দিয়ে বলল লরেলি, ‘নৃহ নবীর আয়োজনের  
সঙ্গে কেমন মিলে যাচ্ছে।’

‘শেষ ভেসেল একটা সুপারট্যাংকার, তেল আর গ্যাস ছাড়াও  
অন্যান্য ফুর্যেল ভরার জন্যে!’ ফোন্ডার বন্ধ করে লরেলির দিকে  
তাকাল রানা। ‘ড্রাইং বোর্ড এরকম জাহাজ আঁকা হয় বলে  
শুনেছি, তবে সত্য তৈরি করা হয়েছে কিনা আমার জানা নেই।’

‘কীভাবে কী করা হয়েছে শোনো। খোলটা কয়েক ভাগে  
তৈরি, টৌ করে নিয়ে যাওয়া হয়েছে চিলির দক্ষিণ প্রান্তে,  
ডেস্টিনি এন্টারপ্রাইজেসের নিজস্ব একটা নির্জন ইনলেট-এ।  
ওখানে এক্সট্রিমিয়ার সুপারস্ট্রাকচার আর ইন্টিরিয়ার বিল্ড-আউট  
বানানো হয়েছে। আশা করা হচ্ছে, প্যাসেঞ্জার আর ক্রুদের  
সম্ভাব্য সমস্ত চাহিদা পূরণ করা যাবে-একটানা বিশ বছর।’

‘ভেসেলগুলো দেখতে যায়নি কেউ? দুনিয়ার সবচেয়ে বড়  
সমুদ্রগামী জাহাজ, নিউজ মিডিয়াতে কিছুই লেখা হলো না?’

‘শিপইয়ার্ড সম্পর্কে সিআইএ-র রিপোর্টটা পড়ো,’ বলল  
লরেলি। ‘গোটা এলাকা কড়া পাহারা দিয়ে নিশ্চিন্দ করে রেখেছে  
ওদের সিকিউরিটি গার্ডদের একটা বাহিনী। বাইরের কেউ  
চুক্তে বা ভেতরের কেউ বেরুতে পারে না। শিপইয়ার্ড-  
শ্রমিকরা, পরিবারসহ, কাঁটাতারের বেড়া দিয়ে ঘেরা একটা  
জায়গায় থাকে, শিপইয়ার্ড কিংবা জাহাজ ছেড়ে কোথাও যেতে  
পারে না। ইনলেটটাকে ঘিরে রেখেছে আন্দেজ পাহাড়সহ  
একশো দ্বিপ আর একজোড়া পেনিনসুলা। ইনলেটে ঢোকার বা  
বেরন্বার উপায় হলো শুধু সাগর আর আকাশ পথ।’

‘সিআইএ হালকাভাবে তদন্ত করেছে, তারা ডেস্টিনি  
এন্টারপ্রাইজেসের গভীরে ঢোকেনি।’

ব্র্যান্ডির গ্লাসে শেষ চুমুকটা দিল লরেলি। ‘একজন এজেন্ট  
আমার অফিসকে ত্রিফ করার দায়িত্ব পেয়েছিল. তার ব্যাখ্যা  
হারানো আটলান্টিস-২

হলো, যুক্তরাষ্ট্রের বিরুদ্ধে কোন হৃষিকি মনে না হওয়ায় ব্যাপারটাকে গুরুত্বের সঙ্গে নেয়নি তারা।'

'ইরাকও তো যুক্তরাষ্ট্রের জন্যে কোন হৃষিকি ছিল না,' বলল রানা। 'তারপরও হামলা করা হলো কেন, ওরা মুসলমান বলে?'

'একবার তো বলেছি, প্রেসিডেন্ট বুশের এটা একটা অন্যায় যুদ্ধ। দুঃখও প্রকাশ করেছি। তারপরেও খোঁচা মারবে?'

রেন্টেরাঁর পাঁচিল টপকে দূরে চলে গেল রানার দৃষ্টি। 'বছর কয়েক আগে আমি আর ববি চিলির ওদিকটায় একটা কাজে গিয়েছিলাম। দ্বীপ আর চ্যানেলগুলোর কথা বেশ মনে পড়ে। চ্যানেলগুলো কিন্তু এত চওড়া আর গভীর নয় যে অমন প্রকাণ্ড আকারের জাহাজ ভাসানো যাবে।'

'গুলোকে হয়তো সাত-সাগরে ভাসানোর জন্যে তৈরি করা হয়নি,' বলল লরেলি। 'বিপদের সময় শুধু আশ্রয় নেয়া হবে।'

'শুনতে কেমন যেন লাগলেও, বোধহয় তোমার কথাই ঠিক,' বলল রানা। 'দুনিয়া ধ্বংস হয়ে যাচ্ছে, এর ওপর বাজি ধরে বিলিয়ন বিলিয়ন ডলার খরচ করছে ডেস্টিনি পরিবার।'

রানাকে শান্ত আর অন্যমুনক্ষ হয়ে উঠতে দেখে নিঃশব্দে টেবিল ছেড়ে লেডিস রুমের দিকে চলে গেল লরেলি।

ব্যাপারটা মেনে নেওয়া কঢ়িন বলে মনে হলেও, এখন রানা বুঝতে শুরু করেছে ডেস্টিনি পরিবারের শেষ কয়েকটা প্রজন্মের ওপর কী কারণে জেনেটিকাল কারিগরি ফলানো হয়েছে।'

বুড়ো যে-সব নার্সি জার্মানি ছেড়ে পালিয়েছিল তারা তো কবেই মারা গেছে, কিন্তু নিজেদের বদলে তারা রেখে গেছে পঁচিশটা পরিবারের 'উন্নত' একদল মানুষকে। তারা এতটাই শক্তিশালী যে আসন্ন বিপর্যয়টা সহজেই কাটিয়ে উঠতে পারবে। আর তারপর দখল করবে খালি হয়ে যাওয়া দুনিয়াটাকে। গড়ে তুলবে নতুন একটা সমাজ, যেখানে সবাই হবে যোগ্য আর মেধাবি।

## তিনি

গভীর গিরিখাদের কালচে-মেটে রঙের পাহাড়-প্রাচীর দৈত্যাকার ছায়ার মত মাথা তুলেছে, তারপর হারিয়ে গেছে রাতের অঙ্ককার আকাশে। নীচে গ্রেসিয়ারের নীলচে-সাদা বরফ কোথাও ঝিলমিল করছে, আবার কোথাও থেকে প্রতিফলিত হচ্ছে দুই-তৃতীয়াংশ চাঁদের আলো।

১১,৮০০ ফুট সেরো মুরালন-এর তুষার ঢাকা চূড়া দক্ষিণ আন্দেজের পশ্চিম ঢালগুলোকে ছাড়িয়ে উঁচু হয়েছে, তারপর খাড়া হয়ে নেমেছে সাগরের দিকে, ওটার গভীর কোল ভরে উঠেছে প্রাচীন সব গ্রেসিয়ারে।

রাতটা পরিছন্ন, ঝকঝকে; চাঁদ আর তারার আলোয় উন্মোচিত হলো দৃশ্যটা-গিরিখাদের বিপজ্জনক পাঁচিল ধরে ছোট একটা ভেহিকেল ছুটে আসছে, যেন মরু এলাকার ক্যানিয়নে খাবার খুঁজে বেড়াচ্ছে একটা বাদুড়।

জায়গাটা দক্ষিণ গোলার্ধে পড়েছে, তাই উপরের দিকটায় এরইমধ্যে শুরু হয়ে গেছে হালকা তুষারপাত। এবড়োখেবড়ো ঢাল ধরে সারি সারি কনিফার ঝোপের মিছিল অনেক দূর উঠে গেছে, থেমেছে টিমবার লাইনে, ওখান থেকে বাকি ঢাল সেই চূড়া পর্যন্ত শুধুই নগু পাথর। চারদিকে কোথাও মানুষের তৈরি কোনও আলোর চিহ্ন নেই। রানা কল্পনা করছে, দিনের আলোয় দৃশ্যটা নিশ্চয়ই শ্বাসরঞ্জকর হবে, তবে রাত দশটায় খাড়া হারানো আটলান্টিস-২

পাহাড় প্রাচীর আর উঁচু-নিচু ঢাল যেমন অঙ্ককার তেমনি  
বিপজ্জনক।

ওদের মোলার এম৪০০ স্কাইকার একটা চেরোকি জিপের  
চেয়ে খুব বড় নয় আকারে, তবে ফ্লাইটের সময় বড় প্লেনের  
মতই অচপ্পল থাকতে পারে, অন্যায়সে ল্যান্ড করতে পারে  
শহরের রাস্তাঘাটে, পার্ক করে রাখা যায় একটা আবাসিক  
গ্যারেজে। ঢালু, মোচাকৃতির বো খানিকটা রকেটের আদল  
দিয়েছে ওটাকে।

দুই পাশে এক জোড়া করে চারটে কাউন্টার-রোটেটিং  
ইঞ্জিন থাকায় জ্বলিত থেকে হেলিকপ্টারের মত খাড়া ভাবে  
আকাশে উঠতে পারে। স্পিড ষটায় তিনশো মাইল। উপরে  
ওঠার সর্বোচ্চ সিলিং ত্রিশ হাজার ফুট। প্যাসেঞ্জারদের  
নিরাপত্তার কথা ভেবে প্যারাশুটের ব্যবস্থাও রাখা হয়েছে।

স্কাইকারটা অটো-পাইলট চালায়। চারটে মনিটরে দেখা যায়  
কোথায় রয়েছে ওরা, কোনদিকেই বা যাচ্ছে। নব ঘুরিয়ে নির্দেশ  
দিলে স্কাইকার তা সঙ্গে সঙ্গে পালন করে।

ককপিটের বাইরে খুব বেশি কিছু দেখতে পাচ্ছে না রানা।  
পাশের সিটে বসা বন্ধুবর ববি মুরল্যান্ড তার স্বভাব অনুসারে  
ঘুমিয়ে পড়ছে কিনা বোঝা যাচ্ছে না, তবে চোখ বুজে হেলান  
দিয়ে আছে সিটে। ড্রাইসুটের ভিতর দু'জনেই ঘামছে ওরা।  
ফ্লাইটের আগে কোল্ড-ওয়াটার ডাইভিং-এর উপযোগী ড্রেস পরে  
নেওয়ায় ল্যান্ড করার পর ওদের সময় বেঁচে যাবে।

কমপিউটারের বোতাম টিপে একটা কোড টাইপ করল  
রানা। মনিটরে একটা বক্স এল। বক্সের লেখাগুলো পড়ল ও।  
'যুমালে নাকি, ববি?'

'এই মাত্র জাগলাম।'

'সান্টা ক্রুজের জাহাজ থেকে রওনা হবার পর দুশো বারো  
মাইল এসেছি আমরা।'

‘আর কতদূর?’ চোখ না খুলেই জানতে চাইল মুরল্যান্ড।

‘পথগুশ মাইলের মত। আর পনেরো মিনিটের মধ্যে একটা পাহাড়ের মাথায় নামব, আর নীচে তাকালেই দেখতে পাব ডেস্টিনির শিপইয়ার্ড।’ একটা স্পাই স্যাটেলাইটের তোলা ফটো থেকে পাওয়া ল্যান্ডিং সাইট প্রোগ্রাম করে কমপিউটারে ঢুকিয়ে দেওয়া হয়েছে।

‘আমি তৈরি। সময় হলে তুমি শুধু জানিয়ো কী করতে হবে।’

গম্ভুজ আকৃতির কক্ষিট থেকে নীচের গ্লেসিয়ারের দিকে তাকাল রানা। বিপজ্জনক পাহাড়গুলোকে পিছনে ফেলে এসেছে ওরা, বুঝতে পেরে স্বন্তি বোধ করল ও। একটা গ্লেসিয়ারের ঘস্ন গায়ে চাঁদের আলো প্রতিফলিত হচ্ছে, প্রতি আধ মাইল পরে একটা করে গভীর ফাটল দেখা যাচ্ছ সারফেসে। ইনলেটের সঙ্গে মিলিত হওয়ার পথে এগোবার সময় চওড়া হয়ে ছড়িয়ে পড়ে বরফ, সাগরে গিয়ে মেশে তরল হয়ে।

পাহাড়ের বাধা কমে আসায় গ্লেসিয়ারের সামনে, দিগন্তের কিনারায় আলো দেখতে পাচ্ছে রানা। বোঝা যাচ্ছে তারা নয়, কারণ অনেক নীচের দিকে জড়ে হয়ে মিটমিট করছে ওগুলো। এ-ও জানা কথা, আবহাওয়া পরিচ্ছন্ন হওয়ায় অনেক দূরের আলোকে কাছের বলে মনে হচ্ছে।

ধীরে ধীরে পরিষ্কার হলো নিকষ কালো জমিনের উপর আরও কিছু আলোর গুচ্ছ। পাঁচ মিনিট পর বোঝা গেল, না, শহর নয়। ওগুলো চারটে দৈত্যাকার জাহাজের আলো, রাতের বেলা ছোট একটা শহরের মত লাগছে দেখতে। শিপইয়ার্ড থেকে খানিক দূরে, ইনলেটে ভাসছে জাহাজগুলো।

‘আমাদের অবজেকটিভ দৃষ্টিসীমার ভেতর চলে এসেছে,’  
শান্তসুরে বলল রানা।

এতক্ষণে চোখ মেলল মুরল্যান্ড। ‘ভেরি গুড়।’

ওদের স্কাইকার সরাসরি শিপইয়ার্ড আর জাহাজগুলোর

উপর দিয়ে যাচ্ছে না। প্লেনটার যেন নিজস্ব বোধ-বুদ্ধি আছে, একটু বাঁকা পথ ধরে এগোল দক্ষিণ-পশ্চিম দিকে। তেমন কিছু করার নেই রানার, প্লেনের স্টারবোর্ড সাইডে উঠে আসতে দেখছে বাঁকু বাঁক আলোকে।

‘ব্যাটাদের ডিটেকশান সিস্টেমে আমরা ধরা পড়ব না তো?’  
জানতে চাইল মুরল্যান্ডে।

‘সন্তাবনা নেই বললেই চলে। মোলার এম৪০০ এত ছোট, সফিস্টিকেটেড মিলিটারি রাডার ছাড়া আর কিছুতে ধরা পড়ে না।’

চার্টের উপর পেনলাইটের ছোট আলো ফেলল রানা। ‘এই পয়েন্টে কমপিউটার আমাদেরকে দুটোর মধ্যে একটা বেছে নিতে বলছে-শিপইয়ার্ডে পৌছাতে হলে পানির নীচে দিয়ে দুই মাইল সাঁতার কাটো, নয়তো একটা গ্লেসিয়ারের ওপর দিয়ে চার মাইল হাঁটো।’

‘অঙ্ককারে গ্লেসিয়ারের ওপর দিয়ে হাঁটতে চাও!’ মাথা নাড়ল মুরল্যান্ড। ‘ধরো মিসেস মুরল্যান্ডের বাচ্চাটা কোনও ফাটলের ভেতর পড়ে গেল, তারপর দশ হাজার বছর তাকে খুঁজে পাওয়া গেল না, তখন?’

‘তুমি একটা মিউজিয়ামের ভেতর ডিসপ্লে কেসে শুয়ে আছ, হাজার হাজার মানুষ দেখতে আসছে তোমাকে—কেন যেন এরকম একটা দৃশ্য আমার কল্পনায় আসে না।’

‘অন্য কোনও সহস্রাদে যদি আকর্ষণের কেন্দ্রবিন্দু হওয়া যায়, আমি তো তার মধ্যে খারাপ কিছু দেখি না।’

‘এ-কথা ভেবে দেখেছ যে তোমাকে সন্তুষ্ট বিবর্ণ করে শুইয়ে রাখা হবে?’

ওদের কথাবার্তা থেমে গেল স্কাইকারের স্পিড কমে যাওয়ায়। নীচে নামছে ওরা।

পানির নীচে দিয়ে যাওয়ার সিদ্ধান্ত নিয়েছে রানা।

কমপিউটারকে একটা তটরেখার কথা স্মরণ করিয়ে দিয়েছে ও, সিআইএ-র স্পাই স্যাটেলাইটের সাহায্যে তোলা ফটোয় আছে সেটা; তারপর নির্দেশ দিয়েছে ওই তটরেখার বিদ্রিষ্ট একটা পয়েন্টে ল্যান্ড করাতে হবে প্লেনকে।

কয়েক মিনিট পর ল্যান্ড সাইটের উপর স্থির হলো স্কাইকার, তারপর ধীরে ধীরে নামতে শুরু করল। অঙ্ককারের ভিতর রানা শুধু দেখতে পাচ্ছে সরু একটা নালার ত্রিশ ফুট উপরে আবার একবার স্থির হলো স্কাইকার। দশ সেকেন্ড প্রি পাথুরে জমিনে নেমে এল ওরা। ইঞ্জিনগুলো বন্ধ হয়ে গেল। নেভিগেশন রিডআউট জানাচ্ছে প্রোগ্রাম করা মার্ক থেকে মাত্র চার ইঞ্জিন দূরে ল্যান্ড করেছে ওটা।

‘নিজেকে আমার কথনোই এতটা অপ্রয়োজনীয় মনে হয়নি।’  
বলল রানা।

‘খানিকটা টের পাছিচ বেকারদের কী জ্বালা,’ বলে ককপিট  
থেকে উঁকি দিয়ে বাইরে তাকাল মুরল্যান্ড। ‘আমরা কোথায়?’

‘একটা নালায়, ইনলেট থেকে পঞ্চাশ গজ দূরে।’

ককপিটের গম্বুজ আকৃতির ছাদ সরিয়ে ফ্লাইং ভেহিকেল  
থেকে শক্ত জমিনে পা ফেলল রানা। রাতটা নীরব নয় পানির  
উপর দিয়ে ভেসে আসছে সচল শিপইয়ার্ড মেশিনারির ধাতব  
কোলাহল।

ব্যাক সিটের নীচে স্টোরেজ সেকশন। সেখান থেকে এয়ার  
ট্যাঙ্ক, পিঠে আটকাবার জন্য বয়ানি কমপেনসেটর, ওয়েট বেল্ট,  
ফিন আর মাস্ক বের করল মুরল্যান্ড। দুজনেই বুট আর হৃড পরে  
নিল। জোড়া এয়ার ট্যাঙ্ক ঝোলাল পিঠে।

দু’জনের সঙ্গে একটা করে চেস্ট প্যাক থাকছে, ভিতরে  
আছে হ্যান্ডগান, টর্চ, গ্লোবস্টার ফোন স্কাইকার থেকে সবশেষে  
বের করা হলো রকেটের মত দেখতে দুটো টর্পেডো ২০০০  
ডাইভার প্রোপালশান ভেহিকেল, ব্যাটারিচালিত, সমান্তরালভাবে

সংযুক্ত জোড়া খোল সহ। পানির ভিতর দিয়ে এগুলোর গতিসীমা ঘণ্টায় সাড়ে চার মাইল, একটানা এক ঘণ্টা ছুটতে পারে।

বাঁ হাতে স্ট্র্যাপ দিয়ে একটা ডিরেকশনাল কমপিউটার আটকাল রানা, ঠিক যে-ধরনের যন্ত্র প্যাডোরা মাইনে ব্যবহার করেছিল। একটা কোড টাইপ করল ও। খুদে মনিটরে শিপইয়ার্ড আর ওদের পজিশন ফুটে উঠল, ফলে শিপইয়ার্ডে যাওয়ার চ্যানেলটা পরিষ্কার দেখতে পাচ্ছে ওরা।

ফেস মাস্কের উপর একটা স্পেকট্রাল ইমেজিং স্কোপ অ্যাডজাস্ট করল মুরল্যান্ড, তারপর সুইচ দিল। চোখের সামনে হঠাৎ উদয় হলো জমিন আর চারপাশের দৃশ্য, খানিকটা ঝাপসা হলেও আধ ইঞ্চি নুড়ি পাথরগুলোকেও চেনা যাচ্ছে পরিষ্কার। রানার দিকে ফিরল সে।

‘রওনা হব?’

মাথা ঝাঁকাল রানা। ‘আমাদের পথটা যেহেতু দেখতে পাচ্ছ তুমি, তোমাকেই সামনে থাকতে হবে। পানিতে নামার পর আমি পথ দেখাব।’

কথা না বলে ছেট্ট করে মাথাটা একবার শুধু দোলাল মুরল্যান্ড। শিপইয়ার্ডকে চারপাশ থেকে ঘিরে রাখা সিকিউরিটি ডিফেন্স পেনিন্ট্রেট না করা পর্যন্ত বলার কিছু নেইও। মুরল্যান্ডের মাথার ভিতর কী চলছে জানার জন্য টেলিপ্যাথিক ক্ষমতা দরকার নেই রানার। ওর মতই কাছাকাছি অতীতে ফিরে গেছে সে।

দূরত্ত্বের হিসাবে ছয় হাজার মাইল পিছিয়ে গেছে ওরা, আর সময়ের হিসাবে পিছিয়েছে বারো ঘণ্টা; ফিরে গেছে নুমা হেডকোয়ার্টারে, অ্যাডমিরাল জর্জ হ্যামিলটনের সঙে বসে আলোচনা করছে অর্ধ শতাব্দীর পাগলামি প্রসূত ষড়যন্ত্রটা কীভাবে বানচাল করা যায়।

‘ভুল করলে তার মাসুল দিতে হবে,’ বললেন অ্যাডমিরাল।

‘ডষ্টের শাহানাকে পাওয়া যাচ্ছে না।’

‘জী?’ বিষম খাওয়ার অবস্থা হলো রানার, আবার এ-ও ভাবল শুনতে ভুল করল কিনা। ‘অ্যাডমিরাল?’

‘তিনি আমাকে ফোন করার এক ঘণ্টা পরে ঘটনাটা ঘটেছে বলে ধারণা করছি,’ বললেন নুমা চিফ। ‘ফোন করে বললেন ডষ্টের টিম গুডম্যানের সঙ্গে আমি যেন যোগাযোগ করি। ডষ্টের গুডম্যানের অনেক গুণগান করছিলেন, আমি কৌতুক করে বললাম, মায়ের কাছে মামার বাড়ির গল্প হয়ে যাচ্ছে-গুডম্যান আমার বাল্যবন্ধু, আমরা একই স্কুলে লেখাপড়া করেছি। তখন তিনি বক্তব্য সংক্ষেপ করে জানালেন, ধূমকেতুটা কখন আসবে, কীভাবে আসবে তা নিয়ে কিং আর ভিনাস গবেষণা করছে ঠিকই, কিন্তু তারপরেও পুরোপুরি নিশ্চিত হবার জন্যে প্রফেশনাল অ্যাস্ট্রনামারদের উপর দায়িত্ব দেয়া উচিত। ডষ্টের গুডম্যানের সঙ্গে তাঁর পরিচয় নেই, অনুরোধ করলেন আমি যেন যোগাযোগ করে কী করতে হবে বুঝিয়ে দিই তাঁকে।’

‘কোথেকে ফোন করেছিলেন ডষ্টের শাহানা?’ জানতে চাইল রানা।

‘পাবলিক কোনও টেলিফোন বৃদ্ধ থেকে,’ বলে অসহায় ভঙ্গিতে কাঁধ ঝাঁকালেন অ্যাডমিরাল।

‘সিকিউরিটি এজেন্টেরা কী করছিল, সার?’ ঘাড় ফিরিয়ে এফবিআই-এর স্পেশাল এজেন্ট জেস প্যাটারসনের দিকে তাকাল রানা, চোখে মুখে বিস্ময়ের চেয়ে উদ্বেগই বেশি। ‘তাঁকে না চরিশ ঘণ্টা চোখে চোখে রাখার কথা?’

‘এখন পর্যন্ত আমরা শুধু এটুকু জানি যে তিনি তাঁর মেয়েকে গাড়িতে তুলে আইসক্রিম খাওয়াতে নিয়ে গিয়েছিলেন। গার্ডরা দোকানটার সামনে গাড়িতে বসেছিল। মেয়েকে নিয়ে ভেতরে ঢেকার পর আর বেরিয়ে আসেননি তিনি। এখন কথা হলো, ডষ্টের শাহানা খেয়ালের বশে ত্যাঁৎ কী করবেন তা তো হারানো আটলান্টিস-২

কিউন্যাপারদের পক্ষে জানা সম্ভব নয়, তা হলে কাজটা তারা  
করল কীভাবে?’

‘এর মানে হলো এরা সাধারণ কোন কিউন্যাপার নয়,’ বলল  
রানা। ‘এ নিশ্চয়ই ডেস্টিনিদের কাজ! বারবার এই  
লোকগুলোকে আমরা ছোট করে দেখছি!’

‘বাকিটা শুনলে তোমার মন আরও খারাপ হয়ে যাবে,’ ভারি  
গলায় বললেন নুমা চিফ।

তাঁর দিকে তাকাল রানা, চোখ-মুখ থমথম করছে। ‘আমাকে  
আন্দাজ করতে দিন। ক্লিনিক থেকে গায়ের হয়ে গেছে সাসনা  
হারমান, সঙ্গে করে কার্লার লাশ্টাও নিয়ে গেছে।’

কনফারেন্স টেবিলে টোকা দিয়ে কান্সনিক ধূলো ঝাড়লেন  
জর্জ হ্যামিলটন।

‘বিশ্বাস করুন, জাদু ছাড়া এ-কাজ সম্ভব ছিল না,’  
প্যাটারসন বলল। ‘আমাদের ওই ক্লিনিকে লেটেস্ট মডেলের  
সিকিউরিটি-ডিটেকশন ইকুইপমেন্ট রয়েছে।’

‘আপনাদের ক্যামেরাগুলো পালানোটা দেখাতে পারছে না?’  
বিরক্ত বোধ করছে রানা। ‘নিশ্চয়ই মরা কাজিনকে কাঁধে ফেলে  
সদর দরজা দিয়ে বেরিয়ে যায়নি সাসনা?’

হাত নেড়ে অসহায় একটা ভঙ্গি করল এফবিআই-এর  
স্পেশাল এজেন্ট। ‘প্রতিটি ক্যামেরা সচল ছিল,  
মনিটরগুলোতেও প্রতি সেকেন্ড চোখ রাখা হয়েছে। সত্যিই আমি  
দুঃখিত-না, হতভন্দ-কোনও ধরনের পালানোর দৃশ্য রেকর্ড  
হয়নি।’

‘এদের বোধহয় ফাটল দিয়ে বেরিয়ে যাবার ক্ষমতা আছে,’  
বলল মুরল্যাভ। ‘আর তা না হলে অদৃশ্য হবার ট্যাবলেট  
আবিষ্কার করেছে।’

‘কোনটাই নয়,’ বলল রানা। ‘ওদের বুদ্ধির ধার আমাদের

চেয়ে বেশি। ব্যস!’

‘বাস্তব সত্য আর সন্দেহ মিলিয়ে এটুকু জানা গেছে,’ বলল প্যাটারসন, ‘ডেস্টিনি এন্টারপ্রাইজেসের একটা জেট প্লেন বাল্টিমোরের কোনও এয়ারপোর্ট থেকে টেক-অফ করে দক্ষিণ দিকে গেছে, সম্ভবত...’

‘আর্জেন্টিনায়,’ বলল রানা।

‘আর কোথায় নিয়ে যাবে ওরা ডষ্টের শাহানাকে?’ বলল মুরল্যান্ড। ‘সরকারী ইনভেস্টিগেটিভ এজেন্সিগুলোর ওপর নিয়ন্ত্রণ নেই তাদের, কাজেই যুক্তরাষ্ট্রে রাখতে চাইবে না।’

সিআইএ-র রিচার্ড স্টাব খুক খুক করে দু'বার কেশে গলা পরিষ্কার করলেন। ‘প্রশ্ন হলো—কেন? এক সময় মনে হয়েছিল মিস্টার রানা, মিস্টার মুরল্যান্ড আর ডষ্টের শাহানাকে খুন করতে চায় তারা, কলোরাডোর চেম্বার আর খোদাই করা লিপি আবিষ্কার করার অপরাধে। কিন্তু প্রাচীন মেসেজটার কথা এখন বহু মানুষ জানে। এখন আর ব্যাপারটাকে গোপন রাখতে চাওয়ার কোনও মানে নেই।’

‘একমাত্র প্র্যাকটিকাল জবাব হলো,’ প্যাটারসন বলল, ‘কোথাও জ্যাম লেগেছে, ডষ্টের শাহানাকে দিয়ে সেটা ছাড়াতে চেষ্টা করবে ওরা।’

টেবিলের উপর ঝুঁকে মুরল্যান্ড ধীরে ধীরে বলল, ‘অল্প সময়ে ডষ্টের শাহানাকে আমি যতটুকু চিনেছি, সহযোগিতা করবেন কিনা সন্দেহ আছে আমার।’

স্টাব হাসলেন। ‘তারা ডষ্টের শাহানার বাচ্চা মেয়েটিকেও কিডন্যাপ করেছে। তার ক্ষতি করার হৃমকি দিলেই ডষ্টের শাহানাকে রাজি করানো যাবে।’

‘হ্যাঁ, মুখ না খুলে উপায় নেই তার,’ বলল প্যাটারসন।

‘আমি ঠিক এই ব্যাখ্যার সঙ্গে পুরোপুরি একমত হতে পারছি না,’ বললেন অ্যাডমিরাল। ‘এত কিছু পারছে তারা, অথচ একটা হারানো আটলান্টিস-২

কোড ভাঙতে পারছে না, এটা অবিশ্বাস্য লাগছে আমার। কেন যেন মনে হচ্ছে এই কিডন্যাপিং-এর পেছনে অন্য কোনও কারণ আছে।'

'সার, আমারও তাই ধারণা,' বলল মুরল্যাঙ্ক। 'অন্য একটা সম্ভাবনার কথা ভাবছি আমি,' চিন্তিত দেখাচ্ছে তাকে।

'কী?' জানতে চাইল প্যাটারসন।

'তারা বোধহয় রানাকে ডয় পাঁচেছে,' বলল মুরল্যাঙ্ক। 'মামেয়েকে ধরে নিয়ে গেছে এই আশায় যে রানা নিশ্চয়ই ওদেরকে উদ্ধার করতে যাবে, আর তখন ধরবে ওকে...'

'ধরা পড়ার ভয়ে তো আর হাত-পা গুটিয়ে বসে থাকা যাবে না, আমরা গিয়ে তাকে বের করে আনব,' দৃঢ়কঠে বলল রানা।

স্টাবকে সন্দিহান দেখাল। 'আমরা কিন্তু জানি না কোথায় তাঁকে আটকে রাখা হয়েছে।'

'তাদের শিপইয়ার্ডটা চিলিতে। কেয়ামত আসার ব্যাপারে ডেস্টিনি পরিবারগুলো এতটা নিশ্চিত, আমার ধারণা সবাই তারা জাহাজগুলোয় জড়ে হয়ে মহা প্লাবনের জন্যে প্রস্তুতি নিচ্ছে।'

'আমি শিপইয়ার্ডের স্যাটেলাইট ফটো দিয়ে সাহায্য করতে পারব,' বললেন স্টাব। 'তবে বলে রাখি, আমাদের বিশ্লেষকদের ধারণা, তাদের সিকিউরিটি সিস্টেম এমনই যে জল-স্তুল-আকাশ পথে জাহাজগুলোর নাগাল পাওয়া অসম্ভব।'

'সেক্ষেত্রে পানির তলা দিয়ে যাব আমরা।'

'পানির তলায় সেনসর থাকতে পারে না?'

'থাকলে এড়াবাব পথ খুঁজে নিতে হবে।'

'আমি তোমাকে আত্মহত্যার অনুমতি দিতে পারি না, রানা,' শান্ত স্বরে বললেন অ্যাডমিরাল হ্যামিলটন। 'এটা ঠিক নুমার কাজের মধ্যে পড়ে না। স্পেশাল অপারেশন ফোর্স কিংবা নেভির কোনও টিমকে পাঠানো উচিত।'

‘ডষ্টর শাহানা আৱ তাঁৰ মেয়েকে উদ্বাৰ কৱাটা আমাদেৱ  
প্ৰ্যানেৱ একটা অংশ মাত্ৰ,’ ব্যাখ্যা কৱল রানা। ‘আমাদেৱ  
আসল কাজ হবে ডেস্টিনি এন্টাৱপ্রাইজেসেৱ বিশাল শিপবিল্ডিং  
প্ৰজেক্ট ইনভেস্টিগেট কৱা।’

রানা থামতেই মুৱল্যান্ড বলল, ‘এই কাজেৱ জন্যে রানা আৱ  
আমাৱ সমান কোয়ালিফায়েড আৱ কেউ নেই। এক বছৱও  
হয়নি, হৎকঙ্গেৱ একটা শিপইয়ার্ডে আমৱা দু'জন গোপনে  
সাবেক লাইনার ইউনাইটেড স্টেটস-এৱ খোলে তল্লাশি চালাই।  
সেই অভিজ্ঞতা এখনে আমাদেৱ কাজে লাগবে।’

‘তদন্ত কৱে অবশ্যই দেখা দৱকাৱ,’ বলল রানা। ‘তাদেৱ  
এই আপাত পাগলামিৰ পিছনে নিষ্যয়ই কোনও বিশেষ উদ্দেশ্য  
আছে। কয়েক বিলিয়ন ডলাৱ খৰচ কৱে এমন জাহাজ বানাচ্ছে,  
যেগুলো সাগৱে নামানো যাবে না।’

‘এফবিআই আপনাদেৱকে সাহায্য কৱতে পাৱবে না,’ বলল  
প্যাটারসন। ‘জায়গাটা আমাদেৱ নাগালেৱ বাইৱে।’

নাৰ্ভাস ভঙ্গিতে হাত দুটো ঘন ঘন ভাঁজ কৱছেন আৱ  
খুলছেন স্টোৱ। ‘তথ্য সৱবৱাহ কৱা ছাড়া আমৱাও কোনও  
সাহায্যে আসব না। আমাদেৱ হাত-পা বাঁধা। সিআইএ নাক  
গলাচ্ছে জানতে পাৱলে স্টেট ডিপার্টমেন্ট টুটি টিপে ধৱবে।’

নুমা চিফেৱ দিকে ফিৱল রানা। ‘অ্যাডমিৱাল,’ মৃদুকঞ্চে  
বলল ও, ‘দেখা যাচ্ছে আমৱাই নিৰ্বাচিত হয়েছি। এখন শুধু  
আপনি অনুমতি দিলেই...’

অ্যাডমিৱাল হাসছেন না। ‘তুমি কি শিওৱ, রানা, পৱিষ্ঠিতি  
এতটাই বিপজ্জনক যে ডেস্টিনিৰ অপাৱেশন পেনিট্ৰেট কৱাটা  
আমাদেৱ জন্যে জৱাৰি হয়ে দাঁড়িয়েছে?’

‘জী, আমি নিশ্চিত,’ শান্ত সুৱে বলল রানা, তবে সিৱিয়াস  
দেখাচ্ছে ওকে। ‘আমাৱ আৱও বিশ্বাস, অ্যাডমিৱাল, কাৱণ্টা  
এখনই ব্যাখ্যা কৱতে পাৱব না, তাদেৱ সমন্ত কৰ্মকাণ্ডেৱ পেছনে  
হাৱানো আটলান্টিস-২

আরও কোন অশুভ উদ্দেশ্য আছে। এত টাকা খরচ করে জাহাজ  
বানাচ্ছে নিজেরা বাঁচবে বলে। ভেবে দেখুন, কী করে জানল  
তারা ঠিক ওদের ওপরেই পড়বে না ধূমকেতু?’

মাথা ঝাঁকালেন অ্যাডমিরাল।

‘তোমার ওপর সম্পূর্ণ আস্তা আছে আমার, মাই বয়, কাজেই  
অনুমতি না দেয়ার প্রশ্ন গঠে না...’

সরু নালাটা একশো গজ এগিয়ে ইনলেটের পানিতে মিশেছে।  
পশ্চিম তটরেখা ঢালু হয়ে উপরদিকে উঠে গেছে একটা  
পেনিনসুলায়, সেটার অঙ্গুত নাম হলো এক্সমাউথ। পুর উপকূল  
অনেকগুলো চ্যানেলে ভাগ করা, সেদিকে ভাসতে দেখা যাচ্ছে  
ক্ষয়িষ্ণু গ্লেসিয়ারগুলোকে। ডেসটিনি শিপইয়ার্ড আর ভাসমান  
চারটে শহরের উজ্জ্বল আলো প্রতিফলিত হচ্ছে ইনলেটের  
উত্তরদিকের পানিতে।

হঠাৎ থমকে দাঁড়াল মুরল্যান্ড, ইঙ্গিতে বড় একটা পাথরের  
ছায়ায় গা ঢাকা দিতে বলল রানাকে। চ্যানেলের উল্টোদিকের  
কালো পানিতে পাশাপাশি ছুটছে দুটো প্যাট্রল বোট, পানির  
সারফেস আর তীরে সার্চলাইটের আলো ফেলে সন্দেহ করার  
মত কিছু আছে কিনা দেখছে।

স্পেকট্রাল ইমেজিং সেনসরের সাহায্যে প্যাট্রল বোট  
দুটোকে খুঁটিয়ে পরীক্ষা করল মুরল্যান্ড।

‘তুমি পাওয়ারবোট এক্সপার্ট,’ বলল রানা। ‘চিনতে পারছ  
ওগুলোকে?’

‘আটগ্রিশ ফুটী বোট,’ বলল মুরল্যান্ড। ‘সাধারণত সাগরে  
তেল ছড়িয়ে পড়লে পাঠানো হয়। তবে এগুলোয় অন্ত-লোড  
করা হয়েছে। গতি বেশি নয়, মাত্র আঠারো নট, তবে তিনশো  
ঘোড়ার ইঞ্জিন অনায়াসে একজোড়া বার্জকে টেনে নিয়ে যেতে  
পারে। প্যাট্রল বোট হিসেবে কেউ ব্যবহার করে বলে শুনিনি।’

‘কী ধরনের অস্ত্র, দেখতে পাচ্ছ?’

‘টুইন অটোমোটিক, বিগ মিলিমিটার, সামনে আর পেছনে,’  
বলল মুরল্যাঙ্ক। ‘এগুলোই শুধু চিনতে পারছি।’

‘স্পিড?’

‘এই মুহূর্তে চার নট। কেউ কোথাও ঘাপটি মেরে আছে  
কিনা দেখার জন্যে ধীরে ধীরে এগোচ্ছে।’

‘এত ধীরে,’ বলল রানা, ‘টর্পেডো ২০০০ অনায়াসে নাগাল  
পেয়ে যাবে।’

‘তোমার মাথায় কী যেন একটা শয়তানি বুদ্ধি গজাচ্ছে।’

‘পানির তলায় অপেক্ষা করব আমরা, যতক্ষণ না  
শিপইয়ার্ডের দিকে ফিরতি টহল শুরু করে তারা,’ বলল রানা।  
‘তারপর, বোট যখন মাথার ওপর দিয়ে যাবে, আমরা ওটার পিছু  
নেব। পানিতে প্রপ যে আলোড়ন সৃষ্টি করছে সেটাই  
আভারওয়াটার সিকিউরিটি সেন্সরকে আমাদের উপস্থিতি টের  
পেতে বাধা দেবে।’

‘বাহ, গুড আইডিয়া।’

প্যাট্রুল বোট দুটো এখনও দক্ষিণ দিকে এগোচ্ছে, এই  
ফাঁকে শেষবারের মত নিজেদের ইকুইপমেন্টগুলো চেক করে  
নিল ওরা। তারপর মাথা দিয়ে গলিয়ে ড্রাই হৃত আর নিওপ্রিন  
গ্লাভ পরল, ড্রাই সুটের সঙ্গে জোড়া লাগানো বুটে আটকাল সুইম  
ফিন, হৃডের উপর চেপে বসাল ফুল ফেস মাস্ক, সবশেষে  
নিজেদের ওয়েট বেল্টের সঙ্গে একটা লাইনের দু’-মাথা  
বাঁধল-অঙ্ককার পানিতে পরস্পরের কাছ থেকে যাতে দূরে সরে  
না যায়।

অবশেষে পানিতে নামল ওরা। তীরের কাছাকাছি পানির  
তলাটা পাথুরে আর পিছিল। সঙ্গে প্রচুর ইকুইপমেন্ট থাকায়  
সাবধানে হাঁটতে হচ্ছে ওদেরকে, তা না হলে ভারসাম্য হারিয়ে  
ফেলবে। এক সময় কোমর পর্যন্ত ঢুবে গেল। এখন পানির  
হারানো আটলান্টিস-২

সারফেসের ঠিক নীচ দিয়ে সাঁতরানো যাবে। সাঁতার শুরু করার  
পর তলাটা দ্রুত গভীরে নেমে গেল।

তীর থেকে পঞ্চাশ গজ এগিয়ে পানির উপর মাথা তুলে  
দক্ষিণ দিকে তাকাল রানা। টহলের শেষ প্রান্তে পৌছে ফিরতি  
পথ ধরার জন্য ঘুরছে প্যাট্রুল বোটগুলো। ‘আমাদের এসকট  
এদিকে আসছে,’ মাঙ্কের সঙ্গে লাগানো আভারওয়াটার  
কমিউনিকেশন সিস্টেমের মাধ্যমে কথা বলছে ও। ‘ওরা চার  
নটে ছুটছে, আশা করি তোমার এই হিসেবে ভুল নেই।  
প্রপালশান ভেহিকেল আমাদেরকে তারচেয়ে বেশি স্পিডে  
টানতে পারবে না।’

ওর পাশের কালো পানিতে উঁচু হলো মুরল্যান্ডের মাথা।  
‘চার নট ঠিক আছে। ভাবছি ইনফ্রারেড আভারওয়াটার ক্যামেরা  
না থাকলেই হয়।’

‘ইনলেটটা কম করেও আধ মাইল চওড়া, ক্যামেরা দিয়ে  
বাভার করার জন্যে একটু বেশি বড়।’ ঘুরে উত্তর দিকের  
আলোগুলোর দিকে তাকাল রানা। ‘তিন শিফটে চর্বিশ ঘণ্টা  
কাজ করাচ্ছে, বেতন দিতে গিয়ে মনে হয় কোষাগার খালি করে  
ফেলছে ডেস্টিনি।’

‘এরা বৌধহয় শুধু শ্রমিক নয়, সমর্থকও,’ বলল মুরল্যান্ড।  
‘টাকার চেয়েও বড় কিছু পাবার লোভে অমানুষিক পরিশ্রম  
করছে।’

ইনলেটে ওরা যেদিকটায় রয়েছে সেদিকটা ধরেই ছুটে  
আসছে বোট দুটো। সতর্ক দৃষ্টিতে তাকিয়ে আছে ওরা।  
ওগুলোর কোর্স আন্দাজ করে সাঁতরে আরও দশ গজ এগিয়ে,  
বারো ফুট নীচে নামল। সার্চলাইটের আলো কাছে চলে আসছে।

প্রপেলার আর ইঞ্জিনের আওয়াজ পানির তলায় চারণগ  
বেশি লাগছে কানে। গড়িয়ে চিৎ হলো ওরা, অপেক্ষা করছে।  
নীচ থেকে ইনলেটের সারফেসে তাকিয়ে আছে, দেখতে পাচ্ছে

ঠাণ্ডা পানির উপর দিয়ে নাচতে নাচতে এগিয়ে আসছে সার্চলাইটের আলো।

তারপরই বোটের ছায়াঘন খোল বট করে ওদের মাথার উপর চলে এল। প্রকাও প্রপেলার চালিয়ে নিয়ে যাচ্ছে ওটাকে, পিছনে ফেলে যাচ্ছে ফেনা আর রাশি রাশি বুদ্বুদের তীব্র আলোড়ন। সঙ্গে সঙ্গে ম্যাগনেটিক স্পিড সুইচে চাপ দিল রানা আর মুরল্যান্ড, শক্ত করে চেপে ধরল যে যার হ্যান্ডেল, তারপর টিগবগ করে উথলান পানিতে মিশে গিয়ে পিছু নিল প্যাট্রুল বোটের।

বোটের স্পিড মাত্র চার নট, আঠারো নয়, কাজেই খুব সহজেই ওটার পিছনে থাকতে পারছে ওরা। তবে কোথায় যাচ্ছে বা নিজেদের সামনে কী আছে তা দেখতে পাচ্ছে না। ভাগ্যগুণেই বলতে হবে, বিক্ষুল্প পানির ভিতর দিয়ে একটা স্টার্ন লাইট দেখতে পেল রানা, বাধ্য হয়ে সেটার উপরই স্থির রাখল দৃষ্টি।

ইনলেটের সারফেস থেকে ছয় ফুট নৌচে রয়েছে ওরা। বোট দুটোকে পরবর্তী দু'মাইল অনুসরণ করল। দ্রুত ব্যাটারি খরচ হয়ে যাচ্ছে, কে জানে নালা আর স্কাইকারে ফেরার পথে সমস্যায় পড়তে হবে কিনা।

‘আমার কথা শুনতে পাচ্ছ?’ কমিউনিকেটরের মাধ্যমে জানতে চাইল রানা।

‘পরিষ্কার,’ জবাব দিল মুরল্যান্ড।

‘মনিটরে দেখতে পাচ্ছি প্রায় দু’মাইল চলে এসেছি। আবার ঘোরার সময় হয়ে আসছে বোটের। যখনই বুবুব ডানে ‘বা বাঁয়ে বাঁক নিতে শুরু করেছে, কয়েক মিনিটের জন্যে নিরাপদ গভীরতায় নেমে যাব আমরা।’

‘ঠিক আছে,’ শান্ত সুরে বলল মুরল্যান্ড।

খানিক পরেই ১৮০-ডিগ্রি বাঁক নিতে শুরু করল প্যাট্রুল হারানো আটলান্টিস-২

বোট। আরও বিশ ফুট নীচে নেমে এসে অপেক্ষায় রইল ওরা, যতক্ষণ না দূরে মিলিয়ে গেল সার্চলাইটের আভা। তারপর ধীরে ধীরে, সাবধানে, ফিল ছুঁড়ে উঠতে শুরু করল, জানা নেই শিপইয়ার্ডের ঠিক কোথায় মাথা তুলতে যাচ্ছে।

চারটে বিশাল ডক, ইনলেটের এক মাইল পর্যন্ত বিস্তৃত। প্রথম ডকের কাছ থেকে মাত্র পঁচাত্তর গজ দূরে পানির উপর মাথা তুলল ওরা। প্রকাণ্ড ভাসমান শহর সবচেয়ে কাছের ডকে নোঙর ফেলেছে, বার্কি দৈত্যাকার জাহাজগুলোও সমান্তরাল তিনিটে ডকের পাশে বাঁধা। রাতের আকাশে চোখ ধাঁধানো উজ্জ্বলতা ছড়াচ্ছে ওগুলো। নীচ থেকে তাকাচ্ছে বলে রানা আর মুরল্যাঙ্কের চোখে আরও বিরাট দেখাচ্ছে প্রতিটি জাহাজ।

‘এ কি সত্যি, না স্বপ্ন দেখছি?’ বিড় বিড় করল মুরল্যাঙ্ক, চোখ রংগড়াতে ইচ্ছে হচ্ছে তাঁর।

মাথা ঝাঁকাল রানা। ‘দেখেও বিশ্বাস হচ্ছে না,’ ফিসফিস করল ও।

‘কোনটা থেকে শুরু করব?’ জিজ্ঞেস করল মুরল্যাঙ্ক।

‘জাহাজগুলোর কথা আপাতত ভুলে যাও। প্রথমে আমরা শিপইয়ার্ডের অফিসে তল্লাশি চালাব। তবে তার আগে ডাইভ গিয়ার খোলার জন্যে একটা নিরাপদ জায়গা দরকার।’

‘তোমার ধারণা ডক্টরকে জাহাজেই রাখা হয়েছে?’

‘ধারণা...হ্যাঁ।’

‘ডকের তলা দিয়ে এগোতে পারি আমরা,’ বলল মুরল্যাঙ্ক। ‘তারপর তীর বরাবর ছড়িয়ে থাকা পাথরে গা ঢাকা দিলাম।’ হাত তুলে বিরাট ডক পাইলিং-এর মাঝখানটা দেখাল সে। ‘ডানদিকে কিছু অন্ধকার শেড দেখা যাচ্ছে, আশা করা যায় ওগুলোর একটায় ঢুকে ড্রেস বদলাতে পারব।’

ড্রেস বদলে কমলা রঙের ওভারঅল পরবে ওরা, হ্বহু আমেরিকান কয়েদীদের ইউনিফর্ম। স্পাই স্যাটেলাইটের তোলা

ছবি এনলার্জ করে দেখা গেছে ডেসটিনির শিপইয়ার্ড এই ইউনিফর্ম পরেই কাজ করছে শ্রমিকরা ।

বোতাম টিপে ডিরেকশন ফাইভারে একটা প্রোগ্রাম ঢোকাল রানা, তারপর মনিটরটা ফেস মাস্কের সামনে তুলল । চোখের সামনে ফুটে উঠল ডক-এর পাইলিং, যেন উজ্জ্বল সূর্যের নীচে শুকনো জমিনে দাঁড়িয়ে রয়েছে ও ।

বিরাট সব পাইপ আর ইলেকট্রিকাল টিউবের উপর দিয়ে এগোচ্ছে ওরা, তীর থেকে এসে ডকের শেষ মাথায় মিলিত হয়েছে ওগুলো । হাজার হাজার আলোর আভা এত উজ্জ্বল, ওরা যেন লাস ভেগাস এয়ারপোর্টের পাশে রয়েছে, দৃষ্টিসীমা বেড়ে একশো ফুটকেও ছাড়িয়ে গেল ।

মসৃণ পাথর ছড়ানো তলার উপর দিয়ে সাঁতরাচ্ছে রানা, একটু পিছনে আর পাশে রয়েছে মুরল্যান্ড । একসময় তলদেশটা উপরে উঠে আসতে শুরু করল । অগভীর পানিতে থামল ওরা, শুয়ে আছে ।

ডক পাইলিং থেকে বেশি দূরে নয়, ছোট একটা কংক্রিট প্ল্যাটফর্ম দেখতে পেল ওরা, সেটা থেকে ধাপগুলো উপর দিকে উঠে গেছে । প্ল্যাটফর্মের উপরে নিঃসঙ্গ একটা বালব জুলছে, আলোটা পড়ছে ছোট কয়েকটা দালানের সামনে । ওগুলোকে চিনতে পারল রানা, স্যাটেলাইট ফটোয় দেখেছে, টুলশেড । তবে টুলশেডের দুই পাশ অঙ্ককারে ঢাকা ।

‘কী রকম দেখছ?’ জিজ্ঞেস করল মুরল্যান্ড ।

‘ফাঁকা,’ জবাব দিল রানা । ‘তবে অঙ্ককারে কেউ ওত পেতে বসে আছে কিনা বলতে পারছি না ।’

রানা থামতেই মুরল্যান্ডের স্পেকট্রাল ইমেজ ক্ষোপে একটা নড়াচড়া ধরা পড়ল, কাছাকাছি টুলশেডের একপাশে । সাবধান করার জন্য রানার একটা কাঁধ ধরল সে । পরমুহূর্তে দু’জনেই ওরা দেখতে পেল একজন গার্ডকে, কাঁধে অটোমেটিক আগ্নেয়ান্ত্র

নিয়ে বেরিয়ে এল আলোয়, নীচে একবার তাকিয়ে প্ল্যাটফর্মটা দেখল। আধ ডোবা! অবস্থায় পড়ে থাকল ওরা, এক চুল নড়ছে না, ডক পাইলিং আংশিক আড়াল করে রেখেছে।

গার্ডকে বিরক্ত দেখাচ্ছে। সন্দেহজনক কেউ কখনও ধরা পড়েনি, তাই একয়েমির শিকার। কার খেয়েদেয়ে কাজ নেই এখানে আসবে, কাছাকাছি শহরটা যেখানে একশো মাইল দূরে? তা ছাড়া, এখানে পৌছাতে হলে আন্দেজ পর্বতমালা আর কয়েকটা গ্লেসিয়ারকে টপকাতে হবে, কাজেই কার দায় পড়েছে...

অলস পায়ে টুলশোডের পাশের ছায়ায় হারিয়ে গেল গার্ড।

লোকটা তখনও অঙ্ককারে অদৃশ্য হয়নি, ফিন হাতে নিয়ে প্ল্যাটফর্মে উঠে এসেছে রানা আর মুরল্যাঙ্ক, প্রপালশান ভেহিকেল ওদের বগলের নীচে। ধাপ বেয়ে তরতুর করে উঠে পড়ল উপরে, আলোর উজ্জ্বলতা থেকে সরে গেল দ্রুত।

প্রথম শেডের দরজায় তালা নেই। ভিতরে ঢুকে দরজাটা বন্ধ করে দিল রানা। একটাই মাত্র জানালা, মেঝে থেকে ক্যানভাসের একটা ব্যাগ তুলে সেটার সামনে ঝুলিয়ে দিল মুরল্যাঙ্ক।

এতক্ষণে ডাইভ লাইট জুলল রানা, রশ্মীটা শেডের চারদিকে ঘোরাল। জায়গাটা মেরিন হার্ডওয়্যারে বোঝাই। বাঞ্ছ ভর্তি তামা আর ক্রোমের তৈরি নাট-বল্টু, স্ক্রু, বোল্ট ইত্যাদি দেখা যাচ্ছে। শেলফে সাজানো রয়েছে কুণ্ডলী পাকানো ইলেকট্রিকাল তার আর কেইবল। ক্যাবিনেটে দেখা গেল মেরিন পেইন্টের গ্যালন ক্যান।

‘সবই দেখছি খুব সাজানো-গোছানো।’ বলল মুরল্যাঙ্ক।

‘অভ্যাসটা জার্মান পূর্ব-পুরুষদের কাছ থেকে পেয়েছে।’

দ্রুত হাত চালিয়ে ডাইভ ইকুইপমেন্ট আর ড্রাই সুট খুলে ফেলল ওরা। চেস্ট প্যাক থেকে কমলা ইউনিফর্ম বের করে ইনসুলেটেড আভারওয়্যারের উপর পরে নিল, পায়ে বুটের বদলে

পরল রাবার সোল লাগান ক্যানভাস শু।

‘একটা কথা,’ বলল মুরল্যাঙ্ক।

‘বলো।’

‘ধরো, ডেস্টিনি সদস্যদের ওভারঅলে নাম কিংবা নম্বর লেখা আছে, স্যাটেলাইট ক্যামেরায় ধরা পড়েনি, তা হলে কী হবে?’

‘সমস্যাটা আগে দেখা দিক, তখন ভাবা যাবে।’

শিপইয়ার্ডের ফটো ম্যাপটা খুঁটিয়ে দেখছে মুরল্যাঙ্ক। ডেস্টিনির করপোরেট অফিসে যাওয়ার সংক্ষিপ্ত পথটা পেয়ে গেল সে। পাশে দাঁড়িয়ে গ্লোবালস্টার ফোনের নম্বর টিপছে রান্না।

## চার

ওয়াশিংটন, ওয়াটারগেট।

নুমা চিফ অ্যাডমিরাল জর্জ হ্যামিলটনের বাড়ির পরিবেশে আশ্র্য উভেজনা আর রোমাঞ্চ ছড়িয়ে পড়েছে। ফায়ারপ্লেসে শান্ত আগুন জুলছে। তিন কোনা করে সাজানো তিনটা সাফায় বসে আছেন তিন ভদ্রলোক, সামনে কাঁচের টেবিলে আধ খালি কফি পট আর কাপসহ একটা ট্রে।

মাথায় তুষার ধবল চুল, পঁচাশি বছর বয়স্ক এক বৃদ্ধ ভদ্রলোকের দিকে অবাক হয়ে তাকিয়ে রয়েছেন অ্যাডমিরাল হ্যামিলটন আর সিআইএ-র অ্যাসিস্ট্যান্ট ডিরেক্টর বিচার্ড স্টাব।

ভদ্রলোক একটা গন্ধ শোনাচ্ছেন ওঁদেরকে, যে গন্ধ আগে কখনও বলা হয়নি।

অ্যাডমিরাল কুর্ট উলখেনস্টাইন দ্বিতীয় মহাযুদ্ধের সময় জার্মান মৌ-বাহিনীর একজন অফিসার ছিলেন। ১৯৪২ থেকে ১৯৪৫ পর্যন্ত ইউ-বোটের ক্যাপ্টেন হিসাবে দায়িত্ব পালন করেছেন। ১৯৪৫-এর জুলাই মাসে আনুষ্ঠানিকভাবে বোটসহ আত্মসমর্পণ করেন ভেরাক্রুজ, মেক্সিকোয়। যুদ্ধের পর মার্শাল প্র্যান-এর আওতায় মার্কিন সরকারের কাছ থেকে একটা লাইব্রেরি শিপ কেনেন উলখেনস্টাইন, সেই থেকে পরবর্তী চল্লিশ বছর সাফল্যের সঙ্গে কমার্শিয়াল শিপিং ব্যবসা চালিয়েছেন, অবসর নেওয়ার সময় তাঁর বহরে ছিল সাঁইক্রিষ্টা সমুদ্রগামী জাহাজ। ভদ্রলোক মার্কিন নাগরিকত্ব গ্রহণ করেছেন, বসবাস করেন সিয়াটলে।

‘আপনি বলছেন,’ খুক খুক করে দু’বার কেশে গলা পরিষ্কার করে নিলেন রিচার্ড স্টাব, ‘বালিনের সেই বাংকারে হিটলারের পোড়া অবশিষ্ট খুঁজে পায়নি রাশিয়ানরা।’

‘না,’ দৃঢ়কণ্ঠে বললেন উলখেনস্টাইন। ‘পোড়া দেহাবশেষ পাওয়া যায়নি। আডলফ হিটলার আর ইভা ব্রাউনের শরীর পাঁচ ঘণ্টা ধরে পুড়েছিল। রাইখ চ্যাম্পেলারির চারপাশে বিশ্বস্ত যানবাহন থেকে উদ্ধার করে আনা গ্যালন গ্যালন গ্যাসলিন দিয়ে ভেজানো হয় শরীরগুলো। তার আগে একটা গভীর গর্তে শোয়ানো হয় ওগুলো। বাংকারের বাইরে গর্তটা তৈরি হয় একটা সোভিয়েত শেল পড়ায়।

‘আগুনটা ঘণ্টার পর ঘণ্টা জুলতে থাকে। একসময় শুধু খানিকটা ছাই আর খুদে দু’এক টুকরো হাড় ছাড়া আর কিছু দেখার মত ছিল না। এরপর বিশ্বস্ত এসএস অফিসাররা ওই ছাই আর হাড় একটা ব্রোঞ্জের বাস্ত্রে ভরে ফেলে। কিছুই বাদ দেয়া হয়নি, খুঁটে খুঁটে ছাই আর হাড়ের প্রতিটি কণা তুলে বাস্ত্রে রাখা

হয়। এরপর বিমান হামলার সময় নিহত বেশ কিছু নারী-পুরুষের লাশ গর্তায় ফেলা হয়, হিটলারের কুকুর ব্লিডিকে সহ। ব্লিডিকে মারা হয় জোর করে সায়ানাইড ক্যাপসুল খাইয়ে, পরে এই সায়ানাইড ক্যাপসুল হিটলার আর ইভা ব্রাউনও খেয়েছিল।'

জর্জ হামিলটনের দৃষ্টি উলখেনস্টাইনের মুখে স্থির হয়ে আছে। 'মাটি খুঁড়ে গর্তের ওই লাশগুলোই রাশিয়ানরা পেয়েছিল,' বললেন তিনি।

সাবেক ইউ-বোট কমান্ডার মাথা ঝাঁকালেন। 'রাশিয়ানরা পরে দাবি করে বটে যে ডেন্টাল রেকর্ড পরীক্ষা করে নিশ্চিতভাবে জানা গেছে গর্তে পাওয়া দুটো লাশ ছিল হিটলার আর ব্রাউনের, তবে সত্যি কথাটা ঠিকই জানত নিজেরা। পঞ্চাশ বছর ধরে এই মিথ্যেটা চালিয়ে গেছে তারা, ওদিকে স্টালিনসহ অন্যান্য সোভিয়েত কর্মকর্তারা বিশ্বাস করতেন হিটলার হয় স্পেনে নয়তো আর্জেন্টিনায় পালিয়েছে।'

'ছাইটুকু কী হলো?' জানতে চাইলেন স্টাব।

'রাশিয়ান আর্মি তখন শহরের মাঝখানে ঢুকে পড়ছে, চার্দিকে মুহূর্তে মুহূর্তে বিস্ফোরিত হচ্ছে সোভিয়েত শেল, এরকম ভয়ঙ্কর পরিস্থিতিতে বাংকারের কাছাকাছি ল্যান্ড করেছিল হালকা একটা প্লেন। দ্রুত টেক অফ করার জন্যে যেই প্লেনটাকে ঘূরিয়ে নিয়েছে পাইলট, এসএস অফিসাররা ছুটে গিয়ে ব্রোঞ্জের বাস্ত্র কার্গো কমপার্টমেন্টে তুলে দিয়েছে। কোনও কথাবার্তা হয়নি, ইঞ্জিনের শক্তি বাড়িয়ে দিয়ে রানওয়ে ধরে প্লেন ছুটিয়ে শহরের উপর ছড়িয়ে পড়া কালো ধোঁয়ার ভিতর দিয়ে দ্রুত অদৃশ্য হয়ে যায় পাইলট।'

'রিফুয়েলিঙের জন্যে ডেনমার্কে থামে সে, তারপর নর্থ সি পেরিয়ে নরওয়ের বারজেন-এ চলে যায়। ওখানে পৌছে বাস্ত্রটা ক্যাপটেন এডমান্ড মাউয়ের-এর হাতে তুলে দেয় পাইলট। এই ক্যাপটেন বাস্ত্রটা নিয়ে ইউ-৬২১ বোটে ওঠে।'

‘বড় আকারের আরও অসংখ্য বাস্তু, নার্থসি পার্টির বিপুল ধন-সম্পদে ঠাসা, হোলি লাঙ্গ আর পবিত্র ব্লাড ফ্ল্যাগ সহ, তোলা হয় ইউ-২০১৫ নামে আরেকটা সাবমেরিনে, ওটার কম্বাড়ার ছিলেন রংডলফ হারগার।’

‘এ-সবই মার্টিন বোরম্যান নিউ ডেসচিনি নামে যে প্র্যান করেছিল তার অংশবিশেষ,’ বললেন অ্যাডমিরাল।

চোখে-মুখে সমীহের ভাব নিয়ে তাঁর দিকে তাকালেন উলখেনস্টাইন। ‘আপনি অনেক তথ্যই জানেন, সার।’

‘হোলি লাঙ্গ আর ব্লাড ফ্ল্যাগ,’ বললেন অ্যাডমিরাল। ‘এগুলো কি ইউ-২০১৫ বোটে তোলা হয়?’

‘লাঙ্গ সম্পর্কে জানেন আপনি?’

‘পড়েছি। ইউ.এস. ন্যাতাল একাডেমির ক্লাস প্রজেক্টে এ বিষয়ে লিখেছিও,’ জবাব দিলেন জর্জ হ্যামিলটন। ‘বাইবেল থেকে ছড়ানো জনশ্রুতি হলো, টিউবাল কেইন নামে একজন কামার, আদমের সন্তান কেইন-এর উত্তরপুরুষ, ঈশ্বরের পাঠানো একটা উক্তাপিও থেকে পাওয়া লোহা দিয়ে এই বল্লমটা তৈরি করে। এটা যিশুর ৩০০০ বছর আগেকার একটা সময়।

‘পবিত্র লাঙ্গটা টিউবাল কেইনের কাছ থেকে সল-এর কাছে চলে আসে, তারপর ডেভিড আর সলোমনের হাত ঘুরে পৌছায় জুডিয়া-র অন্যান্য রাজার কাছে। তারপর একসময় লাঙ্গটা হাতে পান রোমান বীর জুলিয়াস সিজার। শত্রুদের বিরুদ্ধে যুদ্ধের সময় লাঙ্গটা তিনি বহন করতেন।

‘খুন হবার আগে লাঙ্গটা একজন সেঞ্চুরিয়ানকে দিয়ে যান সিজার, এই সেঞ্চুরিয়ান গলদের বিরুদ্ধে যুদ্ধের সময় প্রাণ বাঁচিয়েছিল সিজারের। সেঞ্চুরিয়ানের ছেলে দিয়ে যায় তার ছেলেকে, সে-ও রোমান সেনাবাহিনীতে সেঞ্চুরিয়ান হিসেবে দায়িত্ব পালন করে। এই সেঞ্চুরিয়ানই পাহাড়ে দাঁড়িয়ে যিশুকে ত্রাসবিদ্ধ হতে দেখে

‘বিধি অনুসারে ত্রুশবিন্দি সকল অপরাধীকে সূর্য অন্ত যাবার আগেই মৃত ঘোষণা করতে হবে, তারা যাতে পরবর্তী সাবাথ-এর পবিত্রতা নষ্ট করতে না পারে। যিশুর পাশে যে-সব চোর-ত্রুশে ছিল তাদের সবার পা ডেঙে দেয়া হয় মৃত্যু ত্বরান্বিত করার জন্যে। কিন্তু যিশুর পালা আসতে দেখা গেল তিনি আগেই মারা গেছেন।

‘কবরের কাছে পৌছে যিশুর এক পাশে বল্লম দিয়ে ফুটো করে সেঞ্চুরিয়ান, ব্যাখ্যাতীত কারণে সেখান থেকে রক্ত আর পানির স্নোত বেরিয়ে আসে। তারপর যেই মুখ দিয়ে পবিত্র রক্ত বেরিয়ে এল, সেই মুহূর্ত থেকে রক্তাক্ত লাঙ্টা খ্রিস্টানদের মধ্যে অন্যতম পবিত্র বস্তুতে পরিণত হয়, ট্রু ক্রস আর হোলি গ্রেইল-এর পরেই যার গুরুত্ব।

‘লাঙ্টা চলে আসে রাজা শার্লামেইন-এর কাছে। পরবর্তী হাজার বছর ধরে উত্তরাধিকার সূত্রে রোমান সন্ত্রাটোরা পেয়ে এসেছেন ওটাকে। একসময় হ্যাপসবার্গ সন্ত্রাটদের হাতে পৌছায় ওটা, তারপর প্রদর্শনের জন্যে ভিয়েনার রয়াল প্যালেসে রাখা হয়।

‘আপনি তা হলে লাঙ্টার ক্ষমতার কথা ও শুনেছেন,’ বললেন অ্যাডমিরাল উলখেনস্টাইন। ‘সেই গল্ল শুনে লাঙ্টা হাতে পাবার জন্যে উন্মাদ হয়ে উঠেছিল হিটলার।’

‘কথিত আছে, হোলি লাঙ্টা যার কাছে থাকবে দুনিয়ার ভাল-মন্দ তার ওপর নির্ভর করবে,’ বললেন নুমা চিফ। ‘সেজন্যেই অস্ট্রিয়া থেকে লাঙ্টা চুরি করে হিটলার। মৃত্যুর দিন পর্যন্ত কাছ ছাড়াও করেনি। তার ধারণা ছিল লাঙ্টা তাকে দুনিয়ার ওপর প্রভুত্ব করবার ক্ষমতা এনে দেবে। মৃত্যুর আগে তার শেষ অনুরোধ ছিল লাঙ্টা যেন শক্রদের কাছ থেকে লুকিয়ে রাখা হয়।’

‘আপনি ব্লাড ফ্ল্যাগের কথা বলছিলেন,’ স্মরণ করিয়ে দিলেন হারানো আটলান্টিস-২

রিচার্ড স্টোব। ‘ওটা সম্পর্কেও আমার কিছু জানা নেই।’

‘১৯২৩ সালে,’ বললেন উলখেনস্টাইন, ‘মিউনিকের জার্মান সরকারকে কৃত্য-র মাধ্যমে উৎখাত করার চেষ্টা চালায় হিটলার। ব্যাপারটা কেঁচে যায়। জনতার ওপর গুলি চালায় আর্মি, বেশ কয়েকজন মারা যায়। হিটলার তখন পালাতে পারলেও, পরে ঘোফতার করা হয় তাকে। সেবার নয় মাস জেল খাটোর সময় ‘মেইন ক্যাম্প’ লেখে সে।

‘কৃটা চিরকালের জন্যে মিউনিক পুচ নামে পরিচিতি লাভ করে। জার্মান শব্দ পুচ মানে হলো রাজনৈতিক বিদ্রোহ। একজন হবু বিপ্লবী নার্সদের প্রথম দিকের একটা স্বত্ত্বিকা বহন করছিল, তাকে গুলি লাগায় সেটা রক্তে মাথামাথি হয়ে যায়। স্বভাবতই নার্সি শহীদের রক্তাক্ত প্রতীক হয়ে ওঠে ওই স্বত্ত্বিকা।’

‘যাই হোক, নার্সি ট্রেজার জার্মানি থেকে বের করে নিয়ে আসা হয়েছে,’ বললেন স্টোব। ‘পরে আর সে-সবের কোন হাদিস পাওয়া যায়নি।’

‘আপনার সাবমেরিন ছিল,’ জার্মান অ্যাডমিরালকে বললেন নুমা চিফ, ‘ইউ-৬৯৯।’

‘হ্যাঁ,’ জবাব দিলেন উলখেনস্টাইন। ‘আমি ওটার ক্যাপটেন ছিলাম। বেশ কিছু নার্সি সামরিক অফিসার, পার্টির প্রভাবশালী কর্মকর্তা আর হিটলারের ছাই নিরাপদে লোড করার পর বারজেন থেকে রওনা হই আমি, আমার আগে ছিল ইউ-২০১৫। এখন পর্যন্ত হিটলারের অন্তর্ধান একটা রহস্য হয়ে আছে। শুধুমাত্র মিস্টার স্টোব অনুরোধ করায় গল্পটা আপনাকে আমি শোনাচ্ছি। উনি বলছেন, একটা ধূমকেতু দুনিয়ার জন্যে ভয়ঙ্কর বিপদ ডেকে আনতে যাচ্ছে। তা যদি সত্য হয়, আমার মুখ না খোলার শপথ তাৎপর্যহীন হয়ে যায়।’

‘এখনই সব শেষ হয়ে গেল বলে কপাল চাপড়াতে রাজি নই,’ বললেন অ্যাডমিরাল হ্যামিলটন। ‘আমরা যেটা জানতে

চাই, ডেস্টিনি কি সত্যি বিশ্বাস করছে মহাশূন্য থেকে একটা বিপদ এসে দুনিয়াটাকে ধ্বংস করে দেবে? নাকি অবিশ্বাস্য অঙ্কের টাকা খরচ করে জাহাজগুলো অন্য কোন উদ্দেশ্যে বানাচ্ছে তারা?’

‘এই হারমানরা ইন্টারেস্টিং একটা ফ্যামিলি,’ ভারী গলায় বললেন উলখেনস্টাইন। ‘হিটলারের স্টাফের মধ্যে খুবই বিশ্বস্ত ছিল কর্নেল উলরিখ হারমান। সে খেয়াল রাখত হিটলারের যে কোন ইচ্ছে আর অযৌক্তিক আদেশ ঠিক মত পালন করা হচ্ছে কি না। এসএস অফিসারদের নিয়ে একটা এলিট গ্রুপ তৈরি করা হয়েছিল, প্রত্যেকে তারা নার্থসিজমের প্রতি নিবেদিতপ্রাণ, সেই গ্রুপের লিডার ছিল কর্নেল উলরিখ।

‘নিজেদেরকে তারা গার্ডিয়ান বলত, শপথ নিয়েছিল প্রাণ দিয়ে হলেও নার্থসি আদর্শকে রক্ষা করবে। তাদের অনেকেই শেষ দিকের যুদ্ধে মারা যায়। বেঁচে যায় মাত্র পঁচিশজন। এই পঁচিশজন এসএস অফিসার তাদের পরিবার-পরিজনকে নিয়ে ইউ-২০১৫-তে ঢেকে পালায়। আমার এক পুরানো ন্যাভাল কমরেড, এখনও বেঁচে আছে, কথা প্রসঙ্গে আমাকে জানিয়েছিল গার্ডিয়ান উলরিখ হারমান নিউ ডেস্টিনি নামে মার্টিন বোরম্যানের সূচিত একটা বিশ্ব-ব্যবস্থার নতুন রূপরেখা তৈরি করে।’

‘কথাটা সত্যি। ডেস্টিনি এন্টারপ্রাইজেস নামের আড়ালে সেই পঁচিশটা পরিবার আজও টিকে আছে। শুধু টিকে নেই, দুনিয়ার অর্থনীতির বড় একটা অংশ তারাই নিয়ন্ত্রণ করছে।’

‘বৃক্ষ জার্মান নৌ-অফিসার মৃদু হাসলেন। তা হলে ইউনিফর্ম আর প্রপাগাণ্ডা ত্যাগ করে ভক্ত বনে গেছে বিজনেস সুট আর ডলারের?’

‘এখন আর নিজেদেরকে তারা নার্থসি বলছে না, মেনিফেস্টোটা বদলে নিয়েছে,’ বললেন স্টোব।

‘তারা আলাদা একটা সুপার হিউম্যান গোষ্ঠীও তৈরি করেছে,’ বললেন জর্জ হ্যামিলটন। ‘জেনেটিক ইঞ্জিনিয়ারিংয়ের সাহায্যে উর্বর মস্তিষ্ক নিয়ে জন্মাচ্ছে তারা, প্রত্যেকে একেকটা প্রতিভা; এক্স্ট্রাঅর্ডিনারি ইমিউন সিস্টেমের অধিকারী হওয়ায় বাঁচবেও অনেকদিন।’

পরিষ্কার দেখা গেল শিউরে উঠলেন উলখেনস্টাইন। ম্রান, ফ্যাকাসে দেখাচ্ছে তাঁকে। ‘জেনেটিক ইঞ্জিনিয়ারিং, না? আমার ইউ-বোটে অনেকগুলো ক্যানিস্টার তোলা হয়, তার মধ্যে একটাকে সারাক্ষণ ঠাণ্ডা করে রাখা হত।’ বড় করে শ্বাস নিলেন তিনি। ‘স্টেটার ভেতরে হিটলারের স্পার্ম আর টিস্যু ছিল, নমুনা হিসেবে সংগ্রহ করা হয় সে আত্মহত্যা করার এক হঙ্গা আগে।’

নুমা চিফ আর সিআইএ কর্মকর্তা ধারাল দৃষ্টি বিনিময় করলেন।

‘এ কি আপনি সম্ভব বলে মনে করেন, পঁচিশজন গার্ডিয়ানের পরবর্তী বংশধর সৃষ্টিতে হিটলারের স্পার্ম ব্যবহার করা হয়েছে?’  
প্রশ্ন করলেন স্টাব।

‘আমি জানি না, নার্ভাস হয়ে পড়েছেন বৃদ্ধ উলখেনস্টাইন, জবাব দিলেন থেমে থেমে।

হঠাতে চাপা একটা কষ্টস্বর তাঁদের আলোচনায় ব্যাঘাত সৃষ্টি করল কফি টেবিলে পড়ে থাকা একটা ফোনের স্পিকার বাটনে চাপ দিলেন নুমা চিফ।

‘হ্যালো, বাড়িতে কেউ আছেন?’ রানার পরিচিত কষ্টস্বর ভেসে এল।

‘হ্যাঁ, আছি,’ মৃদুকণ্ঠে জবাব দিলেন অ্যাডমিরাল হ্যামিলটন।

‘রোজমেরি পিংসা টাওয়ার থেকে বলছি। আপনি একটা অর্ডার দিয়েছিলেন?’

‘দিয়েছিলাম।’

‘আপনি আপনার পিংসায় সালামি চান, নাকি বিফ?’

‘বিফ হলে ভাল হয়।’

‘আভনে ঢোকানো হচ্ছে। ডেলিভারি বয় রওনা হলে ফোন করে জানাব। রোজমেরি পিংসা টাওয়ারকে অর্ডার দেয়ার জন্যে অসংখ্য ধন্যবাদ।’

যোগাযোগ বিচ্ছিন্ন হয়ে গেল, স্পিকার থেকে ডায়াল টোন বেরঁচ্ছে।

নিজের মুখে একবার হাত বুলালেন অ্যাডমিরাল হ্যামিলটন। ঢোক তুলে তাকাতে বোৰা গেল উদ্বিগ্ন হয়ে পড়েছেন। ‘ওরা শিপইয়ার্ডে চুকে পড়েছে।’

‘এখন ওদের ঈশ্বরের সাহায্য দরকার,’ অস্পষ্ট সুরে বিড়বিড় করলেন স্টাব।

‘ব্যাপারটা বুঝলাম না,’ উলখেনস্টাইন বললেন। ‘ওটা কি কোড করা কোন মেসেজ ছিল?’

‘এমন ইকুইপমেন্টও আছে,’ ব্যাখ্যা করলেন স্টাব, ‘স্যাটেলাইট ফোনের কলও ইন্টারসেপ্ট করা যায়।’

‘এর সঙ্গে কি ডেস্টিনির কোন সম্পর্ক আছে?’

‘অ্যাডমিরাল,’ উলখেনস্টাইনকে বললেন নুমা চিফ, ‘এবার আমাদের গল্পটা শোনাই আপনাকে।’

## পাঁচ

টুলশেড থেকে রানা আর মুরল্যাঙ্ক বেরিয়ে আসতেই দালানটার কোণ থেকে এক লোক স্প্যানিশ ভাষায় হঁক ছাড়ল ওদের হারানো আটলান্টিস-২

উদ্দেশে। শান্তভাবে সাড়া দিয়ে হাত নাড়ল রানা, যেন বোঝাতে চাইল হাত খালি।

জবাবে সন্তুষ্ট হয়ে আরেকদিকে চলে গেল গার্ড।

‘কী বলল গার্ড? তুমিই বা কী জবাব দিলে?’ জানতে চাইল মুরল্যাভ।

‘সিগারেট চাইল লোকটা, বললাম আমরা ধোঁয়া গিলি না।’

শিপইয়ার্ডের মূল ভবনগুলো দেখাল মুরল্যাভ। ‘কোনটার দিকে যাব আমরা?’

ডি঱েকশনাল কমপিউটার অন করে শিপইয়ার্ডের লেআউটে একবার চোখ বুলাল রানা। তারপর মুখ তুলে ডকের পাশ দিয়ে চলে যাওয়া রাস্তা বরাবর তাকাল। দু’পাশে কয়েকটা প্রকাণ্ড ওয়্যারহাউস দেখা যাচ্ছে। ওগুলোর উপর টাওয়ারের মত উঁচু হয়ে রয়েছে বিশতলা একটা দালান। সেদিকে হাত তুলল ও। ‘ডানদিকের ওই লম্বা বিল্ডিংটায়।’

হাঁটতে হাঁটতে হঠাৎ দাঁড়িয়ে পড়ল ওরা, সবচেয়ে কাছের সুপারশিপ-এর দিকে মুঝ বিস্ময়ে তাকিয়ে আছে। চাপা গর্জন তুলে দূর থেকে ছুটে এল একটা এগজিকিউটিভ জেট প্লেন। আলো ঝলমলে ভাসমান শহরের এয়ারস্ট্রিপে ল্যাভ করল। পানির উপর দিয়ে ভেসে আসছে ইঞ্জিনের আওয়াজ, পাহাড়ের ঢালে বাধা পেয়ে প্রতিধ্বনি তুলছে।

‘দুনিয়ার আর কোন শিপইয়ার্ড এত বড় জাহাজ তৈরি করার সুযোগ নেই,’ বলল রানা, তাকিয়ে আছে বহুদূরে মিলিয়ে যাওয়া জাহাজটার খোলের দিকে।

বো ছাড়া দেখে বোবার উপায় নেই ওটা একটা জাহাজ। যেন আকাশ ছোঁয়া একটা বহুতল বিল্ডিং। গোটা সুপারস্ট্রাকচার আর্মারড প্লেট আর গ্লাস দিয়ে মোড়া। কাঁচের ভিতর গাছ-পালা, বাগান দেখা যাচ্ছে, খানিক পর পর একটা করে চক্ষুল ফোয়ারা।

ডক আর খোলা ডেকে কয়েক হাজার শ্রমিককে কাজ করতে

দেখল রানা। ত্রিশ কি চলিশটা সচল ক্রেন বাঞ্ছভর্তি কার্গো লোড করছে। বিশ্বাস করা কঠিন, ভাসমান এই শহর ইনলেট থেকে সাগরে নিয়ে যাওয়ার জন্য তৈরি করা হয়নি।

লুকাবার মত কোন ছায়া নেই কোথাও। চওড়া রাস্তা ধরে অলসভঙ্গিতে হাঁটছে রানা, ওর একটু পিছনে রয়েছে মুরল্যান্ড। মাঝেমধ্যে দু'একজন গার্ড পাশ কাটাচ্ছে, ওদের দিকে দ্বিতীয়বার তাকাচ্ছে না।

রানা খেয়াল করল বেশিরভাগ শ্রমিক ডক আর জাহাজের ডেকে ইলেকট্রিক গলফ-টাইপ কার্ট ব্যবহার করছে। এদিক ওদিক তাকিয়ে খালি কয়েকটা কার্ট দেখতে পেল ও, একটা ওয়্যারহাউসের সামনে পার্ক করা।

‘এটা হাঁটার জায়গা নয়,’ একটা কার্টে চড়ার সময় মুরল্যান্ডকে বলল রানা। ‘বিনা পয়সায় হাওয়া থেতে হলে তুমি উঠে পড়ো।’ দু’জনেই লক্ষ করল, কার্টের মেঝেতে এটা-সেটা নানা রকম জিনিস পড়ে রয়েছে।

দ্বিতীয় ডকের প্রবেশ পথ রাস্তা থেকে শুরু হয়ে তীর পর্যন্ত বিস্তৃত। ডকের পাশে ভাসছে যেন আলোকিত আর সুসজ্জিত একটা হিমালয়। দ্বিতীয় জাহাজটার ডিজাইন করা হয়েছে কৃষিজাত কার্গো বহন করার জন্য। ছোট-বড় হাজার হাজার গাছ তোলা হয়েছে জাহাজটায়। ডকে জমা করা হয়েছে লম্বা সিলিন্ডার আকৃতির কন্টেইনার, গায়ে লেখা ‘প্লান্ট সিড’। এক ধারে ফার্ম ইকুইপমেন্টের কনভয় দেখা গেল।

‘এসো, বাজি ধরি,’ বলল মুরল্যান্ড, ‘পরের জাহাজটায় প্রতিটি পশু-পাখি একজোড়া করে তোলা হয়েছে।’

‘ধরব না, কারণ জানি হেরে যাব,’ জবাব দিল রানা। ‘তবে আশা করব মশা-মাছি আর বিষাক্ত সরীসূপ বাদ দেয়ার সুমতি হয়েছে ওদের।’

বিশতলা বিল্ডিংটার সামনে কার্ট থামাল রানা। কুণ্ডলী হারানো আটলান্টিস-২

পাকানো ইলেকট্রিক তার, স্ক্রু-ড্রাইভার, টেপ, ওআয়্যার-কাটার, রঙের কৌটা, ব্রাশ ইত্যাদি নিয়ে ধাপ বেয়ে উঠছে ওরা। দুজন সিকিউরিটি গার্ড ভুরু কুঁচকে তাকাল ওদের দিকে।

চেহারায় আপনভোলা সরল হাসি ফুটিয়ে রানা বলল, ‘মিস্টার হারমান না কী যেন নাম, পেন্টহাউস স্যুইটের পিছনের দেয়ালের ইলেকট্রিক তার ঠিক আছে কিনা দেখতে পাঠালেন। ফেরার আগে স্যুইটের আরেক পাশে রঙ লাগাবার কাজটা শেষ করব।’

উত্তরে মন্দু হেসে মাথা ঝাঁকাল গার্ড দু’জন, ইঙ্গিতে ভিতরে চুক্তে বলল।

এলিভেটরে উঠে টিভি ক্যামেরা খুঁজল রানা। নেই। সন্দেহ হচ্ছে ওর। গার্ডরা কি খুব সহজে মেনে নিল ব্যাখ্যাটা? মনে হলো, তারা যেন অপেক্ষা করছিল ওদের জন্য!

‘বুদ্ধি খাটাতে হবে,’ বলল রানা।

ঘাড় ফিরিয়ে তাকাল মুরল্যাঙ্ক। ‘প্ল্যান সি?’

‘পাঁচতলায় থামব আমরা গার্ডদের বোকা বানাবার জন্যে, তারা সম্ভবত আমাদের গতিবিধি মনিটর করছে। তবে ভেতরেই থাকব আমরা, এলিভেটর পেন্টহাউসের দিকে উঠে যাবে, সেই ফাঁকে ছাদে উঠে যাব দু’জনে।’

‘মন্দ নয়,’ বলে পাঁচতলায় থামাব জন্য বোতামে চাপ দিল মুরল্যাঙ্ক।

‘ঠিক আছে,’ বলল রানা। ‘তোমার কাঁধে দাঁড়াতে দাও আমাকে, আমি সিলিঙ্গে উঠে যাই।’ তবে নড়ছে না ও। কয়মেরা দেখতে পায়নি ঠিকই, তবে রানা নিশ্চিত যে এলিভেটরে আড়ি পাতা যন্ত্র লুকানো আছে। শান্তভাবে দাঁড়িয়ে নিঃশব্দে হাসছে ও।

যা বোঝার বুঝে নিয়ে নিজের অটোমেটিকটা বের করল মুরল্যাঙ্ক। ‘উফ, তুমি খুব ভারী, ভাই।’

‘হাত দুটো দাও, আমি তোমাকে টেনে তুলে নিই।’ রানার  
হাতেও একটা কোল্ট .45 বেরিয়ে এসেছে। দরজার দু'দিকে  
সরে গেল ওরা, এলিভেটরের দুই কোণে সেঁটে থাকল।

থামল এলিভেটর। দরজা খুলে গেল। একই রকম কালো  
কাভারঅল আর মাথায় কালো স্টকিং ক্যাপ পরা তিনজন গার্ড  
ছুটে ভিতরে ঢুকে পড়ল, হাতে উদ্যত অস্ত্র, চোখ তুলে তাকিয়ে  
আছে সিলিঙ্গের খোলা মেইন্টেন্যান্স ডোর-এর দিকে।

তৃতীয় লোকটাকে ল্যাং মারল রানা। প্রথম দু’জনের গায়ে  
আছড়ে পড়ল সে, ফলে এলিভেটরের মেঝেতে তিনজনের একটা  
স্তূপ তৈরি হলো।

এরপর ডোর-ক্লোজ বাটনে চাপ দিল রানা, কয়েক ফুট না  
নামা পর্যন্ত অপেক্ষা করল, এবার চাপ দিল লাল ইমার্জেন্সি  
বোতামে, দুটো ফ্লোর-এর মাঝখানে দাঁড় করিয়ে ফেলল  
এলিভেটরকে।

ইতিমধ্যে অটোমেটিকের বাঁট দিয়ে মাথায় মেরে দুজন  
গার্ডকে অঙ্গান করে ফেলেছে মুরল্যান্ড। তৃতীয় লোকটার মাথায়  
মাজল ঠেকিয়ে কেড়ে নিল তার অস্ত্র।

হিসহিস করে উঠল লোকটা। ‘পাখা গজিয়েছে, তাই মরতে  
এসেছ! তোমরা আমাদের কিছুই করতে পারবে না!’ ইংরেজিতে  
কথা বলছে সে।

‘কে বলল আমরা কিছু করতে চাই?’ জিজ্ঞেস করল রানা।  
‘আমরা ডষ্টের শাহানা আর তাঁর মেয়েকে নিতে এসেছি। কোথায়  
তারা?’

সেফটি ক্যাচ অফ করল মুরল্যান্ড, হাতের অস্ত্র এখনও  
লোকটার কপালের পাশে ঠেকিয়ে রেখেছে।

‘তাদেরকে একটা জাহাজে রাখা হয়েছে

‘চারটে জাহাজ। কোনটায়?’

‘সত্যি বলছি, আমি জানি না।’

‘মিথ্যে কথা বলছে,’ বলল মুরল্যান্ড। ‘তুমি অনুমতি দিলেই ট্রিগার টেনে দিই।’

লোকটার চেহারা ফ্যাকাসে হয়ে গেল। ‘উলরিখ হারমানে আছে,’ তাড়াতাড়ি বলল সে। ‘উলরিখ হারমানে।’

‘কোন জাহাজ সেটা?’

‘মহাবিপদের পর লোকজনকে যেটা সাগরে নিয়ে যাবে।’

‘অত বড় একটা জাহাজে তল্লাশি চালাতে দু’বছর লেগে যাবে,’ বলল রানা। ‘পরিষ্কার করে জানাও কোথায়, তা না হলে তোমার দুই চোখে গুলি করতে বলব। জলদি।’

‘লেভেল সিঙ্গু, কে সেকশন। কোন্ রেসিডেন্সে জানি না।’

রানার ইঙ্গিতে এই লোকটাকেও অজ্ঞান করল মুরল্যান্ড। ঠিক সেই মুহূর্তে গোটা বিল্ডিং জুড়ে একযোগে কয়েকটা অ্যালার্ম বেজে উঠল।

‘সেরেছে,’ বলল মুরল্যান্ড। ‘শহর ছেড়ে পালাতে হলে গুলি চালিয়ে পথ করে নিতে হবে।’

‘স্টাইল আর সফিস্টিকেশনের সঙ্গে,’ বলল রানা, মোটেও উদ্বিগ্ন নয়। ‘যা কিছু করবে স্টাইল আর সফিস্টিকেশনের সঙ্গে।’

ছয় মিনিট পর লবি লেভেলে থামল এলিভেটর। দরজা খুলে গেল। লবির মেঝেতে অন্তত দুই ডজন লোককে দেখা গেল, প্রত্যেকের হাতের অটোমেটিক অস্ত্র এলিভেটরের ভিতরে তাক করা; হয় মেঝেতে হাঁটু গেড়ে আছে, নয়তো দাঁড়িয়ে।

সিকিউরিটি গার্ডের কালো কাভারাল ইউনিফর্ম পরা দু’জন গার্ড, ম্যাচ করা স্টকিং ক্যাপ প্রায় চোখ পর্যন্ত নামানো, মাথার উপর হাত তুলে ইংরেজি আর স্প্যানিশ ভাষায় চিৎকার শুরু করল। ‘গুলি কোরো না! দুজন অনুপ্রবেশকারীকে খুন করেছি আমরা।’ এরপর কমলা রঙের কাভারাল পরা দুটো লাশের পা ধরে টানতে শুরু করল। লবির মার্বেল পাথরের

মেঝেতে বের করে আনল ওগুলোকে। ‘ভেতরে ওদের আরও বক্স আছে,’ উক্তেজিত গলায় বলল রানা। ‘দশ তালায় ব্যারিকেড তৈরি করেছে তারা।’

‘রোমিঙ্গো কোথায়?’ গার্ডের লিডার জানতে চাইল।

মুখে এমন ভঙ্গিতে হাত বুলাল রানা, যেন ঘাম মুছল। তারপর আঙুল তুলে উপর দিকটা দেখাল। ‘তাকে রেখে আসতে হয়েছে। গোলাগুলির সময় আহত হয়েছে সে। জলদি একজন ডাক্তার পাঠাও।’

ভাল ট্রেনিং পেয়েছে, দ্রুত দু'ভাগ হয়ে গেল সিকিউরিটি ফোর্স। একদল এলিভেটরের দিকে ছুটল, আরেক দল ইমার্জেন্সি ফায়ার এক্সেপ্রেস দিকে।

এলিভেটর থেকে বের করা লাশ দুটোর পাশে খুঁকে পড়ল রানা আর মুরল্যান্ড, তল্লাশি চালাবার ভান করছে। তারপর সুযোগ বুঝে শান্ত ভঙ্গিতে মেইন ডোর দিয়ে বেরিয়ে গেল লবি থেকে।

‘বিশ্বাস হচ্ছে না বিপদটা কাটাতে পেরেছি,’ বলল মুরল্যান্ড। আরেকটা কার্ট খুঁজে নিয়ে ডকের দিকে রওনা দিয়েছে ওরা, যেখানে নোঙ্গর ফেলে আছে উলরিখ হারমান।

‘দু'জন অনুপ্রবেশকারী খুন হয়েছে শুনে খুশিতে আত্মহারা, আমাদের চেহারা ভাল করে দেখার কথাটা ভাবেনি।’

প্রথম ডকটা পেরচেছে ওরা। ক্রেনের ডগায় ঝুলে থাকা কাঠের কয়েকটা বাক্সকে এড়াবার জন্য ঘন ঘন ব্রেক কষতে হলো রানাকে। শ্রমিকরা যে যার কাজে এত মগ্ন, খেয়ালই করছে না ওদেরকে।

খালি একটা লোডিং র্যাম্প দেখে সেদিকে বাঁক নিল রানা, লম্বা গ্যাঙওয়ে ধরে হাঁটার ইচ্ছে নেই। র্যাম্পের পাশেই কার্গো জড়ো করা হয়েছে। লাল কাভারঅল পরা এক লোককে দেখে মনে হলো লোডিং সাপ্লাই আর ইকুইপমেন্টের দায়িত্বে আছে।

‘তাড়াতাড়ি,’ লোকটাকে বলল রানা। ‘লেভেল সিঙ্গ, কে সেকশনে আমাদের একটা ইমার্জেন্সি আছে। কোন্ দিক দিয়ে গেলে তাড়াতাড়ি পৌছাতে পারব?’

কালো ইউনিফর্ম চিনতে থারল লোকটা, জানে শিপইয়ার্ডের সিকিউরিটি গার্ডরা পরে। ‘তোমরা জানো না?’

‘ডাঙা থেকে মাত্র ট্র্যাঙ্কফার হয়ে এসেছি,’ বলল রানা। ‘তা ছাড়া, উলরিখ হারমান আমাদের পরিচিত জাহাজ নয়।’

হাত তুলে একটা প্যাসেজ দেখিয়ে দিল লোডিং ম্যানেজার। ‘ডান দিকের দ্বিতীয় এলিভেটরে চড়তে হবে। নামতে হবে ডেক ফ্লোর ফোরে। এরপর ট্রামে চড়ে সোজা চলে যাবে কে সেকশনে। অফিসে ঢুকে কোন্ রেসিডেন্সে যাবে জানালে ওরা দেখিয়ে দেবে।’

‘আমরা আমেরিকান বিজ্ঞানী আৱ তাঁৰ মেয়ের কাছে যাব।’

‘তারা কে বা কোথায় আছে আমি জানি না। কে সেকশনে পৌছে চিফ সিকিউরিটি অফিসারকে জিজ্ঞেস করতে হবে।’

ধন্যবাদ দিয়ে কার্ট ছেড়ে দিল রানা।

‘এখন পর্যন্ত বেশ ভালই করছি বলতে হবে,’ মন্তব্য করল মুরল্যান্ড। ‘ওহ-হো, তোমাকে অভিনন্দন জানান হয়নি, দোষ্ট! খেটে খাওয়া মানুষের কমলা সুটের বদলে কালো সিকিউরিটি ইউনিফর্ম বেছে নেয়ার বুদ্ধিটা সত্যি দারুণ ছিল।’

‘ফাঁদ থেকে বেরুবার আৱ কোন উপায় আথায় আসেনি তখন।’

ট্রামে উঠে সুন্দরী এক তরঙ্গীর পাশে বসে-পড়ল মুরল্যান্ড। তার দিকে ফিরে হাসল মেয়েটি। ‘তোমাকে আমেরিকান বলে মনে হচ্ছে,’ বলল সে, কথায় স্প্যার্নিশ টান স্পষ্ট।

‘কী করে বুবালেন?’

‘আমাদের সিকিউরিটির প্রায় সবাই ইউএস আর্মির লোক

‘আপনি হারমান ফ্যামিলির একজন সদস্য। নবৃত্ত বিনয়ের

সুরে বলল মুরল্যান্ড ।

‘ভুল বললে ।’ হাসল মেঘেটি । ‘আমরা সবাই ডেস্টিনি  
পরিবারের মেম্বার । আমি এরিকা ফ্রেড ।’

আলাপটা জমে উঠেছে, এইসময় দরজার কাছ থেকে  
বেরসিকের মত বলল রানা, ‘এখানে নামতে হয়, ববি ।’

ট্রাম থামতে রানার পিছু নিয়ে নেমে পড়ল মুরল্যান্ড । ‘এবার  
কোনদিকে, হে?’

‘আগে জাহাজের মাঝখানে পৌছাই চলো,’ বলল রানা ।  
‘তারপর সাইন দেখে কে সেকশনের দিকে যাব । সিকিউরিটি  
অফিসটারকে মহামারীর মত এড়িয়ে চলতে হবে ।’

করিডর-ধরে যেন অনন্তকাল হাঁটছে ওরা, পাশ কাটাচ্ছে  
নম্বর লাগানো অসংখ্য দরজাকে, আসবাব-পত্র সাজানো শুরু  
হওয়ায় কয়েকটার কবাট খোলা । প্রতিটি দরজার পিছনে একটা  
করে প্রশংস্ত স্যুইট দেখতে পাচ্ছে ওরা ।

কী কারণে এগুলোকে রেসিডেন্ট বলা হচ্ছে বোৰা গেল ।  
প্ল্যানটা হলো ধূমকেতু আছড়ে পড়ার পর যতদিন না বসবাস  
করার উপযোগী হয় পৃথিবী ততদিন এই সব স্যুইটের বাসিন্দারা  
এখানে যাতে আরাম-আয়েশের সঙ্গে অপেক্ষা করতে পারে ।  
ত্রিশঁ ফুট পরপর দেয়ালে পেইন্টিং ঝুলছে, প্রতি একজোড়া  
দরজার মাঝখানে ।

এক মিনিটের জন্য থেমে একটা ল্যান্ডস্কেপ পরীক্ষা করল  
মুরল্যান্ড । টানা হাতে করা শিল্পীর সইটা খুঁটিয়ে দেখল । ‘এটা  
ভ্যান গগ হতে পারে না,’ গলায় সন্দেহ নিয়ে বলল সে । ‘হয়  
জাল করা হয়েছে, নয়তো রিপ্রোডাকশান ।’

‘এটা জেনুইন,’ বলল রানা । হাত তুলে দেয়ালের বাকি  
ছবিগুলো দেখাল । ‘দ্বিতীয় বিশ্বযুদ্ধের সময় বিভিন্ন মিউজিয়াম  
থেকে নাঃসিরা এ-সব লুঠ করেছিল ।’

‘যেন জানত মহামূল্যবান এই সম্পদগুলো তাদেরকেই রক্ষা

করতে হবে!'

মুরল্যান্ডের কথার সূত্র ধরে রানা ভাবছে, নাঃসিদের এই পরিবারগুলো এতটা নিশ্চিতভাবে জানল কীভাবে দ্বিতীয়বার এসে ধূমকেতুটি আঘাত করবে পৃথিবীকে? এবারও তো না-ও লাগতে পারে, যেমন নয় হাজার বছর আগে লাগেনি?

আপাতত এর কোন উত্তর নেই, তবে ডষ্টের শাহানা আর তার মেয়েকে নিয়ে নিরাপদে শিপইয়ার্ড ত্যাগ করতে পারলে ব্যাপারটা তদন্ত করে দেখবে ও।

করিডর ধরে প্রায় আধ মাইল হাঁটার পর ‘সিকিউরিটি, কে সেকশন’ লেখা একটা দরজাকে দ্রুত পাশ কাটাল ওরা। আরও কিছুক্ষণ হাঁটার পর রিসেপশন এরিয়ায় পৌছাল।

জায়গাটাকে ফাইভ-স্টার হোটেলের লবি বলে অন্যান্যে চালিয়ে দেওয়া যায়। একটা পেইন্টিঙে নৃহ নবীর নৌকা দেখা যাচ্ছে, সেটার নীচে ফেলা টেবিলে সবুজ কাভারঅল পরা একজোড়া তরঙ্গ-তরঙ্গীকে বসে থাকতে দেখা গেল।

‘আমাদেরকে পাঠানো হয়েছে,’ নরম সুরে বলল রানা। ‘ডষ্টের শাহানা আর তাঁর মেয়েকে জাহাজের অন্য অংশে সরিয়ে নিয়ে যাব।’

ভুরু কুঁচকে রানাকে দেখল মেয়েটি। মুরল্যান্ডের দিকেও তাকাল একবার। ‘তাকে সরানো হবে, এ-কথা আমাকে আগে কেন জানান হয়নি?’

‘আমাকেই তো হকুম করা হলো মাত্র দশ মিনিট আগে।’

‘এই হকুমটা আমাকে ঘাঁচাই করে দেখতে হবে,’ কর্তৃত্বের সুরে বলল মেয়েটি।

‘আরও ভাল হয় আমার বসকে জিজ্ঞেস করুন,’ বলল রানা। ‘আসছেন তিনি।’

মাথা বাঁকাল মেয়েটি। ‘বেশ।’

‘তার আগে আপনি জানাতে পারেন কোথায় তাঁকে রাখা

হয়েছে,’ বলল রানা। ‘তা হলে তাকে সরাবার প্রস্তুতি নিতে পারি আমরা।’

‘তোমরা জানো না?’ মেয়েটার চোখে সন্দেহ।

‘কী আশ্চর্য, জানলে আপনাকে জিজ্ঞেস করি!'

একটু নরম হলো সেকশন লিডার মেয়েটি। ‘ডষ্ট্র শাহানাকে তোমরা কে-সাতাশে পাবে। তবে সই করা অর্ডার ছাড়া আমি চাবি দিতে পারব না।’

‘এখনই ভেতরে ঢোকার দরকার নেই,’ বলল রানা। ‘আমরা দরজার বাইরে অপেক্ষা করব।’ মুরল্যান্ডের উদ্দেশে মাথা বাঁকিয়ে হাঁটা ধরল রানা, যে পথে এসেছে সেটা ধরেই ফিরছে।

দ্রুত পা চালিয়ে করিডরে ফিরে এল ওরা। ‘যা করার তাড়াতাড়ি,’ বলল রানা। ‘ইতিমধ্যে সিকিউরিটির লোকজন নিশ্চয়ই জেনে ফেলেছে কোথায় থাকতে পারি আমরা।’

কে-সাতাশের সামনে পৌছে একজন গার্ডকে দেখতে পেল ওরা। লোকটাকে তালগাছ বললেই হয়। মুরল্যান্ড তাকে বলল, ‘তোমার ছুটি।’

চোখে প্রশ্ন নিয়ে তাকাল লোকটা। ‘আমার ডিউটি শেষ হতে এখনও দু’ঘণ্টা বাকি।’

‘তোমার ভাগ্য ভাল, আমাদেরকে সময়ের আগে পাঠান হয়েছে।’

‘তোমাদেরকে আমার পরিচিত মনে হচ্ছে না,’ চোখে-মুখে অস্বস্তির ভাব নিয়ে বলল গার্ড।

‘তোমাকেও আমরা চিনতে পারছি না।’ এরপর ফিরে যাওয়ার ভান করল মুরল্যান্ড। ‘বাদ দাও। তোমার ডিউটি শেষ না হওয়া পর্যন্ত ডাইনিং রুমে অপেক্ষা করি�...’

হঠাতে সুর পাল্টাল গার্ড। ‘না, না, ছুটি পেলে ভালই হয়, দু’ঘণ্টা ঘুমাতে পারব।’ আর কিছু শোনার অপেক্ষায় না থেকে রওনা হয়ে গেল সে।

এলিভেটরটা করিডরের শেষ মাথায়, গার্ড সেটার ভিতর  
অদৃশ্য হয়ে যেতেই স্যুইটের দরজায় প্রচণ্ড একটা লাঠি মারল  
রানা। ছিটকিনি ভেঙে খুলে গেল কবাট। ভিতরে দুকে ওরা  
দেখল বারো কি তেরো বছরের ছোট একটি মেয়ে কিচেনে  
দাঁড়িয়ে প্লাসের দুধে চুমুক দিচ্ছে, পরনে নীল কাভারঅল। হাত  
থেকে খসে কার্পেটে পড়ে গেল প্লাসটা।

বেডরুম থেকে ছুটে বেরিয়ে এল ডষ্টর শাহানা, মাথার  
পিছনে রাশি রাশি কালো চুল প্রকাণ্ড হাত পাখার মত ছাড়িয়ে  
পড়েছে। দোরগোড়ায় দাঁড়িয়ে পড়ল সে, চোখে বিস্ময় আর  
অবিশ্বাস নিয়ে দেখছে ওদের দু'জনকে।

খপ করে তার হাঁত ধরল রানা। মেয়েটিকে একটানে কার্পেট  
থেকে তুলে নিল মূরল্যাঙ্ক।

‘কথা বলার সময় নেই,’ রুক্ষশ্বাসে ফিসফিস করল রানা।  
‘চলুন, পালাই! ’

‘এক সেকেন্ড!’ শরীরটা মুচড়ে রানার হাত থেকে নিজেকে  
ছাড়িয়ে মিয়ে ছুটল শাহানা। কয়েক সেকেন্ডের মধ্যে ফিরে এল  
সে, বুকের সঙ্গে চেপে ধরে আছে ছোট একটা অ্যাটাশে কেস।

করিডর ধরে ছুটতে ছুটতে এলিভেটরের সামনে এসে থামল।  
চারজনের দলটা। বোতামে চাপ দিল রানা। বিশ সেকেন্ড পর  
এলিভেটরের দরজা খুলে গেল।

ভিতরে লাল কাভারঅল পরা তিনজন শ্রমিক রয়েছে—ডকে  
নয়, এরা কাজ করে জাহাজের ভিতর। শ্রমিকদের সঙ্গে রয়েছে  
হলুদ কাভারঅল পরা একজন সুপারভাইজারও।

এলিভেটরের দরজা বন্ধ হচ্ছে, এই সময় চারদিক থেকে  
একাধিক অ্যালার্ম বেজে ওঠার আওয়াজ ভেসে এল।

‘ববি, ইউনিফর্মগুলো দরকার,’ এলিভেটর নামতে শুরু  
করতে বিড় বিড় করল রানা। ‘শাহানা, মেয়ের চোখে হাতচাপা  
দিন।’

রানা আর মুরল্যান্ডের হাতে ভোজবাজির মত অন্ত বেরিয়ে এল।

ছয় মিনিট পর। ওরা তিনজন লাল কাভারঅল পরেছে, রানা পরেছে হলুদ। একটা কার্ট চালাচ্ছে ও, সাবধানে প্ল্যাটফর্মের দিকে এগোচ্ছে। ট্রাম ধরবে।

চারপাশে রূঢ়শাসে ছুটোছুটি করছে সিকিউরিটি গার্ডরা, অবশ্য ওদের দিকে কারও মনোযোগ নেই। এক হাতে কার্টের হইল ধরে আরেক হাত পকেটে ভরল রানা। গ্লোবালস্টার ফোনটা বের করল আবার।

প্রথম রিঙ্টা তখনও থামেনি, স্পিকারের বাটনে চাপ দিলেন অ্যাডমিরাল হ্যামিল্টন। ‘ইয়েস?’

‘রোজমেরি পিঃসা থেকে বলছি। আপনার অর্ডার রওনা হয়ে গেছে।’

‘বাড়িটা ঠিকমত খুঁজে পাবেন তো?’

‘আসলে পিঃসা ঠাণ্ডা হয়ে যাবার আগে আমরা পৌছাতে পারব কিনা সন্দেহ আছে।’

‘আশা করব তাড়াতাড়ি পৌছাবার চেষ্টা করবেন আপনারা,’ বললেন অ্যাডমিরাল, কঠোর থেকে উত্তেজনার ভাবটা চেপে রাখলেন। ‘এখানে ক্ষুধার্ত লোকজন অপেক্ষা করছেন।’

‘ট্রাফিক হেভি। সাধ্যমত চেষ্টা করব।’

‘আমি একটা আলো জ্বলে রাখছি।’ টেলিফোন রেখে দিলেন অ্যাডমিরাল, চেহারা থমথম করছে। উলখেনস্টাইনের দিকে তাকালেন। ‘এরকম হেঁয়ালি করার জন্যে দুঃখিত।’

‘আমি কিছু মনে করছি না,’ বৃক্ষ জার্মান জবাব দিলেন।

‘কী অবস্থায় আছেন ওরা?’ জানতে চাইলেন স্টাব।

‘ভাল নয়,’ জবাব দিলেন অ্যাডমিরাল হ্যামিল্টন। ‘ডক্টর শাহানা আর তাঁর মেয়েকে পেয়েছে ওরা, তবে বোধহয় হারানো আটলান্টিস-২

শিপইয়ার্ড থেকে বেরিয়ে আসতে কঠিন বাধার মুখে পড়তে যাচ্ছে। ট্রাফিক হেভি মানে হলো ডেসটিনির সিকিউরিটি ফোর্স পিছু নিয়েছে ওদের।'

'এর মানে তো ওখান থেকে ওঁরা বেরুতেই পারবেন না!' হতাশ কঢ়ে বললেন স্টাব।

## ছয়

প্ল্যাটফর্ম থেকে ধীর গতিতে রওনা হলো ট্রাম। খানিক পর স্পিড বেড়ে ঘণ্টায় ত্রিশ মাইলে দাঁড়াল। ড্রিউ স্টেশনে কিছু প্যাসেঞ্জার উঠল, কিছু নামল। প্রতিটি প্ল্যাটফর্মে গার্ড দেখা যাচ্ছে, লোকদের আইডি চেক করছে তারা। তবে ট্রামে উঠছে না কেউ।

এক স্টেশনে ভাগ্য বেঁকে বসল, কালো ইউনিফর্ম পরা ছয়জন সিকিউরিটি গার্ড উঠল ট্রামের শেষ কারে, প্যাসেঞ্জারদের আইডেন্টিফিকেশন ট্যাগ পরীক্ষা করছে-ওটার অস্তিত্ব এইমাত্র খেয়াল করল রানা, লোকেরা যে যার ট্যাগ ব্রেসলেটের সঙ্গে কবজিতে পরে আছে। নিজেকে তিরক্ষার করল ও, আগে জানলে সুপারভাইজার আর লেবারদের কবজি থেকে ব্রেসলেটগুলো খুলে নিতে পারত ওরা।

রানা আরও লক্ষ করল, লাল আর হলুদ কাভারাল পরা লোকজনকে বেশি সময় ধরে পরীক্ষা করছে গার্ডরা।

'ধীরে ধীরে এদিকে এগিয়ে আসছে ওরা,' নির্ণিষ্ঠ স্বরে বলল

মুরল্যান্ড। গার্ডেরকে দ্বিতীয় কারে ঢুকতে দেখল সে। এই ট্রামে মাত্র পাঁচটা কার।

‘প্রথম কারে চলো, সাবধানে,’ নিচু গলায় নির্দেশ দিল রানা।

প্রথমে থাকল মুরল্যান্ড, তার পিছনে মেয়ে শ্রেয়াকে নিয়ে শাহানা, সবশেষে রানা।

‘ওরা শেষ কারে পৌছাবার আগে পরের স্টেশনটা চলে আসতে পারে,’ বলল মুরল্যান্ড। ‘তবে কী হয় বলা যায় না।’

‘এত সহজে কি আমরা নামতে পারব?’ বলল রানা, গল্পীর। ‘ওরা হয়তো ওখানেও অপেক্ষা করছে।’ ওদেরকে পাশ কাটিয়ে সামনে চলে এল ও। কার-এর সামনে ছোট একটা কন্ট্রোল-ক্যাব রয়েছে, জানালায় কাঁচ লাগানো।

কাঁচে নাক ঠেকিয়ে ভিতরে তাকাল রানা। আলো, বোতাম, সুইচ আর লিভারসহ একটা কনসোল দেখা যাচ্ছে, তবে কোনও ড্রাইভার বা ইঞ্জিনিয়ার নেই। ট্রামটা পুরোপুরি অটোমেটিক। দরজা খোলার চেষ্টা করে লাভ হলো না, তালা দেওয়া।

কনসোল প্যানেলের সিম্বল আর ঘার্কিংগুলো খুঁটিয়ে দেখল রানা। বিশেষ করে একটার উপর চোখ আটকে গেল ওর। পকেট থেকে পিস্টলটা বের করে বাড়ি মারল জানালার কাঁচে। হতচকিত শ্রমিকদের গ্রাহ্য না করে সদ্য তৈরি গর্তের ভিতর হাত ঢুকিয়ে দিল, তারপর হাতল ঘুরিয়ে দরজার তালা খুলে ফেলল।

এতটুকু বিরতি না নিয়ে ক্যাবের ভিতরে ঢুকল রানা, হাত বাড়িয়ে প্রথম পাঁচটা টগল্ সুইচ-এর প্রথমটাকে ঘুরিয়ে দিল। এই সুইচগুলোই ট্রামটার ইলেক্ট্রনিক কাপলিংগুলোকে সংযুক্ত করে রেখেছে।

এরপর কম্পিউটার রিসেট করল ও, যেটা ট্রামের স্পিড নিয়ন্ত্রণ করছে।

কাঞ্জিক্ত ফলাফল তৃপ্তি এনে দিল। সামনের কার থেকে বিছিন্ন হয়ে পড়ল পিছনের চারটে কার, পিছিয়ে পড়ছে দ্রুত। হারানো আটলান্টিস-২

যদিও প্রতিটি কারের নিজস্ব পাওয়ার সোর্স আছে, তবে প্রথম কারের চেয়ে ওগুলোর প্রিসেট স্পিড কম। সিকিউরিটি গার্ডরা অসহায় ভঙ্গিতে তাকিয়ে থাকল, শিকার দূরে সরে যাচ্ছে দেখেও করার কিছু নেই তাদের।

চার মিনিট পর রানাদের কার ওয়াই স্টেশনকে পাশ কাটাল, প্ল্যাটফর্মে অপেক্ষারত প্যাসেঞ্জার আর সিকিউরিটি গার্ডরা হতভম্ব হয়ে তাকিয়ে থাকল।

রানা অনুভব করল ঠাণ্ডা একটা হাত ওর তলপেট খামচে ধরেছে, আর মুখের ভিতরটা যেন শুকনো পাতায় ঠাসা। মরিয়া হয়ে ভয়ঙ্কর একটা জুয়া খেলছে ও, জেতার সম্ভাবনা বলতে গেলে শূন্য। ঘাড় ফিরিয়ে শাহানার দিকে তাকাল।

একটা সিটে বসে মেয়েকে একহাতে জড়িয়ে রেখেছে শাহানা, আরেক হাতে এখনও শক্ত করে ধরে আছে অ্যাটাশে কেসটা, চোখে-মুখে আশ্চর্য একটা বিষণ্ণতা। হেঁটে এসে তার সামনে দাঁড়াল রানা।

‘এই বিপদ আমরা কাটিয়ে উঠব, শাহানা,’ দৃঢ় আত্মবিশ্বাসের সঙ্গে বলল ও। ‘আমার ওপর ভরসা, রাখুন, পানি আর পাহাড়ের ওপর দিয়ে ঠিকই আপনাদেরকে পার করে নিয়ে যাব আমি।’

মুখ তুলে তাকাল শাহানা, জোর করে ক্ষীণ একটু হাসল। ‘গ্যারান্টি দিচ্ছেন?’

‘ফুলপ্রফুফ,’ বলল রানা, নিজের ভিতর আশ্চর্য একটা শক্তি অনুভব করছে।

এরপর বাচ্চা মেয়েটির মাথায় হাত বুলিয়ে দিল রানা। ‘কী নাম তোমার?’

‘শ্রেয়া,’ বলল সে, ভয়ে বড় বড় হয়ে আছে চোখ।

‘বড় করে শ্বাস নিয়ে চিল দাও পেশিতে,’ নরম সুরে বলল রানা। ‘আমি রানা, আর ও আমার বন্ধু ববি। আমরা

তোমাদেরকে বহাল তবিয়তে বাড়ি পৌছে দেব।'

রানার কথায় এমন কিছু আছে, মেয়েটির চোখ-মুখ থেকে আতঙ্ক আর উদ্বেগ মিলিয়ে গেল, সেখানে এখন শুধু স্বাভাবিক একটু অস্বস্তি।

নিজেকে মনে করিয়ে দিল রানা, সঙ্গে দুজন মেয়ে থাকায় পালাবার জন্য গোলাগুলি এড়িয়ে যাওয়ার চেষ্টা করতে হবে।

আধ মিনিট পার হলো। ফিরে এসে কন্ট্রোল কেবিনে ঢুকল রানা, দেখল জাহাজের পিছনের অংশে পৌছাচ্ছে ওরা, দূরে ডক দেখা যাচ্ছে। সামনের ট্র্যাক ক্রমশ বাঁকা পথ ধরে ডকের দিকে এগিয়েছে।

বাঁক নিয়ে নিশ্চয়ই আবার ফিরতি পথ ধরবে ট্রাম, তারমানে ওই বাঁকের কাছেই কোথাও জেড স্টেশনটা। সন্দেহ নেই, সিকিউরিটি গার্ডরা অপেক্ষা করছে ওখানে।

'কারের স্পিড কমাচ্ছি,' বলল রানা। 'আমি বলা যাবে লাফ দিয়ে নেমে পড়তে হবে। ট্র্যাকের কিনারায় ঘাস আর ফুলগাছ আছে, কাজেই ব্যথা পাওয়ার ভয় নেই। শরীরটা সামনের দিকে গড়িয়ে দিতে পারলে ভাল হয়। মোট কথা কারও আহত হও.. চলবে না।'

শ্রেয়ার কাঁধে একটা হাত ঝাখল মুরল্যাড। 'আমরা একসঙ্গে নামব। আমাকে তুলোর বস্তার মত ব্যবহার করতে পারবে তুমি।'

কন্ট্রোল রিসেট করল রানা, সঙ্গে সঙ্গে কারের স্পিড কমে গেল। স্পিড ক্ষেত্রে লাল কাঁটাটা ১০-এর ঘরে আসতেই চাপা গলায় নির্দেশ দিল ও, 'হ্যাঁ, এইবার! নেমে পড়ো সবাই!'

ইতস্তত করছে রানা, নিশ্চিত হতে চাইছে সবাই ওরা ট্রাম থেকে নামতে পেরেছে কিনা। তারপর বোতাম টিপল কয়েকটা, ফলে কাঁটাটা ৬০-এর ঘরে উঠে গেল, অর্থাৎ ট্রাম এখন ঘণ্টায় ষাট মাইল গতি পেতে যাচ্ছে। কন্ট্রোল কাব থেকে বেরিয়েই

খোলা দরজা দিয়ে লাফ দিল রানা।

নরম মাটিতে পা দিয়ে পড়ল, পরক্ষণে শরীরটাকে গড়িয়ে দিল রাশি রাশি বনসাই গাছের উপর দিয়ে; থামার আগে ওগুলোর ডালপালা ভেঙে আর কিছু রাখল না। চোখ-মুখ কুঁচকে সিধে হচ্ছে, ব্যথায় প্রতিবাদ জানাচ্ছে একটা হাঁটু; তবে অচল হয়ে পড়ার ঘত কিছু ঘটেনি।

ওর পাশে পৌছে গেছে মুরল্যান্ড, ভারসাম্য ফিরে পেতে সাহায্য করছে ওকে। শাহানা আর শ্রেয়ার চোখে-মুখে ব্যথার কোন ছাপ নেই দেখে স্বত্ত্ব বোধ করল রানা। দু'জনেই তারা নিজেদের চুল থেকে মাটি আর পাইন গাছের কাঁটা পরিষ্কার করতে ব্যস্ত।

ট্রামটা বাঁক ঘুরে অদৃশ্য হয়ে গেছে। তবে একপ্রস্তু সিঁড়ি দেখতে পাচ্ছে ওরা, নেমে গেছে প্রথম জেটিতে, মাত্র পঞ্চাশ ফুট দূরে। না, আশপাশে কোন গার্ড বা অন্য কোন লোকজন নেই।

‘কোথায় যাচ্ছি?’ জিজ্ঞেস করল শাহানা।

‘প্লেন ধরতে,’ জবাব দিল রানা। ‘তবে তার আগে বোটে চড়ে একটু বেড়াব সবাই।’

খপ্ করে শাহানার হাত ধরে টেনে নিয়ে চলল রানা। ঠিক একইভাবে শ্রেয়াকেও টেনে নিয়ে যাচ্ছে মুরল্যান্ড। সিঁড়ির মাথায় চলে এল ওরা। নীচে এক নম্বর জেটি।

রানার ধারণা, জেড স্টেশনে কারটা না থামলে সিকিউরিটি গার্ডরা ধরে নেবে অনুপ্রবেশকারীরা এখনও লুকিয়ে আছে ওটায়। সিকিউরিটি ডিরেক্টর এরপর আর কোন দ্বিধা না করে নির্দেশ দেবে: ট্রাম সিস্টেমের পাওয়ার সার্কিট বন্ধ করে দাও। সেই সঙ্গে আরেকটা ট্রামকে কারটার পিছু নিতে বলা হবে।

শক্তি হারিয়ে দাঁড়িয়ে পড়া কারে পৌছাতে সাত মিনিট সময় নেবে গার্ডরা। ততক্ষণে ছোট দলটিকে নিয়ে রানা যদি জাহাজ

থেকে নেমে যেতে না পারে, কপালে খারাবি আছে।

এক আর দুই নম্বর জেটির মাঝখানে তিনটে বোট বাঁধা রয়েছে। প্রথমটা সেইলবোট, চরিশ ফুট লম্বা। দ্বিতীয়টা বিয়ালিশ ফুটী কেবিন ক্রুজার। শেষটা চরিশ ফুটী ক্লাসিক রানঅ্যাবাউট।

‘বড় পাওয়ার বোটে ওঠো,’ ওদেরকে বলল রানা।

‘ডাইভ গিয়ার ফিরিয়ে আনছি না, না?’ জানতে চাইল মুরল্যান্ড।

‘দরকার নেই। শাহানা আর শ্রেয়া পানির নীচে সুবিধে করতে পারবে না।’

‘রানঅ্যাবাউটের স্পিড বেশি,’ অন্য প্রসঙ্গ তুলল মুরল্যান্ড।

‘তা ঠিক,’ বলল রানা। ‘তবে শিপইয়ার্ড থেকে কোনও বোটকে দ্রুত পালাতে দেখলে সিকিউরিটি গার্ডরা সন্দেহ করবেই। একটা পাওয়ার বোট ধীরগতিতে এগোলে তাদের মনে কোনও প্রশ্ন জাগবে না।’

একজন ডেকহ্যান্ড হোসপাইপ দিয়ে ডেক ধুচ্ছে, এই সময় গট গট করে হেঁটে এসে গ্যাঙওয়েতে দাঁড়াল রানা। ‘বাহ, বোটটা তো দেখছি ভারি সুন্দর,’ বলল ও, সারা মুখে হাসি।

‘হেহ?’ ডেকহ্যান্ড তাকাল ওর দিকে, ইংরেজির একটা বর্ণও বোঝে না।

গ্যাঙওয়ে ধরে আরও কিছুটা উঠল রানা। হাত তুলে কেবিন ক্রুজারের চারদিকটা দেখাল। ‘সত্যি, এত সুন্দর বোট সহজে চোখে পড়ে না,’ আবার বলল ও, দৃঢ় পায়ে চুকে পড়ল ব্রিজ কেবিনে।

পিছু নিয়ে ভিতরে ঢুকল ডেকহ্যান্ডও, বোটে অংধিকার প্রবেশের জন্য প্রতিবাদ করছে। তাকে রানা চার দেয়ালের আড়ালে পাওয়া মাত্র চোয়ালে নিরেট একটা ঘুসি মেরে ফেলে দিল ডেকে। তারপর ঝুঁকে দরজার বাইরে উঁকি দিয়ে বলল,

‘ববি, লাইন খোলো। ইউ লেডিজ, অল অ্যাবোর্ড।’

এক মুহূর্ত স্থির হয়ে দাঁড়িয়ে কনসোল ভর্তি ইন্সট্রুমেন্টগুলো  
দেখল রানা। তারপর চাবি ঘুরিয়ে জোড়া স্টার্টার বাটন টিপল।

নীচের ইঞ্জিন কমপার্টমেন্টে একজোড়া বিরাট ডিজেল ইঞ্জিন  
সচল হলো। লাইন খোলার আগে ডেকহ্যান্ডকে কাঁধে তুলে নিয়ে  
ডাঙায় রেখে এল মুরল্যান্ড।

স্টারবোর্ড উইন্ডো খুলে বাইরে তাকাল রানা। সামনের আর  
পিছনের লাইন খুলে বোটে উঠে আসছে মুরল্যান্ড।

বোট ধীরে ধীরে ঘুরিয়ে নিয়ে খোলা পানিতে বেরিয়ে এল  
রানা। এই মুহূর্তে প্রকাণ্ড জাহাজের স্টোর্ন ঝুলে আছে ওর উপর।  
শিফট লিভার ঘোরাল ও, উলরিখ হারমানের গা ঘেঁষে রওনা  
হলো পাওয়ার বোট। শিপইয়ার্ডকে পিছনে ফেলে ইনলেটে  
পৌঁছাতে হলে ভাসমান টাইটানকে প্রায় পুরোটা চক্র দিতে  
হবে।

আট নট স্পিড সেট করল রানা, যাতে কেউ কিছু সন্দেহ না  
করে। এখন পর্যন্ত কোন চিৎকার-চেঁচামেচি নেই, কোন বেল বা  
হাইসেল বাজছে না, কোনও ধরনের ধাওয়া বা সার্চলাইটও চোখে  
পড়ছে না।

এই গতিতে গোটা সুপারশিপকে পাশ কাটিয়ে নিরাপদ  
দূরত্বে স্রে যেতে পনেরো মিনিট লাগবে ওদের। শিপইয়ার্ডের  
চোখ ধাঁধান আলোটা এখন এক নম্বর শক্র। মিনিট তো নয়,  
যেন পনেরোটা বছর পার করতে হচ্ছে ওদেরকে। মেইন  
কেবিনের ভিতর রয়েছে ওরা, বাইরে থেকে তাকালেও যাতে  
কেউ দেখতে না পায়।

‘এক-আধটা বার্গার সাধলে আপনি করতাম না,’ উত্তেজনা  
হালকা করার জন্য বলল মুরল্যান্ড।

‘আমিও,’ বলল শ্রেয়া। ‘ওরা আমাদেরকে শুধু পুষ্টিকর  
থাবার খেতে দিয়েছে।’

হাসল শাহানা, যদিও চোখমুখ টান-টান হয়ে আছে। ‘আর বেশি দেরি নেই, সোনামণি, যেটা ইচ্ছে হয় খেয়ো।’

হেলম-এ দাঁড়িয়ে রয়েছে রানা, ঘাড় ফিরিয়ে তাকাল। ‘আপনাদের সঙ্গে কি খারাপ ব্যবহার করা হয়েছে?’

‘নির্যাতন করা হয়নি,’ জবাব দিল শাহানা, ‘তবে এরকম গোঁয়ার আর বাজে টাইপের লোক আগে কথনও আমাকে হকুম করেনি। ওরা আমাকে চরিশ ঘণ্টা খাটিয়ে নিয়েছে। বলা যায় শুধু শুধু।’

‘শুধু শুধু মানে?’

‘কাজটা-এমন কিছু কঠিন নয় যে তারা নিজেরা পারত না,’ বলল শাহানা। ‘ব্যাপারটা রীতিমত অবাক করেছে আমাকে, এরকম একটা কাজের জন্যে আমাদেরকে কিডন্যাপ করার ঝামেলা আর ঝুঁকি নিল ওরা।’

‘কাজটা কি, আরেক চেম্বারের আমিনিস লিপির অনুবাদ?’

‘আরেক চেম্বারের নয়। এগুলো লিপির ফটো, তবে এই লিপি ওরা পেয়েছে অ্যান্টার্কটিকায় হারিয়ে যাওয়া একটা শহর থেকে।’

রানার চোখে কৌতুহল। ‘অ্যান্টার্কটিকায়? হারানো শহর?’

শাহানা গঁষ্টীর, মাথা ঝাঁকাল। ‘বরফের ভেতর জমে ছিল। নার্টসিরা যুদ্ধের আগে আবিষ্কার করে ওটাকে।’

‘সাসনা হাইডেন আমাকে বলেছে তাদের হিসাবে আমিনিসরা ছয়টা চেম্বার বানিয়েছিল।’

‘তা আমি জানি না,’ বলল শাহানা। ‘আমার শুধু মনে হয়েছে আইস সিটিকে বিশেষ একটা উদ্দেশ্যে ব্যবহার করা হচ্ছে। সেটা কী, আমি ধরতে পারিনি।’

‘যে লিপি অনুবাদ করতে বাধ্য হলেন, তা থেকে নতুন কিছু জানা গেল?’

কথা বলার সময় শাহানার মধ্যে বিষণ্ণ ভাবটা থাকল না।

‘প্রজেষ্ঠটা মাত্র শুরু করেছি এই সময় আপনারা দরজা ভেঙে ভেতরে ঢুকলেন। আমরা কলোরাডো আর সেন্ট পল চেম্বারের লিপি থেকে কী অনুবাদ করেছি জানার জন্যে অস্ত্রি হয়ে আছে তারা। বিপর্যয়টার পরবর্তী পরিণতি কী, এ-ব্যাপারে আমিনিসদের বর্ণনা জানাটা খুব জরুরী বলে মনে করছে ডেস্টিনির কর্মকর্তারা।’

‘এর কারণ হলো হারানো শহর থেকে তারা যে লিপি পেয়েছে সেটা ধূমকেতু আঘাত করার আগে খোদাই করা,’ চোখ ইশারায় শাহানার ব্রিফকেস্টা দেখাল রানা। ‘ওটায় কী?’

ব্রিফকেস্টায় হাত বুলাল শাহানা। ‘অ্যান্টার্কটিক চেম্বারের ফটো। এগুলো আমি ফেলে আসি কীভাবে!’

‘আপনার মত মেয়ে আজকাল খুব কমই...’ সময় মত নিজেকে সামলে নিল রানা, বলতে যাচ্ছিল-বানানো হয়। তবে শুধু শুনতে অদ্ভুত লাগবে বলে কথাটা অসমাপ্ত রাখেনি, বো-র সামনে দিয়ে একটা বোটকে ছুটতে দেখেছে ও। প্রায় একশো গজ দূরে ওটা, চেহারা দেখে ওর্কর্বোট বলে মনে হলো। গতিতে কোন পরিবর্তন নেই, কোর্সও বদলায়নি। কেবিন ক্রুজারকে নিয়ে ক্রুদের মধ্যে কোন আগ্রহও দেখা গেল না।

ইতিমধ্যে উলরিখ হারমানের সামনের অংশকে পাশ কাটাতে শুরু করেছে ওদের পাওয়ার বোট। পেশিতে খানিকটা চিল দিয়ে আবার শাহানার দিকে ফিরল রানা।

‘এখনও একটা ব্যাপার আমার কাছে পরিষ্কার নয়,’ বলল ও। ‘এবার ফিরে এসে ধূমকেতুটি দুনিয়ার সঙ্গে ধাক্কা খাবে, এটা কীভাবে তারা নিশ্চিতভাবে জানছে? নয় হাজার বছর আগে আমিনিসরা বলে গেছে আর সেটাই ওরা বিশ্বাস করছে?’

ধীরে ধীরে মাথা নাড়ল শাহানা। ‘আমার কাছে এ-প্রশ্নের কোন উত্তর নেই।’

‘কিন্তু,’ রানা মনে করিয়ে দিল, ‘আপনিই তো বলেছিলেন

কলোরাডো চেম্বারের স্টার ম্যাপের সঙ্গে বর্তমান সময়ের অ্যাস্ট্রনমিকাল স্টার পজিশন কমপিউট আর কমপেয়ার করে একটা তারিখ বের করতে পেরেছেন, আমিনিস ভবিষ্যদ্বাণীর সঙ্গে মিলে গেছে সেটা। বলেছিলেন ধূমকেতু আসবেই, আর আমিনিসদের বলে যাওয়া সময়ের সঙ্গে ব্যবধান এক ঘণ্টারও কম।'

হাসল শাহানা। 'এখানে একটু ভুল বোঝাবুঝির ব্যাপার ঘটছে,' বলল সে। 'আমার কাছে এই প্রশ্নের উত্তর নেই-ডেস্টিনি পরিবার শুধু আমিনিসদের কথা বিশ্বাস করছে, নাকি নিজেরাও হিসেবে কষে ব্যাপারটা সম্পর্কে নিশ্চিত হয়েছে?'

'ও, আচ্ছা, বেশ। ধূমকেতু তা হলে আসছেই? আমিনিসদের বলে যাওয়া সময়ের চেয়ে এক ঘণ্টা আগে বা পরে?'

'আসছে তো বটেই,' জবাব দিল শাহানা। 'সময়ের ব্যবধানটাও ঠিক আছে। তবে তারপরও কিছু সমস্যা রয়ে গেছে, জটিল অঙ্ক না করে তার সমাধান করা যাবে না।'

'আবার কী সমস্যা?'

মাথা নাড়ল শাহানা। 'এখনই কিছু বলা যাবে না,' বলল সে। 'ব্যাপারটা নিয়ে বিশেষজ্ঞদের সঙ্গে আলোচনা করতে হবে। আমার, মিস্টার ল্যারি কিং বা ভিনাসের একার বিদ্যায় কুলাবে না। প্রফেশনাল অ্যাস্ট্রনমারদের সাহায্য নিতে হবে।'

এখনও ওদের স্পিড আট নট। ধীরে ধীরে হইল ঘুরিয়ে কেবিন ক্রুজারকে দিয়ে বিরাট একটা বৃত্ত তৈরি করাচ্ছে রানা, সেই সঙ্গে উলরিখ হারমানের বোকে ঘিরে ঘুরছে। পিছনে ফেলে আসছে আলো ঝলমলে বোটটাকে।

ডকে এখন অস্বাভাবিক ব্যস্ততা। লাল কাভারঅল পরা শ্রমিকদেরকে লাইন দিয়ে দাঁড়াতে বলা হয়েছে। সিকিউরিটি গার্ডরা তাদের ট্যাগ আর আইডি পরীক্ষা করছে।

ছোট একটা অঙ্ককার পাওয়ার বোটকে পাশ কাটিয়ে এল রানা। স্বাভাবিক ভঙ্গিতে ঘুরে গিয়ে কেবিন ত্রুজারের তৈরি ফেনা আর আলোড়িত পানিতে চলে এল সেটা।

উইভিশিল্ডের ফ্রেমে ডিরেকশনাল কমপিউটারটা রাখল রানা, রিডিংগুলোয় চোখ বুলাচ্ছে। অঙ্ককারের ভিতর দিয়ে নালা হয়ে স্কাইকারের কাছে পৌছাতে হবে ওদেরকে।

নালাটা তিন মাইল দূরে। তিন মাইল অনেকটা দূরত্ব। সার্চলাইট, অটোমেটিক আগ্নেয়াস্ত্র আর হেভি মেশিন গানের বিরুদ্ধে এই বোট অসহায়। ওদের দুজনের কাছে শুধু দুটো হ্যান্ডগান আছে। সন্দেহ নেই প্যাট্রুল বোটের সামনে পড়তে হবে ওদেরকে। এতক্ষণ নিশ্চয়ই তাদেরকে সতর্ক করে দেওয়া হয়েছে-চুরি করা একটা পাওয়ার বোট নিয়ে কয়েকজন শক্র শিপইয়ার্ড থেকে পালাচ্ছে, যে-কোন মূল্যে থামাও!

তবে নিজেকে রানা এই বলে অভয় দিচ্ছে, প্যাট্রুল বোটগুলোকে ইনলেটের দূর প্রান্ত পর্যন্ত টাইল দিতে দেখেছে ও। ভাগ্য সহায়তা করলে ওগুলোর সামনে না পড়েও নালায় পৌছাতে পারবে ওরা। ‘বৰি!'

সঙ্গে সঙ্গে রানার পাশে চলে এল মুরল্যান্ড। ‘দোষ্ট?’

‘কয়েকটা বোতল খুঁজে বের করো। আছে নিশ্চয়। খালি করো, তারপর দাহ্য পদার্থ যা পাও ভরো। ডিজেল ফুয়েল ঢিমে তালে পোড়ে। গ্যাস কিংবা সলভেন্ট পাও কিনা দেখো।’

‘মলোটিভ ককটেল,’ বলল মুরল্যান্ড, দাঁত বের করে যেন খোদ শয়তান হাসছে। ‘সেই কিন্ডারগার্টেন ছাড়ার পর ছুঁড়েছি বলে মনে পড়ছে না।’ দুই পা এগিয়ে খসে পড়ল নীচে, আসলে একটা মই বেয়ে ইঞ্জিন কমপার্টমেন্ট নেমে গেল।

বিরতিগুলোয় না থামিয়ে থ্রুটল সামনে ঠেলে দেওয়ার ঝোকটাকে দমিয়ে রাখছে রানা। ওর বিবেচনা বোধ বলছে; ধীর আর গভীর আচরণই ভাল ফল দেবে। কাঁধের উপর দিয়ে

পিছনে তাকিয়ে পঁচিশ ফুটি রানঅ্যাবাউটটাকে একবার দেখে নিল ও। ওটার বড়সড়, শক্তিশালী আউটবোর্ড মোটর ক্ল্যাম্প দিয়ে স্টার্ন সারফেসে আটকান।

স্পিড বাড়িয়ে কেবিন ক্রুজারের পাশে চলে আসছে বোটটা। শিপইয়ার্ডের আলোয় কালো ইউনিফর্ম পরা মাত্র দু'জন লোককে দেখতে পাচ্ছে রানা। একজন বোট চালাচ্ছে, অপরজন স্টার্নে দাঁড়িয়ে রয়েছে, হাতে শক্ত করে ধরা একটা অটোমেটিক রাইফেল।

স্টিয়ারিং ধরা লোকটা ইঙ্গিতে নিজের কান দেখাল। কৌ বলতে চায় বুঝতে পেরে রেডিও অন করল রানা, সেট করা ফিকোয়েন্সি বদলায়নি।

যান্ত্রিক শব্দজটকে ছাপিয়ে উঠল একটা কর্কশ কষ্টস্থর, স্প্যানিশ ভাষায় বলছে, ‘থামাও, বোট থামাও!’

‘আগে জানাও কেন থামতে বলছ,’ জবাব দিল রানা।

‘থামো! বোট সার্চ করব। থামো!’

‘নীচে নেমে লম্বা হয়ে শুয়ে পড়ুন ডেকে,’ শাহানাকে নির্দেশ দিল রানা।

নিঃশব্দে মেয়েকে নিয়ে ঘুরল শাহানা, মই বেয়ে মেইন কেবিনে নেমে গেল।

বোটের স্পিড কমাল রানা, দোরগোড়ায় দাঁড়িয়ে আছে, সেফটি ক্যাচ অফ করা পিস্তল বেল্টে গেঁজা। রানঅ্যাবাউট স্টার্নের গার্ড লাফ দিয়ে কেবিন ক্রুজারে আসার জন্য তৈরি হয়ে আছে।

এরপর প্রটুল টেনে ধরল রানা, তবে সামান্য গতি ধরে রাখল। বোট দুটোকে সমান্তরাল রেখায় পেতে চাইছে ও, লোকটা যাতে রেইলিং টপকায় ব্রিজের দরজার সঙ্গে একই লাইনে। সময়ের হিসাবটা নির্ভুল হওয়া চাই। ধৈর্যের সঙ্গে চুপচাপ অপেক্ষা করছে ও।

দুই বোটের মাঝখানের ফাঁকটা প্রেক্ষবার জন্য ঠিক যখন লাফ দিতে শুরু করেছে লোকটা, অকস্মাত জোড়া থ্রিটল সামনের দিকে ঠেলে দিল রানা। অকস্মাত বেড়ে গেল স্পিড। পরমুহূর্তে থ্রিটল দুটো আবার টেনেও নিয়েছে রানা। গতির আকস্মিক উথান-পতনে ভারসাম্য হারাল লোকটা, হাত-পা ছড়িয়ে আছড়ে পড়ল কেবিন ক্রুজারের সরু পোর্ট ডেকে।

কেবিন ডোর দিয়ে বেরিয়ে এসে গার্ডের গলায় ডান পায়ের গোড়ালির চাপ দিল রানা, ঝুঁকে ছিনিয়ে নিল তার অটোমেটিক রাইফেল, তারপর সেটার বাঁট দিয়ে ঘাড়ের পিছনে কষে একটা বাড়ি মারল।

রাইফেল সিধে করে নিল রানা, আউটবোর্ডের স্টিয়ারিং ধরে দাঁড়ানো লোকটার দিকে তুলে ফায়ার করল। লাগল না গুলি, কারণ ঝপ করে বসে পড়েছে লোকটা।

ভাইলটাকে বনবন করে ঘুরতে দেখল রানা। তীক্ষ্ণ একটা বাঁক ঘুরে কেবিন ক্রুজারের কাছ থেকে দ্রুত দূরে সরে যাচ্ছে রানঅ্যাবাউট।

আর কিছু দেখার অপেক্ষায় না থেকে পিছিয়ে কেবিনে ফিরল রানা, থ্রিটল দুটো সবচুকু ঠেলে দিল। কেবিন ক্রুজারের স্টার্ন পানিতে ডেবে গেল, উঁচু হলো বো, একটু পরেই দেখা গেল কালো পানির উপর দিয়ে বিশ নট গতিতে ছুটছে ওরা।

তবে বিপদ কাটেনি, বলা যায় মাত্র শুরু হয়েছে। রানঅ্যাবাউট দূরে মিলিয়ে যাওয়ার পর-পরই রানার মনোযোগ কেড়ে নিল প্যাট্রিল বোট দুটো। একটা চক্র শেষ করে ফুলস্পিডে ইনলেটে ফিরে আসছে ওগুলো, সার্চলাইটের চপ্পল আলো ক্রমশ কেবিন ক্রুজারের দিকে সরে আসছে। প্রায় নিশ্চিতভাবে বলা যায় আউটবোর্ডের চালক রেডিওর মাধ্যমে একটা নির্দেশ পেয়েছে।

সামনের বোটটা আধ মাইল এগিয়ে রয়েছে। উইন্ডশিল্ড

থেকে রানার দৃষ্টি একটা হিসাব মেলাতে পারছে না, কেবিন ত্রুজারের সঙ্গে সামনের প্যাট্রোল বোট ঠিক কোথায় আর কখন ধাক্কা খাবে।

শুধু একটা ব্যাপার পরিষ্কার, প্যাট্রোল বোট ওর বোকে পাশে কাটাবে ওরা নালার মুখে পৌছাবার আগেই। আর ছয় কি সাত মিনিটের মধ্যে জানা যাবে কার কপালে কী লেখা আছে।

শিপইয়ার্ড থেকে অনেক দূরে চলে এসেছে\* ওরা। নালার মুখে পৌছাতে হলে আরও দুই মাইল পেরণ্টে হবে।

আউটবোর্ড ত্রুজার প্রায় একশো গজ ডান পাশে চলে এসেছে, তবে এখনও সামান্য একটু পিছিয়ে। সঙ্গীর গায়ে লেগে যেতে পারে, শুধু এই ভয়ে সিকিউরিটি গার্ডরা রাইফেল তুলে গুলি করছে না।

কেবিনে ফিরে এল মুরল্যান্ড, হাতে সলভেন্ট ভর্তি চারটে বোতল। ইঞ্জিন কমপার্টমেন্টে তেল আর গ্রিজের দাগ পরিষ্কার করার জন্য এই সলভেন্ট লাগে, পুরো একটা ক্যান থেকে সবটুকু ঢেলে এনেছে সে। বোতলগুলোর মুখ ন্যাকড়ার ফালি দিয়ে বন্ধ করা। ফোম লাগান একটা বেঞ্চের উপর সাবধানে রাখল ওগুলো। মাংসল ইটালিয়ান তার কপালের একটা ছোট ক্ষতের চারপাশে হাত বুলাচ্ছে।

‘কী হয়েছে তোমার?’ জিজেস করল রানা।

‘এক লোককে চিনি, বোট চালাতে জানে না। ইঞ্জিন কমপার্টমেন্টের ভেতর কোথাও বাড়ি খেয়েছি। তারপর একটা পানির পাইপের সঙ্গে ঠুকে গেল কপালটা।’ এই সময় হঠাৎ দোরগোড়ার পাশে পড়ে থাকা অজ্ঞান সিকিউরিটি গার্ডকে দেখতে পেল মুরল্যান্ড। ‘আন্তরিকভাবে দুঃখিত। তোমার কাছে দেখছি মেহমান এসেছে।’

‘আমন্ত্রণ লিপি দেখাতে পারেনি।’

সরে এসে রানার পাশে দাঁড়াল মুরল্যান্ড, উইন্ডশিল্ড দিয়ে হারানো আটলান্টস-২

দ্রুত ছুটে আসা প্যাট্রুল বোটটার দিকে তাকাল। ‘এদেরকে ওয়ার্নিংশট দিয়ে ভাগানো যাবে না। সঙ্গে প্রচুর অস্ত্র, ভাব দেখে মনে হচ্ছে যে-কোন একটা অজুহাত পেলেই পানির বুক থেকে নিষিঙ্গ করে দেবে।’

‘তা হয়তো নয়,’ বলল রানা। ‘লিপির অর্থ উদ্ধার করার জন্যে ডষ্টের শাহানাকে এখনও দরকার তাদের। তাঁকে আর বাচ্চা মেয়েটিকে চড়-থাপ্পড় মারতে পারে, মেরে ফেলবে বলে মনে হয় না।’

‘তারমানে তুমি আর আমিই শুধু অতীত ইতিহাস হয়ে যাব?’  
মুরল্যান্ড হাসছে না।

‘তা যাতে না হই, প্ল্যান করেছি তাদেরকে একটা সারপ্রাইজ দেব,’ বলল রানা। ‘বোটটাকে যথেষ্ট কাছাকাছি আনতে পারলে খালিকটা আগুন ধার দিতাম, নাচানাচি করার জন্যে।’

রানার চোখের দিকে অপলক তাকিয়ে আছে মুরল্যান্ড। এই পরিস্থিতিতে বেশিরভাগ লোকের চোখের তারায় পরাজয়ের প্রতিফলন থাকার কথা, কিন্তু সে-ধরনের কিছু দেখতে পাচ্ছে না সে। দেখতে পাচ্ছে নিজের উপর দৃঢ় আস্তার প্রতিফলন আর প্রত্যাশার অস্পষ্ট চকচকে একটু ভাব। ‘ভাবছি ঈশ্বর তোমাকে কী দিয়ে গড়েছেন।’

‘তোমাকে ব্যস্ত থাকতে হবে নিজের খেলনা নিয়ে, বলল রানা, বন্ধুর কথা যেন শুনতে পায়নি। ‘তোমার রডটা ধার দাও আমাকে। তারপর ব্রিজের শেষ মাথায় গিয়ে শুয়ে থাকো, যতক্ষণ গোলাগুলির আওয়াজ না পাও।’

‘কে শুরু করবে, ওরা না তুমি?’

রানার চোখে কঠিন দৃষ্টি। ‘সেটার কোন গুরুত্ব নেই।’

আর কোন প্রশ্ন না করে নিজের পিস্তলটা রানার হাতে তুলে দিল মুরল্যান্ড। আর জায়গা নেই, তা সত্ত্বেও ইঞ্জিনের কক্ষ থেকে আরেকটু শক্তি পাওয়ার আশায় থ্রটল দুটোয় চাপ দিল

রানা। কেবিন ক্রুজার নিজের সবচুক্র সামর্থ্য নিয়ে ছুটছে, তবে বোটটা তৈরি করা হয়েছে আরামপ্রদ ভ্রমণের জন্য, স্পিড তোলার জন্য নয়।

প্যাট্রুল বোটের কমান্ডার ওদের কাছাকাছি হতে ইতস্তত করছে না। খুন-খারাবিতে ট্রেনিং নেয়া আছে তাদের, হাতে অটোমেটিক অস্ত্র আছে, বোটে আছে জোড়া মেশিনগান, কাজেই কেবিন ক্রুজারের লোকেরা এটার উপর হামলা চালাবে এরকম মনে করার কোন কারণ নেই তাদের।

চোখে নাইট গ্লাস সেঁটে দেখেছে সে। ব্রিজের ভিতর মাত্র একজন লোক দাঁড়িয়ে। ভেবেছে একজন লোকের কতটুকুই বা ক্ষমতা! প্রয়োজনের সময় বোট চালাবে, না গুলি?

কেবিন ক্রুজারে তাক করা হলো সার্চলাইট। অঙ্ক করা আলোয় ভেসে গেল রানা।

ধীরে ধীরে আরও কাছে চলে এল প্যাট্রুল বোট। দূরত্ব এখন মাত্র বিশ ফুট।

তীব্র আলোয় চোখ কুঁচকে, ব্রিজে নিজের পজিশন থেকে, মেশিনগানের পিছনে একজন লোককে দাঁড়িয়ে থাকতে দেখল রানা, ব্যারেলটা সরাসরি ব্রিজ কেবিনের ভিতরে ওর দিকে তাক করে রেখেছে। কেবিনের সামনের খোলা ডেকে কাঁধে কাঁধ ঠেকিয়ে আরও তিনজন দাঁড়িয়ে রয়েছে, প্রত্যেকের হাতে অটোমেটিক রাইফেল।

ব্রিজ কেবিনের উল্টোদিকে ওত পেতে থাকায় মুরল্যাঙ্ককে দেখতে পাচ্ছে না রানা, তবে জানে ওর বন্ধু হয় দেশলাই নয়তো লাইটার হাতে নিয়ে অপেক্ষা করছে, গোলাগুলি শুরু হওয়া মাত্র সলভেন্ট ভর্তি বোতলের সলতেতে আগুন ধরাবে

উদ্রেজনায় টান টান একটা সময়।

রানা কাউকে খুন করার জন্য মরিয়া হয়ে ওঠেনি। আত্মরক্ষা ছাড়া অন্য কোন উদ্দেশ্য নেই ওর। প্যাট্রুল বোটের কমান্ডারের হারানো আটলান্টিস-২

দিকে তাকিয়ে আছে ও। 'মুখের সামনে একটা লাউডস্পিকার তুলল সে।

'স্টপ!' যান্ত্রিক গর্জন ভেসে এল। 'না থামলে গুলি করব!'

হাত নেড়ে ইঙ্গিত করল রানা, নির্দেশটা বুঝতে পেরেছে ও। চট করে একবার ঢোখ তুলে দেখে নিল নালার মুখ থেকে কতটা দূরে রয়েছে ওরা। এখন এক মাইলেরও কম। দেখে নিল দ্বিতীয় প্যাট্রুল বোটকেও। হিসাবটা জানা দরকার পৌছাতে কতক্ষণ লাগবে ওটার। পাঁচ কি ছয় মিনিট। এরপর রানা চেক করল শিরদাঁড়ার পাশে বেল্টের সঙ্গে পিস্তল দুটো ঠিকমত গোঁজা আছে কিনা।

নির্দেশ শোনার চার কি পাঁচ সেকেন্ড পর থ্রাটল টেনে নিল রানা। এখন সেটা অলস পজিশনে। তবে গিয়ার দিয়ে রেখেছে, ফলে বোট পুরোপুরি থেমে নেই।

কেবিনের দরজা পর্যন্ত এল রানা, তার বেশি নয় উজ্জ্বল আলোর মধ্যে মাথার উপর হাত তুলে দাঁড়াল। স্প্যানিশ ভালই জানে, তবে কথা বলল ইংরেজিতে, গলা চড়িয়ে। 'কী চাইছ তোমরা?'

'বাধা দিয়ো না,' হৃকুম করল কমান্ডার, এখন এত কাছে যে লাউডস্পিকার রেখে দিয়েছে। 'তোমার বোটে লোক পাঠাচ্ছি।'

'তুমিই বলো কী করে বাধা দেব?' হতাশ ভঙ্গিতে বলল রানা। 'আমার তো আর তোমাদের মত মেশিনগান নেই।'

'বাকি সবাইকে ডেকে বেরিয়ে আসতে বলো!'

হাত দুটো শূন্যে তুলে রাখল রানা, ঘাড় ফেরাল, ভাব দেখাল কমান্ডারের নির্দেশ পালন করছে। তারপর বলল, 'ওরা ভয় পাচ্ছে তুমি ওদেরকে গুলি করবে।'

'আমরা কাউকে গুলি করব না,' জবাব দিল কমান্ডার, গলার সুর টেল মাছের মত পিছিল।

'প্লিজ, আলোটা ঘোরাও, অনুরোধ করল রানা। 'শুধু

আমাকে কানা করছ না, মেয়েগুলোকেও ভয় পাওয়াচ্ছ ।'

'যেখানে আছ ওখানেই থাকো, নড়বে না,' কঠিন সুরে  
নির্দেশ দিল কমান্ডার ।

কয়েক মুহূর্তের মধ্যে অলস হয়ে গেল ইঞ্জিন, কেবিন  
ক্রুজারের প্রায় পাশে চলে এল প্যাট্রুল বোট । মাত্র কয়েক ফুট  
দূরে নিজেদের রাইফেল নামিয়ে রাখল দুজন গার্ড, প্যাট্রুল  
বোটের রেইলিঙের উপর দিয়ে বাস্পার ফেলতে শুরু করল ।

এই সুযোগের অপেক্ষাতেই ছিল রানা । এমন কী মেশিন  
গানের পিছনে দাঁড়ান লোকদের পেশিতেও চিল পড়েছে ।  
বিপদের কোন আলামত দেখতে না পেয়ে একজন একটা  
সিগারেট ধরাল । কমান্ডার আর ক্রুদের নড়াচড়ায় পরিষ্কার বোঝা  
গেল, কোথাও কোনও হৃষি নেই, পরিস্থিতিটা তারাই নিয়ন্ত্রণ  
করছে ।

ওদের কাছ থেকে ঠিক এই আচরণই আশা করেছিল রানা ।  
ঠাণ্ডা ভঙ্গিতে, তবে ক্ষিপ্রতার সঙ্গে, হাত দুটো নামাল ও । টান  
দিয়ে শিরদাঁড়ার দু'পাশ থেকে পিস্তল দুটো সামনে নিয়ে এল ।  
ডান হাতের অন্ত তাক করল ফরওয়ার্ড মেশিনগানে দাঁড়ান  
লোকটার দিকে, বাঁ হাতেরটা তুলল স্টার্নে দাঁড়ান গানারের  
দিকে । দুটো ট্রিগার এক সঙ্গে টানল ও ।

পনেরো ফুট দূর থেকে লক্ষ্য ব্যর্থ হওয়ার প্রশ্ন ওঠে না ।  
বো-র মেশিনগানার হাঁটু গাড়ল ডেকে, কাঁধে বুলেট লেগেছে ।  
স্টার্নের লোকটা হাত দুটো শূন্যে ছুঁড়ে দিল, হোঁচট খেলো  
পিছন দিকে, তারপর গানেল টপকে পানিতে পড়ে গেল ।

প্রায় একই সময়ে জুলন্ত বোতল উড়তে দেখা গেল দুই  
বোটের মাঝখানে । উক্কার মত কেবিন ক্রুজারের ব্রিজ টপকাল  
সেগুলো, উড়ে গিয়ে পড়ল প্যাট্রুল বোটের কেবিন আর ডেকে ।  
ভেঙে চুরমার হয়ে গেল জানালার কাঁচ । অকস্মাত বিক্ষেপিত  
শিখাগুলো গজরাচ্ছে । আগুন ধরে যাচ্ছে সব কিছুতে । জুলন্ত  
হারানো আটলান্টিস-২

সলভেন্ট তরল আগুনের মত প্যাট্রল বোটের চারদিকে গড়াচ্ছে। দেখতে দেখতে পিছন দিকের পুরোটা খোলা ডেক আর কেবিনের অর্ধেকটা ঢাকা পড়ে গেল লেলিহান শিখায়।

প্রতিটি পোর্ট থেকে আগুনের লাল জিভ বেরিয়ে আছে। জ্যান্ত পুড়ে মরতে হবে বুরতে পেরে বিনা দ্বিধায় ঠাণ্ডা পানিতে লাফিয়ে পড়ছে কুরা। বো-র আহত গানারও আগুনের ভিতর দিয়ে হোঁচট খেতে খেতে ডেক পার হয়ে লাফ দিল পানিতে।

কাপড়ে আগুন ধরে গেছে, শিখাগুলোকে অগ্রাহ্য করে রানার দিকে হিংস্রদৃষ্টিতে তাকিয়ে থাকল কমার্ডার, তারপর লাফ দিয়ে পানিতে পড়ার আগে মুঠো করা হাত তুলে শাসাল ওকে।

‘ভাগ শালা,’ বিড়বিড় করে বলল রানা।

একটা সেকেন্ডও নষ্ট করল না ও। বিজ কনসোলে ছুটে এসে খ্রিটলগুলো পুরোপুরি সামনে ঠেলে দিল, সেই সঙ্গে ফুলস্পিডে নালার দিকে রওনা হয়ে গেল কেবিন ক্রুজার।

ঘাড় ফিরিয়ে প্যাট্রল বোটের দিকে তাকাল রানা। আলোড়িত, উথলানো আগুনে ঢাকা পড়ে গেছে সেটা। কালো ধোঁয়া মোচড় খেয়ে উঠে যাচ্ছে উপর দিকে, ঢেকে দিচ্ছে আকাশের তারাগুলোকে।

এক মিনিট পর ফুয়েল ট্যাংক বিস্ফোরিত হলো, আতসবাজির মত জুলন্ত আবর্জনা ছড়িয়ে পড়ল শূন্যে। স্টার্নের দিক থেকে ডুর্ঘাত প্যাট্রল বোট, পিছলে পানিতে নেমে যাচ্ছে ওটার ঢাউস নিতম্ব। তারপর, ই-উ-উ-স করে একটা জোরাল আওয়াজের সঙ্গে সঙ্গে অদৃশ্য হয়ে গেল, দপ্ত করে নিতে গেল সব জুলা।

কেবিনটাকে ঘুরে দরজার পাশে এসে দাঁড়াল মুরল্যান্ড, সারফেসে ভাসমান জুলন্ত আবর্জনার উপর চোখ বুলাল। ‘নাইস শুটিং,’ মৃদুকণ্ঠে বলল সে।

‘গুড থ্রো।’

মাথা তুলে দ্বিতীয় প্যাট্রুল বোটটাকে দেখল মুরল্যান্ড, ইনলেট ধরে দ্রুতবেগে ছুটে আসছে। তারপর একটু ঘুরে তীরের দিকে তাকাল। ‘সামনে কঠিন সময়,’ বিড়বিড় করল সে।

‘এদেরকে বোকা বানানো যাবে না। নিরাপদ দূরত্ব থেকে ইঞ্জিনে গুলি চালিয়ে থামাতে চেষ্টা করবে আমাদেরকে।’

‘নীচে মেয়েকে নিয়ে শাহানা রয়েছেন,’ মনে করিয়ে দিল মুরল্যান্ড।

‘ওদেরকে ওপরে নিয়ে এসো,’ বলল রানা। ডি঱েকশনাল কমপিউটারে চোখ রেখে নম্বরগুলো দেখছে ও। তারপর কেবিন ক্রুজারকে দক্ষিণ-পশ্চিমে আরও-পাঁচ ডিগ্রি ঘূরিয়ে নিল। দূরত্ব এখন চারশো গজ। ফাঁকটা দ্রুত কমে আসছে। ‘ওদেরকে বলো, তীরে ধাক্কা খাওয়া মাত্র বোট ত্যাগ করার জন্যে তৈরি থাকতে হবে।’

‘তুমি ফুল স্পিডে পাথরের ওপর তুলে দেবে বোটকে?’

‘পাথরে রশি বাঁধব, তারপর ধীরে-সুস্থে তীরে পা দেব, এত সময় কোথায়?’

‘আমি গেলাম,’ ওর কথায় সায় দিয়ে ছোট্ট করে মাথা ঝাঁকাল মুরল্যান্ড, দ্রুত নেমে গেল নীচে।

দ্বিতীয় প্যাট্রুল বোট সরাসরি ছুটে আসছে ওদের দিকে, রানার তীরে পৌছানোর ইচ্ছে সম্পর্কে সচেতন নয়। কেবিন ক্রুজারের গায়ে স্থির হলো সার্চলাইটের চোখ-ধাঁধান আলো, যেন মঞ্চে নৃত্যরত নর্তকীকে অনুসরণ করছে একটা স্পটলাইট।

দুটো বোট দ্রুত কাছে চলে আসছে, পরস্পরের দিকে একটা কোণ ধরে ছুটছে ওগুলো। এই সময় রানার উদ্দেশ্য বুঝতে পেরে প্যাট্রুল বোটের কমান্ডার কোণ বদল করল-সামনে পৌছে কেবিন ক্রুজারকে তীরের দিকে যেতে বাধা দিতে চায়।

প্যাট্রুল বোটের তুলনায় কেবিন ক্রুজারের স্পিড অনেক কম, কাজেই বাধ্য হয়ে মেনে নিতে হচ্ছে রানাকে, এই প্রতিযোগিতায় হারানো আটলান্টিস-২

হারতে হবে। অথচ তারপরও চোখের পাতা না ফেলে হেলম-এ দাঁড়িয়ে থাকল ওঁ, দৃঢ় আত্মবিশ্বাসে বলীয়ান ঝজু একটা ভঙ্গিতে। লড়াইটা নিঃসন্দেহে একতরফা, তবে আরেক গাল বাড়িয়ে দিতে রাজি নয় ও। পরাজয়ের চিন্তাটা ওর মাথাতে আসেইনি।

অপ্রত্যাশিত একটা সুযোগ দেখতে পেয়ে বাট করে গিয়ার লিভার টানল রানা, কেবিন ক্রুজারকে রিভার্স চালাবার ইচ্ছে। ফুলস্পিডে ছোটার সময় রিভার্স দেয়া হয়েছে, প্রচণ্ড ঝাঁকি খেল বোট, কাঁপতে কাঁপতে থামল, প্রপগুলো পানিতে প্রবল আলোড়ন তুলে ঘূর্ণি আর ফেনা তৈরি করছে। তারপর পিছু হটতে শুরু করল বোট, চৌকো স্টার্ন সারফেস বুলডোজারের মত পানি সরাচ্ছে।

শাহানা আর শ্রেয়াকে নিয়ে ফিরে এল মুরল্যাভ। দৃশ্যটা দেখে একাধারে কৌতুক আর কৌতুহল ফুটল তার চোখে, কেবিন ক্রুজারের বো-র সামনে দিয়ে এগোতে যাচ্ছে প্যাট্রল বোট, অথচ ওদের নিজেদের বোট পিছু হটছে দ্রুত। ‘ব্যাখ্যা কোরো না। আমাকে আন্দাজ করতে দাও। তোমার ঝাঁঝালো বুদ্ধি আরেকটা প্ল্যান প্রস্ব করেছে।’

‘বুদ্ধি নয়, স্বেফ আত্মরক্ষার স্বাভাবিক প্রবৃত্তি।’

‘তুমি আসলে ওটাকে গুঁতো মারবে।’

‘আমরা যদি ঠিকমত চাল দিতে পারি,’ দ্রুত বলল রানা, ‘ওদের নাকগুলো রক্তাক্ত করতে পারব বলে মনে হয়। শোনো, মেঝেতে শুয়ে পড়ো সবাই। নিরেট যা কিছু পাও, আড়াল হিসেবে কাজে লাগাও। কারণ তুমুল একটা বৃষ্টি হবে।’

আর কিছু বলার সময় হলো না। শিকারের উল্টোমুখী গতি সম্পর্কে কোন ধারণা না থাকায় দ্বিতীয় প্যাট্রল বোটের কমান্ডার এমনভাবে নিজের কোর্স পরিবর্তন করল যাতে কেবিন ক্রুজারের বোকে দশ ফুটের মধ্যে দিয়ে পাশ কাটাতে পারে সে, তারপর

হঠাতে থেমে ব্ল্যাক্স রেঙ্গ থেকে ঝাঁক ঝাঁক গুলি করে উড়িয়ে দেবে শক্রপক্ষকে। এটা নৌ-বাহিনীর একটা কৌশল, ক্রসিং টি নামে পরিচিত।

হেলম-এর পাশে দাঁড়িয়ে আছে সে, একটা হাত উপরে তুলল গানারকে ফায়ার ওপেন করার সংকেত দেওয়ার জন্য।

এরপর একই সঙ্গে দুটো ঘটনা ঘটল। গিয়ার লিভার ফুল ফরওয়ার্ডে ফিরিয়ে আনল রানা, সেই সঙ্গে গর্জে উঠল মেশিনগান দুটো। পানিতে গর্ত করছে প্রপস, লাফ দিয়ে সামনে ছুটল কেবিন ক্রুজার, গোটা ব্রিজে বুলেট বৃষ্টি হচ্ছে।

উইভশিল্ডের কাঁচ ভেঙে সহস্র টুকরো হয়ে কেবিনের চারদিকে ছড়িয়ে পড়ল। আগেই লাফ দিয়ে কনসোলের পিছনে চলে এসেছে রানা, শুধু একটা হাত উঁচু করে হেলম-এর নীচের অর্ধেকটা ধরে রেখেছে। এখনও খেয়াল করছে না ওর হাতের পিছন দিকটা উড়ন্ত কাঁচ লেগে চিরে গেছে। তবে একটু পরেই টপটপ করে রক্তের ফোটা পড়তে শুরু করল চোখে।

কেবিন ক্রুজারের আপার কেবিন যত্নের সঙ্গে টুকরো টুকরো করা হলো। গানাররা উপর দিকে গুলি করছে ডেকে শুয়ে থাকা আরোহীদের আতঙ্কিত করার জন্য। ব্রিজের ভিতরটা উড়ন্ত আবর্জনায় পরিণত হলো, নাইন মিলিমিটার শেলগুলো নিরেট যা কিছু পাচ্ছে, সব ছিন্নভিন্ন করে ফেলছে।

প্যাট্রুল বোটের কমান্ডার স্পিড কমিয়ে ফেলেছে, গতি হারিয়ে দাঁড়িয়ে পড়ছে তারা, ক্লোজ-আপ টার্গেট প্র্যাকটিসে গানাররা মজা পাচ্ছে বেশ। তাদের সন্তুষ্টিকে অপরিণত বলতে হয়, তবে রানার টাইমিং এরচেয়ে নিখুঁত আর হতে পারত না। ওর উদ্দেশ্য আন্দাজ করতে পারেনি কমান্ডার। প্যাট্রুল বোট নিয়ে নিরাপদ দূরত্বে সরে যাওয়ার চেষ্টাই করেনি সে, হঠাতে দেখা গেল প্রচণ্ড ঝাঁকি খেয়ে ছুটে আসছে কেবিন ক্রুজার, ইঞ্জিন পুরোদমে গজরাচ্ছে।

সংঘর্ষের কর্কশ আওয়াজ হলো, কাঠ আর ফাইবার গ্লাস দুমড়েমুচড়ে একাকার হয়ে যাচ্ছে। প্যট্টেল বোটের খোল চিরে দিয়ে প্রচণ্ড গুঁতো মারল কেবিন ক্রুজারের বো। পোর্ট সাইডে কাত হয়ে পড়ল প্যট্টেল বোট, ছিটকে পানিতে পড়া ঠেকাতে শক্ত যা কিছু পাচ্ছে আঁকড়ে ধরছে ক্রুরা। তবে একটু পরেই আবার সিধে হতে শুরু করল বোট।

ধীরে ধীরে সিধে হলো রানাও। গিয়ার লিভার রিভার্স দিল আবার, প্যট্টেল বোটের খোলে তৈরি বিরাট ফাঁক থেকে পিছিয়ে আনছে কেবিন ক্রুজারকে। ফাঁকটার ভিতর ইতিমধ্যেই প্রবল বেগে পানি চুকাতে শুরু করেছে। এক কি দুই মুহূর্তের জন্য প্যট্টেল বোট স্থির হওয়ার চেষ্টা করল, কিন্তু কালো পানির প্রবাহ দেকে উঠে আসায় কয়েক মিনিটের মধ্যে ডুবে গেল ওটা ইনলেটের নীচে তলিয়ে যাওয়ার সময়ও সার্চ লাইটটা জুলছে। ঠাণ্ডা পানিতে হাবুড়ুবু থাচ্ছে ক্রুরা।

‘ববি,’ ঘরোয়া আলাপের সুরে বলল রানা। ‘ফরওয়ার্ড কমপার্টমেন্টটা এক্বার চেক করো তো।’

একটা হ্যাচ গলে অদৃশ্য হয়ে গেল মুরল্যান্ড, ফিরে এল কয়েক সেকেন্ড পরেই। ‘নাকের ফুটো দিয়ে পানি চুকছে বোটে। আশা করা যায়, খোদা ঢাহে তো আর পাঁচ মিনিটের মধ্যে তলিয়ে যাব। বোট না থামালে ডুবতে আরও কম সময় লাগবে।’

‘আমাদের থামাও চলবে না আবার ডোবাও চলবে না,’ বলল রানা, চোখের দৃষ্টি আটকে আছে ডি঱েকশনাল কমপিউটারে। তীর আর নালার মুখ দুটোই পঞ্চাশ গজ দূরে, কিন্তু ডুবত একটা বোটের পক্ষে এই দূরত্ব পার হওয়া অসম্ভব একটা ব্যাপার। কেবিন ক্রুজারের বো ভেঙে পানি চুকছে, সামনের দিকে এগোলে পানির প্রবাহ আরও দ্রুত চুকবে ভিতরে।

আশ্চর্য একটা শীতলতা আর পরিচ্ছন্নতার ভিতর কাজ শুরু করল মাথা, সংকটের মুহূর্তে বরাবর যেমনটি করে, সম্ভাব্য

প্রতিটি বিকল্প বিবেচনা করে দেখছে। সমাধান পাওয়ার পরে ক্ষীণ হাসির রেখা ফুটল ঠোটের কোণে। কেবিন ক্রুজারকে রিভার্স চালাতে শুরু করল ও, ফলে পানিতে ডেবে গেল স্টার্ন, উচু হলো বো। পানি ও ঠার সমস্যা থেকে বাঁচা গেল আপাতত।

‘ডেকে বেরিয়ে কিছু ধরে শক্ত হও,’ নির্দেশ দিল রানা। ‘পাথরে ধাক্কা খাওয়ার সময় ঝাঁকিটা খুব জোরাল হবে।’

‘ডেকে বেরহৰ?’ জিজ্ঞেস করল শাহানা, ভাবছে ভুল শুনেছে।

‘হ্যাঁ। তীরে ভেড়ার সময় বোট যদি উল্টে যায়, ডেকে থাকলে লাফিয়ে আপনারা পানিতে পড়তে পারবেন।’

মা আর মেয়েকে প্রায় খেদিয়ে ডেকে বের করে আনল মুরল্যান্ড, কেবিনের গায়ে পিঠ ঠেকিয়ে বসাল তাদেরকে। দু’জনেই যে-যার একটা করে হাত তুলে রেইলিং আঁকড়ে ধরেছে। ওদের যাবথানে বসল মুরল্যান্ড, দু’জনের একটা করে কবজি শক্ত মুঠোয় ভরে অপেক্ষা করছে। ভয়ে বরফের মত জমে গেছে শাহানা, তবে মুরল্যান্ডের নিরগঢ়গু চেহারা দেখে নিজেকে সাহস যোগাতে উৎসাহিত হলো শ্ৰেয়া। সে ভাবছে, এই ববি মুরল্যান্ড আর হেলমে দাঁড়ান যামুদ রানা ওদেরকে এ পর্যন্ত ভালই নিয়ে এসেছেন। প্রতিশ্রূতি অনুসারে নিশ্চয় ওদেরকে বাড়িতেও নিরাপদে পৌছে দেবেন।

পিছু হটে তীরে ভিড়ছে কেবিন ক্রুজার। তীরের কাছাকাছি মাথাচাড়া দিয়ে আছে অসংখ্য বোন্দার, সেগুলোকে এড়াতে হিমশিম খেয়ে যাচ্ছে রানা। সাদা ফেনায় প্রায়ই ঢাকা পড়ে যাচ্ছে ওগুলো, ফলে ঝুঁকির মাত্রা বেড়ে যাচ্ছে কয়েক গুণ।

হঠাৎ কর্কশ ধাতব আওয়াজ উঠল। একটা প্রপেলার বাড়ি খেয়েছে ডুবো পাথরের সঙ্গে। শুধু ভাঙ্গেনি, বিচ্ছুন্ন হয়ে বোট থেকে খসে পড়েছে সেটা। সেই সঙ্গে নিয়ন্ত্রণের বাইরে চলে গেল ইঞ্জিন। আরও পাথর পাশ কাটাল। প্রতি মুহূর্তে ধাক্কা আর

ঝাঁকি খাচ্ছে বোট। বাধ্য হয়ে ইঞ্জিন বন্ধ করে দিল রানা।  
পাথুরে তীর আর মাত্র দশ গজ দূরে।

চো দিয়ে ডিরেকশনাল কমপিউটার তুলে নিয়ে ব্রিজ ডোরের  
দিকে ছুটল রানা। ‘নামো সবাই!’ গলা চড়িয়ে বলল ও। এক  
হাতে পেঁচিয়ে ডেক থেকে তুলে নিল শ্রেয়াকে, অভয় দিয়ে  
হাসল। ‘দুঃখিত, ইয়াং লেডি, তবে মইয়ের অপেক্ষায় আমরা  
সময় নষ্ট করতে পারি না।’ রেইলিং টপকাল ও, শ্রেয়াকে নিয়ে  
ঝুপ করে নেমে পড়ল কনকনে ঠাণ্ডা পানিতে, সারফেস থেকে  
চার ফুট নীচে তলায় ঠেকেছে ওর পা।

শ্যাওলায় ঢাকা পিচ্ছিল পাথরের উপর দিয়ে শুকনো তীরের  
দিকে এগোচ্ছে রানা, জানে শাহানাকে নিয়ে ওর ঠিক পিছনেই  
আছে মুরল্যান্ড।

পানি থেকে উঠে এসেই শ্রেয়াকে ছেড়ে দিয়ে ডিরেকশনাল  
কমপিউটার চেক করল রানা, নিশ্চিত হয়ে নিচে ওদের সেই  
পরিচিত নালাতেই পৌছেছে কিনা। হ্যাঁ, ঠিক আছে। কয়েক  
মিনিট ইঁটলেই ওদের স্কাইকারটা পাওয়া যাবে।

‘আপনি আহত হয়েছেন,’ বলল শাহানা। কাস্টে আকৃতির  
চাঁদ আর নক্ষত্রের আলোয় রানার হাতের উল্টো দিকে রক্ত  
দেখতে পেয়েছে সে। ‘বেশ বড় আর গভীর মনে হচ্ছে ক্ষতটা।’

‘কাঁচ দিয়ে কেটেছে,’ বলল রানা, গুরুত্ব দিতে চাইছে না।

নিজের লাল কাভারঅলের ভিতর একটা হাত ভরল শাহানা,  
টেনে ঝুলে আনল ব্রা, তারপর রক্তের ধারা বন্ধ করার জন্য  
রানার হাতে বাঁধতে শুরু করল।

‘এ-ধরনের ব্যান্ডেজ আগে কখনও দেখিনি, ডাক্তার সাহেব।’  
নিঃশব্দে হেসে বিড়বিড় করল রানা।

‘এরকম একটা পরিস্থিতিতে,’ বলল ডাক্তার, প্রান্ত দুটো  
দিয়ে শক্ত একটা গিঁট বাঁধল, ‘এর বেশি কিছু করা গেল না।’

‘কারও কোন অভিযোগ নেই,’ বলে একটা ছায়ামূর্তির দিকে

ফিরল রানা। ‘তোমার এদিকের খবর সব ভাল তো, ববি?’

শ্রেয়ার একটা হাত ধরে আছে মুরল্যাড। ‘রক্তে  
অ্যান্ড্রেনালিনের মাত্রা এখনও খুব বেশি।’

‘তা হলে চলো,’ বলল রানা। ‘আমাদের প্রাইভেট প্লেন  
অপেক্ষা করছে।’

## সাত

নুমা চিফ জর্জ হ্যামিলটন আর সিআইএ কর্মকর্তা রিচার্ড স্টাব  
রানার পরবর্তী মেসেজ পাওয়ার জন্য অস্থির হয়ে আছেন, তবে  
চেহারা দেখে সেটা বোঝা যাচ্ছে না।

ফায়ারপ্লেসের আগুন নিষ্ঠেজ হয়ে এসেছে, অথচ উঠে গিয়ে  
সেটাকে নেড়েচেড়ে বাড়ানোর কোন আগ্রহ বোধ করছেন না  
অ্যাডমিরাল হ্যামিলটন। লম্বা একটা সিগার ধরিয়ে সিলিঙ্গের  
দিকে নীলচে ধোঁয়া ছাড়ছেন। স্টাবের মত তিনিও এতক্ষণ মুক্ষ  
হয়ে অ্যাডমিরাল উলখেনস্টাইনের গল্প শুনছিলেন যে গল্প  
উলখেনস্টাইন গত ৫৬ বছর কাউকে বলেননি।

‘আপনি বলছিলেন, অ্যাডমিরাল,’ তাঁকে মনে করিয়ে দিলেন  
নুমা চিফ, ‘যুদ্ধের বেশ কয়েক বছর আগেই অ্যান্টার্কটিকায়  
অভিযান চালাবার জন্যে লোক পাঠিয়েছিল নার্সিম্রা।’

‘হ্যাঁ। প্রেরণার উৎস কী ছিল বলতে পারব না, তবে  
অ্যান্টার্কটিকাকে নিয়ে বরাবরই একটা মোহ ছিল হিটলারের।  
তার স্বপ্ন ছিল ওখানে লোকবসতি আর সামরিক ঘাঁটি গড়ে  
হারানো আটলান্টিস-২

তুলবে। ওই কন্টিনেট এক্সপ্রোর করার জন্যে ক্যাপ্টেন আলফ্রেড শ্রোয়েডারকে কমান্ডার বানিয়ে বড় একটা অভিযানে পাঠানো হয়। একটা জার্মান এয়ারক্রাফট ক্যারিয়ারকেও পাঠানো হয়েছিল। শ্রোয়েডারের লোকেরা আড়াই লাখ বর্গমাইল এলাকার ওপর দিয়ে প্লেন নিয়ে ঘুরে বেড়িয়েছে, এরিয়াল ফটো তুলেছে এগারো হাজার।'

'এ-ধরনের অভিযানের গুজব আমার কানেও এসেছে,'  
বললেন হ্যামিল্টন। 'তবে আসলে কী ঘটেছিল জানি না।'

'পরের বছর ক্ষি লাগানো প্লেন নিয়ে যায় শ্রোয়েডার-বর্ফে  
যাতে ল্যান্ড করতে পারে। সঙ্গে একটা এয়ারশিপও ছিল। এবার  
তারা সাড়ে তিন লাখ বর্গমাইল কাভার করে, মার্কার হিসেবে  
প্রতি ত্রিশ মাইল অন্তর স্বষ্টিকা আঁকা পতাকা ফেলে ল্যান্ড করে  
দক্ষিণ মেরুতে, ঘোষণা করে ওটা নার্সিদের এলাকা।'

'তেমন কিছু কি আবিক্ষার করতে পেরেছিল?' জানতে  
চাইলেন স্টাব।

'হ্যাঁ, পেরেছিল,' জবাবে বললেন উলখেনস্টাইন। 'এরিয়াল  
ফটোয় বেশ কিছু বরফ-মুক্ত এলাকা দেখা যায়। জমাট বাঁধা  
লেক, আইস সারফেস চার ফুটেরও কম পুরু কাছাকাছি অন্ন  
কিছু ঘাস আর আগাছারও আভাস পাওয়া যায়। তবে চমকে  
ওঠার মত ব্যাপার হলো, তাদের ফটোয় আরও দেখা গেছে  
বরফের নীচে ভাঙচোরা কিছু দাগ, যেগুলোকে রাস্তা ছাড়া অন্য  
কিছু মনে হয় না।'

নুমা চিফের শিরদাঁড়া থাড়া হয়ে গেল। জার্মান ইউ-বোট  
কমান্ডারের দিকে উদ্ব্রান্ত দৃষ্টিতে তাকিয়ে আছেন তিনি  
বললেন, 'অ্যান্টার্কটিকায় জার্মানরা সভ্যতার প্রমাণ পেয়েছিল?'

মাথা বাঁকালেন আড়মিরাল উলখেনস্টাইন। নার্সি  
অভিযাত্রীরা ন্যাচারাল আইস কেইভ দেখতে পায় ওগুলো  
এক্সপ্রোর করার সময় প্রাচীন একটা সভ্যতার নির্দর্শন খুঁজে পায়

তারা । এই আবিষ্কৰ অ্যান্টার্কটিকায়-প্রকাণ্ড একটা আভারগ্হাউন্ড ঘাঁটি গড়ে তুলতে উৎসাহিত করে নাঃসিদের । গোটা ব্যাপারটা গোপন রাখা হয় ।

‘কিন্তু প্রাচীন ধ্বংসাবশেষের ওপরে একটা ঘাঁটি তৈরি করার কী কারণ?’ জানতে চাইলেন স্টাব ।

‘হারানো শহরটার কোনও গুরুত্ব ছিল না । গুরুত্ব আইস কেইভটার । করফের একটা মাঠের নীচে ওই গুহা পঁচিশ মাইল লম্বা, শুরু হয়েছে প্রাচীন শহরটা থেকে, আর শেষ হয়েছে একটা জিয়োথারমাল লেকের কিনারায় । ওই লেকটার আকার হলো একশো দশ বর্গমাইল । ঘাঁটি বানাবার জন্যে এরচেয়ে সুরক্ষিত জায়গা দুনিয়ার বুকে আর আছে?’

‘আপনি ওই ঘাঁটিতে ছিলেন...কতদিন?’ জানতে চাইলেন স্টাব ।

‘দু’মাস । তারপর আমি আমার ইউ-বোট আর ক্রু নিয়ে মারডি প্লাটা ন্যাভাল বেসে চলে যাই ।’

‘সেটা যুদ্ধের কতদিন পরের কথা?’

‘তিনমাস তিন হণ্টা ।’

‘তারপর কী হলো?’

‘আমি আমার ইউ-বোট মেঞ্জিকোর ভেরাক্রুজে, নেভির হাতে তুলে দিই । খালি অবস্থায় । এরপর ব্রিটিশ আর আমেরিকান ইন্টেলিজেন্স অফিসাররা আমাকে ইন্টারোগেট করে ছয় হণ্টা । অবশেষে বাড়ি ফেরার জন্যে মুক্তি দেয়া হয় আমাদেরকে ।’

‘আর ইউ-২০১৫?’ নুমা চিফ জানতে চাইলেন ।

‘ওটার কথা বলতে পারব না । হারগারের সঙ্গেও পরে কখনও আর দেখা হয়নি আমার ।’

‘শুনলে আপনি হয়তো বিস্মিত হবেন যে,’ বললেন নুমা চিফ, ‘একটা মার্কিন নিউক্লিয়ার সাব মাত্র কয়েকদিন আগে

২০১৫-কে অ্যান্টার্কটিকায় ঢুবিয়ে দিয়েছে।'

উলখেনস্টাইনের চোখ দুটো সরু হলো। তবে তিনি কিছু বলার আগেই ফোনটা বেজে উঠল আবার।

স্পিকার অন করলেন জর্জ হ্যামিলটন, তয় পাচ্ছেন-কী না কী শুনতে হয়। 'ইয়েস?'

'শুধু নিশ্চিত করছি,' রানার কঠস্বর ভেসে এল। 'পিংসা আপনার দোরগোড়ায় পৌছে গেছে, হেভি ট্রাফিকের ভেতর দিয়ে রেন্টেরায় ফিরে আসছে ডেলিভারি বয়।'

'জানাবার জন্যে ধন্যবাদ,' অ্যাডমিরাল বললেন, কঠস্বরে স্বত্তির লেশমাত্র নেই।

'আশা করি প্রয়োজন হলে আবার আপনি পিংসার অর্ডার দেবেন।'

'হ্যাঁ, অবশ্যই।' যোগাযোগ কেটে দিলেন নুমা চিফ। 'খবর হলো,' সাবধানে বললেন তিনি, 'প্লেনের কাছে পৌছেছে ওরা, আকাশেও উঠেছে।'

'ঘাক, তা হলে নিরাপদেই ফিরতে পারছেন ওরা!' ফোস করে একটা নিঃশ্বাস ছাড়লেন রিচার্ড স্টাব।

ধারণাটা বাতিল করে দিয়ে মাথা নাড়লেন নুমা চিফ। 'হেভি ট্রাফিকের কথা বলে রানা বোঝাতে চেয়েছে সিকিউরিটি ফোর্সের প্লেন ওদেরকে ধাওয়া করেছে। এর মানে হলো, হাঙরকে ফাঁকি দিয়ে বেরিয়ে এসে ব্যারাকুড়ার সামনে পড়ে গেছে ওরা।'

অটোমেটিক গাইডেন্স সিস্টেমের সাহায্যে রাতের আকাশ চিরে উপরে উঠছে ওদের মোলার স্কাইকার। পাহাড় থেকে নেমে আসা গ্লেসিয়ারের উপর চলে আসছে ওরা, পিছিয়ে পড়ছে নিও নার্টসিদের শিপইয়ার্ড আর নৃহ নবীর অনুসরণে তৈরি করা জাহাজগুলো। পুনর্টা এন্ট্রাডায় অপেক্ষা করছে নুমার জাহাজ, বাঁক নিয়ে সেদিকে রওনা হলো ওদের প্লেন।

একটা নয়, উলরিখ হারমানের ডেক থেকে চারটে হেলিকপ্টার গানশিপ উঠে এল আকাশে, নির্দিষ্ট একটা কোর্স ধরে স্কাইকারকে বাধা দিতে ছুটে আসছে।

প্রতিটি গানশিপে দুটো করে ইঞ্জিন, দু'জন করে ক্রু, স্পিড তোলা যায় ঘণ্টায় দুশো আশি মাইল। মূল অন্তর: বিশ-মিলিমিটার মেশিন গান।

ফিরতি পথে পাইলটের সিটে বসেছে মুরল্যান্ড, ইন্সট্রুমেন্ট মনিটরিং-এর দায়িত্ব পালন করছে রানা; শাহানা তার মেয়েকে নিয়ে পিছনের প্যাসেঞ্জার সিটে। প্রায় সব কাজ কম্পিউটার সারছে, ম্যাক্সিমাম স্পিডের জন্য থ্রটল সেট করা ছাড়া মুরল্যান্ডের আর তেমন কিছু করার নেই। তার পাশে বসে পিছু নেওয়া কপ্টারগুলোকে রাঢ়ার ক্রিনে দেখছে রানা।

‘প্রতিজ্ঞা করেছে, আমাদেরকে শান্তিতে থাকতে দেবে না,’  
বলল মুরল্যান্ড।

‘পুরো একটা ঝাঁক পাঠিয়েছে,’ বলল রানা, আউটার ক্রিনের  
রিপগুলোর উপর চোখ। ক্রিনের মাঝখানটা স্কাইকার, রিপগুলো  
সেদিকে এগিয়ে আসছে।

‘ওদের কাছে হিট-সিকিং মিসাইল না থাকলেই হয়,’ বলল  
মুরল্যান্ড। ‘ওগুলো আঁকাবাঁকা গিরিখাদের ভেতর দিয়েও ধাওয়া  
করে।’

‘তা আছে বলে মনে হয় না। সিভিলিয়ান কপ্টারে মিলিটারি  
মিসাইল বহন করার ব্যবস্থা খুব কমই দেখা যায়।’

‘পাহাড়ী এলাকায় পৌছে ওগুলোকে আমরা খসাতে পারব?’

‘ওদের সবচেয়ে ভাল সুযোগ হলো, আধ মাইল দূর থেকে  
গুলি করা। তারপর ওদের রেঞ্জের বাইরে চলে যাব আমরা।  
আমাদের স্পিড ওদের চেয়ে সম্ভবত ঘণ্টায় ত্রিশ মাইল বেশি।’

স্বচ্ছ গম্বুজের ভেতর দিয়ে নীচের দিকে তাকাল মুরল্যান্ড।  
‘গ্রেসিয়ারকে পেছনে ফেলে পাহাড়ী এলাকায় ঢুকছি আমরা।

আঁকাবাঁকা গিরিখাদের ভেতর মোচড় খেয়ে এগোবার সময়  
লক্ষ্যস্থির করা ওদের জন্যে সহজ হবে না।'

'এত বকবক না করে প্লেন চালানোয় যন দেয়া উচিত নয়?'  
বলল উৎকণ্ঠিত শাহানা। স্কাইকারের দু'পাশে পাহাড়-প্রাচীর উঁচু  
হচ্ছে দেখে অস্বস্তি বোধ করছে সে।

'কেমন আছেন আপনারা?' জিজ্ঞেস করল রানা।

'ব্যাপারটা আমার কাছে রোলার কোস্টারে চড়ার মত  
লাগছে,' বলল শ্রেয়া, ভাবি উত্তেজিত।

বিপদ সম্পর্কে সচেতন হয়ে উঠেছে শাহানা, মেয়েকে বলল.  
'ধন্যবাদ। আমার চোখ বুজে থাকতে ইচ্ছে করছে।'

'ইঠাং বাঁক ঘুরলে ঝাঁকি লাগতে পারে, কারণ টপ স্পিডে  
ছুটব আমরা,' ব্যাখ্যা করল রানা। 'তবে চিন্তার কিছু নেই।  
প্লেনটা কমপিউটার চালাচ্ছে।'

'হাউ কমফোটিং,' বেসুরো গলায় বিড়বিড় করল শাহানা।

'চূড়ার ওপর দিয়ে আসছে মন্দ লোকেরা,' জানাল মুরল্যান্ড,  
সতর্ক চোখে দেখল কপ্টার থেকে বেরিয়ে আসা আলোর টানেল  
এবড়োথেবড়ো পাহাড়ী ঢালগুলোকে উদ্ধাসিত করে তুলছে।

খুব চালাকির সঙ্গে আশ্চর্য একটা খেলা খেলছে অ্যাসল্ট  
কপ্টারের পাইলটরা। স্কাইকারের স্পিড বেশি, তাই লাভ হবে  
না বুঝতে পেরে ওটাকে তারা ধাওয়া করছে না। জানে  
অন্তুতদর্শন প্লেনটাকে ধ্বংস করার একটাই মাত্র উপায় আছে  
তাদের। কী সেটা? চূড়া ছাড়িয়ে উপরে উঠে গেল তারা, গুলি  
করছে নীচের নালায়। তাদের বিশ-মিলিমিটার শেল অন্ধকার  
চিরে স্কাইকারের সামনে দিয়ে ছুটে যাচ্ছে।

কৌশলটা সঙ্গে সঙ্গে ধরতে পারল রানা। কনুই দিয়ে  
মুরল্যান্ডের হাতে গুঁতো মারল ও। 'ম্যানুয়্যাল কন্ট্রোল ধরো,'  
তাগাদার সুরে বলল। 'মাঝ আকাশে থামাও, তারপর পিছিয়ে  
নাও।'

রানার নির্দেশ দেওয়া শেষ হয়নি তখনও, কাজটা প্রায় সেরে ফেলল মুরল্যাভ। কমপিউটারের সুইচ অফ করে দিয়ে নিজের হাতে কন্ট্রোলের দায়িত্ব তুলে নিল সে, অকস্মাত স্কাইকারকে দাঁড় করিয়ে ফেলল মাঝ আকাশে। প্রচঙ্গ ঝাঁকি খেল আরোহীরা, সেফটি হারনেস না থাকলে কোথায় ছিটকে পড়ত মেরোতে।

তারপর পিছন দিকে ছুটল প্লেন।

‘ওই শেল বৃষ্টির মধ্যে উড়তে চেষ্টা করলে, বলল রানা, ‘আমাদের একজনকেও খুঁজে পাওয়া যাবে না।’

‘কিন্তু ঝাঁকি দিয়ে কতক্ষণ থাকা যাবে?’ জিজ্ঞেস করল মুরল্যাভ। ‘কয়েক সেকেন্ডের মধ্যে নিজেদের পজিশন বদলে এদিকে লক্ষ্যস্থির করবে তারা।’

‘সেটাই তো চাইছি। ওরা ঘুরুক, তারপর আমাদের পথের পিছনে ফায়ার করুক, আশায় থাকুক উড়ে এসে সেই ফায়ারের মধ্যে পড়ব আমরা।

‘কিন্তু আমরা আবার সামনে ছুটব-ঠিক যে কৌশল প্যাট্রুল বোটের বেলায় কাজে লাগিয়েছি। এভাবে কিছুটা সময় পাব আমরা, আবার তারা নিজেদের পজিশন বদলে গুলি করার আগে একটা পাহাড়ের আড়ালে সরে যেতে পারব।’

ওরা যখন কথা বলছে, ফায়ার বন্ধ করে গানশিপগুলো ঝাঁক ভাঙল। কয়েক মিনিট লাগল আরেক পজিশনে এসে নতুন একটা ঝাঁক বাঁধতে, তারপর সরাসরি স্কাইকারকে লক্ষ্য করে ফায়ার শুরু করল। প্লেনটাকে আবার সামনে ছোটাবার একটা সংকেত এটা মুরল্যাভের জন্য। প্ল্যানটা সফল হতে যাচ্ছিল, কিন্তু প্লেনকে দাঁড় করাতে, তারপর সামনে ছোটাতে কয়েক সেকেন্ড সময় লেগে যাওয়ায় কপ্টারগুলো কাছে সরে আসার সুযোগ পেয়ে গেছে। স্কাইকার পালাচ্ছে দেখে পাইলটরা এলোপাতাড়ি ফায়ার শুরু করল।

শেলের আঘাতে টেইল অ্যাসেম্বল-এর ভার্টিকাল ফিন ভেঙে বিছিন্ন হয়ে গেল। খসে পড়ল একটা ল্যান্ডিং হাইল। হঠাৎ মাথার উপর গম্বুজের অর্ধেক বিস্ফোরিত হলো, তীরবেগে ঠাণ্ডা বাতাস চুকচে ককপিটে। তবে একটা শেলও ইঞ্জিনে লাগেনি। গিরিখাদের ভিতর, একটা নালার উপর রয়েছে প্লেনটা। দুই প্রাচীরের মাঝখানের ফাঁকটা এত বেশি চওড়া নয় যে শেলগুলোকে এড়াবার জন্য আঁকাবাঁকা পথ ধরে প্লেন চালাবে মুরল্যাভ, তবে তার বদলে স্কাইকারকে ঘনঘন উঁচু-নিচু করল সে।

বিশ-মিলিমিটার শেলগুলো টার্গেট মিস করে খাড়া পাহাড়-প্রাচীরে আঘাত করছে, ধুলো আর পাথরের টুকরো বিস্ফোরিত হচ্ছে ঘন ঘন। যেন এক পাল কুকুর একটা বিড়ালকে ধাওয়া করছে। টেউয়ের ঘত উঁচু-নিচু চালিয়ে স্কাইকারটাকে ত্রুম্প গিরিখাদের মাথার দিকে তুলে আনছে মুরল্যাভ। আর দুশো গজ এগোল ওরা। আরও একশো গজ। তারপর হঠাৎ নবুই ডিগ্রি বাঁক নিয়ে একটা পাথুরে ঢালকে পিছনে ফেলে এল স্কাইকার, সেই সঙ্গে শেল ফায়ারের ঝড়টাও আড়ালে পড়ে গেল।

ঢাল ঘুরে এসে ডেস্টিনি হেলিকপ্টারের পাইলটরা দেখল কালো অঙ্ককারে সারি সারি প্রাহাড়ের ভিতর অদৃশ্য হয়ে গেছে স্কাইকার।

## আট

---

বুয়েনাস আইরিস, আর্জেন্টিনা। ব্রিটিশ দৃতাবাস। বৃত্তাকার ড্রাইভে লিমাজিনগুলো আরেকটা দীর্ঘ বৃত্ত তৈরি করেছে। বলগাউন পরা সুন্দরী ললনা আর টাঙ্গিড়ো পরা সুদর্শন পুরুষরা লম্বা কালো কার থেকে নেমে উঁচু ব্রোঞ্জ ডোর দিয়ে এন্ট্রোস হলে চুকছে। সবাইকে অভ্যর্থনা জানাচ্ছেন ব্রিটিশ দৃতাবাসপ্রধান উইলবার অ্যাম্ব্ৰোস আৱ তাঁৰ স্ত্ৰী ম্যারিয়েটা অ্যাম্ব্ৰোস। এই উৎসবের উপলক্ষ্য: আনুষ্ঠানিকভাবে রানী এলিজাবেথ প্রিন্স চাৰ্লসকে সিংহাসনেৱ পৱনবৰ্তী উত্তোধিকাৰী হিসাবে ঘোষণায় স্বাক্ষৰ কৰেছেন।

আর্জেন্টিনার এলিট, সবাই আমন্ত্ৰিত, এসেছেনও সবাই। প্ৰেসিডেন্ট, জাতীয় কংগ্ৰেসেৱ নেতাৱা, শহৱৰ মেয়ৱ, ফাইন্যান্সিয়াৱ, ইন্ডাস্ট্ৰিয়ালিস্ট আৱ রাষ্ট্ৰৰ অন্যতম সিলেক্টিভ। অৰ্কেন্ট্ৰোৰ ছন্দে মোহিত হয়ে বলৱত্তৰে চুকছে অতিথিৱা, বুফে টেবিলেৱ বিপুল আয়োজন দেখে আনন্দে আপুত না হয়ে পাৱছে না। এই অনুষ্ঠানেৱ জন্য ইংল্যান্ড থেকে নামকৱা শেফদেৱ নিয়ে আসা হয়েছে, ভোজনেৱ এই আয়োজন তাদেৱই কৃতিত্ব।

বোন, বন্ধু আৱ বন্ধুপত্ৰীদেৱ নিয়ে বিশাল হলে চুকছে হিউগো হারমান, উপস্থিত সবাই একৱাৱ তাকালে সহজে আৱ চোখ ফেৱাতে পাৱছে না। তাৱ দু'জন বডিগার্ড গোটা দলটাৱ উপৱ সারাক্ষণ কড়া নজৱ রাখছে। ডেসটিনি পৱিবাৱগুলোৱ

ଏତିହ୍ୟ ଅନୁମାରେ ଏକଇ ଡିଜାଇନେର ଗାଉନ ପରେଛେ ମେଯେରା, ତବେ ଆଲାଦା ରଙ୍ଗେ । ବ୍ରିଟିଶ ଦୂତାବାସପ୍ରଧାନେର ସଙ୍ଗେ କୁଶଳ ବିନିମୟେର ପର ବଲରଙ୍ଗମେ ଟୁକଲ ତାରା ।

ହିଉଗୋର ସଙ୍ଗେ ଶ୍ଵାମୀ ବ୍ରାଉନ ହାଇଡେନସହ ବୋନ ଅୟାନାବେଲ ରଯେଛେ, ରଯେଛେ ବଞ୍ଚୁପତ୍ରୀ ଡେରିନ ସିଲସିଯା, ବଞ୍ଚୁ ଡ୍ରେକ ସିଟିଭ, କୁଫଲାର ଉଡ଼ାର, ମାର୍କ ଟ୍ୟାନଡ଼ନ ଆର କାଜିନ ସାସନା । ସାସନା ସବେ ମାତ୍ର ଆମେରିକା ଥିକେ ଫିରେଛେ ।

ବାକି ସବାଇ ନାଚ ଶୁଣୁ କରଲେଓ, ସାସନାକେ ନିଯେ ବୁଫେଇ-ଏ ଚଲେ ଏଲ ହିଉଗୋ, ଆସାର ପଥେ ଏକବାର ଥେମେ ଏକଜନ ଓୟେଟାରେର କାହିଁ ଥିକେ ଶ୍ୟାମ୍ପେନେର ଏକଟା ଗ୍ଲାସ ନିଲ । ବାହାଇ କରା ସୁସ୍ଵାଦୁ ସବ ଡିଶ ଥିକେ ଖାବାର ସଂଗ୍ରହ କରଲ ଓରା, ନିଜେଦେର ପ୍ଲେଟ ନିଯେ ଚଲେ ଏଲ ଲାଇବ୍ରେରିତେ । ମେବୋ ଥିକେ ସିଲିଂ ପର୍ଯ୍ୟନ୍ତ ଲମ୍ବା ବୁକକେସେର ପାଶେ, ଖାଲି ଏକଟା ଟେବିଲେ ବସଲ ।

ପନିରେର ଟୁକରୋ ସହ ଫର୍କଟା ମୁଖେ ତୁଲତେ ଯାବେ ସାସନା, ହଠାତ୍ ମାଝପଥେ ହିଂମିର ହେଲ ହାତଟା, ଚେହାରାଯ ଫୁଟେ ଉଠିଲ ନିଖାଦ ଅବିଶ୍ଵାସ ।

ତାର ଚେହାରାର ଏହି ପରିବର୍ତ୍ତନ ଦେଖିତେ ପାଚେ ହିଉଗୋ, ତବେ ଘାଡ଼ ଫିରିଯେ ପିଛନ ଦିକେ ତାକାଳ ନା, ତାର ବଦଳେ ଶାନ୍ତଭାବେ ବ୍ୟାଖ୍ୟା ପାଓଯାର ଅପେକ୍ଷାଯ ରଯେଛେ ।

ବ୍ୟାଖ୍ୟାଟା ହେଠେ ଏଲ ଦୁଜନ ମାନୁଷେର ଆକାରେ-ଏକଜନ ଦୀର୍ଘଦେହୀ ସୁପୁରୁଷ, ସଙ୍ଗେ ରୂପବତୀ ଏକ ନାରୀ, କାଳୋ ରେଶମେର ମତ ଚୁଲ କୋମର ପର୍ଯ୍ୟନ୍ତ ନେମେ ଏସେଛେ ।

ମେରୁନ ବ୍ରାକେଡ ଭେସ୍ଟସହ ଟାକ୍ସିଡୋ ପରେଛେ ପୁରୁଷଟି, ସାମନେ ଝୁଲଛେ ଏକଟା ଗୋଲ୍ଡ ଓୟାଚ ଚେଇନ । ସଙ୍ଗିନୀର ପରମେ କାଳୋ ସିଙ୍କ ଭେଲଭେଟେର ଜ୍ୟାକେଟ, ସଙ୍ଗେ ଗୋଡ଼ାଲି ପର୍ଯ୍ୟନ୍ତ ନେମେ ଆସା କାଳୋ ସିଙ୍କ ଗାଉନ, ଏକପାଶେ ଚେରା । ଗଲାଯ ପେଂଚାନୋ ମୁକ୍ତେର ଏକଟା ମାଲା ।

ସୋଜା ଏଗିଯେ ଏସେ ହିଉଗୋଦେର ଟେବିଲେ ଥାମଲ ତାରା । ‘ଖଣ୍ଡି

তো, সাসনা, আবার দেখা হওয়ায়?’ হাসিমুখে বলল রানা। সাসনা জবাবে কিছু বলার আগে হিউগোর দিকে ফিরল ও। ‘তুমি নিশ্চয়ই সেই কুখ্যাত হিউগো হারমান, ইদানীং যার কুকীর্তির কথা প্রায়ই কানে আসছে।’ খেমে শাহানার দিকে ফিরল। ‘এসো, ডষ্টের শাহানার সঙ্গে তোমাদের পরিচয় করিয়ে দিই?’

হিউগোর দৃষ্টিতে হীরের ধার, রানাকে যেন কেটে কুচিকুচি করে ফেলবে। রানাকে চিনতে না পারলেও তার শিরদাঁড়ায় শিরশির করে একটা শহরন উঠল। ডেস্টিনি এন্টারপ্রাইজেসের বিলিওনেয়ার চিফ এগজিকিউটিভ অত্যন্ত সুদর্শন, তবে এই মুহূর্তে তার চোখের দৃষ্টিতে ঠাণ্ডা আর নগ্ন হৃষকি ফুটে উঠেছে। তার মধ্যে এমন একটা কাঠিন্য রয়েছে, ভিতরে যেন ভয়ানক হিংস্র একটা প্রাণী লুকানো আছে। যদি বুঝে থাকে রানার সঙ্গিনী কে, তান করছে চিনতে পারেনি। ভদ্রতা দেখিয়ে চেয়ার ছাড়ার লক্ষণও তার মধ্যে দেখা গেল না।

‘যদিও আমাদের পরিচয় হয়নি,’ মুখটা এখনও রানার হাসি হাসি, ‘তবু কেন যেন মনে হচ্ছে তোমাকে আমি চিনি।’

‘আমি চিনি না,’ বিশুদ্ধ ইংরেজিতে বলল হিউগো, সামান্য একটু জার্মান টান আছে।

‘আমি রানা, মাসুদ রানা।’

প্রথমে কোন প্রতিক্রিয়া হলো না, পরক্ষণে হিউগোর চোখে-মুখে শক্তার ভাব ফুটে উঠল। ‘তুমি মাসুদ রানা?’ ঠাণ্ডা সুরে জানতে চাইল সে।

‘হ্যাঁ।’ সাসনার দিকে ফিরে হাসল রানা। ‘আমাকে দেখে বেশ অবাক হয়েছে তুমি। হাঁটাৎ ওয়াশিংটন ত্যাগ করলে যে?’

‘কোথেকে এলে তুমি?’ প্রায় খেঁকিয়ে উঠল সুসনা।

‘কেন, উলরিখ হারমান জাহাজ থেকে,’ সবিনয়ে জবাব দিল রানা। ‘জাহাজটা ঘুরে দেখার পর ডষ্টের শাহানাকে নিয়ে বুয়েনস হারানো আটলান্টিস-২

আইরিসে বেড়াতে চলে এসেছি, ভাবলাম এখানে একটু থেমে  
তোমাদেরকে হ্যালো বলে যাই।'

সাসনার চোখ দুটো লেয়ার হলে কাবাব হয়ে যেত রানা।

'তোমাকে আমরা মেরে ফেলতে পারতাম!' বলল হিউগো।

'চেষ্টা করেছ, কিন্তু পারনি,' শান্ত, স্বাভাবিক সুরে কথা  
বলছে রানা। 'আবার চেষ্টা না করার পরামর্শ দিছি, বিশেষ করে  
একটা দৃতাবাসের ভেতর এত সব লোকের সামনে।'

'কিন্তু যখন রাস্তায় বেরহবে, মিস্টার রানা? তখন তোমার পা  
থাকবে আমার দেশে, সম্পূর্ণ অসহায়; নিজেকে রক্ষা করতে  
পারবে না।'

'তোমার ধারণা ভুল, হিউগো,' মৃদু হাসির সঙ্গে বলল  
শাহানা। 'আসলে তোমার কোন ধারণাই নেই কার সঙ্গে কথা  
বলছ তুমি। রানা এজেন্সির নাম শোননি? প্রাইভেট ইন্টেলিজেন্স  
ফার্ম, সারা দুনিয়ায় প্রটেকশন বিক্রি করে?'

'কী বলতে চাও?' গন্তীর হ্যালো হিউগো।

'এই ভদ্রলোককে সিআইএ পর্যন্ত সালাম দেয়, ধরনা দেয়  
বিটিশ সিক্রেট সার্ভিসও,' বলল শাহানা। 'কারণ মাঝে-মধ্যে  
ওদের প্রেসিডেন্ট বা প্রধানমন্ত্রীকে রক্ষার জন্যে রানা এজেন্সির  
সার্ভিস দরকার হয়। এবার বুঝতে পারছ কাকে তুমি হুমকি  
দিচ্ছ?'

হিউগোর হোঁৎকা বডিগার্ডদের একজন সামনে শ্রগোল,  
ভাবটা রানাকে আঘাত করতে চায়, কিন্তু হঠাৎ রানার পিছন  
থেকে বেরিয়ে এসে লোকটার সামনে পাঁচিল হয়ে দাঁড়িয়ে পড়ল  
মুরল্যান্ড। গার্ড তারচেয়ে ইঞ্চি দশেক লম্বা হবে, ওজনেও  
পঞ্চাশ পাউন্ড বেশি, চোখ গরম করে বলল, 'এত ছোটখাট  
শরীর নিয়ে কী করে ভাবলে আমার সঙ্গে পারবে তুমি?'

নিঃশব্দে, গর্বের সঙ্গে হাসল মুরল্যান্ড। 'যদি বলি তোমার  
সঙ্গী পাঁচ-সাতটা নর্দমার কীটকে এইমাত্র খতম করে এসেছি?'

‘ওঁ ঠাট্টা করছে না,’ বলল রানা।

সমস্যায় পড়ে গেল বিডিগার্ড, বুঝতে পারছে না তার সাবধান হওয়ার দরকার, না খেপে ওঠা।

একটা হাত তুলে অলসভঙ্গিতে নাড়ল হিউগো, পিছিয়ে যাওয়ার ইঙ্গিত দিল গার্ডকে। ‘উলরিখ হারমান থেকে পালিয়ে আসতে পারার জন্যে তোমাদেরকে আমি অভিনন্দন জানাই। আমাদের সিকিউরিটি ফোর্স অযোগ্যতার পরিচয় দিয়েছে।’

‘মোটেও না,’ অমায়িক সুরে বলল রানা। ‘তারা খুবই ভাল করেছে। আমরা আসলে ভাগ্যের সাহায্য পেয়েছি।’

‘রিপোর্টটায় চোখ বুলিয়ে ভাগ্যের তেমন কোন ভূমিকা দেখতে পাইনি আমি।’ ধীর, অলস ভঙ্গিতে চেয়ার ছেড়ে রানার মুখোমুখি হলো হিউগো হারমান।

রানার চেয়ে দুই ইঞ্চি বেশি লম্বা সে, আগ্রহের সঙ্গে নীচের দিকে তাকিয়ে পরখ করছে ডেস্টিনি এন্টারপ্রাইজেসের পাঁজরে বেঁধা বিষাক্ত কাঁটাটাকে। জুলজুল করছে তার নীলচে-ধূসর চোখ।

রানা তাকিয়ে আছে দৃষ্টিতে শান্ত চ্যালেঞ্জ নিয়ে, সেই সঙ্গে খুঁটিয়ে দেখে নিচে প্রতিপক্ষকে।

‘আমার সঙ্গে লাগতে এসে জীবনের সবচেয়ে বড় ভুলটি করছ তুমি, মাসুদ রানা। ইতিমধ্যে নিচয় তুমি বুঝে নিয়েছ যে দুনিয়াটাকে নয় হাজার বছর আগেকার মত বিশুদ্ধ আর কলুষতামুক্ত করার জন্যে নিজের সমস্ত ক্ষমতা আর জীবন উৎসর্গ করেছি আমি।’

‘আমার মনে হয়, একটা ছাগলও এতটা নির্বোধ হয় না।’

অপমানটা গ্রাহ্য না করে হিউগো জানতে চাইল, ‘আজ রাতে এখানে আসার পেছনে তোমার উদ্দেশ্যটা কী?’

‘ডেস্টিনি এন্টারপ্রাইজেসের কারণে অনেক ভুগতে হয়েছে আমাকে,’ বলল রানা। ‘যে লোকটা দুনিয়ার শাস্ক হবার ষড়যন্ত্র হারানো আটলান্টিস-২

করছে তাকে দেখতে এসেছি।’

‘এখন, দেখার পর?’

‘আমার মনে হয়েছে, যে দুর্যোগটা আসবে বলে তুমি বাজি ধরেছ সেটা না-ও আসতে পারে। যে ধূমকেতু দুটোর একটা আমিনিসদের নিশ্চিহ্ন করেছিল, তার সঙ্গীটা যে আর কদিন পর ফিরে এসে আঘাত করবে পৃথিবীকে, এটা তুমি নিশ্চিতভাবে জানো না। কী করে জানলে, গতবারের মত এবারও মিস করবে না?’

নীরব আক্রোশ নিয়ে তাকিয়ে আছে হিউগো-। তার টাকা আর ক্ষমতাকে ভয় পায় না এমন লোক বলতে গেলে দেখেইনি সে। এই মাসুদ রানা ব্যতিক্রম। ‘এটা প্রতিষ্ঠিত সত্য। আসবেও, লাগবেও। সত্য কথা বলতে কি, ঈশ্বর এটা চাইছেন। তিনি আর কোন ভেজাল বা নোংরামি মেনে নেবেন ন্য। সমস্ত প্রাণী সহ যে দুনিয়াটাকে আমরা চিনি, এই মুহূর্তে দেখতে পাচ্ছি, এটার কোন অস্তিত্ব থাকবে ন্য। শুধু ডেস্টিনি পরিবারের সদস্যরা ছাড়া আর কেউ বাঁচবে ন্য। এই বাড়ির লোকজন, তুমি, তোমার সঙ্গীনী, কেউ ন্য।’ ঠোঁটে শয়তানি হাসি নিয়ে সামনের দিকে ঝুঁকল সে। ‘আরেকটা কথা, মিস্টার রানা, ঘটনাটা তোমার ধারণার চেয়ে আগে ঘটবে। টাইম-টেবিল এগিয়ে এসেছে, বুঝলে? দুনিয়ার ধ্রংস শুরু হবে...এখন থেকে ঠিক চারদিন দশ ঘণ্টা পর।’

বিশ্বয়ের ধাক্কাটা চেপে রাখতে চেষ্টা করল রানা। কী সাংঘাতিক, আর পাঁচ দিনও নেই! কী করে তা সম্ভব?

নিজের হতাশা গোপন না করে শাহানা বলল, ‘এটা তোমরা কী করে পারলে? এত কাঠ-খড় পুড়িয়ে কী কারণে তোমরা ব্যাপারটাকে গোপন রাখতে চেয়েছ?’ ধীরে ধীরে উত্তেজিত হয়ে উঠেছে সে। ‘আগে জানলে, সময় পেলে, দুনিয়ার মানুষ প্রস্তুতি নিতে পারত তোমাদের কি বিবেক বলে কিছু নেই?’

‘খবরদার!’ চেয়ার ছেড়ে দাঁড়িয়ে পড়ল সাসনা। ‘তোমার এত সাহস, আমাদের নেতাকে অপমান করো!’

রেগেমেগে কিছু বলতে যাচ্ছিল শাহানা, তার একটা কবজি ধরে মৃদু টান দিয়ে রানা বলল, ‘বাদ দিন, শাহানা। ওটা একটা ডাইনি, আপনার সঙ্গে কথা বলার যোগ্য নয়।’

রানাকে মারার জন্য চড় তুলল সাসনা, তবে বাট করে সামনে এগিয়ে এসে তার হাতটা ধরে ফেলল শাহানা, তারপর কবজিটা খুব জোরে একবার মুচড়ে ছেড়ে দিল। ব্যথায় চোখে অন্ধকার দেখছে সাসনা, তবে অপমান আর বিস্ময়ের ধাক্কাটা অনেক বেশি জোরাল। ডেস্টিনি পরিবারের একটি মেয়ের সঙ্গে বহিরাগত কেউ এই আচরণ করতে পারে, এটা সে বিশ্বাসই করতে পারছে না।

রানার ভয় হচ্ছিল সাসনা না অতর্কিংতে শাহানার উপর ঝাঁপিয়ে পড়ে। তবে সেরকম কিছু ঘটল না। হতচকিত সাসনার কানে ফিসফিস করে কিছু বলল হিউগো, ওদের দিকে পিছন ফিরে একটা চেয়ারে ধপাস করে বসে পড়ল সাসনা।

‘আমি একঘেয়েমির শিকার,’ বলল শাহানা। ‘আপনারা কেউ আমাকে নাচার প্রস্তাব দিচ্ছেন না কেন?’

আরও কিছুক্ষণ হিউগোর কাছাকাছি থাকার ইচ্ছে রানার, যদি কিছু তথ্য বের করা যায় মুরল্যান্ডের উদ্দেশে সামনে মাথা নোয়াল ও। ‘তুমি আগে।’

‘সানন্দে।’ শাহানার হাত ধরল মুরল্যান্ড, তাকে নিয়ে ডান্ডে ফ্রেরে চলে গেল। ওদিকে অর্কেস্ট্রায় বাজছে ‘নাইট অ্যান্ড ডে...’

হিউগোর দিকে ফিরল রানা। ‘এর মধ্যে বুদ্ধিমত্তার পরিচয় আছে। সময়টা এগিয়ে আনার কথা বলছি। কী করে করলে?’

‘উঁহঁ।’ হাসছে হিউগো। ‘কিছু ব্যাপার গোপন রাখতে হয় নানা পথ ধরল রানা। ‘তোমাদের জাহাজগুলোর প্রশংসা না হারানো আটলান্টিস-২

করে পারছি না। দক্ষ হাতে পড়ে মেরিন আর্কিটেকচার আর ইঞ্জিনিয়ারিং জাদু দেখিয়েছে।

‘উম্ম-ম্ম, ধন্যবাদ,’ যেন অনিচ্ছাসত্ত্বেও বলল হিউগো।

‘জাহাজগুলো এত বড়, জলোচ্ছাস শুরু হলে তা কি ওগুলোকে সাগরে ভাসিয়ে নিয়ে যেতে পারবে?’

‘ইঞ্জিনিয়াররা আমাকে জানিয়েছে, তাদের হিসেবে কোন ভুল নেই।’

‘কী হবে, ভুল করলে?’

মাথা নাড়ুল হিউগো। ‘বললাম তো, ভুল হবে না। বিপর্যয় আসবে, চলেও যাবে, তখনও অক্ষত থাকবে আমাদের জাহাজ।’

‘সবাই মারা গেছে, এরকম একটা দুনিয়ায় আমি বোধহয় বাঁচতে চাইব না।’

‘ওখানেই তোমার সঙ্গে আমার পার্থক্য। তুমি ব্যাপারটাকে সমাপ্তি বলে মনে করছ। আমি দেখিছি দৃঢ়প্রত্যয়ের সঙ্গে নবব্যাপ্তি হিসেবে। এবার, শুভরাত্রি, মিস্টার রানা। আমাদের অনেক কাজ পড়ে রয়েছে।’ খাবার ফেলে রেখেই সামনাকে নিয়ে লাইব্রেরি থেকে বেরিয়ে গেল সে।

হিউগো হারমান স্ট্রেফ আরেকটা পাগল? আপন মনে মাথা নাড়ুল রানা। ডেস্টিনির সূচনা, উথান, অর্থ-সম্পদের পাহাড় গড়ে তোলা, যুগ যুগ ধরে নিষ্ঠা আর মেধার সঙ্গে ভবিষ্যতের পুর্ণ তৈরি-এত কিছু করার শক্তি বা অধ্যবসায় পাগলামি কিংবা ফ্যান্যাটিসিজমের নেই।

একা ওখানে দাঁড়িয়ে থাকল রানা, অস্তি বোধ করছে। হিউগোর মত বুদ্ধিমান একজন লোক, যে কিনা পঁচিশটা পরিবারকে নেতৃত্ব দিয়ে বহু বিলিয়ন ডলারের একটা সাম্রাজ্য গড়ে তুলেছে, উন্নত একটা পরিকল্পনায় সব খোয়াবার জন্য? না। গোটা ব্যাপারটার মধ্যে আরও কিছু লুকিয়ে আছে। কিন্তু কী? হিউগোর কথা যদি সত্যি হয়, উন্নরটা রানাকে পেতে হবে

চারদিন দশ ঘণ্টার মধ্যে ।

ডেডলাইনটা কী মনে করে জানিয়ে দিল হিউগো? যেন রানা জানলে তাদের কিছু আসে যায় না। কারণটা কি এখন আর জানলেও সত্যিই কারও কিছু করার নেই? নাকি এর পিছনে তার আরও কোন উদ্দেশ্য ছিল?

বাবে চলে এল রানা। পুরানো বঙ্গু মার্কিন অ্যামেরিকান নীল হার্ডে ওকে দেখতে পেয়ে এগিয়ে এল। ‘জানালা দিয়ে দেখলাম হিউগো হারমানের সঙ্গে ভালই জমিয়েছ। কেমন লাগল তাকে?’

‘উশ্বরের ভূমিকা নিয়ে ফেলেছে,’ বলল রানা। ‘কোন তথ্যই আদায় করতে পারিনি।’

‘আশ্চর্য একজন মানুষ। কারও সঙ্গে ঘনিষ্ঠ হয় না। কেউ বলতে পারে না দুনিয়া শেষ হবার এই গল্পটা কেন যে সে বিশ্বাস করছে।’

‘তার সম্পর্কে কী জানো তুমি?’

‘ইন্টেলিজেন্স রিপোর্টের অতিরিক্ত কিছুই জানি না। রিপোর্টটা তুমিও পড়েছ।’

‘ও, হ্যাঁ, ধন্যবাদ,’ আন্তরিক সুরে বলল রানা। ‘বুয়েনস আইরিসে দাওয়াত দিয়ে নিয়ে এসে হিউগোর সঙ্গে দেখা করার সুযোগটা পাইয়ে দিয়েছ বলে।’

রানার একটা হাত ধরল হার্ডে। ‘আমাদের ভাগ্য ভাল যে পার্টিতে এসেছে সে।’

‘বলছে সময় এগিয়ে এসেছে। কেয়ামত হতে আর নাকি মাত্র চারদিন বাকি। তারমানে ডেস্টিনি পরিবারগুলো নিশ্চয়ই দু’একদিনের মধ্যে জাহাজে উঠে পড়বে।’

‘তাই নাকি?’ বলল হার্ডে। ‘কিন্তু বিশ্বস্ত সূত্রে থেকে পাওয়া একটা তথ্য জানি আমি। পরশু অ্যান্টার্কটিকায় যাচ্ছে সে, নিজেদের মিনারেল রিট্র্যাকশন ফ্যাসিলিটি ইন্সপেকশন করতে।’

চোখ সরু করল রানা। ‘এরকম একটা সময়ে? ব্যাপারটা অস্বাভাবিক নয়?’

‘ওই প্রজেক্টটা প্রথম থেকেই রহস্যাময়, বলল হার্ডে। ‘যতদূর জানি, চেষ্টা করেও ভেতরে কোন এজেন্টকে ঢোকাতে পারেনি সিআইএ।’

হাতের গুাসে চুমুক দিল রানা। ভাবছে। এরকম একটা সময়ে ডেস্টিনির লিডার অ্যান্টার্কটিকায় যাবে কেন? কী আছে সেখানে? যেতে আর আসতে কম করেও দু'দিন সময় লাগবে। ব্যাপারটা মেলে না।

## নয়

প্রাদিন করপোরেট অফিসে ডেস্টিনি এন্টারপ্রাইজের পঁচিশজন নীতিনির্ধারক মিটিঙে বসল। বিশাল বোর্ডরংমে ষাট ফুট লম্বা কনফারেন্স টেবিল ফেলা হয়েছে, টেবিলের মাথার দিকের দেয়ালে ঝুলছে উলরিখ হারমানের অয়েল পেইন্টিং, পরনে কালো এসএস ইউনিফর্ম, চোয়াল বাইরের দিকে ঠেলে বেরিয়ে আসতে চাইছে, চোখের দৃষ্টি কোন সুদূরে হারিয়ে গেছে।

সকাল ঠিক দশটায় চেয়ারম্যান স্যুইট থেকে বেরিয়ে এসে টেবিলের মাথায় নিজের সিটে বসল হিউগো হারমান।

‘বুয়েনাস আইরিসে এটাই আমাদের শেষ মিটিং অন্ত সময়ের ভেতরে সমস্ত প্রস্তুতি শেষ করা গেছে, সেজন্যে সবাইকে

অসংখ্য ধন্যবাদ। সময় নষ্ট না করে কাজের কথায় চলে আসছি আমি। ডেসটিনি পরিবারের সব লোক কি উলরিখ হারমানে উঠেছে?’

হিউগোর ডান পাশে বসা ব্রায়ান হাত তুলে জবাব দিল, ‘হ্যাঁ, প্রতিটি ফ্যামিলি যে-যার স্যুইটে উঠেছে।’

‘সাপ্লাই আর ইকুইপমেন্ট?’

গুস্তাফ স্টেলার হাত তুলল। ‘চারটে জাহাজেই ফুড স্টক তোলা হয়েছে,’ রিপোর্ট দিতে শুরু করল সে। তিনি মিনিট পর এই বলে শেষ করল, ‘বাকি শুধু আমরা এই ক'জন, প্লেনে করে উলরিখ হারমানে ল্যান্ড করার অপেক্ষায় আছি।’

ক্ষীণ একটু হাসল হিউগো। ‘আমাকে রেখেই রওনা হয়ে যাবে তোমরা। আমি পরে আসছি। ওকুমা বে-তে চূড়ান্ত প্রস্তুতি চলছে আমদের মাইনিং অপারেশনের, সশরীরে উপস্থিত থেকে সেটা আমার না দেখলেই নয়।’

‘পৌছাতে দেরি কোরো না আবার,’ বলল সাসনা, হাসছে। ‘তোমাকে ফেলেই আমরা জাহাজ ছেড়ে দিতে পারি।’

হেসে উঠল হিউগো। ‘আরে না, বোট মিস করার কোন ইচ্ছে আমার নেই।’

হাত তুলল ডোরিন সিলসিয়া। ‘আমেরিকান সায়েন্টিস্ট, ডষ্টর শাহানা না কী যেন নাম, জাহাজ থেকে পালাবার আগে আমিনিস লিপি অনুবাদ করতে পেরেছিল?’

মাথা নাড়ল হিউগো। ‘দুর্ভাগ্য আমাদের, যে তথ্যই পেয়ে থাকুক, সব সঙ্গে করে নিয়ে গেছে সে। তবে তাকে ঠিক আমিনিস লিপি অনুবাদ করানোর জন্য ধরে আনা হয়নি।’

বিস্মিত দেখাল সিলসিয়াকে। ‘ওহ?’

‘আমাদের ইন্টারনাল সিকিউরিটির একটা শাখা...কী বলব... মিজারেবলি ফেইল করেছে,’ বলল হিউগো। ‘তারা জানত মেয়ে সহ ডষ্টর শাহানাকে টোপ হিসেবে ব্যবহার করার জন্যে ধরে

আনা হয়েছে, এ-ও বলে দেয়া হয় যে মাসুদ রানা তাদেরকে উদ্ধার করতে আসতে পারে, কিন্তু তারপরও তাকে ধরতে পারেনি ওরা। এরচেয়ে দুঃখজনক আর কিছু হতে পারে না। এই ব্যর্থতার জন্যে কঠিন শাস্তি না দিয়ে পারিনি আমি।’

‘আমাদের এজেন্টরা রানাকে ধরে আনতে পারবে না?’  
জিজ্ঞেস করল ব্রায়ান।

তিক্ত হাসি ফুটল হিউগোর ঠোটে। ‘কে ধরে আনবে? যারা ওকে ছেড়ে দিয়েছে? তা ছাড়া এখন আর সময় কোথায়?’

হাত তুলল বিজ্ঞানী অ্যারন বেলফোর। ‘প্রাচীন লিপি থেকে আমরা একটা ধারণা পেয়েছি বটে, তবে পরবর্তী সময়ে ঠিক কী আশা করতে হবে তার আসল চিত্রটা পাওয়া গেছে আমাদের কম্পিউটার প্রজেকশন থেকে।’

‘খোলা পানিতে বেরিয়ে ঘাবার পর,’ বলল সাসনা, ‘প্রথম প্রায়োরিটি হবে ছাই, ভলক্যানিক গ্যাস আর ধোয়া ঠেকাবার জন্যে জাহাজগুলো সিল করে দেয়া।’

‘তা নিয়ে তোমাকে চিন্তা করতে হবে না,’ বলল উইলহেম হিলম্যান, ইঞ্জিনিয়ারিং জিনিয়াস। ‘এমনভাবেই ডিজাইন করা হয়েছে, প্রতিটি জাহাজ মাত্র কয়েক সেকেন্ডের মধ্যে এয়ারটাইট করা যাবে।’

ডোরিন জানতে চাইল, ‘যখন নিরাপদ বলে মনে হবে, দুনিয়ার ঠিক কোথায় ভিড়ব আমরা?’

‘বিপর্যয় পরবর্তী পরিস্থিতি দেখে সিদ্ধান্তে আসতে হবে,’ জবাব দিল অ্যারন বেলফোর। ‘আগে থেকে বলা সম্ভব নয় টাইডাল ওয়েভ দুনিয়ার উপকূল কতটুকু বদলাবে।’

টেবিলে বসা নীতি নির্ধারকদের উপর চোখ বুলাল হিউগো। ‘ভূখণ্ডের কী পরিবর্তন হয় তার ওপর অনেক কিছুই নির্ভর করবে। সেই রাশিয়ার ইউরাল পর্যন্ত ডুবে যেতে পারে ইউরোপ। পানিতে ভরাট হয়ে যেতে পারে সাহারা মরুভূমি।

বরফে ঢাকা পড়বে কানাডা আর যুক্তরাষ্ট্র। আমাদের প্রথম কাজ  
অস্তিত্ব রক্ষা করা। সেটা সম্ভব হলে সুবিধে মত কোথাও তৈরি  
করব হেডকোয়ার্টার সিটি, সেখানেই হবে আমাদের নতুন  
সাম্রাজ্যের পতন।'

'আমরা বাদে যে-সব মানুষ উঁচু জায়গায় থাকার কারণে  
বেঁচে যাবে,' জিজ্ঞেস করল ডোরিন, 'তাদের সঙ্গে কী ধরনের  
আচরণ করব আমরা?'

'সংখ্যায় খুব কমই হবে তারা,' বলল গুস্তাফ। 'যাদেরকে  
পাব ধরে এনে এক জায়গায় জড়ে করব তারপর তাদের ভাগ্যে  
যা আছে তাই হবে।'

'আমরা তাদেরকে কোনও রকম সাহায্য করব না?'

মাথা নাড়ল গুস্তাফ। 'আবার কবে নাগাদ আমাদের  
লোকজন জমিতে চাষবাস করতে পারবে কে জানে। তার আগে  
নিজেদের ফুড সাপ্লাই দুর্বল করা যাবে না।'

'এক সময়,' বলল হিউগো, 'ফোর্থ রাইখের আমরা পঁচিশটা  
পরিবার বাদে দুনিয়ার সব মানুষ নিশ্চহ হয়ে যাবে।  
সারভাইভাল অভ দ্য ফিটেস্ট। বিবর্তনের এই হলো ধারা।  
ফুয়েরারের ভবিষ্যদ্বাণী ফলতে চলেছে-একদিন আর্য জাতি  
দুনিয়া শাসন করবে। আমরা সেই আর্য জাতি।'

'তবে এ-ও সত্য যে আমরা ফ্যানাটিকাল নাঃসি নই।' গ্র্যান্ড  
পেরেন্টদের সঙ্গে নাঃসি পার্টির মৃত্যু হয়েছে। আমাদের এই  
প্রজন্ম অ্যাডলক ইটলারকে শুন্দা করে শুধু তাঁর দুরদর্শিতার  
জন্যে আমরা স্বন্তিকার পুজো করি না, কিংবা তাঁর ছবির  
সামনে "হেইল" বলে চিৎকারও করি না।'

মৃদু শব্দে তালি দিল সবাই।

'আগামী বছর আমাদের চারপাশের অবস্থা না জানি কী  
রকম থাকবে, ভাবতে রোমাঞ্চ অনুভব করছি আমি,' বুকে হাত  
বেঁধে আবার বলল হিউগো 'কারণ তখনকার সেই দুনিয়ার

ওপৱই স্বর্গ গড়ে তুলব আমৱা।'

বুয়েনাস আইরিসের শেষ প্রান্তে ছোট একটা এয়ারপোর্ট। এটা শুধু প্যারাগ্যে, চিলি, উরুগ্যে আৱ ডোমেস্টিক ফ্লাইটের জন্য ব্যবহার কৱা হয়।

গায়ে 'নুমা' লেখা একটা এগজিকিউচিভ জেট এই মাত্ৰ ল্যান্ড কৱে হ্যাঙ্গারের কাছে থেমেছে। প্যাসেঞ্জার ডোর দিয়ে কংক্রিটের উপৱ নেমে এল তিনজন পুরুষ আৱ একজন মহিলা। সময়টা কাঠফাটা দুপুৰ।

হ্যাঙ্গারের দিকে এগোচ্ছে দলটা। মেইন্টেন্যান্স অফিস ডোরের কাছে পৌছে গেছে, এই সময় হঠাৎ কোণ ঘুৱে সাদা রঙ কৱা একটা কাভারড ভ্যানের দিকে এগোল তারা।

ভ্যানটা যখন ত্ৰিশ গজ দূৰে, ওটাৰ পিছনেৰ দৱজা খুলে ব্যাটল গিয়াৰ পৱা চারজন মার্কিন মেরিন সেনা লাফ দিয়ে নীচে নামল, দ্রুত ধিৱে ফেলল ভ্যানটাকে। তাৱপৱ সার্জেন্ট-ইন-কমান্ড কংগ্ৰেস সদস্যা লৱেলি ভাস, অ্যাডমিৱাল জৰ্জ হ্যামিলটন, ল্যারি কিং আৱ অজ্ঞাতপৱিচয় দুই ব্যক্তিকে ভ্যানে উঠতে সাহায্য কৱল।

ভ্যানেৰ ভিতৱ্বটা শীতাতপ নিয়ন্ত্ৰিত, সুসজ্জিত অফিস আৱ কমান্ড পোস্ট হিসেবে তৈৱি কৱা হয়েছে।

এগিয়ে এসে লৱেলিকে আলিঙ্গন কৱল রানা। 'ইউ গজিয়াস ক্ৰিয়েচাৰ। ভাৰিনি তুমিও চলে আসবে।'

'তেমন ব্যন্ততা নেই, তাই অ্যাডমিৱাল বলতেই রাজি হয়ে গেলাম।' মুৱল্যান্ডেৰ দিকে ফিৱে হাসল লৱেলি। 'হাই।'

অ্যাডমিৱাল হ্যামিলটন সৱাসৱি শাহানাৰ দিকে হেঁটে এলেন। 'আবাৱ আপনাৰ সঙ্গে হ্যান্ডশেক কৱাৱ সুযোগ পেয়ে সত্যি' খুশি আমি।'

'খুশি আমিও, অ্যাডমিৱাল,' বলল শাহানা। 'এই সুযোগে

ধন্যবাদ জানাই, মিস্টার হ্যামিলটন। রানা আর মুরল্যাভকে  
পাঠিয়ে আমাদেরকে উদ্ধার করানোর জন্যে।’

‘আমার পাঠাবার দরকার ছিল না,’ ধীরে ধীরে বললেন  
অ্যাডমিরাল। ‘ওরা এমনিতেই যেত।’

শাহানার সঙ্গে হ্যান্ডশেক করল কালোমানিক কিং, টেনে  
এনে তার সঙ্গে পরিচয় করিয়ে দিল লরেলির। তারপর সবার  
সঙ্গে জেনারেল ডানকান মেয়ার আর ডষ্ট্র টিম গুডম্যানের  
পরিচয় করিয়ে দিলেন অ্যাডমিরাল।

‘প্রথমে জেনারেল ডানকান মেয়ার। জেনারেল মেয়ার  
মিলিটারি ইন্টেলিজেন্স চিফ, পেন্টাগন থেকে আসছেন। নুমার  
রিপোর্ট পাওয়ার পরেও পেন্টাগন আর হোয়াইট হাউস ধূমকেতুর  
ব্যাপারটা ঠিক বিশ্বাস করতে পারছে না, তাই নিশ্চিত হবার  
জন্যে নিজেই তিনি চলে এসেছেন।’

দীর্ঘদেহী জেনারেল মেয়ারের বয়স হবে পঞ্চাশ কী ছাপান,  
চওড়া হাড়ে কোথাও এতটুকু অতিরিক্ত মাংস নেই। চোখে  
শকুনের মত ঠাণ্ডা আর ধারাল দৃষ্টি। সবাই তাঁর সঙ্গে করমদ্বন্দ্ব  
আর কুশল বিনিময় করল।

‘এবার ডষ্ট্র টিম গুডম্যান,’ হসিমুখে বললেন নুমা চিফ।  
আমরা এক স্কুলে পড়েছি। ওর সাহায্য ছাড়া অ্যালজেব্রায় পাস  
করতে পারতাম না। জিওফিজিঙ্ক নিয়ে পড়েছে, আবার  
অ্যাস্ট্রনমিতে পিএইচডি করেছে।’

ন্যাড়া মাথার চারধারে সামান্য কিছু পাকা চুল, মানুষটা  
ছোটখাট, মুখে সরল হাসি নিয়ে সবার উদ্দেশে মাথা ঝাঁকালেন  
ডষ্ট্র গুড।

সবাই বসার পর অ্যাডমিরাল বললেন, ‘মিস লরেলি আর  
তাঁর এইডরা ডেস্টিনি এন্টারপ্রাইজেস সম্পর্কে খোঁজ-খবর  
নিচ্ছিল। শোনা যাক, ওরা কী জানতে পেরেছে।’

‘পুরো রিপোর্টটা পড়তে গেলে কয়েক ঘণ্টা লাগবে,’ বলল  
হারানো আটলান্টিস-২

লরেলি। 'সংক্ষেপে ব্যাপারটা হলো, গত এক বছর ধরে ডেস্টিনি পরিবারগুলো তাদের সব ব্যবসা, সম্পত্তি, শেয়ার ইত্যাদি বিক্রি করে দিয়েছে। সেই টাকা ব্যাঙ্কে না রেখে সোনা কিনেছে তারা। সেই সোনার দাম হবে কয়েক হাজার বিলিয়ন ডলার।

'জানা কথা ওই সোনা এরই মধ্যে তাদের জাহাজে তোলা হয়ে গেছে,' মন্তব্য করল রানা। 'তারমানে ধূমকেতু সত্য একটা আসছে।'

'সে কারণেই বন্ধুবর গুডকে আসতে অনুরোধ করা হয়েছে,' বললেন অ্যাডমিরাল। 'দেখা যাক তাঁর কী বলার আছে।'

চেয়ার আর সোফার মাঝখানে ফেলা একটা টেবিলে কাগজের ছোট কয়েকটা স্তুপ তৈরি করেছেন ডষ্টের গুড। প্রথম স্তুপটা তুলে পাতাগুলো উল্টে একবার দেখে নিলেন তিনি, তারপর বললেন, 'আপনাদেরকে কিছুটা পেছন দিকে নিয়ে যাব আমি, তা হলে বুঝতে সুবিধে হবে আসলে কীসের জন্যে প্রস্তুতি নিচ্ছে ডেস্টিনি পরিবারগুলো।

সাত হাজার বি.সি.-তে একটি ধূমকেতু আঘাত করেছিল পৃথিবীকে। ভাগ্যক্রমে এধরনের ঘটনা নিয়মিত ঘটে না। ছোটখাট উঙ্কা রোজই পড়ছে, তবে স্মেগুলো মুঠোর চেয়ে বড় নয় আকারে। প্রতি একশো বছরে দেড়শো ফুট ডায়ামিটারের একটা অ্যাস্টারয়েড আঘাত করে পৃথিবীকে। এরকম একটা আরিজোনায় পড়েছিল। ১৯০৮ সালে সাইবেরিয়াতেও পড়ে, তবে পড়ার আগে বিস্ফোরিত হয়ে আটশো বর্গমাইল এলাকার সমন্ত গাছ মাটিতে শুইয়ে দেয়।

'আরেকটা হিসেব হলো, প্রতি দশ লাখ বছরে আধ মাইল চওড়া একটা অ্যাস্টারয়েড দুনিয়ার সবগুলো পারমাণবিক বোমার শক্তি নিয়ে আছড়ে পড়ে পৃথিবীর বুকে! দু'হাজারেরও বেশি এই শ্রেণীর মিসাইল নিয়মিত শেডিউল ধরে আমাদের

কক্ষপথকে ক্রস করে যাচ্ছে।'

'ভৌতিকর একটা ছবি,' বলল শাহানা।

'তবে এ নিয়ে ঘুম হারাম করার কোনও দরকার নেই,'  
বললেন গুড়, হাসছেন। 'অ্যাস্টোরয়েডের আঘাতে আপনার  
মৃত্যুর সন্ধাবনা গোটা জীবনে বিশ হাজারের এক ভাগ। তবে,  
এই যৌক্তিক সন্ধাবনার কথাও আমরা বাতিল করতে পারি না যে  
ভাগ্যের বিরুদ্ধ হয়ে ওঠাটা স্বেফ সময়ের ব্যাপার মাত্র।'

একটা পট থেকে কাপে কফি ঢালছেন জেনারেল মেয়ার।  
'ধরে নিচ্ছি সত্যিকার অর্থে বড় একটা বিস্ফোরণের কথা বলছেন  
আপনি।'

'হ্যাঁ।' মাথা ঝাঁকালেন ডষ্টের গুড়। 'প্রতি-একশো মিলিয়ন  
বছর পর প্রকাণ্ড একটা অ্যাস্টোরয়েড কিংবা ধূমকেতু পৃথিবীকে  
আঘাত করে, যেমনটি পঁয়ষ্টত্ব মিলিয়ন বছর আগে ইউকাটান-এ  
আঘাত করে দুনিয়ার বুক থেকে নিশ্চিহ্ন করে দিয়েছিল  
ডায়নোসরকে। আঘাত করে ডায়ামিটারে ছয় মাইল একটা বস্তু,  
গর্ত তৈরি হয় একশো বিশ মাইল চওড়া।'

'সেই ধূমকেতুটার প্রসঙ্গে ফিরে আসি,' চেয়ারে নড়েচড়ে  
বসে মুখ খুললেন জেনারেল মেয়ার। 'সাত হাজার বি.সি.-তে  
একজোড়া ধূমকেতু এসেছিল, তার একটা পৃথিবীকে আঘাত  
করে। দ্বিতীয়টাও ফিরে এসে আঘাত করবে, আমিনিস আর  
ডেস্টিনি পরিবারের এই ভবিষ্যত্বাণী সঠিক কিনা।'

'আমি কি আরেক কাপ কফি পেতে পারি?' জানতে চাইলেন  
ডষ্টের গুড়।

'হ্যাঁ, অবশ্যই,' বলল লরেলি, সেন্টার টেবিলের পট থেকে  
ধূমায়িত কফি ঢালল কাপে।

কয়েকটা চুমুক দিয়ে কাপটা নামিয়ে রাখলেন ডষ্টের গুড়।  
'আপনার প্রশ্নের জবাব দেয়ার আগে, জেনারেল, সংক্ষেপে  
অ্যাস্টোরয়েড অ্যান্ড কমেট অ্যাটাক আলার্ট সিস্টেমটা ব্যাখ্যা

করি। এটা একেবারে নতুন, মাত্র গত বছর অনলাইনে এসেছে। বেশ কিছু টেলিস্কোপ ফ্যাসিলিটি আর বিশেষভাবে ডিজাইন করা ইন্সট্রুমেন্ট দুনিয়ার বিভিন্ন জায়গায় সেট করা হয়েছে শুধুমাত্র এমন সব গ্রহণ আর ধূমকেতু আবিষ্কার করার জন্যে যেগুলোর কক্ষপথ পৃথিবীর কাছ দিয়ে গেছে।

‘আমার ল্যাবেও ওরকম একটা ফ্যাসিলিটি আছে। এই মুহূর্তে বিশজন অ্যাস্ট্রনামার সেখানে গবেষণা করছেন। আমাদেরকে একটু ধৈর্য ধরতে হবে, প্লিজ। ওরা সঠিক একটা হিসাব বের করতে পারলেই ইন্টারনেটে জানাবে আমাকে।’ ইঙ্গিতে নিজের ল্যাপটপটা দেখালেন তিনি।

অদ্ভুত ব্যাপারই বলতে হবে ঠিক সেই মুহূর্তে একটা ল্যাপটপ জ্যান্ত হয়ে উঠল, তবে সেটি ডষ্টের গুডম্যানের নয়।

সেটি কালোমানিক ল্যারি কিং-এর ল্যাপটপ। অন করাই ছিল, স্পিকার থেকে ভিনাসের মেয়েলি কঢ়স্বর ভেসে এল।

‘কিং, আমি ভিনাস, তুমি আমার কথা শুনতে পাচ্ছ? আমার ক্যালকুলেশন কমপ্লিট।’

‘হ্যাঁ, ভিনাস, শুনতে পাচ্ছি। ভেরি গুড। রিপোর্টটা দাও।’

ঠিক এই সময় জ্যান্ত হয়ে উঠল ডষ্টের গুডম্যানের ল্যাপটপও। তাড়াতাড়ি একজোড়া হেডপিস কানে তুললেন তিনি।

‘আমিনিসরা হিসেবে একটু ভুল করেছে,’ বলল ভিনাস। ‘তবে দ্বিতীয় ধূমকেতুটি আসছে।’

‘আমিনিসরা ভুল করেছে?’ জানতে চাইল কিং। ‘কী ভুল করেছে?’

ভ্যানের ভিতর টান টান উত্তেজনা। উপস্থিত সবাই যেন নিঃশ্বাস ফেলতেও ভুলে গেছে।

‘ভুলটা সময় আর দূরত্বের হিসেবে,’ বলল ভিনাস। ‘দুটোই নগণ্য ভুল। সময়ের হিসেবে কমবেশি আটচল্লিশ ঘন্টা পরে।

আর দূরত্বের ব্যবধানটা বিশ লাখ মাইল।'

'তুমি বলতে চাইছ, নির্ধারিত সময়ের চেয়ে আটচলিশ ঘণ্টা পরে আসবে ধূমকেতুটা, আর পৃথিবীকে আঘাত না করে বিশ লাখ মাইল দূর দিয়ে পাশ কাটিয়ে চলে যাবে?'

'হ্যাঁ, ঠিক তাই বলছি আমি।'

'আহ, পরম শান্তি!' সশব্দে হাঁফ ছাড়ল কিং। 'বাঁচলাম!'

'না, বাঁচলে না,' দৃঢ়কঞ্জে বলল ভিনাস। 'ধূমকেতর চেয়ে বড় বিপদ আসছে।'

'ধূমকেতুর চেয়ে বড় বিপদ? কী?'

জবাব না দিয়ে হেসে উঠল ভিনাস।

'শুনুন আমার ল্যাব থেকে কী বলছেন অ্যাস্ট্রনমাররা,' কান থেকে হেডপিস নামিয়ে বললেন ডষ্টের গুডম্যান। 'কমেট অ্যাটাক অ্যালার্ট সিস্টেম এরই মধ্যে চলিন্ষটারও বেশি গ্রহাণুর সন্ধান পেয়েছে, যেগুলো নিজেদের কক্ষপথ ধরে ছোটার এক পর্যায়ে আমাদের গ্রহের কাছাকাছি চলে আসবে। তবে চুলচেরা বিশ্বেষণের পরে জানা গেছে ওগুলো সবই আগামী বহু বছর নিরাপদ দূরত্ব বজায় রেখে পাশ কাটাবে পৃথিবীকে।'

'দ্বিতীয় ধূমকেতুর কথা কিছু জানতে পেরেছে তারা?' প্রশ্ন করল লরেলি। 'জানার পর তুমকির কথাটা চেপে যায়নি তো?'

'না,' বললেন ডষ্টের গুড। 'অ্যাস্ট্রনমাররা নিজেদের মধ্যে একমত হয়েছে সম্ভাব্য সংঘর্ষের খবর আটচলিশ ঘণ্টা গোপন রাখা হবে, যতক্ষণ কমপিউটার প্রজেকশান নিশ্চিতভাবে না জানাচ্ছে যে একটা সংঘর্ষ ঘটল বলে।'

'তারমানে আপনি বলতে চাইছেন-' শুরু করল কিং।

'এই যে, কোনও ইমার্জেন্সি নেই।'

মুখ তুলে ডষ্টের গুডের দিকে তাকাল রানা। 'কথাটা আবার বলুন।'

'যিশুর জন্মের সাত হাজার বছর আগের ব্যাপারটার,' ব্যাখ্যা হারানো আটলান্টিস-২

করলেন ডষ্টের গুড়, ‘পুনরাবৃত্তির সম্ভাবনা দশ লাখের এক ভাগ মাত্র। যে ধূমকেতু পৃথিবীকে আঘাত হানে আর যে ধূমকেতু কয়েকদিন পরে এসে আঘাত করতে ব্যর্থ হয়, ও দুটো যমজ ছিল না। ওগুলো আলাদা অবজেক্ট, কক্ষপথও ভিন্ন, শুধু পৃথিবীর পথে এসে পড়েছিল প্রায় একই সময়ে। অবিশ্বাস্য একটা কাকতালের ঘটনা, তার বেশি কিছু নয়।’

‘দ্বিতীয় ধূমকেতুটি আবার তা হলে কবে নাগাদ ফিরবে?’  
সাবধানে জানতে চাইল রানা।

হঠাৎ হাসি থামল ভিনাসের, সন্দেহ ভরা গলায় বলল সে,  
‘কিৎ, কী ব্যাপার বলো তো, যেন মনে হচ্ছে ঘোড়া ডিঙিয়ে ঘাস  
খাচ্ছে কেউ? আমার হিসেবে আরেকজন বলে কীভাবে?’

জবাবে ল্যাপটপ বক্স করে দিল কিৎ।

এক মুহূর্ত চিন্তা করলেন ডষ্টের গুড়, তারপর রানার প্রশ্নের উত্তরে বললেন, ‘আমাদের হিসেবে ওটা উড়ে যাবে আমাদের  
কাছ থেকে কম করেও বিশ লাখ মাইল দূর দিয়ে-আরও দু’দিন  
পরে।’

## দশ

ছুটন্ত ভ্যানের ভিতর ঠাণ্ডা পরিবেশটা কয়েক মুহূর্ত নীরব হয়ে  
থাকল। কেউ এক চুল নড়ল না, যেন নিঃশ্বাস ফেলতেও ভুলে  
গেছে। তারপর নিঃশ্বাসের সঙ্গে বিড়বিড় করে কী যেন বললেন  
জেনারেল মেয়ার। ডষ্টের গুডের দিকে তৌক্ষ দৃষ্টিতে তাকালেন

তিনি, অ্যাস্ট্রনমারের চোখে কী যেন খুঁজছেন-হয়তো  
অনিশ্চয়তার ক্ষীণ ছায়া-তবে কিছুই দেখতে পেলেন না।  
‘ধূমকেতুটা-’

‘ওটার নাম জেফ মরিসন,’ বাধা দিয়ে বললেন ডষ্টের গুড়।  
‘যে সৌখিন জ্যোতির্বিদ ওটাকে রিডিসকভার করেছিলেন, তাঁর  
নামে।’

‘আপনি বলছেন জেফ মরিসন ধূমকেতু আর আমিনিসরা যে  
দ্বিতীয় ধূমকেতুর রেকর্ড রেখে গেছে তা এক এবং অদ্বিতীয়?’

ঘন ঘন মাথা ঝাঁকালেন ডষ্টের গুড়। ‘তাতে কোন সন্দেহ  
নেই। হিসেব করে নিশ্চিত হওয়া গেছে ওটার কক্ষপথ আর সাত  
হাজার বি.সি.-তে যেটা বিপর্যয় ঘটিয়েছিল স্টেটার কক্ষপথ মিলে  
যায়।’

‘এই তথ্য ডেস্টিনি পরিবারও নিশ্চয় জেনেছে, তাই না?’  
জিজ্ঞেস করল লরেলি। ‘তা হলে পঁচিশটা পরিবার তাদের  
স্থাবর-অস্থাবর সমস্ত সম্পত্তি আর ব্যবসা বিক্রি করে দেবে  
কেন? কেন বিলিয়ন ডলার খরচ করে জাহাজের একটা বহর  
বানাবে? যদি আদৌ কোন বিপর্যয় না ঘটে?’

‘পঁচিশটা পরিবারের আড়াইশো সদস্য নিশ্চয় পাগল নয়।’

‘শুধু তো পরিবারের সদস্যরা নয়, জাহাজগুলোয় আরও  
তোলা হচ্ছে তাদের কাজ করে, তাদের সমর্থক এমন প্রায়  
দু’লাখ মানুষকে। তারাও তো এই যাত্রার জন্যে সব রকম প্রস্তুতি  
নিয়েছে।’

‘এতগুলো মানুষকে আমি পাগল বা বোকা বলতে রাজি  
নই,’ বলল লরেলি।

‘গোটা ব্যাপারটা আমার কাছে দুর্বোধ্য একটা রহস্য বলে  
মনে হচ্ছে।’ ধীরে ধীরে মাথা নাড়লেন অ্যাডমিরাল হ্যামিল্টন।

‘ডেস্টিনি পরিবারের নিশ্চয় একটা সলিড মোটিভ আছে,’  
বলে একটু বিরতি নিল রানা, সবাই নিঃশব্দে তাকাল ওর দিকে।

‘এর অন্য কোনও ব্যাখ্যা থাকতে পারে না। তারা বিশ্বাস করে সভ্যতা ধ্বংস হয়ে যাবে। অর্থাৎ তারা এমন কিছু জানে, দুনিয়ার আর কেউ যা জানে না।’

‘আমি তোমাকে আশ্বস্ত করছি, অ্যাডমিরাল,’ বললেন উষ্টর গুড়, ‘বিপদটা সোলার সিস্টেম থেকে আসছে না।’

‘তা হলে অন্য কী ঘটতে পারে? পৃথিবীর বাইরের আবরণ স্থানচ্যুত হবে, কিংবা মেরু শিফট করবে, এ-সব কি আগে থেকে বোবা সম্ভব?’ উষ্টর গুড়কে জিজেস করল কিং।

‘ঘটতে দেখার চাক্ষুষ অভিজ্ঞতা না থাকলে এ-সব বিষয়ে কিছু বলা সম্ভব নয়। ভূমিকম্প, আগ্নেয়গিরির বিস্ফোরণ, সুনামির টেউ চাক্ষুষ করা হয়েছে, ক্রিয়া-প্রতিক্রিয়া রেকর্ড করা হয়েছে। কিন্তু পৃথিবীর ছালের নড়াচড়া কিংবা মেরুর স্থানবদল আধুনিক বিজ্ঞানের যুগে ঘটেনি।’

‘পৃথিবীতে এমন পরিস্থিতি আছে কি, যার কারণে এই নড়াচড়া কিংবা স্থানবদলের মত কিছু ঘটতে পারে?’ জানতে চাইল রানা।

‘হ্যাঁ,’ ধীরে ধীরে জবাব দিলেন উষ্টর গুড়। ‘এমন প্রাকৃতিক শক্তি আছে, দুনিয়ার ভারসাম্য নষ্ট করে দিতে পারে।’

‘যেমন?’

‘যেমন দুই মেরুর যে-কোন একটার বরফ যদি শিফট করে।’

‘তা কি সম্ভব?’

‘পৃথিবী দৈত্যাকার একটা লাটিম। বছরে একবার সূর্যকে এক পাক ঘুরে আসছে। লাটিমের মতই, এটার ভারসাম্যও নিখুঁত নয়, কারণ ভূখণ্ড আর মেরুগুলো যে-সব জায়গায় রয়েছে তা সুস্থিতি প্রতিষ্ঠার জন্যে মোটেও আদর্শ নয়। কাজেই ঘোরার সময় দুনিয়া কাঁপে। এই অবস্থায় দুটোর একটা মেরু যদি আকারে বেড়ে বড় হয়ে যায়, কম্পনে তার প্রভাব পড়ে, আপনার

গাড়ির ভারসাম্য হারানো একটা চাকার ঘত এর ফলে বাইরের আবরণ স্থানচুর্যত হতে পারে, কিংবা শিফট করতে পারে পোল। শুধুমাত্র কিছু বিজ্ঞানীকে চিনি আমি, যাঁরা বিশ্বাস করেন এটা একটা নিয়ম ধরে ঘটে চলেছে।'

'কত দিন পরপর?'

'ছয় থেকে আট হাজার বছর।'

'শেষ শিফটটা কবে ঘটেছে?'

'সাগরের গভীর তলদেশ খুঁড়ে সংগ্রহ করা মজ্জা বিশ্বেষণ করে ওশনোগ্রাফাররা বলছেন শেষবার শিফট করেছে নয় হাজার বছর আগে, ঠিক যে সময় আপনাদের ধূমকেতুটি পৃথিবীর বুকে আছড়ে পড়েছিল।'

'তু হলে বলা যায় আরেকটা শিফটের সময় হয়েছে,' বলল রানা।

'আসলে, সময় পার হয়ে যাচ্ছে।' হাত নেড়ে অসহায় একটা ভঙ্গি করলেন ডেন্ট্র গুড। 'দৃঢ় বিশ্বাসের সঙ্গে কিছু বলা সম্ভব নয়। আমরা শুধু এটুকু জানি যে সময় উপস্থিত হলে শিফটটা অকস্মাত ঘটবে। কোন ওয়ার্নিং পাবার সুযোগ নেই।'

চোখে-মুখে অস্বস্তি নিয়ে ডেন্ট্র গুডের দিকে তাকিয়ে রয়েছেন জেনারেল মেয়ার। 'কী কারণে এমনটি হবে?'

'অ্যান্টার্কটিকার মাথায় আমরা যে আইস ফরমেশন দেখছি তা সমান ভাগে ভাগ করা নয়। মহাদেশের একটা দিকে অন্যদিকের চেয়ে বেশি জমে। প্রতি বছর পঞ্চাশ বিলিয়ন টন বরফ শুধুমাত্র রস আইস শেলফে যোগ হচ্ছে, ফলে পৃথিবীর কম্পন বেড়ে যায়। এক সময়, ভর সরে গেলে পোলও সরে যাবে, অর্থাৎ শিফট করবে, যেমনটি আইনস্টাইনও ভবিষ্যদ্বাণী করেছিলেন। তার ফলে কী হবে? ট্রিলিয়ন ট্রিলিয়ন পানি আর বরফ হাজার হাজার ফুট উঁচু হয়ে দুই মেরু থেকে বিশুবরেখার দিকে ছুটবে। ধূমকেতু আঘাত করায় যত রকমের বিরূপ

প্রতিক্রিয়া হয়েছিল, এক্ষেত্রেও সে-সবের পুনরাবৃত্তি ঘটবে। বড় একটা পার্থক্য হবে এই যে নয় হাজার বছর আগে দশ লাখ লোক মারা গিয়েছিল, এবার মারা যাবে সাত বিলিয়ন। নিউ ইয়র্ক, টোকিও, সিডনি, লস অ্যাঞ্জেলিস পুরোপুরি পানির তলায় চলে যাবে। উপকূল থেকে বহুদূরের শহর মিশে যাবে মাটির সঙ্গে। দশ-বিশ লাখ লোক যেখানে হাঁটাহাঁটি করছে, মাত্র কয়েকদিন পর কংক্রিটের একটা স্ন্যাবও খুঁজে পাওয়া যাবে না সেখানে।’

‘আর যদি রস আইস শেলফ বাকি মহাদেশ থেকে হঠাত বিচ্ছিন্ন হয়ে যায়?’ ডষ্টের গুডকে জিজ্ঞেস করল রানা। ‘তারপর যদি ভেসে আসে সাগরে? তখন কী হবে?’

গম্ভীর হয়ে গেলেন ডষ্টের গুড। ‘এই ব্যাপারটা আগেই বিবেচনা করেছি আর্মরা। শেলফ মুভমেন্টের ফলে যে ভারসাম্যহীনতার সৃষ্টি হবে তা থেকে পৃথিবীর ছাল মারাত্মকভাবে নড়ে যেতে পারে।’

‘মারাত্মক মানে? একটু ব্যাখ্যা করুন।’ যেন বাতাসের অভাবে হাঁসফাঁস করছেন মিলিটারি ইন্টেলিজেন্স চিফ।

‘কম্পিউটার সিমুলেশনে দেখা গেছে, গোটা আইস শেলফ বিচ্ছিন্ন হবার পর সাগরে ভাসতে ভাসতে ষাট মাইল চলে এলে পৃথিবীর কম্পন যে পরিমাণ বাঢ়বে, পোলার শিফট ঘটাবার জন্যে তা যথেষ্ট।’

‘ষাট মাইল ভেসে আসতে কী রকম সময় লাগতে পারে?’

এক মুহূর্ত চিন্তা করলেন গুডম্যান। ‘ছত্রিশ ঘণ্টার বেশি নয়।

‘গোটার এগোনো থামানোর কেন উপায় নেই?’ জানতে চাইল লরেলি।

‘থাকলেও আমার তা জানা নেই মাথা ন্যাড়লেন ডষ্টের গুড। ‘তবে, ওনুন, এ-সবই কিন্তু আন্দাজ আর ধিওরি সম্ভাব্য।

আর কী কারণে শেলফটা সাগরে বেরিয়ে আসতে পারে?’

নুমা চিফ জর্জ হ্যামিল্টনের দিকে তাকাল রানা, তিনিও তাকালেন ওর দিকে। দু’জনেই যেন কল্পনার চোখে একই দৃঢ়স্বপ্ন দেখছে, সেই সঙ্গে পড়তে পারছে পরম্পরের মনের কথা। রানার দৃষ্টি লরেলির দিকে ঘুরে গেল।

‘ডেস্টিনির ন্যানোটেক ফ্যাসিলিটি। সিওয়াটার থেকে মিনারেল প্রসেস করে। রস আইস শেলফ থেকে কত দূরে সেটা?’ জানতে চাইল ও।

লরেলির চোখ বড় হচ্ছে। ‘নিচয় তুমি ভাবছ না...’

‘কত দূরে?’ গলা একটু চড়াল রানা।

বড় করে একটা শ্বাস নিল লরেলি। ‘ওদের প্লাটটা একেবারে কিনারায়।’

ডষ্টের গুড়ের দিকে ফিরল রানা। ‘আপনার কি রস আইস শেলফের সাইজ জানা আছে, ডষ্টের?’

‘ওটা প্রকাও,’ বললেন গুডম্যান, হাত দুটো মেলে ধরলেন দু’দিকে। ‘তবে সঠিক আয়তন বলতে পারব না। শধু জানি ওটাই দুনিয়ার সবচেয়ে বড় ভাসমান বরফের মাঠ।’

‘আমাকে ক’মিনিট সময় দাও,’ রানাকে বলল কিং। আগেই সে তার ল্যাপটপ কমপিউটার খুলে কাজ শুরু করে দিয়েছে নুমা হেডকোয়ার্টারের কমপিউটার নেটওঅর্ক থেকে তথ্য সংগ্রহ করতে এক মিনিটেও কম সময় লাগল তার। তারপর নিজের মনিটরে চোখ রেখে পড়তে শুরু করল, ‘আয়তনে ওটা দুই লাখ দশ হাজার বর্গমাইল, প্রায় টেক্সাসের সমান। সাগরের দিকে মুখ করা পেরিমিটার হিসেবে ধরছি না, তারপরও ওটার পরিধি প্রায় চৌদশশো মাইল। এগারোশো থেকে তেইশশো ফুট পুরু অতিরিক্ত আরও কয়েক শো তথ্য আছে, তবে এগুলোই গুরুত্বপূর্ণ।’

‘এ কি সম্ভব?’ জানতে চাইল শাহানা। ‘একজন মানুষ দুই

লাখ দশ হাজার বর্গমাইল বরফ ভেঙে আলাদা করে ফেলবে?’

‘কী করে সম্ভব তা জানি না,’ বলল রানা। ‘তবে বাজি ধরে বলতে পারি ডেস্টিনির লোকজন তিনি প্রজন্ম ধরে এটার পেছনেই শ্রম আর মেধা দেলেছে।’

‘গুড লর্ড!’ বিড়বিড় কবলেন ডষ্টের গুডম্যান। ‘এ স্বেচ্ছ ভাব। যায় না।’

‘টুকরোগুলো,’ গন্তীর সুরে বলল মুরল্যাঙ্ক, ‘এতক্ষণে জোড়া লাগছে।’

‘যেভাবেই হোক,’ বলল রানা, ‘আইস শেলফটাকে ভেঙে সাগরে সরিয়ে আনতে চাইছে তারা, পৃথিবীর পাক থাওয়ার নিয়মে যাতে বিঘ্ন ঘটে, সেই সঙ্গে বেড়ে যায় কাঁপনটা। এই ভারসাম্যহীনতা সঞ্চটের পর্যায়ে পৌছালে পোলার শিফট আর আবরণের স্থানচুক্তি ঘটবে। টাইডাল ওয়েভের ধকল কাটিয়ে ওঠার পর ডেস্টিনির মেগাশিপগুলো ভাসতে ভাসতে বেরিয়ে আসবে সাগরে। কয়েক বছর সাগরেই থাকবে তারা, আলোড়ন থামার পর পরিবর্তিত নতুন একটা পৃথিবীর তীরে ভিড়বে তাদের জাহাজগুলো। ওখানে প্রস্তুন হবে তাদের চতুর্থ সাম্রাজ্যের, সান্ধো কোটি মানুষের লাশের ওপর।’

পাথরের মূর্তির মত বসে থাকল সবাই। বিশ্বাস করতে কষ্ট হচ্ছে এ-ধরনের অমানবিক একটা কাজ কারও পক্ষে করা সম্ভব।

‘গড হেল্প আস অল,’ নরম সুরে বিড়বিড় করল জেনারেল মেয়ার।

অ্যাডমিরাল হ্যামিল্টনের দিকে তাকাল রানা। ‘আমি বিসিআই হেডকোয়ার্টার ঢাকার সঙ্গে কথা বলতে চাই। বস্তি সরকারকে ব্যাপারটা জানাবেন।’ থেমে শ্বাস নিল রানা। ‘আপনারা ও তো আপনাদের প্রেসিডেন্টকে ইনফর্ম করবেন, তাই না, অ্যাডিমিরাল?’

‘ন্যাশনাল সায়েন্স বোর্ড আর চিফ অভ স্টাফকে আমাদের তদন্ত সম্পর্কে আগেই জানিয়েছি আমি,’ বললেন অ্যাডমিরাল। ‘কিন্তু হুমকিটা কেউই তারা সিরিয়াসলি নেয়নি। এখনকার পরিস্থিতি অবশ্য আলাদা। পেন্টাগন আর হোয়াইট হাউস জেনারেল মেয়ারের কাছ থেকে সরাসরি সব জানতে পারবে।’

জেনারেল মেয়ার গভীর মাথা ঝাঁকিয়ে সায় দিলেন ‘যত তাড়াতাড়ি সম্ভব ভুলটা শুধরে নেবে ওরা, বললেন তিনি

‘হাতে সময় মাত্র তিনি দিন।’ বলল রানা। ‘এরই মধ্যে একটা প্ল্যান তৈরি করতে হবে। সবাইকে বলছি, মাথা ঘামান। ভেবে বের করুন, কীভাবে ঠেকানো যায় ওদেরকে।’

## এগারো

---

এতটুকু ঝাঁকি না খেয়ে আইস রানওয়ের উপর ল্যান্ড করল ডেস্টিনি এন্টারপ্রাইজেস কোম্পানির জেটটা

পাহাড়ে ধাক্কা খেতে আর যখন দুশো গজও বাকি নেই, বরফের পাহাড়-প্রাচীর যেন কোন্ জাদুবলে ফাঁক হয়ে গেল, দেখা গেল প্রকাণ্ড গুহার মত একটা প্রশস্ত জায়গা। ধীরে ধীরে থ্রিটল টেনে ধরল পাইলট জেটকে থামাল একটা হ্যাঙ্গারের মাঝখানে, স্লেভ লেবাররা যেটাকে প্রায় ষাট বছর আগে পাহাড় কেটে তৈরি করেছিল। প্লেনের পিছনে এরই মধ্যে রাবার ছাইলে বসানো বিশাল দরজাটা বন্ধ হয়ে গেছে।

হ্যাঙ্গারে আরও দুটো প্লেন রয়েছে। একটা দুশো

পঁচানবুইজন আরোহী আৰ বিশ্টন কাৰ্গো নিতে সক্ষম। অপৱটি  
শুধু কাৰ্গো পৱিবহনেৰ জন্য তৈৰি কৱা হয়েছে।

বিৱাট হ্যাঙারেৰ ভিতৰ কৰ্মব্যস্ততা থাকলেও, পৱিবেশ  
পুৱোপুৱি শান্ত আৰ স্বাভাবিক। বিভিন্ন রঙেৰ ইউনিফৰ্ম পৱা  
ডেস্টিনিৰ সমৰ্থক শ্ৰমিকৰা নিঃশব্দে কাজ কৱছে, কথা বলছে  
নৰম সুৱে। একশোৱও বেশি কাঠেৰ বাঞ্ছে আমিনিসদেৱ রেখে  
যাওয়া আটিফ্যাক্ট আৰ দ্বিতীয় মহাযুদ্ধেৰ সময় নাঃসিদেৱ লুঠ  
কৱা ট্ৰেজাৰ ভৱা হচ্ছে। বাক্সগুলো উলৱিখ হারমানে পাঠানো  
হবে।

কালো ইউনিফৰ্ম পৱা পঞ্চাশজন সিকিউরিটি গার্ড টান টান  
হয়ে দাঁড়িয়ে আছে। জেট প্লেন থেকে সিঁড়ি বেয়ে নেমে এল  
হিউগো আৰ সাসনা।

আলপাইন ক্ষি প্যান্ট পৱেছে হিউগো, সঙ্গে আলপাকা উল  
দিয়ে কিনারা ঘোড়া ঢোলা সুয়েড জ্যাকেট। আৰ সাসনাৰ পৱনে  
হাঁটু পৰ্যন্ত লম্বা ফাৱ কোটেৰ নীচে ওয়ান-পিস ক্ষি সুট।

পৱিবহন প্ৰজেক্টেৰ ম্যানেজাৰ ট্ৰুডা ক্ৰমাৰ সিড়িৰ নীচে  
অভ্যৰ্থনা জানাল ওদেৱকে। ‘আপনি নিজে এসেছেন দেখে গৰ্ব  
অনুভব কৱছি, মিস্টাৱ হিউগো।’

‘কৰ্তব্য বলে মনে হলো, কেয়ামতেৰ জন্যে প্ৰস্তুতিটা নিজেৰ  
চোখে দেখা,’ জবাবে বলল হিউগো। ‘তোমাৰ কাজ কেমন  
এগোচ্ছে?’

‘উলৱিখে প্যাসেঞ্জাৰ আৰ কাৰ্গো তোলাৰ কাজ হাতে দশ  
ষণ্টা সময় থাকতেই শেষ কৱতে পাৱব আমৱা।’

ডেস্টিনিৰ সিকিউরিটি চিফ কাৰ্ট মাৰ্শাল আৰ তাৰ  
অ্যাসিস্ট্যান্ট বিয়েট্ৰিচ বিসমাৰ্ককে এগিয়ে আসতে দেখা গেল।  
হিউগোৰ সমবয়সী তাৱা, দু'জনেৰ সঙ্গেই কোলাকুলি কৱল সে।  
‘ভ্যালহ্যালায় ফিৱে এসেছ, স্বাগতম! বলল মাৰ্শাল।

‘নানা রকম ব্যস্ততাৰ কাৱণে আসতে দেৱি হলো।’

‘কন্ট্রোল সেন্টারে চলো,’ বলল বিয়েট্রিচ। ‘নিজের চোখে দেখতে পাবে কীভাবে আমরা পুরানো দুনিয়াটাকে ধ্বংস করতে যাচ্ছি।’

‘প্রথমে তোমাদের গার্ড বাহিনী পরিদর্শন করে নিই,’ বলল হিউগো। সাসনাকে পিছনে নিয়ে সিকিউরিটি গার্ডদের সামনে দিয়ে হাঁটছে সে। গার্ডদের প্রত্যেকের সঙ্গে পিস্তল আর রাইফেল আছে। দু’একজনের সামনে থেমে দু’একটা প্রশ্ন করল হিউগো। লাইনের শেষ মাথায় পৌছে সন্তুষ্টচিত্তে মাথা ঝাঁকাল। ‘ধন্যবাদ, মার্শাল। আমার কোন সন্দেহ নেই এই গার্ডবাহিনী প্রয়োজনে যে-কোনও অবৈধ অনুপ্রবেশ ঠেকাতে পারবে।’

‘অনাহৃত কাউকে দেখা মাত্র গুলি করার নির্দেশ দেয়া হয়েছে,’ জানাল মার্শাল।

‘সন্দেহজনক কিছু চোখে পড়ছে?’ জানতে চাইল হিউগো।

‘নাহ,’ জবাব দিল বিয়েট্রিচ। ‘আমাদের ডিটেকশন কন্ট্রোল ইউনিট ফ্যাসিলিটির দেড়শো মাইলের মধ্যে কোনও তৎপরতা দেখতে পাচ্ছে না।’

তার দিকে ফিরল সাসনা। ‘দেড়শো মাইল কিন্তু খুব বেশি দূর হলো না।’

‘দেড়শো মাইল দূরেই রয়েছে মার্কিনীদের লিট্ল আমেরিকা নামে অ্যান্টার্কটিক রিসার্চ স্টেশন। স্টেশনটা তৈরি করার পর থেকে আমাদের অপারেশন সম্পর্কে কখনোই কোনরকম আগ্রহ দেখায়নি ওরা। এরিয়াল সার্ভেইলাসেও এমন কিছু ধরা পড়েনি যা থেকে বোঝা যায় আমাদের মাইনিং ফ্যাসিলিটিতে উঁকি-ঝুঁকি মারছে ওরা।’

বিয়েট্রিচকে সমর্থন করল মার্শাল। ‘আমেরিকানরা কোন সমস্যা করে না।’

‘তবু কড়া নজর রাখতে বলছি,’ নির্দেশ দিল হিউগো, সাসনার হাত ধরে অটো কারে চড়ছে। ‘ভয় হচ্ছে. আমাদের হারানো আটলান্টিস-২

গোপন ব্যাপারটা জানতে আর বেশি দেরি নেই ওদের।'

ইলেকট্রিক কারের ড্রাইভার এয়ারক্রাফট হ্যাঙ্গার থেকে বেরিয়ে এসে একটা টানেলের ভিতর দিয়ে ছুটল। পাঁচশো গজ এগোবার পর বিশাল একটা আইস কেইভ-এ ঢুকল তারা, ভিতরে ছোট আকারের হারবার দেখা যাচ্ছে, ভাসমান লম্বা ডকটা রস সাগরের টেউয়ের দোলায় উঁচু-নিচু হচ্ছে। উঁচু ছাদের নীচে চ্যানেলটা হারবারের ভিতর থেকে ক্রমশ বাঁকা হয়ে সাগরের দিকে এগিয়েছে, ফলে প্যাসেজ ধরে বড় আকারের জাহাজগুলো অন্যায়ে ঢুকতে পারে ভিতরে, বরফ প্রাচীরের আড়াল থাকায় বাইরে থেকে কিছুই দেখা যায় না।

সিলিং বসানো কয়েক ডজন হ্যালজেন বালব থেকে আলো আসছে। ডকের পাশে নোঙ্গর ফেলেছে চারটে সাবমেরিন আর ছোট একটা কার্গো জাহাজ। গোটা হারবার কমপ্লেক্স খালি পড়ে রয়েছে। কার্গো ক্রেন দাঁড়িয়ে আছে পরিত্যক্ত অবস্থায়, পাশেই ট্রাকের একটা বহর আর বাণি রাশি ইকুইপমেন্ট।

'বিপদ কেটে গেলে আমি নিজে একবার এই ভ্যালহ্যালায় ফিরে আসব,' মন্দু কঠে বলল হিউগো। 'এই আশায় যে এ-সবের কিছু হয়তো অক্ষত অবস্থায় ফিরে পাব।'

লুকানো ডক টার্মিনাল, এয়ারক্রাফট হ্যাঙ্গার আর সি-মাইনিং এক্সট্র্যাকশন ফ্যাসিলিটির মাঝখানে পুরানো টানেলটা নয় মাইল লম্বা, এটা ও সোভিয়েত ইউনিয়নের স্লেভ লেবারদের দিয়ে তৈরি কৰা হয়েছিল, আইস শেলফের গণকবরে এখনও তাদের লাশ অবিকৃত অবস্থায় পাওয়া যাবে। ১৯৮৫ সাল থেকে টানেলটা বড় করা হচ্ছে

শুরুতে সাগরের পানি থেকে মূল্যবান খনিজ পদার্থ বের করার পদ্ধতিটা কোন কাজই করেনি। তবে ক্যালিফোর্নিয়ার দুই বিজ্ঞানী অটো হ্যাভলান আর তার স্ত্রী স্টেফি হ্যাভলানের হাতে পড়ে ন্যানোটেকনোলজিতে একটা বিপ্লব ঘটে যায়। ডেস্টিনি

এন্টারপ্রাইজেস এরপর বক্তুর কাঠামো নিয়ন্ত্রণ করার একটা প্রজেক্টে নিজেদের বিপুল সম্পদ ঢালতে শুরু করে। অণুকে নতুন করে সাজিয়ে আর অবিশ্বাস্য শুন্দি ইঞ্জিন তৈরি করে ম্যানুফ্যাকচারিং প্রসেস পুরোপুরি পাল্টে দিয়েছে তারা, বলা যায় নতুন করে উদ্ভাবন করেছে। মলিকিউলার মেশিন এমন কী শূন্য থেকে একটা গাছও তৈরি করতে পারে। ডেস্টিনি এন্টারপ্রাইজেস অবশ্য সাগরের পানি থেকে সোনা সহ মূল্যবান খনিজ পদার্থ তৈরিতে জোর দিল। এই কাজে ধীরে ধীরে সাফল্য পায় তারা। রস সি থেকে এখন প্রতিদিন এক হাজার ট্রয় আউন্স সোনা আসে, তার সঙ্গে আরও আসে প্ল্যাটিনাম, সিলভারসহ অন্যান্য মেটাল।

সি-মাইনিং ফ্যাসিলিটির প্রকাণ্ড গম্বুজ আকৃতির ইঞ্জিনিয়ারিং সেন্টারটা নাসা-র কন্ট্রোলরগ্মের মত দেখতে। সারি সারি ইলেকট্রনিক কনসোলের সামনে ত্রিশজন বিজ্ঞানী আর ইঞ্জিনিয়ার কসে থাকে, মনিটর করে ন্যানোটেক মাইনিং অপারেশন। তবে সাগরের পানি থেকে দুর্লভ খনিজ পদার্থ আহরণের সব কাজ বক্ত রাখা হয়েছে আজ, ডেস্টিনির সব কর্মী আর অফিসার তাদের সমস্ত মনোযোগ ঢেলে দিয়েছে অন্য এক কাজে। আইস শেলফ বিচ্ছিন্ন হওয়ার সময় যতই এগিয়ে আসছে, ততই তারা ব্যস্ত হয়ে উঠছে।

কামরার ভিতর ঢুকে একটা ইলেকট্রনিক বোর্ডের সামনে দাঁড়াল হিউগো, বুদ্বুদ আকৃতির সিলিং-এর মাঝখান থেকে ঝুলে আছে সেটা। বোর্ডের মাঝখানে রস আইস শেলফের বড় একটা ম্যাপ দেখা যাচ্ছে। মানচিত্রের কিনারা জুড়ে নিওনের মত টিউব রয়েছে সারি সারি, চারপাশের ভূমি থেকে বরফকে আলাদা করে দেখানোর জন্য। এই টিউবিং সবুজ, মাইনিং কোম্পানি থেকে শুরু হয়ে আইস শেলফকে ঘিরে এগিয়েছে, শেষ হয়েছে উল্টোদিকের শেষ প্রান্তে পৌছানোর তিনশো মাইল

বাকি থাকতে। সবুজ টিউবিং যেখানে শেষ হয়েছে সেখান থেকেই আবার শুরু হয়েছে লাল টিউবিং, একেবারে সেই সাগরের কিনারা পর্যন্ত।

‘লাল এলাকাটা কি প্রোগ্রাম করা হয়নি এখনও?’ চিফ ইঞ্জিনিয়ার শেড গ্রাসকে জিজেস করল হিউগো।

দ্রুত মাথা নাড়াল গ্রাস। ‘না।’ হাত তুলে বোর্ডটা দেখাল সে। ‘মলিকিউলার ট্রিগারিং ডিভাইস সেট করার কাজে ব্যস্ত রয়েছি আমরা। আরও প্রায় চারশো মাইল প্রোগ্রামের আওতায় নিয়ে আসতে হবে, টানেলের শেষ মাথায় সাগর পর্যন্ত।’

ম্যাপের চারপাশের ডিজিটাল ডিসপ্লেতে লাল হরফ আর সংখ্যার দ্রুত পরিবর্তন লক্ষ করছে হিউগো। ‘ক্রিটিকাল মুহূর্তটা কখন?’ জানতে চাইল সে।

‘আইস শেলফ চূড়ান্তভাবে ভাঙার প্রক্রিয়া শুরু হবে এখন থেকে ছয় ঘণ্টা...’ বোর্ডে চোখ বুলিয়ে দেখে নিল গ্রাস কেয়ামত শুরু হতে আর কতক্ষণ বাকি, ‘বাইশ মিনিট চাল্লিশ সেকেন্ড পরে।’

‘এমন কোন সমস্যা দেখা দিতে পারে, দেরি করিয়ে দেয়ার মত?’

‘না, তেমন কোন সমস্যা দেখছি না আমরা। অপারেশনের প্রতিটি অংশ মনিটর করছে কমপিউটার। কিছুক্ষণ পর পর ব্যাকআপ সহ চেক করা হচ্ছে সব। এখন পর্যন্ত সম্ভাব্য ক্রটির কোন আভাস পাওয়া যায়নি।’

‘সত্যি, এই ইঞ্জিনিয়ারিংকে জাদুরও বাঢ়া বলতে হয়,’ বলল হিউগো, আইস শেলফকে ঘিরে থাকা রঙিন টিউবিং-এর দিকে তাকিয়ে রয়েছে। ‘খুবই দুঃখজনক যে পৃথিবী কোনদিন জানতে পারবে না এটার অস্তিত্ব ছিল।’

‘অবশ্যই জাদুরও বাঢ়া,’ সায় দিয়ে বলল গ্রাস। ‘দুই মাসের মধ্যে বরফ খুঁড়ে চৌদশশো মাইল লম্বা, দশ ফুট ডায়ামিটারের

একটা টানেল বের করা।'

'কৃতিত্বটা আপনার আর ইঞ্জিনিয়ারদের পাওনা, ডিজাইন  
তৈরি করে মলিকিউলার টানেলিং মেশিনটা আপনারাই  
বানিয়েছেন,' বলল সাসনা, দেয়ালের বড় একটা ফটোর দিকে  
হাত তুলল।

ছবিতে একশো ফুট লম্বা একটা বোরিং মেশিন দেখা  
যাচ্ছে—থ্রাস্ট র্যাম, ডেবরিস কনভেয়ের আর অন্তর্দর্শন একটা  
ইউনিটসহ। এই ইউনিটটার কাজ হলো বরফের ভিতরকার  
'সিলেকটেড মলিকিউলার বড়' ভেঙে আলাদা করা। দ্বিতীয়  
আরেকটা ইউনিটের কাজ হলো পাউডারে পরিণত তুষারকে  
'রিবন্ড' করার মাধ্যমে গ্রায় নিখুঁত, নিরেট স্ফটিক বরফে রূপান্তর  
করা, যেগুলো টানেল কাটার কাজে ব্যবহার করা হবে।  
অপারেশনটা পুরোদমে ঢালালে এই টানেলার মেশিন চরিশ  
ঘণ্টায় পঞ্চাশ মাইল বরফ খুঁড়তে পারে। কাজটা সাফল্যের সঙ্গে  
শেষ করার পর প্রকাও মেশিনটা মাইনিং ফ্যাসিলিটির বাইরে  
বরফের একটা মাঠের উপর বসে আছে।

'বরফ গলে যাবার পর আমরা হয়তো টানেলার মেশিনটাকে  
মাটির নীচের পাথর ভাঙার কাজে ব্যবহার করতে পারব,' বলল  
হিউগো, চিন্তা করছে।

'তোমার ধারণা বরফ গলে যাবে?' বিস্মিত দেখাল  
সাসনাকে।

'আমাদের ক্যাল্কুলেশান পঁচানবুই ভাগ নির্ভুল হলে,  
বিপর্যয়ের দুই মাস পরে অ্যান্টার্কটিকার এই অংশটা সরে যাবে  
এখান থেকে আঠারোশো মাইল উত্তরে।'

'এই প্রযুক্তি আমি আসলে বুঝি না,' হতাশ কঢ়ে বলল  
সাসনা। 'গোটা আইস শেলফকে ভেঙে সাগরে পাঠিয়ে দেবে.  
কী করে সম্ভব?'

হাত তুলে বিরাট ডিসপ্লে বোর্ডটা দেখাল গ্রাস। 'যতটা সম্ভব  
হারানো আটলান্টিস-২

সহজ ভাষায় বুঝিয়ে দিচ্ছি। আমাদের ন্যানোকমপিউটারাইজড মেশিন বিপুল সংখ্যক মলিকিউলার রেপ্লিকেটিং অ্যাসেমব্লার গঠন করে, সেগুলোই আবার অনেক অনেক মিলিয়ন খুদে মলিকিউলার আইস-ডিজলভিং মেশিন গঠন করে।'

গন্তব্যের দেখাচ্ছে সাসনাকে। 'আরেক ভাষায়, রেপ্লিকেটেড অ্যাসেমব্লার, মলিকিউলার ইঞ্জিনিয়ারিংয়ের মাধ্যমে, এমন মেশিন তৈরি করতে পারে, যে মেশিনের দ্বারা সম্ভাব্য সব কিছু তৈরি করা যায়।'

'এটাই হলো ন্যানোটেকনোলজির সৌন্দর্য,' বলল গ্রাস। 'মাত্র কয়েক মিনিটের মধ্যে রেপ্লিকেটেড অ্যাসেমব্লার নিজের হৃবহু কপি তৈরি করতে পারে। টন টন রেপ্লিকেটেড মেশিন ট্রিলিয়ন ট্রিলিয়ন অ্যাটমকে সরিয়ে দিয়ে টানেলটাৰ ওপরে আর নীচে প্রতি ইঞ্চি পর পর বরফ খুঁড়ে গর্ত তৈরি করেছে। আইস টিউবগুলো প্রয়োজনমত গভীরতা পাবার পর ন্যানোটেকনোলজি মেশিনগুলোকে পরবর্তী নির্দেশ পাঠানো বন্ধ রেখেছে। আমাদের আবহাওয়াবিদরা অনুকূল স্নোত আৱ জোৱাল বাতাসের পূর্বাভাস দিলে, মেশিনগুলোকে রিয়্যাকটিভেট কৰার সংকেত পাঠানো হবে। ওগুলো তখন বরফ গলিয়ে মৃহাদেশ থেকে শেলফটাকে বিচ্ছিন্ন কৰার চূড়ান্ত কাজটা শেষ কৰবে।'

'কতক্ষণ লাগবে?' জানতে চাইল সাসনা

'দুঁঘটারও কম'

'পুরোপুরি বিচ্ছিন্ন হবার দশ ঘণ্টা পর, ব্যাখ্যা কৰছে হিউগো, 'রস আইস শেলফের ভাব অ্যান্টার্কটিক মহাদেশ থেকে যথেষ্ট দূৰে সৱে যাবার কাৱণে পৃথিবীৰ পাক খাবার ছন্দ নষ্ট হয়ে যাবে, ফলে একযোগে দুটো ব্যাপার ঘটবে-পোলার শিফট আৱ পৃথিবীৰ বাইৱেৰ ছালেৰ স্থানচ্যুতি। দুনিয়াটা আক্ষরিক অথেই উন্মাদ হয়ে যাবে।'

'সেই দুনিয়াকে পৱে আমৱা নতুন কৰে গড়ে নেব,' গৰ্ভৱে

বলল সাসনা ।

একটা অফিস থেকে ছিটকে বেরিয়ে এল কালো ইউনিফর্ম পরা একজন সিকিউরিটি গার্ড। 'সার, হিউগোর হাতে একটা কাগজ ধরিয়ে দিল ।

কাগজটায় চোখ বুলাল হিউগো, সঙ্গে সঙ্গে গম্ভীর হয়ে উঠল তার চোখ-মুখ ।

'কী ব্যাপার?' জিজ্ঞেস করল সাসনা ।

'মার্শাল একটা রিপোর্ট পাঠিয়েছে, ধীরে ধীরে জবাব দিল হিউগো। 'একটা আনআইডেন্টিফায়েড প্লেন, অ্যামুন্ডসেন সি-র ওদিক থেকে আসছে। আমাদের সিগনালে সাড়া দিচ্ছে না।'

'সম্ভবত লিটল আমেরিকার জন্যে সাপ্লাই নিয়ে এসেছে প্লেনটা,' বলল গ্রাস 'উদ্বিগ্ন হবার মত কোন ব্যাপার নয়। দশ দিন পরপর আসে ওটা।'

'প্রতিবারই কি ভ্যালহ্যালার ওপর দিয়ে আসা-যাওয়া করে?' জিজ্ঞেস করল হিউগো ।

'সরাসরি নয়, তবে আইস স্টেশনে নামার আগে আমাদের কয়েক মাইলের মধ্যে চলে আসে

সিকিউরিটি গার্ডের দিকে ফিরল হিউগো 'মিস্টার মার্শালকে জানাও প্লেনটার ওপর কড়া নজর রাখতে হবে। লিটল আমেরিকার দিকে এগোবার সময় স্বাভাবিক পথ ছেড়ে সরে এলে সঙ্গে সঙ্গে জানাতে হবে আমাকে

'তুমি কি ভয় পাচ্ছ, হিউগো?' জানতে চাইল সাসনা ।

তার দিকে ফিরল হিউগো, চেহারায় উদ্বেগের ছাপ। 'ভয় পাচ্ছ না, তবে সতর্ক হবার প্রয়োজন বোধ করছি। মাসুদ রানাকে আমি বিশ্বাস করি না

'নুমা মানে তো আমেরিকা, সে এখান থেকে বহুদূরে,' বলল সাসনা। 'একটা আমেরিকান অ্যাসল্ট ফোর্সকে রেডি করতে হারানো আটলান্টিস-২

চবিশ ঘণ্টারও বেশি সময় লাগে, তারপর ওকুমা বে-তে আসতে পাড়ি দিতে হবে দশ হাজার মাইল।’

‘তারপরেও,’ শান্ত সুরে বলল হিউগো, ‘সাবধানের মার নেই।’ গ্রাসের দিকে তাকাল সে। ‘ইমার্জেন্সি দেখা দিলে আইস শেলফ বিছিন্ন করার সিগনাল সময়ের আগে পাঠানো সম্ভব?’

‘পুরোমাত্রায় সাফল্য ঢাইলে সেরকম কিছু করা উচিত হবে না,’ জোর দিয়ে বলল গ্রাস। ‘সব কিছু নির্ভর করে টাইমিং-এর ওপর। তরা জোয়ারের জন্যে অবশ্যই অপেক্ষা করতে হবে আমাদেরকে। মলিকিউলার আইস ডিজলভিং মেশিনগুলো তখনই অ্যাকটিভেট করতে হবে। তারপর ভাটার স্রোত বিশাল আইস শেলফকে বয়ে নিয়ে যাবে সাগরে।’

‘তা হলে দেখা যাচ্ছে আমাদের ভয় পাবার কোন কারণ নেই,’ বলল সাসনা, হিউগোর মুখের দিকে তাকিয়ে আছে।

নিজের গলা নায়াল হিউগো, কথা বলছে নিচু স্বরে, ‘প্রার্থনা করি তোমার কথাই যেন সত্য হয়।’

ঠিক সেই মুহূর্তে আরেকজন সিকিউরিটি গার্ডকে ছুটে আসতে দেখা গেল। সে-ও একটা রিপোর্ট নিয়ে এসেছে।

রিপোর্টটা পড়ল হিউগো। ক্ষীণ হাসির রেখা দেখা গেল তার ঠোঁটের কোণে। ‘মার্শাল জানিয়েছে আমেরিকান সাপ্লাই প্লেনটা আমাদের পেরিমিটার থেকে দশ মাইল দূরে, নিজের স্বাভাবিক কোর্স ধরেই এগোচ্ছে। পঁয়ত্রিশ হাজার ফুট ওপর দিয়ে উড়ছে ওটা।’

‘অ্যাসল্ট টিম ড্রপ করার জন্যে কোনও পাইলট এত ওপরে উঠবে না।’ স্বস্তির নিঃশ্বাস ফেলল গ্রাস।

‘আজ পর্যন্ত কোন ইন্টেলিজেন্স এজেন্সি আমাদের অপারেশন পেনিট্রেট করেনি,’ বলল হিউগো। ‘কেউ জানে না এখানে আমরা কী করছি। কাজেই আমাদের ফ্যাসিলিটিতে কেউ কোনও মিসাইল ছুড়তে যাচ্ছে না।’ কথাগুলো জোর দিয়ে

বললেও, নিজের কানেই কেমন যেন বেসুরো লাগল তার। নুমার স্পেশাল প্রজেক্ট ডিরেক্টরের চেহারাটা বারবার ফিরে আসছে মনের পর্দায়। কোথায় সে, কী করছে?

## বারো

ঘন মেঘে ঢাকা আকাশের নীচে, জমাট বরফের তৈরি এয়ারস্ট্রিপে ল্যান্ড করল নুমার এগজেকিউটিভ জেট প্লেন, ছুটে এসে থামল গম্বুজ আকৃতির একটা দালানের সামনে। ১৯২৮ সালে রস আইস শেলফের কিনারা থেকে কয়েক মাইল দূরে, কেইনান বে-র কাছে অ্যাডমিরাল বার্ড তৈরি করেন এই আইস স্টেশন, কিন্তু সাগর এখন মাত্র কয়েক শো গজের মধ্যে চলে এসেছে। ছয় শো ত্রিশ মাইল লম্বা রাস্তা ধরে রকফেলার প্ল্যাটো-য় যাওয়ার পথে লিট্ল আমেরিকা ফাইভ সর্বশেষ স্টেশন হিসেবে কাজ করে।

নিজের দিকের দরজা খুলে প্লেন থেকে নামছে রানা, সামনে দাঁড়ানো হৃড় আর পারকায় মোড়া এক লোক চোখ থেকে সানগ্লাস খুলে নিঃশব্দে হাসল। ‘মিস্টার মাসুদ রানা? নুমার স্পেশাল প্রজেক্ট ডিরেক্টর?’

মাথা ঝাঁকাল রানা। ‘মিস্টার ডানকান কাইল, এই আইস স্টেশনের চিফ?’

‘হ্যাঁ,’ বলল কাইল। ‘আমার হিসেবে দুঁঘণ্টা আগে চলে এসেছেন আপনারা।’

‘কেসটা খুব সিরিয়াস তো, তাই সময় নষ্ট করিনি,’ বলে  
ঘাড় ফিরিয়ে মুরল্যান্ডের দিকে তাকাল রানা।

প্লেন বন্ধ করে ওদের দিকে হেঁটে আসছে মুরল্যান্ড।  
স্টেশন চিফ কাইলকে নিজের পরিচয় দিয়ে সে বলল, ‘এত কম  
সময়ের নোটিসে আমাদের সঙ্গে সহযোগিতা করছেন, সেজন্যে  
ধন্যবাদ। ব্যাপারটা এক্সট্রিমলি আর্জেন্ট।’

‘আপনাদের কথায় সন্দেহ করার কোন কারণ দেখি না,  
বলল কাইল, একটু যেন আড়ষ্ট বোধ করছে। ‘এমন কী আরও  
ওপর মহল থেকে কোন নির্দেশ না পাওয়া সত্ত্বেও।’

দুর্নিয়া ধ্বংস হয়ে যেতে পারে, এই খবর পেয়ে স্বয়ং  
প্রেসিডেন্ট মার্কিন সেনা কর্তৃপক্ষকে ডেস্টিনির কম্পাউন্ডে  
হামলা চালাবার নির্দেশ দেন। সঙ্গে সঙ্গে শুরু হয়ে যায় স্পেশাল  
ফোর্স অ্যাসল্ট টিম গঠন করার প্রক্রিয়া। সরকারী ওই টিমে নাম  
লেখাতে উৎসাহ দেখায়নি রানা, সেনা কর্তৃপক্ষও কাউকে  
পাঠাবার জন্য অনুরোধ করেনি নুমার চিফ অ্যাডমিরাল  
হ্যামিলটনকে। তবে সব কথা শোনার পর তারা জানতে  
চেয়েছিল, নুমার স্পেশাল প্রজেক্ট ডিরেক্টর এখন কোথায় আছে  
এবং কী করছে। উত্তরটা অ্যাডমিরাল একটু কৌশলে দিয়েছেন.  
‘তাদের পরবর্তী রিপোর্টের অপেক্ষায় আছি, পেলে জানতে পারব  
কোথায় আছে, কী করছে। ওরা দু’জন একসঙ্গে আছে, মাসুদ  
রানা আর তার সহযোগী বিবি মুরল্যান্ড।’

নুমা চিফের মৌন নৈতিক সমর্থন পেয়ে আর দেরি করেনি  
ওরা, একটা জেট নিয়ে চলে এসেছে অ্যান্টার্কটিকায়, ইচ্ছে  
খিড়কি দরজা দিয়ে ডেস্টিনির মাইনিং প্লান্টে ঢুকবে। মিশনটা  
আনঅফিশিয়াল হলেও, এর গুরুত্ব সম্পর্কে দু’জনেই ‘ওরা  
সচেতন। তবে আইস স্টেশনে পৌছানোর পর বাকি ষাট মাইল  
কীভাবে পেরুবে সে-সম্পর্কে বিন্দুমাত্র ধারণা নেই ওদের।  
মুরল্যান্ডের প্রশ্নের জবাবে রানা বলেছে, ‘আগে তো পৌছাই,

তারপর এ নিয়ে ভাবা যাবে

‘ভেতরে আসুন আপনারা,’ বলল কাইল, ‘তা না হলে সবাই আমরা আইস স্কালচার হয়ে যাব

‘টেম্পারেচার?’ জিজেস করল মুরল্যাঙ্ক

‘বাতাস না থাকায় ভালই আজ, শূন্যের নীচে পনেরো ডিগ্রি।’

গম্বুজ আকৃতির দালানটার আশি ভাগই বরফে ঢাকা। কয়েকটা করিডর পেরিয়ে ডাইনিং রুমে চুকল ওরা। স্টেশন চিফ ওদেরকে ব্র্যান্ডি মেশানো কফি পরিবশন করল। তারপর নীরবতা ভেঙে জানতে চাইল সে, ‘আপনারা আর্জেন্টিনা থেকে যোগাযোগ করে যা বললেন, ভাবছি কথাগুলো ঠিক শুনেছি কিনা। আইস শেলফ ক্রস করে ওকুমা বে-তে যেতে চান আপনারা?’

মাথা ঝাঁকাল রানা। ‘আমাদের গন্তব্যস্থল হচ্ছে ডেসচিনি এন্টারপ্রাইজেসের মাইনিং অপারেশন।’

ধীরে ধীরে মাথা নাড়াল কাইল ‘ওখানকার লোকগুলো কিন্তু সিকিউরিটি ফ্যানাটিক। আমাদের সায়েন্টিফিক এক্সপিডিশন একবারও ওদের দশ মাইলের ভেতর যেতে পারেনি, গেলেই গার্ডরা তাড়া করে সরিয়ে দেয়।’

‘দেবেই তো।’ রানার সঙ্গে দৃষ্টি বিনিময় করল মুরল্যাঙ্ক।

‘পরিবহনের কথা কী ভেবেছেন? কীভাবে যাবেন ওখানে?’ জানতে চাইল কাইল। ‘এখানে আমাদের হেলিকপ্টার নেই।’

‘আমাদের শুধু একজোড়া স্নোমোবাইল হলেই চলবে,’ বলল রানা, স্টেশন চিফের দিকে তাকিয়ে আছে।

কিন্তু কাইলের মুখের ভাব উৎসাহিত হওয়ার মত নয়। কাতর দেখাল স্টেশন চিফকে। ‘আপনারা দেখা যাচ্ছে এতটা পথ উড়ে এসেছেন শুধু শুধু। আমাদের দুটো স্নোমোবাইল মেইন্টেন্যান্স-এ পড়ে রয়েছে পার্টস না পৌছালে মেরামত করা

সম্ভব নয়। বাকি চারটে রুজভেল্ট আইল্যান্ডের চারপাশের বরফ  
পরীক্ষা করতে নিয়ে গেছেন বিজ্ঞানীরা।’

‘কবে ফিরবেন তাঁরা?’ জানতে চাইল রানা।

‘আগামী তিনদিন তো নয়ই।’

‘আপনার স্টেশনে পরিবহনের আর কোন ব্যবস্থা নেই?’

‘একটা বুলডোজার আর স্লো-ক্যাট আছে।’

‘স্লো-ক্যাট হলেও কাজ চালাতে পারব...’

কাঁধ ঝাঁকাল কাইল। ‘ওটার একদিকের ট্র্যাক ভেঙে গেছে।  
সাপ্লাই প্লেনের সঙ্গে পার্টস পাঠানো হচ্ছে, সে-ও দু’তিনদিন  
পর।’

টেবিলের ওপারে, বন্ধুর দিকে তাকাল মুরল্যান্ড। ‘তা হলে  
আর কোন উপায় নেই আমাদের। উড়েই যেতে হবে, এই  
আশায় যে ল্যান্ড করার মত একটা জায়গা পেয়ে যাব।’

‘তা হয় নাকি,’ বলল রানা, মাথা নাড়েছে। ‘এমন কিছু করা  
উচিত হবে না স্পেশাল ফোর্সের মিশন যাতে ঝুঁকির মধ্যে পড়ে  
যায়। আমি চেয়েছিলাম ওদের মাইনিং ক্যাম্পের কাছাকাছি  
স্লোমোবাইল নিয়ে পৌছাব, দু’এক মাইল বাকি থাকতে পায়ে  
হেঁটে চুপিসারে চুকে পড়ব ভেতরে।’

‘আপনাদের কথা শুনে মনে হচ্ছে, এটা একটা জীবনমরণ  
সমস্যা,’ বলল কাইল।

রানা আর মুরল্যান্ড দৃষ্টি বিনিময় করল, তারপর দুজনই  
গম্ভীর হয়ে স্টেশন চিফের দিকে তাকাল। ‘হ্যাঁ,’ ভারি গলায়  
বলল রানা, ‘জীবনমরণ সমস্যাই। আপনি কল্পনাও করতে  
পারবেন না কত লোকের জন্যে।’

‘আমাকে বলবেন ব্যাপারটা আসলে কি?’

‘অনুমতি নেই,’ সোজাসুজি বলে দিল মুরল্যান্ড। ‘তা ছাড়া,  
আপনি আসলে জানতেও চান না। জানলে আপনার পুরো  
দিনটাই হয়তো মাটি হবে।’

নিজের জন্য আরও এক কাপ কফি ঢেলে সেটার দিকে এক দৃষ্টে কয়েক সেকেন্ড তাকিয়ে থাকল ডানকান কাইল। তারপর মুখ তুলে বলল, ‘একটা সম্ভাবনা আছে, তবে ঠিক বুঝতে পারছি না...’

‘বলুন, প্রিজ,’ তাগাদা দিল রানা।

‘অ্যাডমিরাল বার্ড-এর স্নো ক্রুজার,’ লেকচার দেওয়ার চাংগে বলল স্টেশন চিফ। ‘একটা জাহু ফোর-হাইল-ড্রাইভ, ওই সময়ের যে-কোন ভেহিকেলের চেয়ে আকারে বড়।’

‘ওই সময় মানে?’ প্রশ্ন করল মুরল্যাঙ্ক।

‘উনিশো উনচল্লিশ। একজন পোলার এক্সপ্রেসার, থমাস পোল্টার, এই দৈত্যাকার মেশিনটা তৈরি করে। তার আশা ছিল ওটায় চড়ে পাঁচজন লোক আর একটা পোষা কুকুরকে নিয়ে দক্ষিণ মেরুতে যাবে, তারপর ফিরে আসবে। ওটার টায়ারই শুধু তিন ফুট চওড়া, আর ডায়ামিটারে দশ ফুটেরও বেশি। আগা থেকে গোড়া পর্যন্ত ছাপান্ন ফুট লম্বা। বিশ ফুট চওড়া। পুরো লোড করা অবস্থায় ওজন সাঁইত্রিশ টন। কী রকম উদ্গুট ভেহিকেল, বুঝতে পারছেন?’

‘চালায় কীভাবে?’

‘এখন কেউ চালায় না। সামনের দিকে, অনেক ওপরে কন্ট্রোল কেবিন। নিজস্ব মেশিনশপ আছে। আছে ক্রুদের জন্যে লিভিং কোয়ার্টার আর গ্যালি। এক বছরের জন্যে খাবার আর স্পেয়ার পার্টস রাখা যাবে স্টোর রুমে। ফুয়েল রাখা যাবে পাঁচ হাজার মাইল পাড়ি দেয়ার উপযোগী। শুধু তাই নয়, ওটার মাথায় একটা বিচক্রাফ্ট প্লেনও বহন করা যাবে।’

‘এ-ধরনের দানবকে কী দিয়ে চালানো হয়?’

‘দেড়শো ঘোড়ার একজোড়া ডিজেল ইঞ্জিনের সঙ্গে জোড়া লাগানো হয়েছে চারটে পঁচাত্তর ঘোড়ার ইলেকট্রিক ট্র্যাকশন মোটর। প্রতিটি হাইলের ওজন ছয় হাজার পাউণ্ড। আর হারানো আটলান্টিস-২

গুডইয়ারের তৈরি ট্রায়েলভ প্লাই টায়ার

‘আপনি বলছেন এরকম একটা মেশিনের অস্তিত্ব আছে, এখানে সেটা পাওয়াও যাবে?’ জিভেস করল রানা।

‘এত বছর পর বরফ খুঁড়ে বের করা হয়েছে ওটাকে অ্যাডমিরাল বার্ডের আদেশে ওয়াশিংটনে নিয়ে গিয়ে মিউজিয়ামে রাখা হবে’

‘আমরা একবার দেখতে পারি?’ জিভেস করল রানা।  
‘দেখার পর পছন্দ হলে ধার চাইতে পারব?’

‘হ্যাঁ, চলুন, দেখবেন টেবিল ছেড়ে দাঢ়িয়ে পড়ল স্টেশন চিফ ‘কাজ চালাতে পারলে নিয়ে ঘান।’

এক ঘণ্টা ত্রিশ মিনিট পর রেলগাড়ির মত প্রকাণ্ড, লাল রঙ করা মো ক্রুজারকে নিয়ে রওনা হয়ে গেল ওরা উইন্ডশিল্ডের ভিতর দিয়ে আইস ফিল্ডে চোখ বুলাচ্ছে ও, ফাটল বা বাধা খুঁজছে।

চার্ট আর কন্ট্রোল রুমে, রানার পিছনে দাঁড়িয়ে রয়েছে মুরল্যান্ড, আইস প্যাকের একটা টপগ্রাফিক্যাল ম্যাপে চোখ বুলাচ্ছে

‘আমাকে একটা হেডিং দিতে পার?’ জিভেস করল বানা  
‘কেন, তোমার গ্লোবাল পজিশনিং ইউনিট কোথায়?’  
‘তাড়াহড়োর মধ্যে ফেলে এসেছি।’

‘তা হলে সোজা ওদিকে চলো,’ বলল মুরল্যান্ড, হাত তুলে একটা দিক দেখিয়ে দিল, যেন তার জানা নেই ঠিক কোন দিকে যেতে হবে

রানার ভুরু উঁচু হলো ‘আন্দাজে কোথায় পৌছাতে চাও?’

‘আন্দাজে নয়। এমন কোন ডিরেকশনাল ইন্স্ট্রুমেন্ট আজ পর্যন্ত আবিষ্কার হয়নি যেটা চোখের মণিকে হারাতে পারে ওগুলো আমাদের কাছে চারটে আছে।’

‘তোমার যুক্তি মনের প্রশান্তি নষ্ট করে

‘ওখানে আমাদের পৌছাতে কতক্ষণ লাগতে পারে?’  
জিজ্ঞেস করল মুরল্যাঙ্ক।

‘শাট মাইল যেতে হবে, যাচ্ছি ঘন্টায় বিশ মাইল,’ বিড়বিড়  
করছে রানা। ‘তিন ঘন্টা, যদি বাধা পেয়ে ঘূরপথ ধরতে না হয়।  
আমি শুধু অ্যাসল্ট টিমের আগে পৌছাতে চাই ওখানে।’

‘নিশ্চয়ই বীরত্ব দেখাবার জন্যে নয়?’

‘না।’ হেসে ফেলল রানা। পরমুহূর্তে গম্ভীর হলো। ‘আমি  
ভয় পাচ্ছি, ফুল-স্কেল হামলা করা হয়েছে দেখলে হিউগো না  
সময়ের আগেই আইস শেলফকে বিচ্ছিন্ন করে ফেলে।’

গাঢ় নীল আকাশের নীচে জুলছে সূর্য, স্ফটিক হয়ে ওঠা  
সারফেসে প্রতিফলিত রোদের তীব্রতা তিনগুণ বেড়ে গেছে,  
কোঁচকানো সাদা চাদরের উপর দিয়ে একটা পোকার মত চলছে  
লাল স্নো ক্রুজারটা। তুষারের সূক্ষ্ম জাল আড়াল করে রাখছে  
ওটার জোড়া ডিজেল ইঞ্জিন থেকে বেরিয়ে আসা ধোঁয়া। প্রকাণ্ড  
হ্রাসগুলো তুষার আর বরফের উপর দিয়ে গড়াবার সময়  
বিরতিহীন কচর-মচর আওয়াজ করছে। রাজকীয় ভঙ্গিতে  
অন্যায়ে এগোচ্ছে কিন্তু কিমাকার যান্ত্রিক বাহনটি।

ড্রাইভিং সিটে আরাম করে বসে রয়েছে রানা, বাস-  
ড্রাইভারের মত স্টিয়ারিং হ্রাস করে ধরেছে, সরল একটা  
রেখা ধরে স্নো ক্রুজারকে চালিয়ে নিয়ে যাচ্ছে বহু দূর দিগন্তে  
বুলে থাকা একসারি পাহাড়ের দিকে। ঠাণ্ডা আবহাওয়ায় দুই  
থেকে চারদিন স্থায়ী স্নো রাইভনেস খুব বড় একটা হ্রমকি, তাই  
পোলারাইজড সানগ্লাস পরেছে ওরা।

তবে ফ্রস্টবাইট কোন সমস্যা নয়, স্নো ক্রুজারের হিটার  
কেবিনের ভিতর তাপমাত্রা ধরে রেখেছে পঁয়ষষ্ঠি ডিগ্রি। রানার  
একমাত্র সমস্যা হলো তিনটে উইন্ডশিল্ডে সারাক্ষণ জমে ওঠা  
তুহিন।

ওর গায়ে শুধু উলের তৈরি একটা সোয়েটার, তবে প্রয়োজনীয় সমস্ত গরম কাপড়চোপড় হাতের কাছেই জড়ে করে রাখা আছে, স্নো ক্রুজার থেকে বেরতে হলে দ্রুত পরে নিতে পারবে।

কোথায় যাচ্ছে, কী করতে হবে, এ-সব ব্যাপারে ওদের দু'জনের মনে এতটুকু অস্পষ্টতা নেই। ডেস্টিনি এন্টারপ্রাইজেস মানবসভ্যতার জন্য ভ্যানক একটা বিপদ ডেকে আনতে চলেছে, যে-কোন মূল্যে সেটাকে ঠেকাতে হবে। এই দায়িত্ব স্বেচ্ছায় নিজেদের কাঁধে তুলে নিয়েছে ওরা।

যত তাড়াতাড়ি সম্ভব মাইনিং ফ্যাসিলিটিতে পৌছাতে হবে। পিছনে বসা বক্স মুরল্যাভকে ডাকল রানা, আবার জিভেস করল, ‘কী হে, কোনদিকে যাব?’

‘সামনের বড় পাহাড়টাকে টার্গেট করো,’ বড় আইস শেলফের ম্যাপ থেকে চোখ তুলে জবাব দিল মুরল্যাভ। ‘ও, ভাল কথা, সাগরটাকে বাঁ পাশে ধরে রাখতে ভুলো না। কিনারা থেকে পড়ে নিশ্চয়ই আমরা ডুবে মরতে চাই না।’

‘আকাশ ঝাপসা হয়ে আসছে,’ বলল রানা, উইভশিল্ডের ভিতর দিয়ে উপরদিকে তাকিয়ে আছে।

‘এখনও কি তুমি মনে করো সময়মত পৌছাতে পারব আমরা?’

ওত্তোমিটারের দিকে তাকাল রানা। ‘গত এক ঘণ্টায় একুশ মাইল এগিয়েছি। পৌছাতে আর দু'ঘণ্টাও লাগবে না।’

ওদেরকে সময় মত পৌছাতে হবে। স্পেশাল অ্যাসল্ট টিম ব্যর্থ হলে রানা আর মুরল্যাভই তখন একমাত্র ভরসা, কাজটার জন্য যতই অপ্রতুল শক্তি বলে মনে হোক ওদেরকে।

শক্ত সারফেস পাওয়ার পর স্নো ক্রুজারের স্পিড খানিকটা বাড়ল। ঘণ্টায় এখন চৰিশ মাইল। ইঞ্জিন রুমে নেমে গিয়ে ফুয়েল ইনটেক পাম্পের ভাল্ভ অ্যাডজাস্ট করেছে মুরল্যাভ।

ফলে প্রবাহ খানিকটা বেড়েছে।

জমাট সাদা বরফের বিস্তার একঘেয়ে, ফাঁকা আর ভীতিকর; আবার একইসঙ্গে সুন্দর ও বিচিৰ। এই হয়তো শান্ত, পরমহৃতেই হিংস্র। রানার দৃষ্টিতে হঠাৎ জায়গাটা বিপজ্জনক হয়ে উঠল। ব্রেকে চাপ দিল ও, অবাক হয়ে দেখছে একশো ফুট দূরে ধীরে ধীরে খুলে যাচ্ছে একটা ফাটল, আইস প্যাকের দু'দিকে দিগন্ত পর্যন্ত বিস্তৃত।

গায়ে গরম কাপড় চাপিয়ে মই বেয়ে কন্ট্রোল কেবিন থেকে নেমে এল রানা, ধাক্কা দিয়ে এন্ট্রি ডোর খুলে পা রাখল বাইরে, হেঁটে এসে ফাটলটার কিনারায় দাঁড়াল। ভীতিকর একটা দৃশ্য। ফাঁকটা বিশ ফুট চওড়া। এত গভীর-তলদেশ দেখা যাচ্ছে না।

বুটের মচমচ আওয়াজ তুলে পাশে এসে দাঁড়াল মুরল্যাভ।

‘এখন উপায়?’ জানতে চাইল সে।

‘ডানকান কাইল কি বলেছেন মনে পড়ে?’

ভুরু কঁোচকাল মুরল্যাভ। ‘কী?

‘মো ক্রুজারের ছাইল আর টায়ার কাঠামোর মাঝখানে ফিট করা হয়েছে, ফলে সামনের ও পেছনের দিক আঠারো ফুট খুলে থাকে।’

‘সে তো নিজের চোখেই দেখতে পাচ্ছি,’ বলল মুরল্যাভ। ‘তাতে কী?’

‘এই মেশিনের তলাটা ক্ষির মত, চাকাগুলো উঁচু-নিচু করা যায়,’ বলল রানা। ‘আমি সামনের চাকাগুলো ভেতরে টেনে নিয়ে এগোব পেছনের চাকার ওপর ভর দিয়ে। নীচে নামার পর ওপরে উঠবার সময় সামনের চাকায় ভর দিয়ে উঠব, টেনে নেব পেছনের চাকা মেশিনের ভেতর।’

‘মেশিন চলবে তখন ফ্রন্টছাইল ড্রাইভে?’

‘ঠিক তাই।’

‘থিওরি হিসেবে ঠিক আছে,’ বলল মুরল্যাভ। ‘তবে কথাটা হারানো আটলান্টস-২

আমাকে বিশ্বাস করাতে হলে করে দেখাতে হবে ।'

করেই দেখাল রানা, লাগল পাঁচ মিনিটেরও কম । ফাঁকটা পার হয়ে এসে আবার ছুটল জবড়জং বাহন, গতি যেন আরও একটু বেশি ।

রানা আশা করেছিল মাইনিং কমপাউন্ডে পৌছাতে অঙ্ককার হয়ে আসবে চারদিক, কিন্তু বছরের এই সময়টায় অ্যান্টার্কটিকায় সূর্য অন্ত যায় কি যায় না, আবার ভোর চলে আসে । এত বড় একটা যান্ত্রিক দানবকে নিয়ে চুপিসারে কোথাও যাওয়া যায় না, জানে রানা । পরবর্তী দেড় ঘণ্টার মধ্যে কিছু একটা ভেবে বের করতে হবে ওকে । আর বেশি দেরি নেই, এক্সট্র্যাকশন প্লান্ট-এর দালানগুলো দিগন্তের কাছে পাহাড়সারির কোল বরাবর দেখতে পাওয়া যাবে ।

ওদের উদ্দেশ্য যহৎ, কাজেই পরিস্থিতি অনুকূলই পাওয়া যাবে, এরকম একটা অনুভূতি জাগছে ওর মধ্যে, ঠিক এই সময় ব্যাপারটা শুরু হলো; যেন অদৃশ্য একটা শক্তি ওর বিরুদ্ধে কাজ করছে । আবহাওয়া ভারী হয়ে লেস-এর পরদার মত হয়ে গেল । অকস্মাত মহাদেশের ভিতর দিক থেকে সুনামির প্রচণ্ডতা নিয়ে ধেয়ে এল বাতাস । এইমাত্র ষাট মাইল পর্যন্ত দেখতে পাচ্ছিল রানা, পরক্ষণে মনে হলো পানির একটা পরদার ভিতর দিয়ে তাকিয়ে আছে । চোখের একটা পলক ফেলতে যা দেরি, অদৃশ্য হয়ে গেল আকাশ । সূর্য তার সমস্ত উজ্জ্বলতা আর আভা নিয়ে ঢাকা পড়ে গেছে । বাতাস গর্জন করছে কয়েক শো খেপা দানবের মত । দুনিয়া হয়ে উঠল ধৰ্বধৰে সাদা ঘূর্ণি দিয়ে ঘেরা কবর ।

ধাতব মেঝেতে একসেলারেটার চেপে রেখেছে রানা, শক্ত করে ধরা হইল ঘোরাচ্ছে না, ভেহিকেলটাকে চালাচ্ছে সরল একটা রেখার উপর । তাড়া আছে ওদের, মা জননী প্রকৃতির কোন উজ্জ্বল আচরণই ওদের চলার গতিকে মন্ত্র করতে পারবে না ।

হোয়াইটআউটের সময় একই জায়গায় চক্র খেতে থাকে মানুষ, সে ডানহাতী বলে নয়, প্রায় সব মানুষেরই একটা পা অপর পায়ের চেয়ে এক মিলিমিটার ছোট বলে এই বাস্তবতা স্নো ক্রুজারের বেলায়ও সত্যি। ছাঁচ থেকে বেরিয়ে আসা একজোড়া টায়ার কখনোই হ্রবহু সমান হয় না। ভেহিকেল সোজা ছুটছে, জায়গা মত লক করে দেওয়া হয়েছে হাইল, কিন্তু তারপরও দেখা যাবে এক সময় ধীরে ধীরে বৃত্ত তৈরি করছে ওটা।

কিছুই নিরেট নয়, কোথাও কোন পদার্থ নেই। দুনিয়া যেন তার অস্তিত্ব হারিয়েছে। ঘণ্টায় ত্রিশ থেকে পঁয়তাল্লিশ মাইলের তুষার ঝড় সব কিছু থেকে সমস্ত রঙ মুছে দিয়েছে। দমকা বাতাসের সঙ্গে ছুটে আসা তুষার কণা উইভশিল্ডে আঘাত করছে খুদে বর্ণার মত।

ইঞ্জিন কমপার্টমেন্ট থেকে মুরল্যান্ডের চিংকার ভেসে এল, ইঞ্জিন দুটো অসম্ভব গরম হয়ে উঠেছে। রেডিয়েটারের ওভারফ্লো টিউব থেকে বাঞ্চ বেরণ্তে দেখছি।

প্রায় সঙ্গে মিস ফায়ার শুরু করল ইঞ্জিন দুটো। গজ-এর দিকে তাকিয়ে রানা দেখল অয়েল প্রেশার সামান্য লো থাকলেও, ওয়াটার টেমপারেচার এরই মধ্যে লাল-এর ঘরে পৌছে গেছে।

‘গরম কাপড় পরো,’ চিংকার করে নির্দেশ দিল রানা। ‘তারপর বাইরের দরজা খুলে দাও। বাতাস চুকলে ইঞ্জিন ঠাণ্ডা হয়ে যাবে।’

দু’জনেই ওরা হেভি-ওয়েদার কাভারঅল আর হডসহ পারকা পরে নিল। এরপর দরজাটা খুলে দিল মুরল্যান্ড। কন্ট্রোল কেবিনের ভিতর বাতাসের উন্নত গর্জন তুকে পড়ল। রানার কোন ধারণাই ছিল না কী ধরনের শক খেতে যাচ্ছে। কেবিনের ভিতরের তাপমাত্রা ত্রিশ সেকেন্ডের মধ্যে আশি ডিগ্রি নেমে গেল।

নীচে, ইঞ্জিন রংমে, জোড়া ডিজেলের মাঝখানে বসে ভালই উত্তাপ পাওয়ার কথা মুরল্যাঙ্গের, কিন্তু টানা বাতাস সরাসরি আঘাত করায় গরম পবিচ্ছদের ভিতর ঠক-ঠক করে কাঁপছে সে আর ভাবছে...রানার না জানি কী অবস্থা হচ্ছে। বাতাসের একটানা গর্জনে কেউ ওরা কারও কথা এখন আর শুনতেও পাবে না।

পরবর্তী কয়েকটা মিনিট নরক যন্ত্রণা ভোগ করল রানা। এরকম ঠাণ্ডা কখনও লাগেনি ওর, জানে না এত শীত আছে দুনিয়ায়। অনুভব করল ওর ভিতর দিয়ে বয়ে যাচ্ছে বাতাস, যাওয়ার পথে কেটে রেখে যাচ্ছে সব। ইঞ্জিন টেমপারেচার গজের দিকে স্থির হয়ে আছে ওর চোখ, এখনও শমুকগতিতে নীচে নামছে কাঁটা। বাড়ি খাওয়া ঠেকানোর জন্য দু'সারি দাঁতকে পরস্পরের সঙ্গে চেপে রেখেছে ও। নিজের উপর নিয়ন্ত্রণ নেই, তারপরেও ভোলেনি কয়েক শো কোটি মানুষকে বাঁচানোর দায়িত্ব হয়তো ওকেই পালন করতে হবে। শুধু এই উপলক্ষ্মীই জ্ঞান হারাতে বা পাগল হতে বাধা দিল ওকে, সগর্জন বাতাস আর সহস্র কোটি তীক্ষ্ণ তৃষ্ণারকণাকে অগ্রাহ্য করে স্মো ক্রুজারকে সরল একটা পথে ধরে রাখতে সাহায্য করল।

সম্পূর্ণ অঙ্গ একজন মানুষ রানা। এমন কী স্পর্শের অনুভূতি থেকেও বঞ্চিত। হাত আর পায়ে কোন অনুভূতি নেই, সব যেন হারিয়ে ফেলেছে। শরীর যেন নিজের কোন অংশ নয়, ওর কোন নির্দেশে সাড়া দিচ্ছে না। শ্বাস-প্রশ্বাস না চলার মত। ওর কোন ধারণা ছিল না একজন মানুষ ঠাণ্ডায় জমে এত তাড়াতাড়ি মারা যেতে পারে। নিজেও জানে না স্মো ক্রুজার কখন থেমে গেছে। পরাজয় মেনে নিয়ে মুরল্যাঙ্গকে দরজা বন্ধ করার নির্দেশ দিতে পারে রানা। সবটুকু ইচ্ছে শক্তি জড়ো করে চেষ্টা করতে হলো দুর্বল মুহূর্তে সেরকম কিছু যাতে করে না বসে। মুরল্যাঙ্গকে নিয়ে নিজেদের গন্তব্যে যদি পৌছাতে চায় ও, গজের কাঁটাকে

আরও বিশ ডিগ্রি নামতে দিতে হবে।

সমস্ত দুঃস্বপ্ন ঘোড়ে ফেলতে চেষ্টা করল রানা। কষ্ট আর ভোগান্তির কোন অর্থ নেই ওর কাছে। নিজের ফুরিয়ে যাওয়া, সমাপ্তি, কিংবা ব্যর্থতা মেনে নেবে না। মারা যেতে পারি, এই চিন্তাটাকে মুছে ফেলছে মন থেকে

কিন্তু তারপরও মনে হলো আর পারছে না। তখন নিজেকে আরও শক্ত করে বলল, আর বিশ মিনিট। নিজেকে বোঝাচ্ছে, মুরল্যাভ তো টিকে আছে, তুমি কেন পারছ না? ইঞ্জিনটাকে বাঁচাও, নিজেদেরকে বাঁচাও, তারপর দুনিয়াটাকে বাঁচাও-সোজা হিসাব, প্রায়োরিটির তালিকা। সানগ্লাস থেকে ফ্রস্ট মুছল ও, দেখল গজের কাঁটা আগের চেয়ে দ্রুত নামছে, পৌছে যাচ্ছে ইঞ্জিনের নরম্যাল অপারেটিং টেম্পারেচারে।

আর বিশ সেকেন্ড, নিজেকে বলল রানা।

হ্যাচের মুখ থেকে চেঁচানৰ দরকার হলো না। সময় হয়েছে কিনা অনুভূতি দিয়ে বুঝে নিয়েছে মুরল্যাভ, মুহূর্তের জন্য রেডিয়েটারের মাথায় হাত ছুঁইয়ে নিশ্চিত হয়ে নিল। দরজাটা সশব্দে বন্ধ করল সে, সঙ্গে সঙ্গে তুষার আর বাতাসের উন্নততা থেকে মুক্তি পেল ওরা। হিটারের সুইচ যতটা পারা যায় উপরে তুলে দিল সে। তারপর পড়িমিরি করে কন্ট্রোল কেবিনে উঠে এল, কর্কশ হাতে ধরে স্টিয়ারিং ছাইল থেকে সরিয়ে আনল প্রাণপ্রিয় বন্ধুকে।

‘যথেষ্ট করেছ তুমি,’ বলল সে, রানা হাইপথারমিয়ায় আক্রান্ত হয়ে মৃত্যুর এত কাছে চলে এসেছে দেখে হতচকিত। ‘তোমাকে আমি ইঞ্জিন কমপার্টমেন্টে নিয়ে যাচ্ছি।’

‘স্নো ক্রুজার...’ ফিসফিস করছে রানা, ঠাণ্ডায় শক্ত হয়ে ওঠা ঠোঁট নড়ল কি নড়ল না। ‘দেখো যেন এদিক সেদিক না ছোটে।’

‘মাথা থেকে সব ঘোড়ে ফেলো। এ-ধরনের মেশিন তোমার হারানো আটলান্টিস-২

চেয়ে আমি খারাপ চালাব না।'

দুই ইঞ্জিনের মাঝখানটা বেশ গরম, রানাকে ওখানে বসিয়ে বরফ শীতল কন্ট্রোল কেবিনে ফিরে এল মুরল্যান্ড। স্টিয়ারিং হাইলের পিছনে বসে ফাস্ট গিয়ার দিল। ষাট সেকেন্ড পর জবড়জং যান্ত্রিক দানবটা তুষার ঝড়ের ভিত্তির দিয়ে আবার ঘণ্টায় চবিশ মাইল গতিতে রওনা হলো।

ডিজেল ইঞ্জিনের গর্জন রানার কানে যেন মধুবর্ষণ করল। এই শব্দ নতুন আশা জাগাল বুকে। শরীর গরম হয়ে ওঠার সঙ্গে সঙ্গে রঞ্জ চলাচলও স্বাভাবিক হয়ে আসছে। বিশ্বামের জন্য নিজেকে আধ ঘণ্টা সময় বরাদ্দ করল রানা, ততক্ষণ হাইলটা থাকুক মুরল্যান্ডের হাতে।

তারপর রানা ভাবল, স্পেশাল মিলিটারি ফোর্স কি ল্যান্ড করেছে? এই সর্বনাশ ঝড়ের মধ্যে পড়ে ওরা পথ হারায়নি তো?

## তেরো

বড় একটা সাপ্লাই প্লেন, ম্যাকডোনেল ডগলাস সি-১৭। ছাই রঙ গা, স্ট্যাবিলাইজারের উপরে আমেরিকার ছোট একটা পতাকা ছাড়া কোথাও আর কোন মার্কিং নেই। অ্যান্টার্কটিকার অনেক উপর দিয়ে ছুটে চলেছে।

স্পেশাল অ্যাসল্ট টিমের কমান্ডার মেজর উইলিয়াম কোহেন পাইলটের মাথার উপর দিয়ে উইন্ডশিল্ডের দিকে তাকিয়ে রয়েছে, তবে মেঘের আবরণ ছাড়া কিছুই দেখতে পাচ্ছে না।

‘আপনাদের রিলিজ পয়েন্টে আর এক ঘণ্টার মধ্যে পৌছে যাবে প্লেন,’ বলল পাইলট। ‘আপনার লোকেরা সব রেডি তো?’

‘অবশ্যই,’ জবাব দিল মেজর কোহেন। ‘তবে পঁয়ত্রিশ হাজার ফুট ওপর দিয়ে ঘণ্টায় চারশো মাইল গতিতে ছোটার সময় জাম্প করাটা বেশ অস্বস্তিকর।’

‘দুঃখিত,’ সহানুভূতি জানাবার সুরে বলল পাইলট। ‘বলে দেয়া হয়েছে, আপনারা বরফের ওপর ল্যান্ড করবেন ঠিকই, কিন্তু একটা প্যারাশুটও যেন শূন্যে কেউ দেখতে না পায়। আইস স্টেশন ম্যাকমারডু-র রচিত সাপ্লাইয়ের স্বাভাবিক ফ্লাইট প্যাটার্ন ধরে প্লেন চালাতে হবে আমাকে। যেখানে লাফ দেবেন সেখান থেকে টাগেট জোন দশ মাইল দূরে, সিকিউরিটি ফেন্স-এর ঠিক বাইরে। এই দূরত্বকু গ্লাইড করে পার হবেন আপনারা।’

কো-পাইলট বলল, ‘মেঘ খুব ভাল কাভার দেবে। তবে গরম একটা প্লেন থেকে মাইনাস হানড্রেড ডিগ্রিতে লাফ দিয়ে পড়া...ইশ্বর আপনাদের সহায় হোন।’

হাসল কোহেন। ‘আমাদের থারমাল সুটি ইলেকট্রিকালি হিটেড।’ আড়মোড়া ভেঙে ঘুরে দাঁড়াল সে, ককপিট থেকে বেরিয়ে এসে প্লেনের প্রশস্ত কার্গো বে-তে ঢুকল। শান্ত গাস্টার্ফারের সঙ্গে যে যার সিটে বসে আছে পঁয়ষট্টিজন তরুণ। বিশ থেকে চৰিশ বছর বয়স ওদের, প্রত্যেকে দক্ষ যোদ্ধা, দক্ষিণ আমেরিকার বিভিন্ন মার্কিন ঘাঁটি থেকে ডেকে নিয়ে এসে অ্যান্টার্কটিকা অভিযানের জন্য স্পেশাল ফোর্সে ঢোকানো হয়েছে।

আর্মি, নেভি আর এয়ারফোর্স থেকে এসেছে ওরা, ল্যান্ড করার পর তিন নামে তিন ভাগ হয়ে কাজ শুরু করবে।

হোয়াইট হাউস থেকে পেন্টাগনকে সতর্ক করার প্র সময়ের অভাবটাই সবচেয়ে বড় সমস্যা হয়ে দেখা দেয়। আরও বড় একটা স্পেশাল ফোর্স যুক্তরাষ্ট্র থেকে রওনা হয়ে গেছে, কিন্তু

আগামী তিনি ঘণ্টার আগে সেটা, ওকুমা বে-তে পৌছাতে পারবে না।

আসলে অ্যাডমিরাল হ্যামিলটনের সর্তর্কবাণী প্রেসিডেন্টের এইডরা আর সশস্ত্র বাহিনীর চিফ অভ স্টাফ যথেষ্ট গুরুত্বের সঙ্গে গ্রহণ করেননি। প্রথমে অবিশ্বাস্য কাহিনীটা সত্যি বলে মেনে নেওয়ার সাহসই হয়নি কারও। তারপর কংগ্রেস সদস্যা লরেলি আর কয়েকজন বিজ্ঞানী অ্যাকশন নেওয়ার জন্য চাপ সৃষ্টি করায় প্রেসিডেন্টের মাধ্যমে পেন্টাগনকে একটা স্পেশাল ফোর্স গঠন করার নির্দেশ দেওয়া হয়।

মিসাইল সহ এয়ার অ্যাটাক-এর সম্ভাবনা দ্রুত বাতিল করে দেওয়া হয় এই বলে যে হাতে প্রয়োজনীয় ডাটা নেই। হোয়াইট হাউস আর পেন্টাগন নিশ্চিত নয় নিরপরাধ একটা ব্যবসা প্রতিষ্ঠানের কয়েক শো নিরীহ কর্মচারীর উপর হামলা চালান হচ্ছে কিনা। দুনিয়াকে ধ্বংস করার যে ষড়যন্ত্রের কথা বলা হচ্ছে, সেটা কোথেকে পরিচালিত হচ্ছে তাও পরিষ্কার নয়। এমনও হতে পারে যে সংশ্লিষ্ট ফ্যাসিলিটি থেকে কয়েক মাইল দূরের একটা আভারগ্রাউন্ড আইস চেম্বারে লুকানো আছে সেটা।

‘অর্ডারের নিকুচি করি আমি!’ হঠাৎ খেপে গিয়ে রেডিওতে চেঁচিয়ে উঠল পাইলট। ‘নোয়েল!

‘সার?’ পাশের সিট থেকে তৎক্ষণাত্ম সাড়া দিল কো-পাইলট নোয়েল।

‘এক মিনিট বাকি থাকার ওয়ার্নিং পাবার সঙ্গে সঙ্গে এয়ারস্পিড একশো পঁয়ত্রিশ নামিয়ে আনবে তুমি। ছেলেগুলোকে আমি বাঁচার একটা সুযোগ দিতে চাই। সার্জেন্ট যখন রিপোর্ট করবে সবাই জাম্প করেছে, স্পিড দুশো নটে তুলবে তুমি।’

‘ডেস্টিনির রাডার ব্যাপারটা ধরতে পারবে না?’

‘আইস স্টেশন ম্যাকমারডু-কে ওপেন ফ্রিকোয়েলিতে রেডিও মেসেজ পাঠাও। বলো ইঞ্জিনে গোলযোগ দেখা দিয়েছে, স্পিড কমাতে হতে পারে, দেবি হতে পারে পৌছাতে।’

‘কাভার হিসেবে মন্দ নয়,’ মন্তব্য করল কো-পাইলট। ‘জমিন থেকে ওরা যদি মনিটর করে, গল্লটা বিশ্বাস না করার কোন কারণ নেই।’

মেসেজটা পাঠানো হলো।

কমপিউটার মনিটরে দেখা গেল জাম্প মার্ক আসতে আর দু'মিনিট বাকি।

মাথা ঝাঁকাল পাইলট। ‘স্পিড কমাতে শুরু করো, নোয়েল। ধীরে ধীরে।’

কন্ট্রোল সেন্টারের পাশেই সিকিউরিটি বিভিং হেডকোয়ার্টার। রাডার অপারেটর একটা ফোন তুলল, তাকিয়ে আছে রাডার স্ক্রিনের সচল রেখাটার দিকে। ‘মিস্টার হিউগো। দয়া করে একবার যদি আসতেন।’

কয়েক মুহূর্ত পর ইলেক্ট্রনিক ইউনিটে ঠাসা অঙ্ককার ছোট কামরার ভিতর ঢুকল হিউগো হারমান। ‘হ্যাঁ, বলো, কী ব্যাপার?’

‘সার, আমেরিকান সাপ্লাই প্লেনটা হঠাৎ স্পিড কমিয়েছে।’

‘হ্যাঁ, জানি আমি। ওদের একটা মেসেজ ইন্টারসেপ্ট করেছি আমরা, তাতে বলা হয়েছে ইঞ্জিনে ক্রতি দেখা দিয়েছে।’

‘সার, এটা আমাদেরকে বোকা বানাবার কোন চেষ্টা নয় তো?’

‘ওটা কি নিজের স্বাভাবিক ফ্লাইট পাথ ছেড়ে সরে এসেছে?’  
জানতে চাইল হিউগো।

‘না, সার। প্লেনটা দশ মাইল দূরে।’

‘স্ক্রিনে তুমি আর কিছু দেখছ নাকি?’

‘না, সার।’

অপারেটরের কাঁধে একটা হাত রাখল হিউগো। ‘ওটার কোর্স ফলো করো, খেয়াল রাখো এদিকে সরে আসে কিনা। শুধু আকাশ ন্য, সাগরের দিকেও একটা চোখ রাখো।’

‘আর পিছনে, সার?’

‘দূর, এই তুষার ঝড়ের মধ্যে কার এত সাহস বা সাধ্য আছে যে আইস শেলফ পাড়ি দিয়ে পাহাড় টপকাবে?’

কাঁধ বাঁকাল রাডার অপারেটর। ‘নাহ, কোন মানুষের সে সাধ্য নেই।’

নিঃশব্দে হাসল হিউগো। ‘ঠিক তাই।’

পেন্টাগন। আভারগ্রাউন্ড ও অর রুম। ক্রেডলে ফোনের রিসিভার রেখে দিয়ে এয়ার ফোর্স জেনারেল লিস্টার ম্যাকমোহন টেবিলের উল্টোদিকে তাকালেন। ‘মিস্টার প্রেসিডেন্ট, মেজর কোহেন আর তার অ্যাসল্ট টিম প্লেন থেকে জাম্প করেছে।’

জয়েন্ট চিফ আর তাঁদের এইডরা লম্বা কামরার থিয়েটারসদৃশ অংশে বসেছেন। কামরার সবগুলো দেয়াল বিশাল মনিটরে ঢাকা পড়ে আছে, ক্রিনে দেখা যাচ্ছে সারা দুনিয়া জুড়ে মার্কিন সেনা, নৌ আর বিমানবাহিনীর শাখা আর ঘাঁটিগুলোর অবস্থান। দূরপ্রাতের একটা ক্রিনে ফুটে রয়েছে ওকুমা বে-তে ডেস্টিনি এন্টারপ্রাইজেসের মাইনিং ফ্যাসিলিটির টেলিফটো ইমেজ। সরাসরি মাথার উপর থেকে তোলা হয়নি, কয়েক মাইল দূরের প্লেন থেকে তোলা অনেকগুলো ছবির সমষ্টি, জোড়া দিয়ে একটা কোলাজ তৈরি করা হয়েছে।

আরেকটা ক্রিনে মার্কিন প্রেসিডেন্ট আব্রাহাম সিডনি ব্রাউনকে দেখা যাচ্ছে, কেবিমেটের ছয়জন সদস্য আর ঘনিষ্ঠ উপদেষ্টাদের একটা টিম সহ; তাঁরা সবাই হোয়াইট হাউসের নীচে, সুরক্ষিত একটা কামরায় বসে আছেন। সিআইএ আর

এফবিআই-এর তরফ থেকে উপস্থিত রয়েছেন রিচার্ড স্টাব আর জিম প্যাটারসন। আছে কংগ্রেস সদস্যা লরেনি ভাসও, ডেসটিনি এন্টারপ্রাইজেস সম্পর্কে ভাল ধারণা থাকার কারণে আমন্ত্রণ জানান হয়েছে তাকে। অ্যাডমিরাল হ্যামিলটন বসেছেন জয়েন্ট চিফদের সঙ্গে পেন্টাগনে, ওঁদের একজন কনসালটেন্ট হিসেবে। আর রয়েছেন মিলিটারি ইন্টেলিজেন্স চিফ জেনারেল ডানকান মেয়ার।

‘কাউন্টডাউন জানান, জেনারেল,’ নির্দেশ দিলেন প্রেসিডেন্ট ব্রাউন।

‘এক ঘণ্টা চল্লিশ মিনিট, সার,’ জয়েন্ট চিফদের হেড জেনারেল জেক গ্রাফটন জবাব দিলেন। ‘আমাদের বিজ্ঞানীরা বলছেন, ওই সময়েই জোয়ারের স্রোত সবচেয়ে জোরাল হয়ে উঠবে, আর তখনই আইস শেলফ বিচ্ছিন্ন হয়ে সাগরে ভেসে যাবে।’

‘এই ইন্টেলিজেন্স কতটুকু সঠিক?’

‘টাইমটেবিলটা হিউগো হারমানের মুখ থেকে বেরিয়েছে,’ বলল লরেলি। ‘এটাকে সমর্থন করেছেন আমাদের টপ প্লেসিয়োলজিস্ট আর ন্যানোটেকনোলজির এক্সপার্টরা।’

‘অ্যাডমিরাল হ্যামিলটনের স্পেশাল প্রজেক্ট ডিরেক্টররা ডেসটিনি এন্টারপ্রাইজেস পেনিন্ট্রেট করায়,’ রিচার্ড স্টাব বললেন, ‘ওদের ভ্যালহ্যালা প্রজেক্ট সম্পর্কে বেশ কিছু ইন্টেলিজেন্স আমাদের নলেজে এসেছে। সব মিলিয়ে দেখা যাচ্ছে ওদের তুমকি আর কাজে মিল আছে—রস আইস শেলফ কেটে দিয়ে পৃথিবীর পাক খাওয়ার ছন্দ নষ্ট করে দেবে, উদ্দেশ্য একটা পোলার শিফট ঘটানো।’

‘এফবিআই-এর তরফ থেকে আমরাও এই একই উপসংহারে পৌছেছি,’ বলল প্যাটারসন। ‘ন্যানোটেকনোলজিতে এক্সপার্ট, এমন লোকজনের সঙ্গে কথা বলে জেনেছি, এ সম্বৰ।

এ-ধরনের অচিত্তনীয় একটা বিপর্যয় ঘটানোর বৈজ্ঞানিক প্রযুক্তি ডেস্টিনি পরিবারের আছে।'

'আমারও তা-ই বিশ্বাস,' বললেন জেনারেল মেয়ার।

মনিটরের দিকে চোখ তুলে জেনারেল মেয়ারের দিকে তাকালেন প্রেসিডেন্ট। 'আমি এখনও বলি, একটা মিসাইল পাঠিয়ে এই অশুভ উন্নাদনার ইতি ঘটানো হোক।'

'সেটা হবে একেবারে শেষ উপায়, মিস্টার প্রেসিডেন্ট,' বললেন মেয়ার। 'জয়েন্ট চিফদের সঙ্গে আমিও একমত, কাজটা অত্যন্ত রিক্ষি হয়ে যাবে।'

'তা ছাড়া, আমরা জেনেছি ডেস্টিনির রাডার ইকুইপমেন্ট অত্যন্ত উন্নতমানের,' বললেন নেভি চিফ। 'আমাদের মিসাইল আঘাত হানার তিন মিনিট আগে ওটার অগ্রগতি টের পেয়ে যাবে ওদের রাডার। আতঙ্কিত হয়ে সময়ের আগেই আইস শেলফটাকে বিচ্ছিন্ন করে দিতে পারে তারা।'

'মেজর কোহেন তার অ্যাসল্ট টিম নিয়ে কখন হামলা শুরু করবে?' জানতে চাইলেন প্রেসিডেন্ট।

'নির্ভর করবে বাতাস আর আকাশের অবস্থার ওপর।' জেনারেল গ্রাফটন দেয়ালে বোলানো ডিজিটাল ঘড়ির দিকে তাকালেন। 'এই মুহূর্তে গ্লাইড করে টার্গেট এরিয়ার দিকে এগোচ্ছে তারা, আশা করি কয়েক মিনিটের মধ্যে ল্যান্ড করবে। সরাসরি যোগাযোগ করা যাবে, ল্যান্ড করলে জানতে পারব আমরা।'

'অর্থাৎ অপেক্ষা করা ছাড়া এখন আর কিছু করার নেই আমাদের।' একটা দীর্ঘশ্বাস চাপলেন প্রেসিডেন্ট।

জাম্প করার পর পঁচিশ হাজার ফুটে নেমে নিজেদের ক্যানাপি খুলতে হবে, ঝাঁক বাঁধতে হবে শূন্যে, তারপর গ্লাইড করে পৌছাতে হবে টার্গেট ল্যান্ডিং জোনে।

মেজর কোহেনের ঝাঁকে তেইশজন কমান্ডো রয়েছে, কিন্তু ক্যানাপি খোলার পর হিসাব পাওয়া গেল বাইশজনের। বাকি একজনকে রেডিওতে ডেকেও সাড়া পাওয়া গেল না। কী ঘটেছে বুঝতে কারও অসুবিধে হলো না। দুর্ভাগ্য সৈনিকটির ক্যানাপি খোলেনি। সোজা খসে পড়েছে সে, কঠিন বরফে পড়ে মাংস গেছে থেতলে, হাড় গেছে গুঁড়িয়ে। ‘সানবিম কলিং মিস্টার বিন অ্যান্ড মিস্টার হি-ম্যান। আই য্যাম ওয়ান ম্যান শট, রিপিট, ওয়ান ম্যান শট। ওভার।’

বাকি দুটো দল, মিস্টার বিন আর মিস্টার হি-ম্যান, ক্যানাপি খুলে দেড় মাইলের মধ্যে চলে এসেছে, তাদের হৃদের সঙ্গে সংযুক্ত খুদে আলো দেখতে পাচ্ছে মেজর কোহেন।

‘টার্গেট আট মাইল দূরে,’ বাকি দুটো দলকে জানাল সে, ‘সব আলো নিভিয়ে দাও। এখন থেকে রেডিও সাইলেন্স বজায় রাখো।’

ঘড়ির কাঁটা ধরেই ঘটেছে সব। আর পনেরো মিনিটের ক্যানাপি ফ্লাইট টার্গেট ল্যাভিং জোনে পৌছে দেবে ওদেরকে।

মাইনিং ফ্যাসিলিটি দ্রুত কাছে চলে আসছে। মেঘের পরদা কোথাও ছেঁড়া পেলে নেমে যাচ্ছে দৃষ্টি, দালানগুলোর কাঠামো চেনা যাচ্ছে পরিষ্কার। এখন আটশো ফুট উপরে রয়েছে ওরা। প্ল্যানটা হলো, পাঁচশো ফুট উপরে থাকতে টার্গেট ল্যাভিং সাইটে পৌছাবে।

পাঁচশো ফুটে পৌছে মেজর কোহেন দেখল মিস্টার হি-ম্যানের কমান্ডোরা নিরাপদে ল্যান্ড করছে। তাদেরকে অনুসরণ করে নীচে নামতে শুরু করল মিস্টার বিনের কমান্ডোরা। সবশেষে নিজের দলকে সংকেত দিল কোহেন।

পাঁচ মিনিট পর। ক্যানাপি গুটিয়ে নিয়েছে সবাই। চৌষট্টি জনের মধ্যে একজনের শুধু একটা হাঁটু একটু মচকে গেছে, বাকি সবাই সন্তু। কোথাও কোন কুকুর ডাকছে না। লোকজনের হারানো আটলান্টিস-২

হাঁকড়াকও শোনা যাচ্ছে না।

ফিল্ড গ্লাস বের করে মাইনিং ফ্যাসিলিটির দিকে তাকাল  
মেজের। কোথাও কোন রকম ডিফেন্স অ্যাকটিভিটি দেখতে না  
পেয়ে সবাইকে সামনে বাড়ার নির্দেশ দিল সে। তাদের সঙ্গে  
নিজেও থাকল।

ইঞ্জিনের গরমে সুস্থ হয়ে ওঠার পর এখন আবার বাস্তবতার  
যুখোযুখি হওয়ার জন্য তৈরি রানা। মুরল্যাঙ্গের কাছ থেকে  
হইল চেয়ে নিল ও। বাস্ক কমপার্টমেন্ট থেকে একটা বাঁটা  
যোগাড় করল মুরল্যাঙ্গ, সেটাকে ব্রাশের মত ব্যবহার করে  
উইভশিল্ডে জমে ওঠা তুষারের স্তুপ সরাতে ব্যস্ত হয়ে পড়ল।  
বাধা দূর হওয়ার পর ওয়াইপারগুলো আবার নিজেদের কাজ  
শুরু করল।

দূরে মাথাচাড়া দিল রকেফেলার মাউন্টেন। গন্তব্যে পৌছাতে  
আর বেশি দেরি নেই।

ওদের বাম দিকে, রোদ বলমলে সাদা প্রান্তরের শেষ  
মাথায়, কালো কিছু দাগের দিকে হাত তুলল রানা। ‘ওদিকে  
ডেস্টিনির মাইনিং ফ্যাসিলিটি।’

‘ভালই এগিয়েছি আমরা,’ বলল মুরল্যাঙ্গ। ‘ঘড়ের সময়  
নিজেদের পথ থেকে খুব বেশি হলে মাইলখানেক সরেছি।’

‘আর তিন কি চার মাইল যেতে হবে। বিশ মিনিট।’

‘কিছু না জানিয়ে ভড়মুড় করে ঢুকতে চাও?’

‘দক্ষ সিকিউরিটি গার্ডের বিরুদ্ধে সেটা বুদ্ধিমানের কাজ  
হবে না,’ বলল রানা। ‘নিচু পাথুরে রিজটা দেখতে পাচ্ছ,  
বরফের নীচ থেকে বেরিয়ে বাঁকা হয়ে পাহাড়ের কোলের দিকে  
চলে গেছে?’

‘হ্যা, দেখতে পাচ্ছি।’

‘ওটার গা ঘেঁষে স্নো ক্রুজার ছোটালে কমপাউন্ড থেকে কেউ

আমাদেরকে দেখতে পাবে না। এভাবে শেষ দু'ফাইল পার হওয়া  
যায়।'

'হয়তো সম্ভব,' বলল মুরল্যাঙ্ক। 'ওরা যদি আমাদের  
এগজস্ট স্মোক দেখতে না পায়।'

'তাকে ডাকো,' পরামর্শ দিল রানা, জানে ঈশ্বরে বিশ্বাস  
আছে ববির।

রস আইস শেলফের বরফ ঢাকা বিশাল প্রান্তর ছেড়ে রিজের  
পাশে পৌছাল ওরা। রিজটা দানবের কালো জিভের মত পাহাড়  
থেকে নেমে এসে সাদা বরফের উপর শুয়ে আছে, চূড়ার নীচের  
মাইনিং কম্পাউন্ডকে সম্পূর্ণ আড়াল করে। রিজ ধরে এগোচ্ছে  
ওরা, তবে খানিক পরেই পাশে দেখা গেল ধূসর আর কালচে  
রঙের আকাশ ছোঁয়া পাহাড়-পাটীর, চূড়া থেকে জমাট  
জলপ্রপাতের মত ঝুলে আছে ছোট ছোট ঝরনা, রোদ লাগায়  
নীল-সবুজাঙ্গ আভা ছড়াচ্ছে। পাহাড়ের পাশের রাস্তা সমতল  
নয়, নয় মসৃণও, চেউ খেলানো অগভীর গর্তের সমষ্টি।

ছোট চড়াই আর ঢালু উপত্যকা পেরুবার সময় সেকেন্ড  
গিয়ার দিল রানা। সরু একটা বক্স ক্যানিয়ন-এর প্রবেশপথকে  
পাশ কাটাবার সময় হঠাৎ স্লো ক্রুজার দাঁড় করিয়ে ফেলল ও।

'কী ব্যাপার?' জিজ্ঞেস করল মুরল্যাঙ্ক, রানার দিকে তাকিয়ে  
আছে। 'কিছু দেখেছ?'

উইন্ডশিল্ডের ভিতর দিয়ে নীচের দিকটা দেখাল রানা।  
'তুষারে ঢাকার দাগ, ক্যানিয়নের ভেতরে চুকেছে। এ দাগ শুধু  
বড় একটা স্লো ক্যাটের ঢাকাই করতে পারে।'

রানার প্রসারিত আঙুল অনুসরণ করল মুরল্যাঙ্গের দৃষ্টি।  
'তোমার চোখের জ্যোতি বোধহয় দিন দিন আরও বাড়ছে।  
দাগগুলো তো প্রায় দেখাই যাচ্ছে না।'

'তুষারঘড়ে এগুলো মুছে যাবার কথা,' বলল রানা। 'এখনও  
মোছেনি, তার কারণ সম্ভবত ভেহিকেলটা ভেতরে চুকেছে ঠিক

যখন ঝড়টা থেমে যাচ্ছিল, তখন।'

'কী কারণে একটা স্নো ক্যাট গভীর আর সরু একটা উপত্যকায় নামবে?'

'আরেকটা মুখ আছে মাইনিং কম্পাউন্ডে?'

'প্রচুর সম্ভাবনা।'

'আমাদের তা হলে একবার দেখা উচিত নয়?'

নিঃশব্দে হাসল মুরল্যান্ড। 'কৌতৃহলে মরে যাচ্ছি, দোষ্ট!'

স্টিয়ারিং হাইল ঘুরিয়ে স্নো ক্রুজারকে ক্যানিয়নে ঢোকাল রানা। উপত্যকার দু'পাশে পাথুরে পাহাড়-পাটীর মাথাচাড়া দিচ্ছে। যত গভীরে নামছে ওরা, ততই উঁচু হচ্ছে পাটীর সূর্য আড়ালে চলে গেল। ওদের ভাগ্য ভাল যে বাঁক আর মোড়গুলো তীক্ষ্ণ নয়, স্নো ক্রুজারকে নিয়ে এগোতে কোন সমস্যা হচ্ছে না।

রানার ভয় হচ্ছে, সামনে পাথুরে পাঁচিল ছাড়া কিছুই পাবে না। তখন ক্যানিয়ন থেকে বেরবার জন্য পিছু হট্টে হবে. যেহেতু এত বড় গাড়ি ঘোরাবার মত জায়গা নেই।

ক্যানিয়নের মুখ থেকে আধ মাইল দূরে বরফের একটা নিরেট পাঁচিলের সামনে ব্রেক করে ভেহিকেলটকে দাঁড় করাল রানা। এটা একটা কানাগলি

মন খারাপ করে দু'জনেই স্নো ক্রুজার থেকে নামল ওরা। স্নো ক্যাটের দাগগুলো পরীক্ষা করল রানা। ভুরু কুঁচকে উঠল। দাগগুলো পাঁচিলের সামনে পর্যন্ত এসেছে। 'রহস্য বাড়ছে। স্নো ক্যাট এখান থেকে পিছু হটেনি।'

'আরেক প্রস্তু দাগ যখন নেই, তোমার ধারণাই ঠিক বলে মেনে নিচ্ছি।' মাথা বাঁকাল মুরল্যান্ড।

এগিয়ে এসে বরফ পাঁচিলে প্রায় নাক ঠেকিয়ে দাঁড়াল রানা, চোখ দুটোর চারধারে হাত দিয়ে কাপ তৈরি করল আলো। ঠেকাবার জন্য। অপলক তাকিয়ে আছে। 'ওখানে কিছু আছে,' বলল ও।

বরফের দিকে তাকিয়ে মাথা ঝাঁকাল মুরল্যান্ড। ‘এরকম জায়গাতেই কি মানুষ চেঁচায়, ‘চিং ফাঁক?’

‘সন্দেহ নেই, এটা ভুল কোড,’ গল্পীর সুরে বলল রানা।

‘অন্তত তিন ফুট চওড়া একটা পাঁচিল।’

‘আমি যা ভাবছি, তুমিও কি তাই ভাবছ?’

মাথা ঝাঁকাল মুরল্যান্ড। ‘রাইফেল হাতে এখানে দাঁড়িয়েই তোমাকে আমি কাভার দেব।’

কন্ট্রোল কেবিনে উঠে স্নো ক্রুজারকে পঞ্চশ ফুট পিছনে নিয়ে এল রানা। তারপর সামনের দিকে ছোটাল। দৈত্যের গতি ক্রমশ বাঢ়ছে। ছুটে সামনে চলে আসছে নিরেট পাঁচিল তারপরেই সংঘর্ষ আর বিস্ফোরণ। মুরল্যান্ডের পায়ের তলার জমিন থবথর করে কেঁপে উঠল।

পাঁচিলটাকে ভেঙে আরেকদিকে বেরিয়ে গেছে স্নো ক্রুজার মুরল্যান্ডের চোখের সামনে থেকে সম্পূর্ণ অদৃশ্য হয়ে গেছে সেটা। হাতে উদ্যত রাইফেল, সদ্য তৈরি ফাঁকটার দিকে ছুটল সে।

পাঁচিল ভেঙে বেরিয়ে আসার পর স্নো ক্রুজারকে থামাল রানা। প্রচণ্ড ঝাঁকি খুলির ভিতর মগজকে বোধহয় নড়িয়ে দিয়েছে, বিম-বিম করছে মাথার ভিতরটা। তবে বুঝতে পারছে আহত হয়নি ও। উইন্ডশিল্ডের ভাঙা কাঁচ সরাল বুক থেকে বরফের বড় একটা টুকরো কাঁচ ভেঙে ভিতরে ঢুকেছিল, ভাগ্যক্রমে ওকে না ছুঁয়ে পাশ কাটিয়ে গেছে।

বড়সড় একটা আইস টানেলে রয়েছে ওরা, স্নো ক্রুজারের সামনের অংশ শক্তভাবে গেঁথে গেছে ভাঙা পাঁচিলের উল্টোদিকের দেয়ালে। দু'দিকেই টানেলটা নির্জন, খালি পড়ে রয়েছে। কোথাও কোন বিপদ দেখতে না পেয়ে ছুটে এসে স্নো ক্রুজারে ঢুকে পড়ল মুরল্যান্ড। তারপর মই বেয়ে উঠে এল কন্ট্রোল কেবিনে। দেখল ওর দিকে তাকিয়ে হাসছে রানা।

‘হইল ছাড়ো, আমি চালাই...’

মাথা নাড়ুল রানা। ‘আমার কিছু হয়নি। টানেল ধরে বাঁ  
দিকে যেতে চাই, তুমি কি বলো? আমার ধারণা ওদিকেই  
মাইনিং কম্পাউন্ড।’

‘আমি যদি বলি ডান দিকে, অথবা সময় নষ্ট হবে।’

ইঞ্জিন স্টার্ট দিয়ে যান্ত্রিক দানবটাকে বার কয়েক আঙ্গপিছু  
করিয়ে ঘুরিয়ে নিল রানা, বাম দিকের টানেল ধরে এগোবে। এই  
প্রথম দু’পাশের জানালা খুলল ও, টানেলটার প্রশস্ততা পরীক্ষা  
করছে। দু’পাশে আঠারো ইঞ্জিন বেশি ফাঁকা জায়গা নেই, ছাদ  
থেকে সিলিং-এর দূরত্ব আরও কম। টানেলের বাইরের গা  
বরাবর বড় আর গোল একটা পাইপ এগিয়েছে, সেটার দিকে  
একটা চোখ রাখল। পাইপটার মাঝখান থেকে খানিক পর পর  
ছোট আকৃতির টিউব বেরিয়ে বরফে ঢুকেছে।

‘দেখে কী মনে হচ্ছে?’ জিঞ্জেস করল রানা, হাত তুলে দীর্ঘ  
পাইপটা দেখাল।

ম্বো ক্রুজার থেকে নেমে গেল মুরল্যান্ড, চেপেচুপে কোন  
রকমে ঢুকল সামনের টায়ার আর পাইপের মাঝখানে। পাইপের  
গায়ে হাত বুলাচ্ছে। ‘ইলেকট্রিক্যাল কিছু নয়,’ বলল সে। ‘এটা  
অন্য কোনও কাজ করে।’

‘আমি বোধহয় আন্দাজ করতে পারছি জিনিসটা কী হতে...’  
ক্রমশ নিস্তেজ হয়ে এল রানার কষ্টস্বর।

‘আইস শেলফ ভাঙ্গুর মেকানিজম, অথবা তার কোনও  
অংশ,’ বলল মুরল্যান্ড, বঙ্গুর আন্দাজের সঙ্গে নিজের আন্দাজ  
মেলাবার চেষ্টা করছে।

জানালা দিয়ে মাথা বের করে লম্বা টানেলের পিছন দিকে  
তাকাল রানা, ‘অস্পষ্ট হতে হতে বহু দূরে মিলিয়ে গেছে। ‘এই  
পাইপ নিশ্চয়ই মাইনিং কম্পাউন্ড থেকে চোদ্দো শো মাইল লম্বা,  
আইস শেলফের শেষ মাথা পর্যন্ত।’

‘ইঞ্জিনিয়ারিং এখানে এক অসমৰকে সম্ভব করেছে,’ বলল  
মুরল্যান্ড। ‘এত বড় একটা টানেল খোঢ়া কি ছেলেখেলা  
ব্যাপার? স্যান ফ্র্যান্সিসকো থেকে ফিনিস্কের সমান দূরত্ব! ’

‘ঠিকই বলেছ তুমি,’ বলল রানা। ‘ডেস্টিনি করে  
দেখিয়েছে। অবশ্য পাথরের চেয়ে বরফ খুঁড়ে টানেল তৈরি  
অনেক সহজ।’

‘কী হয়, আমরা যদি পাইপে একটা গর্ত তৈরি করি? আইস  
শেলফ বিচ্ছিন্ন করার জন্যে যে অ্যাকটিভেশন সিস্টেমই সৃষ্টি  
করে থাকুক তারা, সেটা থামিয়ে দেয়া হবে না?’

‘যে-কোন হস্তক্ষেপ সময়ের আগে ট্রিগার টেনে দিতে পারে,’  
জবাব দিল রানা। ‘অন্য কোন বিকল্প না পেলে এই ঝুঁকি নেয়া  
ছাড়া বিকল্প থাকবে না আমাদের।’

টানেলটা যেন হাঁ করা কালো একটা মুখ। পুরু বরফের  
বাইরে থেকে আলোর আভা আসছে সামান্যই, এ ছাড়া অন্য  
কোন আলো নেই ভিতরে। ইলেক্ট্রিকাল কেইবল আছে, বিশ  
ফুট পরপর সিলিং-এ হ্যালজেন বালবও রয়েছে, তবে পাওয়ার  
সাপ্লাই সম্ভবত মেইন জাংশান বক্স থেকে বন্ধ রাখা হয়েছে, ফলে  
সেগুলো জ্বলছে না।

স্নো ক্রুজারের ছোট এক জোড়া হেডলাইট জ্বালল রানা,  
তারপর গিয়ার এনগেজ করল। গাড়ি ছেড়ে দিয়ে ধীরে ধীরে  
স্পিড বাড়াচ্ছে। একটু পরেই ঘণ্টায় পঁচিশ মাইল দাঁড়াল।

দুইপাশে জায়গা কম, খুব সাবধানে চালাতে হচ্ছে। একটা  
হাঁটুর উপর রাইফেল রেখে প্যাসেঞ্জার সিটে বসেছে মুরল্যান্ড。  
যে-কোনও বৈরি পরিস্থিতির জন্য তৈরি। হেডলাইটের আলো  
বেশ অনেক দূর পর্যন্ত আলোকিত করে রেখেছে টানেলটাকে।  
টানেলের মত টিউবসহ পাইপটারও যেন শেষ বলে কিছু নেই।  
টানেলের মেঝে আর ছাদে ঢোকান টিউবগুলো আরেকবার  
খুঁটিয়ে দেখল রানা।

টানেল খালি, তার কারণ ডেস্টিনির লোকজন মাইনিং ফ্যাসিলিটি ছেড়ে জাহাজে ওঠার জন্য চলে গেছে? বুয়েনস আইরিসে, ব্রিটিশ দ্রাবাসের পাটিতে, গর্বের সুরে একটা টাইমটেবিলের কথা জানিয়েছিল হিউগো হারমান-চারদিন দশ ঘণ্টা।

চারদিন গত হয়েছে, পার হয়েছে আরও আট ঘণ্টা চল্লিশ মিনিট। সুইচ টিপে কৃত্রিম কেয়ামতের সূচনা করবে হিউগো হারমান, এখন থেকে ঠিক এক ঘণ্টা বিশ মিনিট পর।

রানার হিসাবে ফ্যাসিলিটির মাঝখান থেকে এক মাইল, খুব বেশি হলে দেড় মাইল দূরে রয়েছে ওরা। ওদেরকে লেআউটের স্যাটেলাইট ম্যাপ দেওয়া হয়নি, কাজেই ভিতরে ঢোকার পর কন্ট্রোল সেন্টারটা খুঁজে নিতে বেশ বেগ পেতে হবে। একটা প্রশ্ন বিবর্জ করছে বারবার, স্পেশাল ফোর্স টিম কি এখনও পৌঁছায়নি?

আরও আঠারো মিনিট পর নীরবতা ভেঙে মুরল্যাত্ত বলল, ‘সামনে একটা চৌরাস্তা।’

মো ক্রুজারের গতি কমিয়ে আনল রানা। চৌরাস্তা নয়, এখানে পাঁচটা রাস্তার মুখ পরম্পরের সঙ্গে মিলেছে। দুন্দু মনে হলো পাগল করে ছাড়বে। ভুল করা যাবে না, হাতে সময় এত কম আবার জানালার বাইরে মাথা বের করে টানেলের জমাট মেঝের উপর চোখ বুলাল রানা। চাকার দাগ সব রাস্তাতেই রয়েছে, তবে গভীর দাগ দেখা গেল শুধু ওদের ডানদিকের শাখা টানেলে।

মো ক্রুজার থেকে লাফ দিয়ে নৌচে নামল মুরল্যাত্ত, শাখা টানেল ধরে হন হন করে হাঁটছে। একটু পরেই হারিয়ে গেল সে। ফিরে এল কয়েক মিনিট পরে।

‘কী দেখলে?’

‘দুশো গজ সামনে বড় একটা চেম্বারে মিশেছে টানেলটা।’

স্নো ক্রুজার ঘূরিয়ে নিয়ে ডানদিকের টানেলে ঢুকল রানা। অন্তর্দর্শন সব কাঠামোর দেখা মিলছে, যেন বরফের সঙ্গে আটকানো, অস্পষ্ট আর অচেনা, তবে এমন সরল রেখা ধরে এগিয়েছে যে প্রকৃতির তৈরি বলে মনে হয় না। মুরল্যাঙ্গ যেমন বলেছে, টানেলের শেষ মাথায় বিশাল একটা চেম্বার দেখা গেল, ঢালু ছাদ থেকে ঝুলে আছে বরফের অসংখ্য ঝুরি।

ছাদের বেশ কয়েকটা ফাটল দিয়ে আলো ঢুকছে, চেম্বারের ভিতর যেন ভৌতিক আলোছায়ার খেলা। পরিবেশটায় জাদু আছে, সময় এখানে স্থির। দৃশ্যটা হকচকিয়ে দিয়েছে, স্নো ক্রুজারকে ধীরে ধীরে দাঁড় করিয়ে ফেলল রানা।

দু’জনের কারও মুখে একটা কথা নেই।

জায়গাটা এক সময় একটা চৌরাস্তা ছিল, সেটাকে ঘিরে তৈরি হয়েছিল প্রাচীন একটা শহরের দালান-কোঠা।

## চোদ্দ

এখন আর তুষারবড় ওদেরকে আড়াল দিচ্ছে না। কোথাও কোথাও উটের কুঁজের মত উঁচু হয়ে আছে তুষারের স্তুপ, সেগুলোর আড়াল নিয়ে মেইন কমপাউন্ডের দিকে এগোচ্ছে মেজর কোহেনের স্পেশাল ফোর্স। সামনে একটা কাঁটাতারের বেড়া পড়ল। তারপর আরেকটা। তার কেটে অনায়াসে ভিতরে ঢুকে পড়ল প্রথম দলটা, সেটার পিছু নিয়ে বাকি দুই দলও।

মেজর কোহেনের কোন ধারণা নেই তার লোকদের কী ধরনের শক্তির বিরুদ্ধে লড়তে হবে। সিআইএ কোন তথ্য দিতে পারেনি, কারণ ডেস্টিনি এন্টারপ্রাইজেসকে কখনও যুক্তরাষ্ট্রের নিরাপত্তার জন্য হমকি বলে মনে করেনি তারা। তাকে শুধু বলা হয়েছে ডেস্টিনির সিকিউরিটি গার্ডরা দক্ষ পেশাদার। কিন্তু কেউ বলেনি সংখ্যায় তারা ওদের চেয়ে তিনগুণ বেশি।

কমপাউন্ডের ভিতর ঢুকে বিশ্বিত হলো মেজর কোহেন। কোথাও কেউ নেই, সব ফাঁকা পড়ে আছে। তবে মনে হলো নীরবতা যেন বড় বেশি জমাট।

মূল কন্ট্রোল সেন্টারের নীচের ফ্লোরে, সিকিউরিটি গার্ড হেডকোয়ার্টারে রয়েছে হিউগো হারমান। দেয়াল জুড়ে সারি সারি মনিটরে দেখা যাচ্ছে মেজর কোহেনের নেতৃত্বে কমপ্লেক্সের রাস্তায় ছড়িয়ে পড়ছে অ্যাসল্ট টিম।

‘তুমি নিশ্চিত,’ কার্ট মার্শালকে প্রশ্ন করল হিউগো, ‘ওরা আমাদের লঙ্ঘ টাইমে কোন রকম বিঘ্ন সৃষ্টি করতে পারবে না?’

‘পুরোপুরি নিশ্চিত,’ বলল ডেস্টিনির সিকিউরিটি চিফ। ‘এ-ধরনের উপদ্রব বিদায় করার জন্যে বহুবার রিহার্সেল দিয়েছি আমরা। আমাদের লোক সংখ্যা অনেক বেশি, সুবিধে পাব নিজেদের জায়গায় দাঁড়িয়ে লড়াই করার।’ প্রতিপক্ষ জানেও না যে তারা একটা ফাঁদে পা দিয়েছে।

‘তোমার ওভারঅল স্ট্র্যাটেজি?’ জানতে চাইল হিউগো।

‘ধীরে ধীরে ওদেরকে কন্ট্রোল সেন্টারের সামনের একটা পকেটে নিয়ে আসা, ওখানে ওদেরকে আমরা যখন খুশি খতম করতে পারব।’

‘আমি চাই না, কাজটায় বেশিক্ষণ সময় নাও তুমি,’ বলল হিউগো। ‘কতক্ষণ লাগবে?’

‘ত্রিশ মিনিটের মধ্যে সেরে ফেলব।’

‘তারপর আর লোকজন সবাইকে নিয়ে প্লেনে উঠতে দেরি কোরো না।’

‘না, মিস্টার হারমান,’ বলল মার্শাল, ‘দেরি করব না।’

দেয়ালের ডিজিটাল ঘড়িটা দেখাল হিউগো। ‘এখন থেকে পঁচিশ মিনিট পর আইস শেলফ ডিট্যাচিং সিস্টেম অটোমেটিকে সেট করব আমরা। তখন কন্ট্রোল সেন্টারের সবাই আভারগ্রাউন্ড টানেল দিয়ে শ্রমিকদের ডরমিটারিতে চলে যাবে। ওখান থেকে ইলেকট্রিক ভেহিকেল নিয়ে এয়ারক্রাফ্ট হ্যাঙ্গারে পৌছাব আমরা। ঠিক আছে?’

‘ইয়েস, সার।’

‘তা হলে শুভেচ্ছা রইল,’ বলে কাট মার্শালের সঙ্গে হ্যান্ডশেক করে এলিভেটরে চড়ল হিউগো, উপরতলার কন্ট্রোল সেন্টারে ফিরে যাচ্ছে।

সানবিমের নেতৃত্ব দিচ্ছে মেজর কোহেন। দ্বিতীয় দল, মিস্টার বিন, তার দলের সঙ্গে মিশে গেছে। মিস্টার হি-ম্যান ক্যাপ্টেন টিমোথির নেতৃত্বে অন্য এক রাস্তা ধরে এগিয়ে গেছে পাওয়ার প্লাট ধ্রংস করতে।

কন্ট্রোল সেন্টার থেকে দেড়শো গজ দূরে রয়েছে মেজর কোহেন, এই সময় হি-ম্যানের লিডার ক্যাপ্টেন টিমোথির রেডিও মেসেজ এল, ‘সামনে ব্যারিকেড দেখতে পাচ্ছি...’

ঠিক সেই মুহূর্তে মেজর কোহেনও কন্ট্রোল সেন্টারের একটা ব্যারিকেড দেখতে পেল, সেটার মাথা থেকে গাঢ় রঞ্জের গান মাজল বেরিয়ে আছে। চিৎকার করার জন্য মুখ খুলল সে, কিন্তু ততক্ষণে দেরি হয়ে গেছে।

অকস্মাত যেন বিরতিহীন বজ্রপাত শুরু হয়ে গেল। সিকিউরিটি গার্ডদের দুশো রাইফেল গর্জে উঠেছে একযোগে।

সানবিম আর মিস্টার বিনের কমান্ডোরা পাল্টা শুলি শুরু হারানো আটলান্টিস-২

করলেও, বেশিরভাগই তারা প্রথমে আড়াল পাওয়ার জন্য দালানগুলো লক্ষ্য করে ছুটছে।

ওদিকে একই সঙ্গে আক্রান্ত হয়েছে তৃতীয় দল মিস্টার হিম্যানও।

ক্রল করে একটা সিঁড়ির নীচে পৌছাল কোহেন, বিশৃঙ্খল কমান্ডোদের মনোবল ফিরিয়ে আনার চেষ্টা করছে। কিন্তু তার জানা নেই আভারগ্যাউন্ড টানেল দিয়ে ছুটে আসছে আর একদল সিকিউরিটি গার্ড, তারা একটা দালানের ভিতর দিয়ে ওদের পিছনে হাজির হবে সাক্ষাৎ যমদূতের ঘত।

জিতবার দৃঢ়প্রতিজ্ঞ একটা ভাব নিয়ে যুদ্ধ করছে সিকিউরিটি গার্ডরা। এটা শুধু নিজেদের প্রাণ বাঁচানোর ব্যাপার নয়, এই যুদ্ধে জেতার উপর নির্ভর করছে পরিবারের ভাগ্য। অনেক আগেই তাদের পরিবারের সবাই উঠে পড়েছে উলরিখ হারমানে।

কন্ট্রোল সেন্টারের সামনে কাট মার্শাল নিজেই পরিচালনা করছে যুদ্ধটা। তার শান্ত গান্ধীর্য আর লোহকঠিন আত্মবিশ্বাস গার্ডদের মধ্যেও সংক্রমিত হচ্ছে। বুদ্ধি আর কৌশল খাটিয়ে মার্কিন অ্যাসল্ট টিমকে খেদিয়ে এক কোণে জড়ো করে ফেলেছে তারা।

হেলমেটে ফিট করা একটা ইন্টারকম অন করল মার্শাল; ‘মিস্টার হারমান?’

এক মুহূর্ত পর সাড়া দিল হিউগো, ‘ইয়েস, মার্শাল?’

‘হামলাকারীদের ঠেকিয়ে দেয়া হয়েছে,’ রিপোর্ট করল সিকিউরিটি চিফ। ‘ইঞ্জিনিয়াররা ন্যানোটেক সিস্টেম অটোমেটিকে দিয়ে দিলেই মিস সাসনা আর বাকি সবাইকে নিয়ে হ্যাঙ্গারে চলে যেতে পারেন আপনি।’

‘ধন্যবাদ, মার্শাল। তোমার সঙ্গে এয়ারপোর্টে দেখা হচ্ছে তা হলে।’

দুই মিনিট পর, মার্শাল যখন দুটো আর্মারড স্লো ক্যাটকে অ্যাসল্ট টিমের উপর আক্রমণ করার নির্দেশ দিচ্ছে, ব্যারিকেডের পিছন থেকে ছুটে এসে তার সামনে দাঁড়াল একজন সিকিউরিটি গার্ড, চিংকার করে বলল, ‘এয়ারক্রাফট হ্যাঙ্গার থেকে আর্জেন্ট মেসেজ এসেছে, সার !’

একটানা গুলি বর্ষণের গর্জনকে ছাপিয়ে উঠল মার্শালের চিংকার। ‘কী মেসেজ ?’

ঠিক সেই মুহূর্তে, মেজর কোহেনের পাশে দাঁড়াল সানবিম টিমের সার্জেন্ট ফার্নান্দো। স্লাইপার স্কোপে চোখ রেখে অটোমেটিক রাইফেলের ট্রিগার টেনে দিল সে। গার্ড লোকটা ঢলে পড়ল মার্শালের পায়ের কাছে, কিছু শোনেনি বা টেরও পায়নি সে, বুলেটটা তার কপালের ডান দিক দিয়ে ঢুকে বাম দিক দিয়ে বেরিয়ে গেছে।

অন্তুতদর্শন একটা ভেহিকেল এয়ারপোর্ট হ্যাঙ্গারে ভাঙ্চুর চালাচ্ছে, জরুরি এই মেসেজটা তার আর ডেলিভারি দেওয়া হলো না।

অ্যান্টি ট্যাংক শেল ব্যবহার করে চারটে স্লো ক্যাটকে অচল করে দিয়েছে সানবিমের সৈনিকরা। সবাই যখন হিংস্র উল্লাসে ফেটে পড়ছে, মেজর কোহেন তখন একদিকে প্রায় পঁয়ত্রিশজন সৈনিককে হারিয়ে শোকে কাতর, আরেক দিকে সিকিউরিটি গার্ডদের পরবর্তী হামলার কথা ভেবে শক্তি, কারণ কিছুক্ষণের মধ্যেই প্রতিপক্ষ টের পেয়ে যাবে ওদের কাছে আর কোন অ্যান্টি ট্যাঙ্ক শেল নেই।

সন্দেহ নেই গার্ডরা আবার আর্মারড স্লো ক্যাট নিয়ে হামলা চালাবে। তারপর অ্যাসল্ট টিমের নিশ্চিহ্ন হওয়াটা স্বেফ সময়ের ব্যাপার মাত্র, যদি না মার খেয়ে আকারে ছোট হয়ে যাওয়া হিম্যান পাশ থেকে ব্যারিকেড আঘাত করে। নিজের দল নিয়ে

পাওয়ার প্লাটে পৌছাতে পারেনি ক্যাপটেন টিমোথি, মেজর কোহেনের নির্দেশ পেয়ে মেইন কন্ট্রোল কেবিনের দিকে ফিরে আসছে সে ।

### ওয়াশিংটন ।

যুদ্ধক্ষেত্র থেকে পাওয়া রিপোর্ট থেকে জানা গেল অ্যাসল্ট টিম গভীর সঞ্চটে পড়েছে । তারপর পরিষ্কার হয়ে গেল মেজর কোহেন আর তার সৈনিকদের গুলি করে ছিন্নভিন্ন করা হচ্ছে । প্রেসিডেন্ট আর জয়েন্ট চিফরা বিশ্বাস করতে পারছেন না এ-সব কী শুনছেন তাঁরা । অনিচ্ছাসত্ত্বেও ধীরে ধীরে তাঁদেরকে বিশ্বাস করতে হচ্ছে, মিশনটা ব্যর্থ হয়েছে, লোকে-লোকারণ্য দুনিয়াটার সত্যিই এবার মৃত্যু হবে ।

‘আমাদের যে প্লেন টা মেইন ফোর্স নিয়ে যাচ্ছে,’ মনে করিয়ে দেওয়ার সুরে বললেন প্রেসিডেন্ট ব্রাউন, তাঁর চিন্তা-ভাবনায় অসংলগ্ন ভাব চলে এসেছে । ‘সেটা কখন...?’

‘কম্পাউন্ডে পৌছাতে আরও চল্লিশ মিনিট লাগবে তাঁদের,’ জানালেন জেনারেল জেক গ্রাফটন ।

‘আর কাউন্টডাউন?’

‘আইস শেলফ ভাঙার উপযোগী জোয়ার পাওয়া যাবে এখন থেকে বাইশ মিনিট পর ।’

‘সেক্ষেত্রে মিসাইল না পাঠিয়ে উপায় কী?’

‘তাতে নিজেদের লোকজনকেও মেরে ফেলা হবে,’ সাবধান করে দিয়ে বললেন জেনারেল গ্রাফটন ।

‘আর কোন বিকল্প আছে আমাদের সামনে?’ জবাব চাইলেন প্রেসিডেন্ট ব্রাউন ।

নিজের খোলা হাতের দিকে চোখ নামিয়ে ধীরে ধীরে মাথা নাড়লেন জেনারেল । ‘না, মিস্টার প্রেসিডেন্ট, কোন বিকল্প নেই ।’

নেতি চিফ অ্যাডমিরাল জন হ্যাকেট বললেন, ‘আমি কি  
এয়ারক্রাফট ক্যারিয়ার লিংকনকে তৈরি হতে বলব?’

‘মিসাইলের চেয়ে ভাল কাজ করবে স্টেলথ বম্বার,’ বললেন  
এয়ার ফোর্স চিফ। ‘ওগুলোর ক্রুরা মিসাইল গাইড করায় খুবই  
দক্ষ।’

দ্রুত সিদ্ধান্ত নিলেন প্রেসিডেন্ট ব্রাউন। ‘ঠিক আছে, বম্বার  
পাইলটদের অ্যালার্ট করুন, তবে নির্দেশ না পাওয়া পর্যন্ত  
মিসাইল ফায়ার করতে নিষেধ করে দিন। মেজর কোহেন  
এখনও তাঁর কয়েকজন সৈনিককে নিয়ে লড়াই করে যাচ্ছেন।  
এরকম সংকটের সময়ে অন্তত কিছুক্ষণ মিরাকলের অপেক্ষাতেও  
থাকতে হয়। কন্ট্রোল সেন্টারে ঢুকে কাউন্টডাউন থামিয়ে দিতে  
পারেন তিনি।’

চৌরাস্তার চারপাশে বরফের নীচ থেকে মাথা তুলে রয়েছে বেশ  
কিছু দালান, ওগুলোর মাঝখান দিয়ে চলে গেছে একেকটা  
রাস্তা। প্রাচীন সভ্যতার যে-সব বাড়ি-ঘর দেখেছে রানা, তার  
সঙ্গে এগুলোর স্থাপত্যরীতি মেলে না। প্রাচীন শহরটা কত  
বর্গমাইল জুড়ে দাঁড়িয়ে আছে বলা কঠিন। আমিনিসরা যে কীর্তি  
রেখে গেছে তার সামান্য ভগ্নাংশই শুধু দেখতে পাচ্ছে ওরা।

চৌরাস্তায় এক মাথায় বিরাট একটা অলঙ্কৃত কাঠামো দেখা  
যাচ্ছে, দাঁড়িয়ে আছে সারি সারি তেকোনা স্টেন্ডের উপরে।  
পাথুরে স্টেন্ডের গায়ে প্রাচীন জাহাজের বহর খোদাই করা হয়েছে,  
দেয়ালে ফুটে রয়েছে মানুষ ও পশু-পাখির ভাস্কর্য; মানুষগুলোর  
পরনের কাপড়চোপড় আর সেইন্ট পল দ্বীপে পাওয়া মমির  
পরিচ্ছদ একই।

স্তম্ভগুলোর মাঝখানে হাঁ করে আছে একটা প্রবেশপথ।  
কোথাও কোন সিঁড়ি বা মই নেই। উপরতলাগুলোয় যেতে হলে  
ক্রমশ ঢালু প্যাসেজ পেরতে হবে। বিস্ময়ে বিহুল মুরল্যাঙ  
হারানো আটলান্টিস-২

আর রানা মো কুজার থেকে নেমে স্তনগুলোকে পাশ কাটাল। মেইন চেম্বারের ভিতর ব্র্যাকেট আকৃতির পাথর দিয়ে তৈরি ছাদটাও তেকোনা। পাথর আর বরফের মেঝে। একের পর এক দেয়ালের গায়ে দৈত্যাকার কুলঙ্গি দেখা যাচ্ছে। কোনটায় ঠাই পেয়েছে আমিনিস রাজারানীর পাথরে গড়া ভাস্কর্য; কোথাও গোল চোখ আর সরু মুখ নিয়ে শক্তিশালী অচেনা কোন প্রাণী। মেঝেতে পড়ে রয়েছে পাথর কেটে তৈরি করা মানুষের আবক্ষ মূর্তি। নারী আর পুরুষরা মেঝে থেকে মুখ তুলে তাকিয়ে আছে পাথুরে দেয়ালের দিকে। সেখানে প্রাচীন লিপি খোদাই করা রয়েছে।

প্রকাণ্ড চেম্বারের মাঝখানে পাথর দিয়ে তৈরি করা হয়েছে বিরাট একটা জাহাজ, সেটাকে রাখা হয়েছে উঁচু প্ল্যাটফর্মের উপর; বৈঠা, পাল, মাঝি-মাল্লা সহ নয় হাজার বছর আগে এত নিখুঁত শিল্প সৃষ্টি সম্ভব হয়েছে, অনেক শিক্ষিত মানুষকেও এটা বোধহয় বিশ্বাস করানো যাবে না।

‘একটা আইডিয়া দাও,’ বঙ্গুকে ধরল মুরল্যাঙ্ক, এত নিচু গলায় কথা বলছে যেন একটা মসজিদের ভিতর রয়েছে সে। ‘এটা কি তাদের সৈশ্বরের ঘর ছিল?’

‘বোধহয় সমাধি বা তীর্থস্থান,’ বলল রানা, ইঙিতে মেঝে থেকে বেরণ্নো মাথাগুলো দেখাল। ‘যেন স্মৃতিরক্ষার চেষ্টা করা হয়েছে; নিশ্চয় শ্রদ্ধেয় মানুষ ছিলেন তাঁরা, তাঁদের সঙ্গে আরও ছিল প্রাচীন সাগরে হারিয়ে যাওয়া লোকজন।’

‘ধূমকেতুর আঘাতে ছাদটা ভেঙে পড়েনি কেন?’

‘আমিনিসদের স্থপতিরা অসাধারণ দক্ষতা অর্জন করেছিল। সমৃদ্ধ একটা সংস্কৃতি সব বিষয়েই উন্নত হয়।’

জানালাবিহীন কয়েকটা করিডর দেখল ওরা, দেয়ালগুলোয় সাগরের দৃশ্য পেইন্ট করা হয়েছে। শান্ত পানি দিয়ে শুরু, তারপর বড় বড় চেউ, সবশেষে হারিকেনের উন্মুক্ততা ফুটিয়ে

তোলা হয়েছে পাথুরে তটরেখা বরাবর। আধুনিক মানুষ ঈশ্বরের খোঁজে যদি আকাশের দিকে তাকায়, আমিনিসরা তাকাত সাগরের দিকে। তাদের দেব-দেবী ছিল নর আর নারী, কল্পিত ঈশ্বর বা তার অন্য কোন রকম সংস্করণ নয়।

‘বহুকাল আগে হারিয়ে যাওয়া একটা জাতি, যারা দুনিয়াটাকে আবিষ্কার করেছিল,’ দার্শনিকসুলভ গাণ্ডীর্যের সুরে বলল মুরল্যাঙ্ক। ‘অথচ আশপাশে কোথাও একটা আটিফ্যাক্ট পড়ে নেই। এখানে যারা বসবাস করত তাদেরও কোন নমুনা দেখতে পাচ্ছ না।’

বরফ কেটে তৈরি করা সরু প্যাসেজের একটা নেটওর্ক দেখাল রানা। ‘নার্সিরা সরিয়ে নিয়ে গেছে সব। ওরাই তো আবিষ্কার করে প্রাচীন এই সভ্যতা। সবই তুমি পাবে উলরিখ হারমানের মিউজিয়ামে।’

‘তবে দেখে মনে হচ্ছে শহরটার শতকরা দশ ভাগের বেশি খোঁড়েনি ওরা।’

‘জরুরি আরও অনেক কাজে ব্যস্ত থাকতে হয়েছে ওদেরকে,’ বিদ্রূপের সুরে বলল রানা। ‘যেমন, বিভিন্ন দেশ থেকে লুঠ করা ট্রেজার আর প্রাচীন নির্দশন লুকানো, লবণাক্ত পানি থেকে সোনা বের করা, সাতশো কোটি মানুষকে কীভাবে মারা যায়...’

‘দুঃখ লাগছে, হাতে সময় নেই যে জায়গাটা ঘুরেফিরে দেখব।’

‘হ্যাঁ,’ ঘোর লাগা ভাবটা মাথা আর কাঁধ ঝাঁকিয়ে ঘেড়ে ফেলতে চেষ্টা করল রানা, ‘সত্যিই সময় নেই। আর মাত্র পঁচিশ মিনিটের মধ্যে কন্ট্রোল সেন্টারটা খুঁজে বের করতে হবে আমাদের।’

অনিচ্ছাসত্ত্বেও চৌরাস্তায় ফিরে এসে স্নো ক্রুজারে ঢড়ল ওরা, স্নো ক্যাটের রেখে যাওয়া চাকার দাগ অনুসরণ করে পিছনে ফেলল আমিনিসদের সমাধি, তারপর একটা টানেলে ঢুকল।

মাইনিং কমপাউন্ড কাছে চলে আসছে ধরে নিয়ে অটোমেটিক রাইফেলের মাজল ভাঙা উইভশিল্ডের বাইরে বের করে দিল ঘুরল্যান্ড।

টানেল ধরে এক মাইল এগোবার পর একটা বাঁক ঘুরল ওরা, দেখল উল্টোদিক থেকে একটা ইলেকট্রিক অটো আসছে। কালো ইউনিফর্ম পরা তিনজন সিকিউরিটি গার্ড রয়েছে ওটায়, কিন্তুতকিমাকার স্নো ক্রুজারকে দেখে ভ্যাবাচাকা খেয়ে গেল। ভয় পেয়ে অকস্মাৎ ব্রেক কষল ড্রাইভার। স্পিড কমল না, বরফে পিছলাচ্ছে চাকাগুলো। অপর দুই গার্ড আত্মরক্ষার তাগিদে লাফ দিল অটো থেকে।

কর্কশ ধাতব সংঘর্ষের আওয়াজ ওদের কানের পরদা ফাটিয়ে দেওয়ার উপক্রম করল। স্নো ক্রুজারের ধাক্কা খেয়ে ইলেকট্রিক অটো প্রথমে থামল, তারপর পিছু হটল, সবশেষে পিছন দিকে ডিগবাজি খেতে শুরু করল, চিড়ে চ্যাপ্টা কাঠামোর ভিতর লাশ হয়ে গেছে ড্রাইভার। বাকি দুই আরোহীকে টানেলের দেয়ালের সঙে পিষে মারল স্নো ক্রুজারের দৈত্যাকার চাকাগুলো।

টানেল ধরে আরও দুশো গজ এগোল ওরা। লাল কাভারঅল পর্বা একদল শ্রমিককে দেখা গেল ফ্ল্যাটবেড কার দিয়ে তৈরি একটা ট্রেনে কাঠের বাস্তু তুলছে, ট্রেনটা জোড়া লাগানো রয়েছে একটা বড় আকারের স্নো ক্যাটের সঙে। বাস্তুগুলো ফর্ক লিফটের সাহায্যে ইস্পাতের একটা বিরাট দরজার ভিতর থেকে বের করা হচ্ছে। দরজার মাউন্টিং বোল্টগুলো বরফের ভিতর শক্তভাবে গাঁথা। এ-ধরনের মজবুত দরজা ব্যাকের ভল্টেই শুধু দেখা যায়। ভিতরে বিশাল গুহার মত একটা চেম্বার।

পরিত্যক্ত একটা টানেলের ভিতর থেকে অতিকায় জন্মের মত স্নো ক্রুজারকে এগিয়ে আসতে দেখল পাহারায় দাঁড়ানো দুজন গার্ড। জ্ঞান হারাবার অবস্থা হলো তাদের। হেডলাইটের আলো

নড়াচড়ার সমস্ত শক্তি যেন কেড়ে নিয়েছে।

ভাঙা উইভশিল্ড দিয়ে ফর্ক লিফটে একপশলা গুলি করল  
মুরল্যাভ। এতক্ষণে শ্রমিক আর সিকিউরিটি গার্ডরা চমকে উঠল,  
তারপর যান্ত্রিক দানবের কবল থেকে বাঁচার জন্য ছুটে ঢুকে  
পড়ল চেম্বারের ভিতর।

‘দরজাটা!’ চেঁচিয়ে উঠল রানা, চাপ দিল ব্রেকে।

মুরল্যাভ কোন প্রশ্ন তুলল না বা সায়ও দিল না, সে যেন  
রানার মন বুঝতে পেরে স্নো ক্রুজার থেকে লাফ দিয়ে ইস্পাতের  
দরজা লক্ষ্য করে ছুটল।

তাকে কান্তার দেওয়ার জন্য চেম্বারের দোরগোড়ার দিকে  
কোল্ট .45 থেকে কয়েক রাউন্ড গুলি করল রানা।

অসম্ভব ভারী বলে মনে হলেও একটু ঠেলতেই বন্ধ হয়ে গেল  
কবাট। তারপর লকিং হাইল ঘোরাল মুরল্যাভ, যতক্ষণ না  
বারগুলো সকেটে ঢুকল। ফর্কলিফটে একটা চেইন পেল সে,  
হাইলের সঙ্গে জড়াল সেটাকে, শেষ মাথাটা আটকাল বাক্সার্ভিং  
ফ্ল্যাটবেড কারের একটা চাকার সঙ্গে। ডেস্টিনির সিকিউরিটি  
গার্ড আর শ্রমিকরা এখন চেম্বারের ভিতর বন্দী, দ্রুত পালাবার  
কোন সুযোগ নেই তাদের।

‘ভাবছি বাক্সগুলোয় কী থাকতে পারে,’ কন্ট্রোল ক্যাবে  
ডোকার সময় বলল মুরল্যাভ।

‘আমিনিস শহরের আর্টিফিয়েল্ট, আমার ধারণা,’ স্নো ক্রুজার  
ছেড়ে দিল রানা, ধীরে ধীরে টপ স্পিড তুলছে।

হঠাতে টানেলের তীক্ষ্ণ একটা বাঁক ঘোরার পরেই ডেস্টিনি  
এন্টারপ্রাইজেসের হ্যাঙারে ঢুকে পড়ল স্নো ক্রুজার। গ্যাস  
পেডাল থেকে পা না তুলে হ্যাঙারের মাঝখানে দাঁড়িয়ে থাকা  
একজোড়া এয়ারবাস A340-300 প্যাসেঞ্জার অ্যান্ড কার্গো  
প্লেনের উপর চোখ বুলাল রানা। প্রথম প্লেনটার কার্গো ডোরের  
নীচে একটা ফ্ল্যাটবেড কারের ট্রেন দেখা যাচ্ছে, সেটা থেকে

কনভেয়র বেল্টের সাহায্যে ফিউজিলাজে ছুকছে এরইমধ্যে পরিচিত হয়ে ওঠা কাঠের বাক্সগুলো। দ্বিতীয় প্লেনে উঠছে ডেস্টিনি এন্টারপ্রাইজেসের ইঞ্জিনিয়ার আর শ্রমিকরা। সন্দেহ নেই কার্গো আর আরোহীদের দৈত্যকার জাহাজে তোলার জন্য পাঠানো হচ্ছে। হ্যাঙ্গারের এক ধারে দাঁড়িয়ে রয়েছে ঝকঝকে একটা এগজেকিউটিভ জেট প্লেন, ব্যস্ততার সঙ্গে রিফুয়েলিংরে কাজ চলছে সেটায়।

কোথাও কোন সিকিউরিটি গার্ড না দেখে সামান্য স্বস্তি বোধ করল রানা। ‘এখন কী করা উচিত?’ জিজ্ঞেস করল ও।

‘আবার জিগায়!'- সকৌতুকে বলল মুরল্যান্ড, রানার পায়ের আড়ষ্ট হয়ে ওঠা দেখে ফেলেছে, জানে অ্যাকসেলারেটর পেডাল মেঝের সঙ্গে চেপে ধরতে যাচ্ছে ও।

অকশ্মাত স্নো ক্রুজারকে এভাবে ছুটে আসতে দেখে হ্যাঙ্গারে উপস্থিত লোকজন নির্ভেজাল বিস্ময়ে নিষ্প্রাণ মৃত্তিতে পরিণত হয়েছে। তারপর তাদেরকে পেয়ে বসল ঠাণ্ডা ভয়।

কোন পথ ধরে স্নো ক্রুজারকে চালালে দ্রুত বেশি কাজ হবে সেটা ঠিক করতে মাত্র তিন সেকেন্ড সময় নিল রানা। সামান্য একটু দিক বদলে প্রথম এয়ারবাসটাকে লক্ষ্য করে ছুটল ওরা। সেটা মেঝে থেকে একটু উপরে দাঁড়িয়ে আছে, তবে এত উপরে নয় যে স্নো ক্রুজারের ফেন্ডার নাগাল পাবে না। কন্ট্রোল কেবিনের সাইড উইডোর নীচের কোণা প্লেনের পোর্ট উইং-এ আঘাত করল। ডানার ডগা বিচ্ছিন্ন হয়ে ছিটকে পড়ল বরফের মেঝেতে।

বেশ কিছু দূর সামনে ছুটে গিয়ে নব্রুই ডিগ্রি বাঁক ঘূরছে স্নো ক্রুজার। কার্গো লোডার আর এয়ারক্রাফট মেইন্টেনান্স ক্রুরা যে যেদিকে পারে ছুটে পালাচ্ছে।

ফিরে এসে দ্বিতীয় এয়ারবাসের আউটার উইং ভেঙে ফেলল স্নো ক্রুজার। এবার ফিউজিলাজের ভিতর খানিকটা সেঁধিয়ে গেল

ওটার নাক। ব্যাক গিয়ার দিয়ে পিছু হটল রানা, নাকটা ছাড়িয়ে নিয়ে দিক বদল করল, এবার ছুটছে এগজেকিউটিভ জেটকে লক্ষ্য করে।

‘তোমার সঙ্গে ঠাট্টা চলে না, কী বলো?’ সহাস্যে প্রশ্ন করল মুরল্যান্ড। ‘কেউ টিলটি মারলে তাকে পাটকেলটি খেতে হয়?’

‘শোনো!’ দাঁতে দাঁত চেপে বলল রানা। ‘কেউ যদি দুনিয়ায় গজব ডেকে আনার ব্যবস্থা পাকা করে ফেলে থাকে, এখানে বসে তাদেরকেও সবার সঙ্গে ভুগতে হবে।’

রানার মুখ থেকে কথাগুলো বেরিয়েছে কি বেরোয়নি, তোবড়ান স্নো ক্রুজার হিউগো হারমানের উঁচু প্রাইভেট প্লেনে প্রচণ্ড গুঁতো মারল। খাড়া আর আড়াআড়ি, দুটো স্ট্যাবিলাইজারই ভেঙ্গে গেল, ওগুলো যেন একটা মডেল প্লেনের লেজ ছিল। ফিউজিলাজ প্রায় নিখুঁতভাবে দু'ভাগ হয়ে গেছে। ঢলে পড়ল গোটা কাঠামো, ডানা আর মুখ উপরদিকে তাক করা, যেন টেকঅফ করতে চায়।

মুঞ্ছ হয়ে মাথা নাড়ে মুরল্যান্ড, প্রশংসার সুরে বলল, ‘যেখানে যাবে সেখানেই যদি এরকম ভাঙ্চুর করতে থাকো, কেউ তোমাকে আর দাওয়াত দেবে না।’

বক্সুর দিকে ফিরল রানা, মুখে চওড়া হাসি। ‘তুমি যখন কৌতুক করো, সময় যেন দৌড় দেয়।’

মুখ তুলে তাকাতে ভাঙ্গা রিয়ার ভিউ মিররে হঠাতে একটা স্নো ক্যাটকে দেখতে পেল রানা। খুব যে একটা উদ্বিগ্ন হলো ও, তা নয়। স্নো ক্রুজারের স্পিড ওর চেয়ে ঘণ্টায় পাঁচ কি ছয় মাইল বেশি।

যন্ত্রদানবটাকে টানেলের ভিতর দিয়ে ছোটাল রানা, স্নো ক্যাটের সিকিউরিটি গার্ডের কাছ থেকে যতটা সম্ভব এগিয়ে থাকতে চাইছে। টানেল ক্রমশ বাঁকা হয়ে গেল, গুলির রেখা স্নো হারানো আটলান্টিস-২

কুজারকে ছোবে না আপাতত। দুটো ভেহিকেলের দূরত্ব আরও বাড়িয়ে নেওয়ার চেষ্টা করছে ও।

টানেল আবার সোজা হলো, তবে স্নো ক্যাটটাকে পিছনে এখনও দেখা যাচ্ছে না।

‘ওরা কেটে পড়ল নাকি?’ জিজ্ঞেস করল মুরল্যাঙ্ক।

‘আরে না,’ রানা শান্ত। ‘খোলা জায়গায় বেরই, তারপর প্রতিযোগিগতাটা জমবে।’

পাঁচ মিনিট পর আরও এক প্রস্থ বাঁকা পথ পিছনে ফেলে এল স্নো কুজার। পরিত্যক্ত ইকুইপমেন্টকে পাশ কাটাচ্ছে। বেশ কিছু খোলা দরজা দেখা গেল, ওগুলো খালি করা স্টোর রুম। আরও দু'মিনিট পর সগর্জনে খোলা নীল আকাশের নীচে বেরিয়ে এল স্নো কুজার, মেইন কম্পাউন্ডের মাঝখান থেকে মাত্র আধ মাইল দূরে।

অবশেষে নিজেদের গন্তব্যে পৌছেছে ওরা। এই প্রথম দেখছে ডেস্টিনি এন্টারপ্রাইজেসের মাইনিং ফ্যাসিলিটি। কম্পাউন্ডের একটা টানেল দিয়ে বেরিয়েছে রানা। অন্যান্য আইস স্টেশন বেশিরভাগই বরফ আর তুষারের নীচে চাপা থাকে, হিউগো হারমানরা তাদের দালান আর রাস্তা পরিষ্কার করে রেখেছে। দুটো বড় কাঠামোকে ঘিরে ছোট ভবনগুলো বৃত্তাকারে দাঁড়িয়ে আছে; দুটোর একটা হলো কন্ট্রোল কেবিন, আরেকটা ইলেক্ট্র্যাকশন প্লান্ট।

হিম বাতাসকে অকস্মাত ছিঁড়ে ফেলল বজ্রপাতের মত গুলির আওয়াজ, সেই সঙ্গে কয়েকটা ভবন থেকে বিস্ফোরিত হলো আগনের শিখা, কুণ্ডলী পাকিয়ে উপরে উঠে যাচ্ছে কালো ধোঁয়া। একের পর এক গ্রেনেডের বিস্ফোরণ আবর্জনা ছুঁড়ে দিচ্ছে আকাশে, একই সঙ্গে শোনা যাচ্ছে অটোমেটিক রাইফেলের তাঁক্ক আওয়াজ। রাস্তায় লাশ পড়ে থাকতে দেখা গেল, সাদা বরফের উপর রক্তে ভেসে যাচ্ছে। বেশিরভাগ লাশের পরনে সাদা

ক্যামেফুজ ফেটিগ ।

‘এ তো দেখছি,’ গন্তীর সুরে বলল রানা, ‘আমাদেরকে ছাড়াই শুরু হয়ে গেছে বলডান্স ।’

## পনেরো

সি-১৭ থেকে পঁয়ষ্টিজন জ্যাম্প করেছিল। আকাশে থাকতেই খোঁজ পাওয়া যায়নি একজনের।

চৌষট্টিজনের মধ্যে বেঁচে আছে মাত্র ছাবিশজন, তাদের মধ্যে আরও অন্তত সাতজন আহত। টিম লিডার মেজর কোহেন নিজেও হাতে গুলি খেয়েছে, শ্র্যাপনেল চিরে দিয়ে গেছে তার চিরুক। তবে যারা বেঁচে আছে তারা বেপরোয়া, এখনও পাল্টা গুলি করে টিকিয়ে রেখেছে যুদ্ধটা। সবাই জানে পরাজয় আর মৃত্যু খুব বেশি দূরে নয়।

এই সময় হঠাত সিকিউরিটি গার্ডরা বন্ধ করল ফায়ারিং খানিক পর কোহেনও নিজের লোকদের গুলি চালাতে নিষেধ করল, তাবছে ডেস্টিনি এন্টারপ্রাইজেস নতুন কী চাল দেয়

ফ্যাসিলিটির চারদিকের দালানে ফিট করা লাউড স্পিকার থেকে মার্জিত, পরিশীলিত একটা কঠস্বর ভেসে এল। ‘একটি ঘোষণা!’ গমগম করে উঠল সেই কঠস্বর, রাস্তায় রাস্তায় প্রতিধ্বনি তুলল, এমনকী অ্যাসল্ট টিমের মাইক্রোফোনের মাধ্যমে রিলে হয়ে পৌছে গেল ওয়াশিংটনেও।

‘দয়া করে আমার কথা মন দিয়ে শুনুন। আমি কার্ট মার্শাল হারানো আটলান্টিস-২

আমেরিকান অ্যাসল্ট টিমকে অভিনন্দন জানাই, যারা ডেসচিনি এন্টারপ্রাইজেসের মাইনিং ফ্যাসিলিটিতে অনুপ্রবেশ করার চেষ্টা করছে। ইতিমধ্যে নিশ্চয়ই বুঝতে পেরেছ যে তোমাদেরকে আমরা ঘিরে ফেলেছি, অর্ধেকেরও বেশি মেরে ফেলেছি, পালাবার কোনও পথও খোলা রাখিনি। আরও রক্ষণাত্মক কোন অর্থ হয় না। আমার পরামর্শ হলো অন্ত সংবরণ করে আইস শেলফে ফিরে যাও তোমরা, নিজেদের লোকেরাই ওখান থেকে সরিয়ে নিয়ে যাবে তোমাদেরকে। নিহত আর আহতদের সঙ্গে করে 'নিয়ে যেতে পারবে তোমরা। এই প্রস্তাব যদি ষাট সেকেন্ডের মধ্যে মেনে না নাও, সবাই তোমরা মারা পড়বে। এখন তোমাদের ইচ্ছ-'

মেজের কোহেন পরাজয় স্বীকার করতে রাজি নয়। অ্যাসল্ট টিমের বাকি সবাই তার সঙ্গে একমত। তারা জানে এই মুহূর্তে এখানে যদি তারা মারা না-ও যায়, পৃথিবী উন্মাদ হয়ে উঠলে নির্ধাত মরতে হবে। গভীর সংশয় নিয়ে নিজের লোকদের জড়ো করল মেজের কোহেন, অবশিষ্ট দুটো স্নো ক্যাটকে লক্ষ্য করে শেষ একটা হামলা চালিয়ে দেখতে চায় কী আছে ভাগ্যে।

এই সময়, সাময়িক সিজফায়ারের নীরবতার মধ্যে, কার হন্দ বেজে ওঠার মত একটা আওয়াজ ভেসে এল দূর থেকে। একটু পর জোরাল হয়ে উঠল সেটা, রণক্ষেত্রের প্রতিটি মাথা ঘুরে গেল, তাকিয়ে আছে অবাক হয়ে।

তারপর জবড়জং জিনিসটাকে দেখা গেল-এগিয়ে আসছে ওদের দিকে।

'ঘটছেটা কী?' পুরুষালি গুঞ্জনকে চাপা দিয়ে বিস্ফোরিত হলো লরেলির তীক্ষ্ণ কণ্ঠস্বর। স্পিকার থেকেও বহু মানুষের চাপা হইচই ভেসে আসছে।

হোয়াইট হাউস আর পেন্টাগন ও অরুণমে উপস্থিত সবার

দৃষ্টি আপনাআপনি মনিটরে উঠে গেছে। ফ্যাসিলিটির ফটো দেখা যাচ্ছে ওগুলোয়। দীর্ঘ কয়েক মুহূর্ত স্তম্ভিত হয়ে থাকলেন সবাই, কমিউনিকেশন স্পিকারে যা শুনছেন বিশ্বাস করতে পারছেন না।

‘মাই গড়! ’ যেন বিষম খেলেন অ্যাডমিরাল জন হ্যাকেট।

‘কেউ বলবেন, কী হচ্ছে ওখানে? ’ ভারী গলায় জবাব চাইলেন প্রেসিডেন্ট ব্রাউন।

‘আমার কোনও ধারণা নেই, মিস্টার প্রেসিডেন্ট,’ বিড় বিড় করলেন জেনারেল গ্রাফটন, স্পেশাল ফোর্স টিমের সদস্যরা প্রলাপ বকার মত পরস্পরের উদ্দেশে চিৎকার করে কী বলছে বুঝতে পারছেন না তিনি। ‘আমার সত্যিই কোনও ধারণা নেই।’

সম্মোহিত হয়ে পড়েছে মেজর কোহেন। প্রকাও একটা যন্ত্রদানব দুটো আর্মারড স্মো ক্যাটকে আক্ষরিক অর্থেই চিঁড়ে-চ্যাপ্টা করে দিয়েছে। গার্ডরা ছিটকে পড়ল বরফের উপর। সিধে হয়ে দৌড়ে পালাবে, সে সুযোগও পেল না তারা, তার আগেই অমোघ নিয়তির মত তাদের গুয়ের উপর উঠে এল স্মো ত্রুজারের দৈত্যকার চাকা।

স্মো ত্রুজার থামছে না। এক গুঁতোয় ব্যারিকেডটা ভেঙে ফেলল, ওটা যেন পাটখড়ির তৈরি ভঙ্গুর একটা বেড়া ছিল। সিকিউরিটি গার্ডরা বাধা দেবে কি, বিস্ময়ের ঘোরই তাদের কাটছে না। তারপর যখন সম্মিত ফিরল, যে যেদিকে পারে ওটার পথ ছেড়ে দিয়ে ছিটকে দূরে সরে গেল।

স্মো ত্রুজার এই মুহূর্তে একটা এক্সপ্রেস ট্রেন। সরাসরি কন্ট্রোল সেন্টার লক্ষ্য করে ছুটছে।

মেজর কোহেনের চোখের সামনে থেকে যেন একটা পরদা সরে গেল, হঠাৎ সে উপলব্ধি করল-মেশিনটাকে ধন্যবাদ, যুক্তে তারা জিততে যাচ্ছে!

তবে ব্যাপারটা অত সহজ হলো না। সিকিউরিটি গার্ডদের হারানো আটলান্টিস-২

বিজার্ভ একটা টিম, সংখ্যায় ত্রিশজনের কম নয়, কন্ট্রোল সেন্টারের সামনে পজিশন নিয়ে স্নো ক্রুজারকে লক্ষ্য করে অটোমেটিক রাইফেল থেকে ফায়ার শুরু করল।

ঝাঁক ঝাঁক বুলেটের টেউ একের পর এক আঘাত করছে লাল শরীর আর দৈত্যাকার টায়ারে, ছিন্নভিন্ন করে ফেলছে মেটাল আর রাবার। অথচ তারপরও থামার কোন লক্ষণ নেই দানবটার। ছাদের উপর থেকে এখনও একঘেয়ে সুরে বেজে চলেছে হন্টা। কন্ট্রোল কেবিনের প্রতি ইঞ্জিন কাঁচ গুলি করে ফেলে দেওয়া হয়েছে, তারপরও ড্রাইভার আর প্যাসেঙ্গার সিকিউরিটি গার্ডের লক্ষ্য করে অনবরত গুলি করে যাচ্ছে।

নির্দয় দানবিক প্রচণ্ডতা নিয়ে কন্ট্রোল সেন্টারে ধাক্কা মারল স্নো ক্রুজার, ঘণ্টায় বিশ মাইল গতিতে ত্রিশ টন ভার চাপিয়ে দিল প্রবেশ পথকে ঘিরে থাকা ইস্পাতের দেয়াল আর চারপাশের ছাদের উপর।

সংঘর্ষের ফলে প্রথমেই রানা আর মুরল্যান্ডের মাথার উপরকার ছাদটা উড়ে গেল। যন্ত্রদানবের মুখ সব কিছু ভেঙেচুরে সেঁধিয়ে যাচ্ছে কন্ট্রোল রুমে। কর্কশ ধাতব কক্ষানিতে কান পাতা দায়। ইস্পাত ছিঁড়ল, মোচড় খেয়ে ঝাঁক হলো। বিস্ফোরিত হলো ইলেক্ট্রনিক ইকুইপমেন্ট, ওয়্যারিং, অফিস ফার্নিচার আর কমপিউটার সিস্টেম।

স্নো ক্রুজারের অন্তিম দশা উপস্থিতি। সারা গায়ে অসংখ্য বুলেটের জখম, কন্ট্রোল কেবিন ভেঙে একাকার, বিরাট চাকাগুলো ছিঁড়ে ফালি ফালি। একটা দেয়ালে বাড়ি খেয়ে দাঁড়িয়ে পড়ল ওটা।

সম্পূর্ণ অবশ হয়ে দাঁড়িয়ে আছে কার্ট মার্শাল। হঠাতে কোথেকে অতিকায় রাক্ষসের মত লাল একটা যন্ত্র ছুটে এসে মাত্র দুই মিনিটের মধ্যে যুদ্ধের মোড় উল্টোদিকে ঘূরিয়ে দিয়েছে অবশিষ্ট

দুটো স্নো ক্যাট সহ আরোহী অন্তত বিশ্জন সৈন্যকে চাপা দিয়েছে ওটা। দেখেও বিশ্বাস হচ্ছে না এ-সব তার চোখের সামনে ঘটছে। হঠাত ঘোরটা কেটে যেতেই আতঙ্কে দিশেহারা বোধ করল সে, ছুটে গিয়ে একটা স্নোমোবাইলে চড়ল, স্টার্ট দিয়ে সিধে এয়ারপোর্ট হ্যাঙ্গারের দিকে পালাচ্ছে।

এমনিতেই স্নো ক্রুজারের মাঝ থেয়ে কাহিল হয়ে পড়েছিল, লিডারকে হারিয়ে আতঙ্কিত সিকিউরিটি গার্ডরা এবার মাথার উপর হাত তুলে আড়াল থেকে বেরিয়ে আসতে শুরু করল। হঠাত কবরের মত শান্ত হয়ে গেল রণক্ষেত্র।

কন্ট্রোল রুমটাকে চেনার উপায় নেই। উপড়ানো গাছের মত, ঊচু ভিত থেকে তুলে কনসোলগুলোকে ছুঁড়ে দেওয়া হয়েছে দেয়ালের গায়ে। ডেক্স, শেলফ আর কেবিনেটের সমস্ত জিনিস-পত্র ছড়িয়ে রয়েছে মেঝেতে। টেবিল-চেয়ার ভেঙ্গেচুরে, দুমড়েমুচড়ে একাকার। মাউন্টিং থেকে বাঁকা<sup>“</sup> হয়ে ঝুলছে মনিটরগুলো। এ-সবের মধ্যে প্রকাণ্ড একটা ডায়নোসরের মত, গায়ে এক হাজার বুলেটের ক্ষত নিয়ে চুপচাপ বসে আছে স্নো ক্রুজার।

দরজাটা ভেঙে পড়েছে, স্নো ক্রুজার থেকে বেরিয়ে এসে সেটার উপর দাঁড়াল রানা। ওরা যে বেঁচে আছে এটা স্ফ্রেফ একটা মিরাকল। বুলেট ওদের কাপড়চোপড় ছিঁড়ে ফেলেছে। রানার বাম বাহুর খানিকটা মাংস উড়ে গেছে। মুরল্যান্ডের খুলির ক্ষতটা গভীর নয়, তবে এখনও সেটা থেকে রক্ত বেরংছে।

কন্ট্রোল রুমের চারধারে চোখ বুলিয়ে লাশ খুঁজছে রানা। কিন্তু এখানে কোন লাশ নেই। ইঞ্জিনিয়ার আর বিজ্ঞানীরা আগেই চলে গেছে হ্যাঙ্গারের উদ্দেশে।

রানার পাশে চলে এসে মৃদুকণ্ঠে জানতে চাইল মুরল্যান্ড। ‘ঘড়ি কি এখনও টিক-টিক করছে?’

‘আমাৰ তা মনে হয় না।’ ইঙিতে ভাঙাচোৱা একটা ডিজিটাল ক্লক দেখাল রানা, আবৰ্জনাৰ মাৰখানে পড়ে রয়েছে। ঘড়িটাৰ সংখ্যাগুলোৱ দিকে হাত তুলল ও। দশ মিনিট বিশ সেকেন্ডে স্থিৰ হয়ে আছে। ‘সমস্ত কমপিউটাৰ আৱ ইলেকট্ৰনিক সিস্টেম ধৰণ কৱে দিয়ে কাউন্টডাউন সিকোয়েন্স থামিয়ে দিয়েছি আমৰা।’

‘অৰ্থাৎ কোনও আইস শেলফ বিছিন্ন হয়ে সাগৱেৱ দিকে ভেসে যাচ্ছে না?’

রানা শুধু মাথা নাড়ল।

‘সভ্যতা শেষ হয়ে যায়নি?’

‘সভ্যতা শেষ হয়ে যায়নি,’ প্ৰতিধ্বনি তুলল রানা।

‘আমাদেৱ কাজও তা হলে শেষ,’ বিড়বিড় কৱে বলল মুৱল্যান্ড, বিশ্বাস কৱতে কষ্ট হচ্ছে তাৱ-যা কিনা কলোৱাড়োৱ খনিতে শুৱ হয়েছিল, অবশেষে তাৱ পৱিসমাপ্তি ঘটল অ্যান্টাৰ্কটিকাৱ একটা বিধৰস্ত কামৱাৰ ভিতৱ।

‘প্ৰায় শেষ,’ শুধৱে দিয়ে বলল রানা, হেলান দিল আহত স্নো ক্ৰুজাৱেৱ গায়ে। ‘এখনও কিছু আলগা সুতো আছে, বাঁধতে হবে ওগুলো।’

মুৱল্যান্ড এমন দৃষ্টিতে তাকিয়ে আছে, যেন এই জগতেৱ লোক নয় সে।

‘দশ মিনিট বিশ সেকেন্ড,’ ধীৱে ধীৱে বলল সে। ‘এ কি সম্ভব, পৃথিবী ধৰণসেৱ এতটা কাছে চলে এসেছিল?’

‘বোধহয়। সত্যিই কি ওটা পৃথিবীকে কয়েক হাজাৱ বছৱেৱ জন্যে বদলে দিত? ভৱসাৱ কথা হলো, কোনদিন আমৰা সেটা জানতে পাৱব না।’

‘এক চুল নড়বেন না ‘কেউ।’ কঠিন নিৰ্দেশ ভেসে এল।

সাদা ফেটিগ পৱা মেজৰ কোহেন হেঁটে এসে ওদেৱ সামনে দাঁড়াল, সঙ্গে বিশ-বাইশজন সৈনিক। তাৱ বিশ্বাস হচ্ছে না

সিভিলিয়ান এই দুই চরিত্র যুক্তের মোড় তাদের অনুকূলে ঘুরিয়ে দিয়েছে।

‘কান চুলকাতে পারি?’ মুচকি হেসে তাকে জিজ্ঞেস করল মুরল্যান্ড।

‘কোথেকে আসছেন আপনারা?’ জানতে চাইল মেজর কোহেন। ‘পরিচয় কী? এখানে কী করছেন?’ তার নিজের কানেই হাস্যকর লাগছে প্রশ্নগুলো।

‘আমি মাসুদ রানা। ও আমার বন্ধু ববি মুরল্যান্ড,’ বলল রানা। ‘আমরা নুমার স্পেশাল প্রজেক্টে আছি। আপনারা?’

পাঁচ মিনিট পর। নিজের রুঢ় আচরণের জন্য ক্ষমা চেয়ে নিয়ে রানা আর মুরল্যান্ডের প্রশংসায় উচ্ছ্বসিত হয়ে উঠল মেজর কোহেন। তারপর জানতে চাইল সে, ‘সত্যি কি আপনারা ওদের ষড়যন্ত্র বানচাল করে দিয়েছেন? কাউন্টডাউন থেমে গেছে?’

‘চারদিকে চোখ বুলিয়ে দেখতে পাচ্ছেন না?’ জবাব দিল রানা। ‘সমস্ত ইলেকট্রনিক ফাংশন থেমে গেছে। বরফ কাটার মেশিন অ্যাকটিভেট করবে যে ইলেকট্রনিক কমান্ড, সেটা পাঠানোই সম্ভব হয়নি।’

‘থ্যাঙ্ক গড়!’ হাঁফ ছাড়ল মেজর ‘এই দৈত্যটাকে কোথায় পেলেন আপনারা?’ স্মো ক্রুজারের দিকে তাকাল সে।

‘সে আরেক গল্প।’

‘শক্ররা কোথায়? মূল হোতারা?’ জানতে চাইল কোহেন।

‘চিন্তা করবেন না,’ আশ্঵স্ত করল রানা। ‘কেউ তারা পালাতে পারবে না। এখানে আসার পথে তাদের সমস্ত ফ্লাইট বাতিল করে দিয়ে এসেছি আমরা।’

আইস শেলফ ডিটাচমেন্ট সিস্টেম ধ্বংস করে দেওয়া হয়েছে, মেজর কোহেনের এই রিপোর্ট শুনে পেন্টাগন আর হোয়াইট হাউসের ওঅররুমে উল্লাসে চেঁচিয়ে উঠলেন সবাই। আবেগ আর

উক্তেজনা চেপে রাখতে না পেরে ছোঁ দিয়ে ফোনটা নিয়ে তীক্ষ্ণ কঠে বললেন প্রেসিডেন্ট ব্রাউন, ‘মেজের কোহেন, আমি প্রেসিডেন্ট বলছি। আমার কথা শুনতে পাচ্ছেন আপনি?’

এক মুহূর্ত শব্দজট ছাড়া কিছুই শোনা গেল না, তারপর ভেসে এল মেজের কোহেনের জবাব। ‘জী, মিস্টার প্রেসিডেন্ট, আপনার কথা পরিষ্কার শুনতে পাচ্ছি আমি।’

‘এতক্ষণ কমিউনিকেশনটা ওয়ান-ওয়ে ছিল,’ বললেন প্রেসিডেন্ট। ‘এবার বোধহয় সময় হয়েছে আমাদের কিছু প্রশ্নের জবাব দেয়ার।’

‘জী, সার।’ কোহেনের বিশ্বাস করতে কষ্ট হচ্ছে স্বয়ং কমান্ডার-ইন-চিফের সঙ্গে কথা বলছে সে। ‘তবে আমাকে খুব তাড়াতাড়ি জবাব দিতে হবে, সার। ডেস্টিনির ইঞ্জিনিয়ার সহ কিছু কর্মকর্তাকে এখনও ঘেরাও করা বাকি।’

‘হ্যাঁ, বুঝতে পারছি। তবে, প্রিজ, বিরাট ওই মেশিনটা সম্পর্কে জানান আমাদেরকে। কোথেকে এল ওটা? কে অপারেট করল?’

দ্রুত জবাব দিল কোহেন।

শুনে হোয়াইট হাউস আর পেন্টাগনের শ্রোতাদের চক্ষু চড়ক গাছ। নুমার দুই কর্মকর্তা? মাসুদ রানা আর ববি মুরল্যান্ড?

অ্যাডমিরাল জর্জ হ্যামিলটনের দিকে তাকালেন সবাই।

কথা না বলে চুপ করে বসে আছেন তিনি। মুদু কাঁধ বাঁকালেন। তারপর থানিকটা নির্ণিষ্ঠ সুরে বললেন, ‘কী জানি, ব্যাপারটা ঠিক বুঝতে পারছি না। মাসুদ রানা হয়তো কোন কাজে গিয়েছিল ওদিকে, দেখা যাচ্ছে সঙ্গে করে বন্ধু বিবিকেও নিয়ে গেছে। উনিশশো উনচল্লিশ সালে তৈরি একটা মেশিনে চড়ে ঘাট মাইল বরফ পাড়ি দেয়া একমাত্র ওর পক্ষেই সম্ভব।’

‘আমিও এতটুকু অবাক হচ্ছি না,’ অ্যাডমিরাল থামতেই বলল কংগ্রেস সদস্যা লরেলি, উজ্জ্বল হাসিতে উদ্ভাসিত হয়ে

আছে মুখ। 'দুনিয়াকে কেউ অচল করে দেবে, আর দাঁড়িয়ে দাঁড়িয়ে সেটা দেখবে রানা, এ কোনদিন হয় নাকি!'

'কে এই লোকগুলো?' রেগেমেগে জানতে চাইলেন জেনারেল গ্রাফটোন। 'মিলিটারি অপারেশনে নুমা কী কারণে নাক গলাতে আসে? কার কাছ থেকে অনুমতি নিয়েছে ওরা?'

হেসে উঠে অ্যাডমিরাল হ্যামিলটন বললেন, 'এখানে আমরা যাকে নিয়ে আলোচনা করছি, প্রায় সময়ই সে কারও কোনও অনুমতি না নিয়ে মানুষের উপকার করে বসে। আজ সাতশো কোটি মানুষকে নিশ্চিত একটা কঠিন বিপর্যয় থেকে বাঁচিয়েছে সে। তাদের মধ্যে আপনিও একজন, জেনারেল। অনুমতি নিয়ে কাজটা করতে গেলে... অনেক দেরি হয়ে যেত না কি?'

তকটি ভাল করে শুরু হওয়ার আগেই থেমে গেল। পেন্টাগন আর হোয়াইট হাউসে উপস্থিত কারও মনেই এতটুকু সন্দেহ নেই যে রানা আর মুরল্যাঙ্ক নাক না গলালে ডেসটিনি এন্টারপ্রাইজেস নির্ঘাত দুনিয়ার বারোটা বাজিয়ে ছাড়ত।

নিজের ভাঙা প্রাইভেট জেটটা দেখে একাধারে রাগ আর আতঙ্কে দিশেহারা বোধ করল হিউগো হারমান। দুনিয়ার বুকে শ্রেষ্ঠ মানুষদের নিয়ে আদর্শ একটা সত্যতা গড়ে তোলার প্ল্যানটা ভেস্টে যেতে বসেছে। একা শুধু সে নয়, তার ইঞ্জিনিয়ার আর বিজ্ঞানীরাও বিধ্বস্ত হ্যাঙ্গারের ভিতর অসহায় আর আতঙ্কিত মেষশাবকের মত ঘুরে বেড়াচ্ছে। তার জনামতে, আইস শেলফ ভাঙার মেকানিজম অ্যাকটিভেট হতে আর মাত্র সাড়ে তিনি মিনিট বাকি।

কার্ট মার্শাল ভুল বুঝিয়েছে হিউগোকে, বলেছে সিকিউরিটি গার্ডরা কন্ট্রোল সেন্টার রক্ষার জন্য স্পেশাল ফোর্সের সঙ্গে প্রাণপণে লড়ে যাচ্ছে। তার কোন ধারণাই নেই যে জন্মাবার আগেই মৃত্যু ঘটেছে ফোর্থ এমপায়ার-এর, সম্পূর্ণ ব্যর্থ হয়ে হারানো আটলান্টিস-২

গেছে প্রজেষ্ঠি ভ্যালহ্যালা ।

‘অথা সময় নষ্ট না করে,’ বিয়েট্রিচ বিসমার্ককে বলল হিউগো, ‘উলরিখ হারমানের সঙ্গে যোগাযোগ করো । এখানকার পরিস্থিতি ব্যাখ্যা করে ব্রায়ানকে বলো, ফুলস্পিডে এখনই একটা ব্যাকআপ জেট পাঠিয়ে দিক এখনে । নষ্ট করার মত এক মিনিটও সময় নেই আমাদের ।’

এয়ারস্ট্রিপের শেষ মাথার দিকে কন্ট্রোল রুমটা, কোন প্রশ্ন না করে সেদিকে ছুটল বিয়েট্রিচ । ওখানকার রেডিওটা অক্ষতই আছে ।

‘বিপর্যয় দেখা দেয়ার পর, প্রথম দিকে, উলরিখ হারমানে ল্যান্ড করতে পারা যাবে?’ জানতে চাইল সাসনা, চোখ-মুখ ফ্যাকাসে হয়ে আছে ।

চিফ ইঞ্জিনিয়ারের দিকে ফিরলু হিউগো । ‘উত্তরটা আপনার জানা আছে?’

অনিশ্চিত দেখাল চিফ ইঞ্জিনিয়ারকে । ‘তুফান আর জলোচ্ছাস আসতে কতক্ষণ সময় নেবে, সঠিক সময়টা আমার জানা নেই । যদি এসে পড়ে, উলরিখ হারমানে ল্যান্ড করার প্রশ্নই উঠবে না ।’

‘আপনি কি বলতে চাইছেন আমরা সবাই মারা যাব?’ প্রায় চেঁচিয়ে উঠল সাসনা ।

কথা না বলে চুপ করে থাকল চিফ ইঞ্জিনিয়ার ।

‘ভাঙ্গ প্লেন থেকে বের করে আমিনিসদের আর্টিফ্যাক্ট ব্রায়ানের পাঠানো জেটে তুলতে অনেক সময় লেগে যাবে,’ বলল হিউগো । ‘আমরা শুধু থার্ড রাইথের রেখে যাওয়া শিল্পকর্ম আর প্রাচীন নির্দশন সঙ্গে নেব ।’

‘গুলি চালাতে জানে এমন প্রত্যেককে দরকার আমার,’ হিউগোর পিছন থেকে ভেসে এল কথাটা ।

ঘাড় ঘুরাতেই কার্ট মার্শালকে দেখতে পেল হিউগো, তার

কালো ইউনিফর্ম রক্তে ভিজে গেছে।

‘আপনার কতজন লোক বেঁচে আছে?’ জানতে চাইল হিউগো।

‘মাত্র বারোজন। সেজন্যেই বলছি, ফাইট করার লোক লাগবে আমার...’

‘আমাদের সবাইকে আপনি অস্ত্র দিতে পারবেন?’

মাথা ঝাঁকাল সিকিউরিটি চিফ। ‘হ্যাঙ্গারে ঢোকার মুখে ছোট একটা কামরায় কিছু আর্মস আর অ্যামিউনিশন রাখা হয়েছিল।’

‘বেশ, তা হলে অনুমতি দিলাম। যাকে খুশি রিক্রুট করুন আপনি।’

আহত সৈনিকদের দেখাশোনা করার জন্য চারজনকে রেখে রানার নেতৃত্বে হ্যাঙ্গারের উদ্দেশে রওনা হয়ে গেল মেজর কোহেনের স্পেশাল ফোর্স।

পরিত্যক্ত টো ভেহিকেলের কাছে পৌছাল ওরা। চারটে ফ্ল্যাটবেড কার নিয়ে ছোট একটা ট্রেন ওটার সঙ্গে জোড়া লাগানো হয়েছে। গোলকধার্ধার মত টানেলগুলো দিয়ে এই ট্রেনই কার্গো আর সাপ্লাই আনা-নেওয়া করে। ছড়িয়ে থাকা ইকুইপমেন্টের আড়ালে থাঁমল দলটা।

‘এখান থেকে কত দূরে হ্যাঙ্গারটা?’ রানাকে জিজ্ঞেস করল কোহেন।

‘আর পাঁচশো গজ।’

‘সামনে ব্যারিকেড তৈরি করার মত জায়গা আছে?’

‘সময় আর বরফের ব্লক থাকলে দশ ফুট পরপর একটা করে ব্যারিকেড খাড়া করতে পারবে ওরা। তবে লোকবল ওদেরও কমে গেছে।’ হাত বাড়িয়ে মেঝের দিকে মেজরের দৃষ্টি আকর্ষণ করল রানা। স্নো ক্রুজার ছাড়া আর মাত্র একটা ভেহিকেলের চাকার দাগ ফুটে আছে বরফে।

চেইন খুলে বন্দীদের মুক্ত করা হয়েছে, তাদেরও কয়েক জোড়া জুতোর ছাপ দেখা গেল।

‘আমি অন্তত একটা স্নো ক্যাটকে পালাতে দেখেছি,’ হঠাৎ মনে পড়ে যাওয়ায় বলল মুরল্যাঙ্ক। ‘হামলার সময় সিকিউরিটি গার্ডরা ওটাকে ব্যবহার করতে পারে।’

কোহেনের দিকে ফিরল রানা। ‘গোলাবারংদ কী আছে আপনাদের কাছে?’

মাথা নাড়ুল মেজর। ‘ওটার আর্মার পেনিট্রেট করার মত কিছু নেই।’

টো ভেহিকেলের টুলবক্স ঘেঁটে খালি একটা ফুয়েল ক্যান সংগ্রহ করল রানা। ভেহিকেলটার ফুয়েল ট্যাংক ফুটো করতে কোন সমস্যা হলো না। খালি ক্যানটায় পেট্রল ভরা হলো। ‘এবার দরকার ইগনাইটিং ডিভাইস।’

কোমরের পাউচ থেকে একটা ফ্লেয়ার গান বের করল কোহেন। ‘এটা দিয়ে কাজ হবে?’

‘হবে না মানে!’ হাসল রানা। ‘চলুন, এগোই আবার।’

সামনে অজানা কী বিপদ ওত পেতে আছে তা নিয়ে খুব একটা ভয় পাচ্ছে না কেউ আর। টানেলের দেয়াল ঘেঁষে সৈনিকরা বিড়ালের মত সাবধানে এগোচ্ছে। হঠাৎ একটা হাত তুলে সবাইকে থামার ইঙ্গিত দিল রানা।

দাঁড়িয়ে পড়ল সৈনিকরা, রানার দেখাদেখি কান পাতল। ইঞ্জিনের মৃদু শব্দ, ক্রমশ জোরাল হচ্ছে। খানিক পর সামনে একজোড়া হেডলাইটের আলো দেখা গেল, বাঁক ঘোরার আগে। বরফের উপর নাচানাচি করছে।

‘স্নো ক্যাট,’ শান্ত কণ্ঠে বলল রানা, হাত তুলে খালি একটা স্টোররংম দেখাল মেজরকে। ‘হেডলাইটের আলোয় সবাই আমরা ধরা পড়ার আগে আপনার লোকদের নিয়ে লুকিয়ে পড়ুন ওখানে।’

দ্রুত নির্দেশ দিল কোহেন, বিশ সেকেন্ডের মধ্যে স্টোররংমে

চুকে পড়ল সৈনিকরা । দরজাটা যাত্র এক ইঞ্জিং খোলা ।

টানেল ধরে এগিয়ে আসছে স্মো ক্যাট । হাতে ফুয়েল ভর্তি  
ক্যান নিয়ে দরজার ঠিক পিছনেই রয়েছে রানা ।

ওর কাঁধের পিছনেই রয়েছে কোহেন, ফ্রেয়ার পিস্তল ফায়ার  
করার জন্য তৈরি । তার পিছনে রাইফেল হাতে প্রস্তুত সৈনিকরা,  
হুকুম শোলেই স্মো ক্যাটের আরোহী বা ওটার পিছনে থাকা  
সম্ভাব্য সিকিউরিটি গার্ডের লক্ষ্য করে গুলি করবে ।

‘বেশ ভাল স্পিড,’ স্মো ক্যাটকে দ্রুত এগিয়ে আসতে দেখে  
বলল রানা । ‘তারমানে ওটাকে কেউ ফলো করছে না । এটা  
একটা স্কাউটিং মিশন ।’

‘ভেতরে চারজন করে লোক থাকে,’ বিড়বিড় করল  
কোহেন । ‘এটুকু আমি জানি ।’

তারপর দেখতে না দেখতে স্মো ক্যাটের নাকটা স্টোররংমের  
কাছে চলে এল । দড়াম করে দরজা খুলেই হাতের ভারী ক্যানটা  
স্মো ক্যাটের খোলা কমপার্টমেন্ট লক্ষ্য করে ছুঁড়ে দিল রানা ।  
পরমুহূর্তে, কোন বিরতি ছাড়াই ঝপ করে বসে পড়ল বরফের  
উপর ।

সামনের বাধা দূর ইওয়ার সঙ্গে সঙ্গে নিজের কাজটা সেরে  
ফেলল মেজর কোহেন । রানা দরজা খোলার আগে থেকেই ফ্রেয়ার  
পিস্তল তুলে লক্ষ্যস্থির করছিল সে । এক চুল অ্যাডজাস্ট সেরেই  
ফায়ার করল । ফুয়েল ক্যানের পিছু নিয়ে উড়ে গেল ফ্রেয়ারটা ।

স্মো ক্যাটের ভিতরে বিস্ফোরিত হলো বিপুল অগ্নিশিখা ।  
সারা শরীরে দাউ দাউ আগুন নিয়ে নীচে লাফিয়ে পড়তে দেখা  
গেল সিকিউরিটি গার্ডের, ডাইভ দিয়ে বরফে গড়াগড়ি থাচ্ছে ।  
কোহেনের নির্দেশে স্টোর রংমের খোলা দরজার ভিতর থেকে  
ঝাঁকে ঝাঁকে বুলেট ছুটল সেদিকে । প্রিয় সঙ্গীদের হত্যার বদলা  
নিচ্ছে সৈনিকরা ।

বরফের দেয়ালে বাড়ি খেয়ে দাঁড়িয়ে পড়েছে স্মো ক্যাট ।

ক্ষয়-ক্ষতি আর লাশের হিসাব নেওয়ার সময় নেই, রানার  
পরামর্শে আবার রওনা হয়ে গেল দলটা।

প্রথমে টানেল ধরে ভেসে এল গুলিবর্ষণের প্রতিধ্বনি, তারপর  
স্নো ক্যাটের সঙ্গে বিচ্ছিন্ন হয়ে গেল রেডিও যোগাযোগ। কী  
ঘটেছে বুঝতে অসুবিধে হলো না কার্ট মার্শালের।

আর কোন আর্মারড কার নেই তাদের, তবে প্রতিপক্ষ  
হ্যাঙারে পৌছানোর আগে তাদেরকে খতম করার অন্য একটা  
উপায় তার জানা আছে।

ইঞ্জিনিয়ার আর বিজ্ঞানীদের ছোট দলটার উপর তার কোন  
আস্থা নেই। ভালভাবে অন্তর্ই ধরতে জানে না যারা, তারা আবার  
যুদ্ধ করবে কী। শেষ রক্ষার জন্য তাকে নির্ভর করতে হবে  
অবশিষ্ট আটজন সিকিউরিটি গার্ডের উপরই।

হিউগো, সাসনা আর বিয়েট্রিচ চিফ ইঞ্জিনিয়ারের সঙ্গে  
আলাপ করছে। তাদের দিকে এগোল সিকিউরিটি চিফ মার্শাল।

‘কোন সমস্যা, মিস্টার মার্শাল?’ তাকে দেখে জিজ্ঞেস করল  
হিউগো।

‘শেষ স্নো ক্যাটটাও হারিয়েছি আমরা,’ বলল মার্শাল।  
‘চারজন গার্ড সহ।’

‘যেভাবে হোক ঢিকে থাকতে হবে আমাদেরকে,’ বলল  
সাসনা। ‘দুটো জেট নিয়ে ব্রায়ান নিজে আসছেন আমাদেরকে  
নিতে। এখানে পৌছাতে পাঁচ ঘণ্টা লাগবে তাঁর।’

‘আইস শেলফ বিচ্ছিন্ন হ্বার সাড়ে তিন ঘণ্টা পর,’ বলল  
চিফ ইঞ্জিনিয়ার। ‘আইস মেশিন অ্যাক্টিভেশন সিকোয়েন্স শুরু  
হয়ে গেছে, ওটাকে থামাবার কোন উপায় নেই।’

বিড়বিড় করে কাকে যেন অভিশাপ দিল হিউগো, তারপর  
জানতে চাইল, ‘আমরা কি ততক্ষণ ওদেরকে ঠেকিয়ে রাখতে  
পারব?’

মাইনিং ফ্যাসিলিটি'তে যাওয়ার টানেলটার দিকে এমন দৃষ্টিতে তাকিয়ে থাকল মার্শাল, সে যেন আশা করছে এখনই ওখান থেকে একদল ভৌতিক সৈনিক বেরিয়ে আসবে। 'ওদেরও খুব বেশি লোক বেঁচে নেই। আমার গার্ডের পক্ষে ওদেরকে টানেলের ভেতর খতম করা সম্ভব। অন্তত সংখ্যাটা নিশ্চয়ই আরও কমিয়ে আনতে পারবে।'

মার্শালের কাঁধে একটা হাত রাখল হিউগো। 'পরিণতি যাই হোক, মিস্টার মার্শাল, আমি জানি সাহস আর সম্মান বজায় রেখে সম্ভাব্য সব কিছুই করবেন আপনি।'

হিউগোকে আলিঙ্গন করল মার্শাল, তারপর নিজের গার্ডের দিকে এগোল। তার পিছু নিয়ে টানেলে ঢুকছে গার্ডরা, তাদেরকে অনুসরণ করছে একটা টো ভেহিকেল। সেটার পিছনে একটা ফ্ল্যাটকার রয়েছে, উপরে পঞ্চান্ত গ্যালনের একটা ড্রাম আর ছয় ফুট ডায়ামিটারের একটা ক্যান।

সামনে টানেলের শেষ বাঁক, তারপর পঞ্চাশ গজ এগোলেই হ্যাঙার। কিন্তু বাঁকটা ঘোরার আগেই দাঁড়িয়ে পড়ল স্পেশাল ফোর্স টিম। সামনে হালকা কুয়াশার মত কী যেন একটা দেখা যাচ্ছে, বাঁক ঘুরে ভেসে আসার সময় ক্রমশ গাঢ় হচ্ছে জিনিসটা, ধীরে ধীরে ঢেকে ফেলছে সৈনিকদের।

'কী হতে পারে বলুন তো?' রানাকে জিঞ্জের্স করল মেজের কোহেন।

'বলতে পারছি না। তবে ভাল কিছু নয়। স্নো ক্রুজার নিয়ে এখান দিয়ে আসার সময় এ-ধরনের কিছু দেখিনি।' একটা আঙুল তুলল রানা, যেন বাতাসের গতি পরীক্ষা করছে। 'প্রাকৃতিক কোন ব্যাপার নয়। শুধু যে অঙ্কুত একটা গন্ধ রয়েছে। তা নয়, সম্ভবত কোন মেকানিজমের সাহায্যে পাঠান হচ্ছে। এদিকে-হয়তো বড় কোন ফ্যান চালিয়ে বাতাস দেয়া হচ্ছে।'

‘বিষাক্ত নয়,’ বলল কোহেন, শ্বাস টেনে থানিকটা কুয়াশা নিল নাকে। উক্তির গ্যাস চিনতে পারার ট্রেনিং মেয়া আছে আমাদের। এটা বোধহয় ক্ষতিকর নয় এমন কোন কেমিক্যাল, বাতাসে ছাড়া হয়েছে আমরা যাতে ওদের নড়াচড়া টের না পাই।’

‘ওদের হয়তো লোকবল কমে গেছে,’ বলল মুরল্যাঙ্ক, ‘তাই মরিয়া হয়ে কোনও ধরনের কৌশলের আশ্রয় নিচ্ছে।’

‘সবাই কাছে সরে ‘এসো,’ হেলমেট রেডিওর সাহায্যে নিজের লোকদের নির্দেশ দিল মেজর কোহেন। ‘আমরা এগোব। সবাই সতর্ক থাকবে, যদি দেখো কুয়াশার ভেতুর থেকে এগিয়ে আসছে শক্রা, বা গুলি করছে, সঙ্গে সঙ্গে কাভার নেবে।’

‘কাজটা উচিত হবে না,’ বলল রানা।

‘কেন?’ জানতে চাইল কোহেন।

‘কারণ ডেসটিনির গার্ডরা সম্ভরত ঠিক এটাই চাইছে,’ বলল রানা। কুয়াশার দিকে কয়েক মুহূর্ত চিন্তিত ভাবে তাকিয়ে থাকল ও, তারপর একটা হাত তুলে মুরল্যাঙ্কের কনুই ধরল। ‘ববি, মেজরের একজন লোককে সঙ্গে নিয়ে টো ভেহিকেলের কাছে ছুটে যাও, যত তাড়াতাড়ি পার ওটার স্পেয়ার টায়ারটা নিয়ে আসবে।’

কোহেনের চোখে-মুখে কৌতৃহল। ‘একটা টায়ার কী এমন কাজে আসবে, মিস্টার রানা?’

‘এটা আমাদের একটা গোপন কৌশল।’

কয়েক মিনিটের মধ্যেই টানেলের বিরাট একটা জায়গা জুড়ে ভয়ঙ্কর বিস্ফোরণ ঘটল। কোন শিখা বা ধোঁয়া নেই, তবে চোখ ধাঁধানো একটা তীব্র আলোর ঝলক দেখা গেল, সেটার পিছু নিয়ে এল প্রচণ্ড শক ওয়েভ। শক ওয়েভটা ঠিক যেন একটা ক্ষিপ্রগতি মিসাইলের মত করে তুলল টানেলের বন্ধ বাতাসকে

বিশ্বের আওয়াজটা হয়েছে বিরাট একটা বজ্রপাতের মত, সেটার প্রতিক্রিয়া ধীরে ধীরে মিলিয়ে যাচ্ছে দূরে।

কানের ভিতর যেন ক্যাথেড্রালের বেল বাজছে, কাট মার্শাল আর তার আটজন সিকিউরিটি গার্ড টলতে টলতে সামনে এগোল। পায়ে জোর পাচ্ছে না তারা, শক ওয়েভের ধাক্কায় অনুভূতি ভেঁতা হয়ে গেছে। ঝাঁকটা ঘুরতেই টানেলের ছাদ থেকে ভেঙে পড়া বরফের টুকরোর মার্বখানে লাশগুলোকে পড়ে থাকতে দেখল তারা। বুটের ডগা দিয়ে একজন সৈনিকের মুখটা ঘোরাল মার্শাল। উল্লাস অনুভব করছে সে। আরেকটু এগোতে সিভিল ড্রেস পরা দু'জন লোকের লাশ দেখতে পেল। মুখ দুটো দেখা যাচ্ছে না, তাই বুঝতে পারল না এরাই বেচপ সেই মেশিনের সাহায্যে কন্ট্রোল সেন্টার ধ্বংস করেছে।

‘শক্রো সবাই খতম, সার!’ একজন গার্ড বলল। ‘আপনাকে অভিনন্দন জানাই।’

ধীরে ধীরে মাথা ঝাঁকাল মার্শাল। ‘কিন্তু আগেই অনেক বড় ক্ষতি হয়ে গেছে আমদের।’ ঘুরল সে, লাশগুলোকে পিছনে ফেলে হ্যাঙারে ফিরে যাচ্ছে। গার্ডরা তার পিছু নিল।

‘ফ্রিয়! চেঁচিয়ে উঠল কোহেন।

মার্শাল আর তার গার্ডরা বন করে আধ পাক ঘুরল। ভূত দেখার মত চমকে উঠতে হলো তাদেরকে। সবগুলো লাশ বরফের আবর্জনা থেকে লাফ দিয়ে সিধে হয়েছে, হাতের অন্ত তাদের দিকে তাক করা। সবাই তারা বুঝতে পারল এখন বাধা দেওয়ার অর্থ নির্ধারিত মৃত্যু। কিন্তু বুঝেও গ্রাহ্য করল না মার্শাল। ‘ফায়ার!’ নির্দেশ দিল সে, নিজেও হাতের পিস্তলটা তুলল।

একযোগে গর্জে উঠল সৈনিকদের রাইফেল। ঝাঁঝরা হয়ে গেল মার্শাল আর তার আটজন গার্ডের শরীর। ছিটকে পড়ে গেল তারা। প্রায় সবাই মারা গেছে। তবে মার্শাল এখনও চোখ খুলে হারানো আটলান্টিস-২

তাকিয়ে আছে. তাকিয়ে আছে পাশে এসে দাঁড়ানো রানার দিকে।

‘কী করে টের পেলেন?’ বিড়বিড় করে জানতে চাইল মার্শাল, ডেসটিনি এন্টারপ্রাইজেসের সিকিউরিটি চিফ। ঠোঁট ফাঁক করায় কোণ থেকে খানিকটা রক্ত গড়াল।

‘তোমার লোকেরা কলোরাডোর একটা খনিতে ঠিক এরকম একটা বুবি-ট্র্যাপ ব্যবহার করেছিল।’

‘কিন্তু বিস্ফোরণটা...?’

‘আমরা টো ভেহিকেলের একটা চাকা টানেল বরাবর গড়িয়ে দিই,’ বলল রানা। ‘ওটাই তোমাদের এক্সপ্লোসিভ চার্জের তারে বাড়ি মারে। সাবধানের মার নেই ভেবে চাকাটাকে গড়িয়ে দিয়েই একটা স্টোর রুমে ঢুকে পড়ি সবাই। বিস্ফোরণের পর আবার বেরিয়ে আসি, বরফের ওপর শুয়ে ভান করি মরে গেছি।’

‘কে আপনি?’ ফিসফিস করল মার্শাল।

‘আমার নাম মাসুদ রানা।’

মুহূর্তের জন্য বড় হলো মার্শালের চোখ দুটো। তারপর স্থির হয়ে গেল খোলা চোখ, কাত হয়ে গেল মাথাটা।

## ষোলো

বিস্ফোরণ আর ‘গুলিবর্ষণের আওয়াজ ধ্বনিত-প্রতিধ্বনিত হয়ে পৌছে গেল হ্যাঙারে। তারপর একসময় নীরবতা ফিরে এল।

বিশ্বাস, পাথুরে মূর্তির মত দাঁড়িয়ে আছে শ'খানেক মানুষ, নিঃশ্বাস ফেলতেও যেন ভুলে গেছে, তাকিয়ে আছে হাঁ করে থাকা অঙ্ককার টানেলের দিকে।

আরও কয়েকটা মিনিট পেরিয়ে গেল। তারপর ভৌতিক নীরবতা ভঙ্গ হলো পায়ের আওয়াজে।

কে যেন আসছে। প্রতিধ্বনি তুলছে পদধ্বনি।

ধীরে ধীরে আকৃতি পাচ্ছে একটা মূর্তি। হ্যাঙ্গারের ছাদ থেকে নেমে আসা আলোয় লম্বা দেখাচ্ছে তাকে, হাতে একটা ছড়ি, ছড়ির মাথায় সাদা একটা ন্যাকড়া জড়ানো, সোজা হেঁটে আসছে অর্ধবৃত্ত তৈরি করে দাঁড়িয়ে থাকা নারী-পুরুষদের দিকে। তাদের প্রত্যেকের হাতে রাইফেল কিংবা পিস্তল রয়েছে, সবগুলো আগন্তুকের দিকে তাক করা।

আগন্তুকের মুখের নীচের অর্ধেকটা স্কার্ফ দিয়ে জড়ানো। সোজা হেঁটে এসে হিউগো হারমানের সামনে দাঁড়াল সে, টান দিয়ে ঝুলে ফেলল স্কার্ফটা। ক্লান্তিতে ঝুলে পড়া একটা মুখ উন্মোচিত হলো, কয়েকদিনের না কামানো দাঢ়িতে কালচে হয়ে আছে।

‘মার্শাল ক্ষমা প্রার্থনা করেছে, তোমাদের এই বিদায় সম্মর্ধনায় আসতে পারবে না সে।’

হ্যাঙ্গার জুড়ে একটা অবিশ্বাস, একটা বিভ্রান্তি ছড়িয়ে পড়ল। বিয়েট্রিচ যেন সম্মোহিত হয়ে তাকিয়ে আছে। সাসনার চোখে-মুখে অপার বিশ্ময়ের সঙ্গে মিশে আছে লাগাম ছাড়া ক্রোধ। সবার আগে হিউগো হারমানই সামলে নিল নিজেকে।

‘আচ্ছা, তা হলে তুমি, মিস্টার রানা,’ বলল সে। সন্দেহ ভরা চোখে খুঁটিয়ে দেখছে রানাকে। ‘মূর্তিমান অভিশাপ।’

‘সাধারণ এই পরিচ্ছদ ক্ষমাসূন্দর দৃষ্টিতে দেখতে বলি,’ বলল রানা। ‘আমার টক্কিডো লক্ষ্মিতে।’

চোখে আগুন নিয়ে সামনে বাড়ল সাসনা, হাতের হারানো আটলান্টিস-২

অটোমেটিক চেপে ধরল রানার পেটে।

ব্যথায় উহু করে উঠল রানা, পিছু হটল, পেটটা হাত দিয়ে চেপে ধরেছে, তবে হাসিটা খসল না মুখ থেকে। ‘খেয়াল করোনি,’ বলল ও, ‘আমি নিরস্ত? যুদ্ধবিরতির সাদা পতাকা নিয়ে এসেছি?’

অন্ত ধরা সাসনার হাতটা ঠেলে সরিয়ে দিল হিউগো।

‘না!’ তীক্ষ্ণ কণ্ঠে প্রতিবাদ জানাল সাসনা। ‘তুমি অনুমতি দাও, ওকে আমি নিজের হাতে খুন করব।’

‘করবে, তবে উপযুক্ত সময়ে,’ সহজ, শান্ত সুরে বলল হিউগো। সরাসরি রানার চোখে তাকাল সে। ‘কার্ট মার্শাল মারা গেছে?’

‘আমরা অনার্যরা যেমন বলি, পটল তুলেছে।’

‘আর তার লোকজন?’

‘তারাও।’

‘আমার প্লেনটা ধ্বংস করার জন্যেও কি তুমি দায়ী?’

ঘাড় ফিরিয়ে বিধ্বস্ত প্লেনটার দিকে তাকিয়ে কাঁধ ঝাঁকাল রানা। ‘গাড়িটা বেপরোয়াভাবে চালিয়েছিলাম, স্বীকার করছি।’

‘কোথেকে এলে তুমি?’ তীক্ষ্ণকণ্ঠে জানতে চাইল হিউগো।

মৃদু হাসল রানা, প্রশ্নটা গ্রাহ্য করল না, বলল, ‘আহত হতে না চাইলে তোমার লোকজনকে অন্ত ফেলে দিতে বলো। প্রচুর রক্তপাত হয়েছে, আর বোকামি কোরো না।’

‘আমেরিকান ফোর্সের কতৃক আর অবশিষ্ট আছে, মিস্টার রানা?’

‘নিজের চোখেই দেখো।’ ঘুরে হাতছানি দিল রানা। বিশজন সৈনিককে নিয়ে মেজর কোহেন আর মুরল্যাঙ্ক বেরিয়ে এল টানেল থেকে, তারপর পরম্পরের কাছ থেকে দশ কদম দূরে সরে আড়াআড়ি একটা রেখা তৈরি করে দাঁড়াল, বাগিয়ে ধরা হাতের অন্ত ডেসটিনির লোকজনের দিকে তাক করা।

‘একশোজনের বিরুদ্ধে বিশজন?’ এই প্রথম হাসল হিউগো।  
‘আমরা যে-কোন মুহূর্তে রিইনফোর্সমেন্ট আশা করছি।’

‘অনেক দেরি হয়ে গেছে,’ বলল হিউগো, তার দৃঢ় বিশ্বাস ধোকা দিয়ে নিজেদেরকে বাঁচাবার চেষ্টা করছে রানা। ‘আইস শেলফ ভাঙার জন্যে যে ন্যানোটেক সিস্টেম তৈরি করা হয়েছে সেটা এতক্ষণে অ্যাকটিভেট করা হয়ে গেছে। পৃথিবী একটা মহা বিপর্যয়ের মধ্যে পড়তে যাচ্ছে। এটাকে এখন আর ঠেকাবার কোন উপায় নেই।’

‘আমি তোমার সঙ্গে একমত হতে পারছি না, হিউগো,’ বলল রানা। ‘অ্যাকটিভেট হবার দশ মিনিট আগেই সমস্ত সিস্টেম বন্ধ করে দেওয়া হয়েছে। তুমি আসলে জানো না, হিউগো, তোমার প্ল্যানটা কেঁচে গেছে। কোনও বিপর্যয় ঘটছে না। পৃথিবী আগের মতই সূর্যের চারদিকে ঘূরবে, সমস্ত ক্রটি-বিচ্যুতি আর দুর্বলতা নিয়ে মানুষও বেঁচে-বর্তে থাকবে এখানে।

‘শীত আর শ্রীম্ভূ, নীল আকাশ আর মেঘ, বৃষ্টি আর তুষার বিনা বাধায় পেতে থাকব আমরা যত দিন মানবজাতির অস্তিত্ব থাকবে এই দুনিয়ার বুকে। আমরা যদি কোনদিন বিলুপ্ত হই, সেটা প্রাকৃতিক কারণে ঘটবে, দুনিয়াটাকে দখল করার কারণ অশুভ কোনও ষড়যন্ত্রের কারণে নয়।’

‘এ-সব কী বলছ তুমি?’ ভয় পেয়ে চেঁচিয়ে উঠল সাসনা বেসুরো গলায়।

‘আতঙ্কিত হবার কিছু নেই, সাসনা,’ বলল হিউগো, আগের চেয়ে একটু ম্লান শোনাল তার কণ্ঠস্বর, ‘লোকটা মিথ্যে কথা বলছে।’

মাথা নাড়ল রানা। ‘মেনে নাও, হিউগো হারমান। ডেসটিনি এন্টারপ্রাইজেসের ষড়যন্ত্র ব্যর্থ হয়ে গেছে। তোমাদের ওই বিরাট আকারের জাহাজগুলো আটক করা হচ্ছে। সমস্ত ধন-সম্পদ বাজেয়াঙ্গ করা হবে। প্রত্যেকে যাবজ্জীবন সাজা পাচ্ছ।’

‘তোমার কথা যদি সত্যি হয়,’ বিন্দুপের সুরে জানতে চাইল  
হিউগো, ‘আমাদেরকে নিয়ে কী করতে চাও তুমি, শুনি?’

‘সেটা আমার দেখার বিষয় নয়।’ দীর্ঘশ্বাস ফেলল রানা।  
‘তবে আমি মনে করি, যে অপরাধ তোমরা করেছ, তোমাদের  
প্রত্যেকের ফাঁসি হওয়া উচিত। হলে প্রথম সারিতে বসে তৃষ্ণির  
সঙ্গে উপভোগ করতাম ঝুলে পড়াটা।’

‘বিভ্রান্ত করার মত একটা কল্পনাবিলাস, মিস্টার রানা, তবে  
স্বেফ ফ্যানটাসি।’

‘তোমাকে দেখছি বিশ্বাস করানো কঠিন।’

‘গুলি করার অনুমতি দাও, হিউগো,’ হিসহিস করে উঠল  
সাসনা। ‘শয়তানটাকে পরপারে পাঠিয়ে দিই।’

যুদ্ধবিধ্বন্তি সৈনিকদের দিকে তাকাল হিউগো। ‘সাসনা ঠিকই  
বলছে,’ মেজর কোহেনের উদ্দেশে বলল সে। ‘আগামী দশ  
সেকেন্ডের মধ্যে আত্মসমর্পণ না করলে তোমার সৈনিকদের  
উড়িয়ে দেব আমরা।’

‘সেটি কখনও ঘটবে না,’ কঠিন সুরে বলল রানা।

‘একশোটার বিরুদ্ধে বিশ্টা অন্ত? যুদ্ধটা বেশিক্ষণ টিকবে না,  
হে। ফলাফল কী হবে তা-ও সবার জানা। কী জানো, মিস্টার  
রানা, এটা অনেক বড় একটা বাজি। আমি আর আমার কাজিন  
ফোর্থ এম্পায়ার-এর স্বার্থে আত্মবিসর্জন দিতে রাজি আছি।’

‘যে স্বপ্নের কবর হয়ে গেছে তার জন্যে প্রাণ খোয়াবে?’

‘তুমি মিথ্যে কথা বলছ। আমি তোমার মৃত্যুটাই প্রথমে  
দেখতে চাই।’

দীর্ঘ কয়েক সেকেন্ড হিউগোর চোখের দিকে তাকিয়ে থাকল  
রানা। তারপর কাঁধ ঝাঁকাল। ‘বেশ, তুমি যা ভাল বোৰো। তবে  
গুলি করার আগে একবার পেছন ফিরে তাকাবে?’

মাথা নাড়ল হিউগো। ‘তোমার ওপর থেকে চোখ সরাচ্ছ  
না।’

সাসনা আর বিয়েট্রিচের দিকে তাকাল রানা। ‘বাস্তবতা মেনে  
নেয়ার জন্যে তোমরা ওকে সাহায্য করছ না কেন?’

সাসনা আর বিয়েট্রিচ ঘাড় ফিরিয়ে পিছন দিকে তাকাল।  
তাদের দেখাদেখি বাকি সবাইও।

হ্যাপারে আর যে জিনিসেরই অভাব থাক, অটোমেটিক  
আগ্নেয়ান্ত্রের কোন অভাব নেই। বিধস্ত প্লেন্টার চারধারে আরও  
দুশো লোক পজিশন নিয়েছে, পরনে ইউএস আর্মির আর্কটিক  
ব্যাটল গিয়ার, হাতের অন্ত্র প্রতিপক্ষদের দিকে তাক করা।

তাদের একজন কয়েক পা সামনে এগিয়ে এসে গলা চড়িয়ে  
কর্তৃত্বের সুরে বলল, ‘যে যার অন্ত্র ধীরে ধীরে নামিয়ে রেখে পিছু  
হটুন আপনারা। শক্রতার লক্ষণ দেখামাত্র আমার লোকদের  
ফায়ার ওপেন করার নির্দেশ দেব আমি। সহযোগিতা করুন,  
কেউ আহত হবেন না।’

কারও মধ্যে কোন রকম ইতস্তত ভাব দেখা গেল না,  
ডেস্টিনি এন্টারপ্রাইজেসের ইঞ্জিনিয়ার আর বিজ্ঞানীরা যে যার  
অন্ত্র পায়ের সামনে নামিয়ে রেখে পিছু হটল। রানা শুনতে পেল  
তাদের অনেকে স্বত্ত্বির নিঃশ্঵াস ফেলছে। এরা এমনকী অন্ত্র  
কীভাবে ধরতে হয় তা-ই জানে না, ভাবল ও।

সাসনার চেহারা এমন হয়েছে, যেন বুকে ছুরি খেয়েছে সে।  
বিয়েট্রিচ বিমৃঢ়, অসুস্থ হয়ে পড়ছে। কৃষ্ণ হয়ে গেল হিউগোর  
চেহারা, নিজের এতদিনের লালিত পরিকল্পনা ব্যর্থ হয়ে যাওয়ায়  
শোকে পাথর।

‘আপনাদের মধ্যে মাসুদ রানা কে?’ নতুন আসা স্পেশাল  
ফোর্সের লিডার জানতে চাইল।

ধীরে ধীরে হাত তুলল রানা। ‘এখানে।’

এগিয়ে এসে রানা সামনে দাঁড়িয়ে ছোট করে মাথা নোয়াল  
অফিসার। ‘কর্নেল সিমন ফোর্ড, স্পেশাল ফোর্স অপারেশন ইন  
চার্জ। রস আইস শেলফ অপারেশন-এর স্ট্যাটাস জানান, প্লিজ।’

‘থামিয়ে দেয়া হয়েছে,’ দৃঢ়কষ্টে জানাল রানা। ‘আইস-কাটিং সিস্টেম অ্যাকটিভেট করার দশ মিনিট বাকি থাকতে ভ্যালহ্যালা প্রজেক্ট বন্ধ করে দিয়েছি আমরা।’

সিমন ফোর্ডের পেশিতে চিল পড়ল। ‘থ্যাক্ষ গড়! সশস্ত্রে নিঃশ্঵াস ফেলল সে।

‘ধন্যবাদ, কর্নেল, একেবারে ঠিক সময়ে পৌছেছেন আপনারা।’

‘রেডিওতে মেজর কোহেনের সঙ্গে যোগাযোগ করার পর আপনার নির্দেশিত পথ অনুসরণ করি আমরা। স্লো ক্রুজার দিয়ে যেখানে বরফ ভেঙেছেন, সেই ফাঁক দিয়ে চুকেছি।’ থাম্বল সে, তারপর যেন ব্যাকুল একটা ভঙ্গিতে জিজেস করল, ‘প্রাচীন শহরটা আপনারা দেখেছেন? ওখান থেকে বাকি পথ তো সোজাই।’

মৃদু হাসল রানা। ‘হ্যাঁ, দেখেছি। এদিকে আমরা খুব সক্ষটেই ছিলাম। তবে সবার দৃষ্টি ওদিকের টানেল থেকে সরিয়ে রেখেছিলাম, যতক্ষণ না আপনারা পজিশন নিতে পেরেছেন।’

‘ওদের সবাই এখানে?’ জানতে চাইল কর্নেল ফোর্ড।

মাথা ঝাঁকাল রানা। ‘আহত আরও কিছু আছে কন্ট্রোল সেন্টারে।’

মেজর কোহেন এগিয়ে এল। পরস্পরকে আলিঙ্গন করে কুশল বিনিময় করছে দুই সামরিক অফিসার। প্রচুর সৈনিক প্রাণ হারিয়েছে, খবরটা বিষণ্ণ করে তুলল কর্নেল ফোর্ডকে।

একটু পর হিউগোর দিকে ইঙ্গিত করে রানা তাকে বলল, ‘কর্নেল, আসুন, আপনার সঙ্গে ডেস্টিনি এন্টারপ্রাইজেসের লিডার হিউগো হারমান আর তার কাজিন সাসনার পরিচয় করিয়ে দিই।’ বিয়েট্রিচের দিকে তাকাল, তবে তাকে না চেনায় চুপ করে গেল।

‘বিয়েট্রিচ বিসমার্ক, আমাদের অ্যাসিস্ট্যান্ট সিকিউরিটি চিফ,’ বলল হিউগো। সে যেন একটা দুঃস্পন্দনের মাঝখানে দাঁড়িয়ে আছে। ‘আমাদেরকে নিয়ে কী করতে চান, কর্নেল?’

‘আমার ওপর দায়িত্ব থাকলে,’ বলল কোহেন, ‘তোমাদের সব কটাকে গুলি করে মারতাম।’

‘আপনি কোন নির্দেশ পেয়েছেন, ত্রিমিনালরা ধরা পড়লে তাদের নিয়ে কী করা হবে?’ কর্নেলকে জিজ্ঞেস করল রানা।

মাথা নাড়ল কর্নেল। ‘এ নিয়ে আলোচনার সময় ছিল না।’

‘সেক্ষেত্রে আমি একটা উপকার চাইতে পারি?’

‘আপনি আর আপনার বন্ধু যা করেছেন, বলল কোহেন, ‘একশোটা উপকার চাইলেও পাবেন।’

‘আপাতত,’ ইঙ্গিতে ডেসটিনির তিন কর্মকর্তাকে দেখাল রানা, ‘এদেরকে নিজের হেফাজতে নিতে চাই আমি।’

কর্নেল ফোর্ড তীক্ষ্ণদৃষ্টিতে রানাকে দেখছে, যেন ওর মনের কথাটা পড়তে পারছে না সে। ‘ঠিক বুঝলাম না,’ বলল সে।

মেজের কোহেন বলল, ‘বন্দীদের নিয়ে কী করা হবে তা শখন আপনাকে বলে দেয়া হয়নি, তখন যিনি আমাদের সরার প্রাণ বাঁচিয়েছেন তাঁর অনুরোধ রক্ষা করা হোক না।’

মাথা ঝাঁকাবার আগে এক মুহূর্ত চিন্তা করল কর্নেল ফোর্ড। ‘আমি একমত। পাহারা দিয়ে ওয়াশিংটনে পাঠানোর আগে আপনার হাতে তুলে দেয়া হলো ওদেরকে, মিস্টার রানা।’

‘অ্যান্টার্কটিকায় কারও ওপর কোন সরকারের আইন চলে না,’ জেদের সুরে বলল হিউগো হারমান। ‘আমাদেরকে জিম্মি করাটা সম্পূর্ণ বেআইনী কাজ হবে আপনাদের।’

‘আমি সাধারণ একজন সৈনিক,’ বলল কর্নেল, ‘কাঁধ ঝাঁকাল নির্লিপ্ত ভঙিতে ‘আপনাদের ভাগ্য নির্ধারণ করবেন উকিল আর রাজনীতিকরা যদি তাঁদের কাছে পৌছাবার ভাগ্য হয় আপনাদের

\*

স্পেশাল ফোর্সের সৈনিকরা মাইনিং ফ্যাসিলিটির চারধারে  
পাহারা বসাল, নিরন্তর বন্দীদের হাঁটিয়ে এনে জড়ে করল  
শ্রমিকদের ডরমিটারিতে। রানা আর মুরল্যাঙ্গ ওদের তিন  
বন্দীকে খেদিয়ে নিয়ে চলেছে হ্যাঙ্গারের একদিকের দেয়াল জুড়ে  
থাকা বিরাট দরজার দিকে। এদিকে কারও দৃষ্টি নেই, ছোট  
একটা মেইন্টেন্যান্স ডোর খুলে এক পাশে সরে দাঁড়াল  
মুরল্যাঙ্গ। হিউগো, সাসনা আর বিয়েট্রিচকে সেটা দিয়ে বাইরের  
রানওয়েতে বের্ণতে বাধ্য করল রানা। হ্যাঙ্গারের ষাট ডিগ্রি  
তাপমাত্রা থেকে কনকনে ঠাণ্ডা বাতাস নাকে-মুখে প্রচণ্ড ঘুসির  
মত লাগল।

ঠোটে ক্ষীণ হাসি নিয়ে ঘুরল হিউগো। ‘তোমরা তা হলে  
এখানে খুন করবে আমাদেরকে?’ জিজ্ঞেস করল সে।

বিয়েট্রিচ এখনও ঘোরের মধ্যে রয়েছে।

তবে সাসনা রানার দিকে তাকিয়ে আছে হিংস্র দৃষ্টিতে।  
‘এতই যখন সাহস, গুলি করো আমাদেরকে!’ দাঁতে দাঁত পিষছে  
সে।

রানার চোখেও দেখা দিল ঘৃণা। ‘মৃত্যুই তোমাদের একমাত্র  
শাস্তি হওয়া উচিত। তবে তোমাদের মত নোংরা প্রাণীকে মেরে  
আমি বা আমার বক্ষ হাত গঞ্চ করতে রাজি নই। কাজটা আমরা  
প্রকৃতির হাতে ছেড়ে দিচ্ছি।’

হঠাতে করে হিউগো কী যেন বুঝে ফেলেছে। ‘তুমি  
আমাদেরকে পালাবার অনুমতি দিচ্ছ?’

মাথা বাঁকাল রানা। ‘হ্যাঁ।’

‘সেক্ষেত্রে আমাদের কাউকে তুমি জেল খাটিতে দেখবে না।  
আমাদের এমনকী বিচারও হবে না।’

‘না। টাকা আর ক্ষমতার জোরে কোর্টৱৰ্মকে এড়িয়ে যাবে  
তোমরা।’

‘তোমাকে আরও বলি,’ জোর দিয়ে বলল হিউগো, ‘দুনিয়ায় এমন কোন সরকার-প্রধান নেই যে ডেস্টিনির বিরুদ্ধে কিছু করার ঝুঁকি নেবে।’

‘জাতীয় সব নেতা আর আমলারা ডেস্টিনির কাছে ঝণী,’ বলল সাসনা। ‘আমাদের সব কিছু ফাঁস হয়ে যাওয়া মানে তাদেরও সব কিছু ফাঁস হয়ে যাওয়া।’

‘আমাদেরকে দাবিয়ে রাখা সম্ভব নয়,’ বলল বিয়েট্রিচ। ডেস্টিনি পরিবারের রয়েছে অসম্ভব প্রাণশক্তি। আবার আমরা মাথা তুলব, আর পরের বার ব্যর্থ হব না।’

‘আমাকে যদি জিজ্ঞেস করো,’ বলল মুরল্যাঙ্গ, ‘আমি বলব, এটা খুব খারাপ একটা আইডিয়া।’

‘আমরা স্বস্তি বোধ করব,’ বলল রানা, ‘যদি জানতে পারি দুনিয়ার কোন ব্যাপারেই তোমরা আর নাক গলাতে পারছ না।’

হিউগোর চোখ দুটো সরু হয়ে গেল, তারপর সে বরফ ঢাকা সীমাহীন প্রান্তরের দিকে তাকাল। ‘তোমার উদ্দেশ্যটা আমি বোধহয় ধরতে পেরেছি,’ নিচু গলায় বিড়বিড় করল সে। ‘তুমি আমাদেরকে বরফের মাঠে ছেড়ে দিচ্ছ।’

‘হ্যাঁ।’ মাথাটা সামান্য একটু ঝাঁকাল রানা।

‘ফ্রিজিং টেম্পারেচারের উপযোগী ড্রেস না থাকায় এক ঘণ্টার বেশি টিকিব না আমরা।’

‘আমার ধারণা, দশ থেকে বিশ মিনিট।’

‘দেখা যাচ্ছে প্রতিপক্ষ হিসেবে তোমাকে আমি খুব ছোট করে দেখেছি, মিস্টার রানা।’

কথা না বলে কাঁধ ঝাঁকাল রানা।

সাসনা আর বিয়েট্রিচের কাঁধে হাত রাখল হিউগো। ‘তোমার চেহারার দিকে তাকাতে বুঝি পাচ্ছে আমার, মিস্টার রানা। তোমার যত ইতরশ্রেণীর একটা অনার্য কেলেভূতের কাছে প্রাণ ভিক্ষা চাওয়ার চেয়ে আমরা বরং ঠাণ্ডায় জমে মরে যাওয়াটা হারানো আটলান্টিস-২

বেশি পছন্দ করব।'

হাতের পিস্তল নেড়ে নির্দেশ দিল রানা, 'হাঁটতে শুরু করো।'

হিউগোর মত বিয়েট্রিচও নিজের ভাগ্যকে মেনে নিয়েছে। এরই মধ্যে ঠকঠক করে কাঁপতে শুরু করেছে সে। তবে সাসনা নয়। হঠাৎ রানাকে লক্ষ্য করে ঝাঁপিয়ে পড়ল সে। তবে রানার নাগাল পায়নি, মাঝপথে নাক বরাবর মুরল্যাঙ্কের উল্টো করা হাতের চড় খেয়ে বরফের উপর হাঁটু গেড়ে বসে পড়েছে।

হিউগোর সাহায্য নিয়ে সিধে হওয়ার সময় দাঁতে দাঁত পিঘে বলল সাসনা, 'তোমাকে আমি খুন করব!'

রানার ঠোঁটে নির্দয় হাসি। 'বিদায়, সাসনা। পরলোকে হয়তো দেখা হবে, তখন পারলে কোরো।'

'একটা টিপস দিই,' বলল মুরল্যাঙ্ক। 'তোমরা সবাই দ্রুত হাঁটো। তাতে গরম থাকবে শরীর।'

হাঁটতে হাঁটতে বরফের রাজ্যে হারিয়ে গেল ওরা তিনজন। দরজাটা বন্ধ করে কবাটে তালা লাগিয়ে দিল মুরল্যাঙ্ক।

## সতেরো

আটচল্লিশ ঘণ্টা পর।

নামকরা সব বিজ্ঞানী আর ইঞ্জিনিয়ারে গিজ গিজ করছে মাইনিং ফ্যাসিলিটি। ডেসটিনি এন্টারপ্রাইজেসের ভয়ঙ্কর ন্যানো-টেকনোলজি পরীক্ষা করছেন তাঁরা, একই সঙ্গে নিঃসন্দেহে নিশ্চিত হওয়ার চেষ্টা করছেন আইস শেলফ বিচ্ছিন্ন করার

নেটওঅর্কটা রিঅ্যাকচিভেটেড করা যাবে না।

তাঁদের পিছু নিয়ে হাজির হলেন নৃ-বিজ্ঞানী আর আর্কিওলজিস্টরা, ভিড় করলেন আমিনিসদের প্রাচীন শহরে। এঁরা সবাই এতদিন ৪০০০ খ্রিস্টপূর্বের আটলান্টিস-টাইপের সংস্কৃতির অস্তিত্ব অস্থীকার করে এসেছেন। এখন তাঁরা মুঞ্চ বিশ্ময়ে ঘুরে ফিরে দেখছেন শহরটা, স্তম্ভগুলোর আকার-আকৃতি আর গায়ে খোদাই করা কাজ দেখে রীতিমত বিস্মল।

রানার উপস্থিতি এবং তত্ত্বাবধানে বিধ্বন্ত প্লেন থেকে আমিনিসদের বাস্তুভূর্তি আর্টিফ্যাষ্ট উদ্ধার করে একজোড়া হেলিকপ্টারে তোলা হলো। এগুলো প্রথমে এয়ারক্রাফট ক্যারিয়ার লিংকনে নিয়ে যাওয়া হবে, তারপর এয়ার ফোর্সের জেটে তুলে পাঠানো হবে মেঞ্জিকোয়, সেখান থেকে বিশেষ প্রহরায় সোজা ওয়াশিংটনে। প্রেসিডেন্ট নাকি আর্টিফ্যাষ্টগুলো দেখতে চেয়েছেন। তবে শুধু আর্টিফ্যাষ্টগুলো নয়, এগুলো যারা উদ্ধার করেছে তাদের সঙ্গেও পরিচিত হওয়ার জন্য অধীর আগ্রহে অপেক্ষা করছেন তিনি।

প্রতিটি দেশের ইউনিভার্সিটি থেকে আর্কিওলজিস্টদের টিম রওনা হয়ে গেছে। নয় হাজার বছরের প্রাচীন সভ্যতা পরীক্ষা করবে তাঁরা। বিশাল একটা প্রজেক্ট, মেয়াদকাল ধরা হয়েছে পঞ্চাশ বছর। এমন হতে পারে এই প্রজেক্টের কাজ চলার সময় কিছু স্তুত্র বেরিয়ে আসবে, ফলে আমিনিসদের আরও সাইট আর আর্টিফ্যাষ্ট খুঁজে পাওয়া যাবে।

তাঁরপর খবর এল, ডেসটিনি এন্টারপ্রাইজেসের জাহাজ থেকে বেশ কিছু চাঁইকে গ্রেফতার করা সম্ভব হয়নি। পালিয়ে যাওয়াদের দলে রঞ্জি-কাতলাও রয়েছে কয়েকজন।

ওকুমা বে থেকে একটা মিলিটারি প্যাসেঞ্জার প্লেন মেঞ্জিকোর ভেরাক্রুজে পৌছে দিল রানা আর মুরল্যাভকে। পাইলটকে প্রশ্ন

করতে সে জানাল, অ্যাডমিরাল জর্জ হ্যামিল্টন ওদের জন্য নুমার একটা এগজেকিউটিভ জেট পাঠিয়েছেন, বাকি পথ ওটায় চড়ে যেতে হবে।

গরমে সেন্ক হয়ে কিছুক্ষণ অপেক্ষা করতে হলো ওদেরকে। এয়ারপোর্টের পোর্টাররা মিলিটারি প্লেন থেকে নামিয়ে বাস্তু ভর্তি আমিনিস আর্টিফ্যাক্ট তুলে দিল ফিউজিলাজে বড় বড় হরফে ‘NUMA’ লেখা একটা প্লেনে। পাইলট আর কো-পাইলট ছাড়া আর কেউ নেই প্লেনটায়। আকাশে ওঠার পরও যখন কেউ তারা ওদের সঙ্গে কথা বলতে এল না, সিট ছেড়ে ককপিটের দিকে এগোল’ রানা। কিন্তু দেখা গেল দরজাটা ভিতর থেকে বন্ধ। নক করল ও।

ককপিট থেকে কেউ একজন জানাল, ‘আমি দুঃখিত, মিস্টার রানা। আমার ওপর নির্দেশ আছে কেবিনের দরজা সারাক্ষণ বন্ধ রাখতে হবে, ককপিটে কাউকে ঢুকতে দেয়া যাবে না, যতক্ষণ আর্টিফ্যাক্টের বাস্তুগুলো অ্যানড্র এয়ারফোর্স বেসে প্লেন থেকে নামিয়ে একটা আর্মারড ট্রাকে না তোলা হয়।’

সিকিউরিটি নিয়ে বাড়াবাড়ি, ভাবল রানা। মুরল্যান্ডের দিকে ফিরল ও। ওকে সবুজ একটা হাত দেখাচ্ছে সে। ‘সবুজ তালু? কোথেকে পেলে?’

‘দরজার কবজা থেকে। তাল সামলাবার সময় ওখানে হাত পড়েছিল।’ দাগটার উপর আঙুল ঘষল মুরল্যান্ড। ‘সবুজ নয়, সবুজাভ-নীল পেইন্ট। এই প্লেনের গায়ের রঙ এখনও শুকায়নি।’

‘মনে হচ্ছে নতুন করে রঙ লাগানোর পর দুই ষষ্ঠাও পার হয়নি,’ বলল রানা।

‘এমন কি হতে পারে, আমাদেরকে হাইজ্যাক করা হয়েছে?’  
জিভেস করল মুরল্যান্ড।

‘অসম্ভব নয়। তবে দেখা দরকার প্লেনটা ওয়াশিংটনের দিকে

যাচ্ছে কি না। ততক্ষণ নীচের দৃশ্য উপভোগ করি এসো।'

গালফ অভি মেঞ্জিকো পার হতে কয়েক ঘণ্টা লেগে গেল প্লেনটার। আমেরিকায় ঢুকল ওরা ফ্লোরিডার পেনসাকোলা হয়ে। ওখান থেকে সোজা পথ ধরে ওয়াশিংটনের দিকেই ছুটছে প্লেন দূরে নিজেদের রাজধানী চিনতে পেরে রানার দিকে ফিরল মুরল্যান্ড।

'আমরা অথবা সন্দেহে ভুগছি না তো?'

'আগে দেখি আমাদেরকে লালগালিচা সম্বর্ধনা দেয়া হয় কি না।'

আরও পনেরো মিনিট পর প্লেন ঘুরিয়ে নিয়ে অ্যানডু এয়ার ফোর্স বেস-এ ল্যান্ড করার প্রস্তুতি নিল পাইলট। কিন্তু রানওয়ের শেষ প্রান্ত দুই মাইল দূরে থাকতে কাত হয়ে গেল প্লেন। রানা আর মুরল্যান্ড দু'জনেই দক্ষ পাইলট, জানে কী ঘটছে

'প্লেন এখানে নামছে না,' শান্তকণ্ঠে বলল মুরল্যান্ড।

'না। অ্যানডুর ঠিক উত্তরে, আবাসিক এলাকায় ছোট একটা প্রাইভেট এয়ারপোর্ট আছে, সেদিকে যাচ্ছে।'

'সন্দেহ করছি লালগালিচা সম্বর্ধনা আর ভিআইপি ট্রিটমেন্ট পাছি না আমরা।'

'তাই তো মনে হচ্ছে।'

চোখ সরু করে বন্ধুর দিকে তাকাল মুরল্যান্ড। 'ডেসচিনি?'

'আর কে?'

ইঙ্গিতে পিছনের কার্গোগুলো দেখাল মুরল্যান্ড। 'ওগুলো ওদের খুব দরকার।'

'নয় হাজার বছরের পুরানো আর্টিফ্যাক্ট, কয়েক হাজার কোটি ডলার দাম। হ্যাঁ, দরকার বৈকি।'

'কিন্তু এখানে কেন নিয়ে এল? মেঞ্জিকো আর ভার্জিনিয়ার মাঝখানে যে-কোন জায়গায় নামাতে পারত।'

'স্টিয়ারিং ছাইলে হিউগো আর মার্শাল না থাকায়।' বলল হারানো আটলান্টিস-২.

রানা, ‘বিশ্বখল হয়ে উঠেছে তারা। কিংবা, ভেরাকুজ থেকে মার্কিন এয়ার ফোর্স ফাইটারের পাহারা ছিল, ফাইট প্ল্যান ছেড়ে নড়ার সাহস হয়নি পাইলটের।’

‘কন্ট্রোল দখল করে অ্যানড্রুর দিকে ফিরব আমরা?’ জিজেস করল মুরল্যাঙ্গ।

‘ল্যাঙ্গ না করা পর্যন্ত অপেক্ষা করাই ভাল,’ বলল রানা। ‘চাই না কোন রকম অ্যাক্সিডেন্ট হোক।’

কয়েক সেকেন্ড পর ল্যাঙ্গিং স্ট্রিপ স্পর্শ করল প্লেনের চাকা। জানালা দিয়ে বাইরে তাকিয়ে একটা আর্মারড ট্রাক আর দুটো মার্সিডিজ বেঞ্জ ইউটিলিটি ভেহিকেল দেখতে পেল রানা, প্লেনটার পিছু নিয়ে ছুটে আসছে।

‘এখনই সময়,’ বলল রানা, হাতে বেরিয়ে এসেছে কোল্ট অটোমেটিক।

মুরল্যাঙ্গের হাতেও একটা পিস্তল দেখা যাচ্ছে। জোরে একটা লাথি মেরে ককপিটের দরজা খুলে ফেলল সে। উদ্যত অস্ত নিয়ে ভিতরে ঢুকে পড়ল দু’জন।

ঘাড় না ফিরিয়েই মাথার উপর হাত তুলল পাইলট আর কো-পাইলট।

‘আপনাদের আসার অপেক্ষাতেই ছিলাম’, বলল পাইলট, যেন কোন লিখিত চিত্রনাট্য পড়ছে। ‘দয়া করে প্লেনের নিয়ন্ত্রণ নিজেদের হাতে তুলে নেয়ার চেষ্টা কৰবেন না। নীচে নামার সঙ্গে সঙ্গে কন্ট্রোল কেইবল্ কেটে দিয়েছি আমরা। প্লেনটা এখন আর উড়বে না।’

কনসোল-এর দিকে তাকিয়ে রানা দেখল, কেইবলগুলো সত্যি কাটা। ‘দু’জনেই বেরোও তোমরা!’ খেঁকিয়ে উঠল ও, টেনে-হিঁচড়ে সিট থেকে তুলে আনছে দু’জনকে। ‘ববি, প্লেন থেকে এদেরকে নীচে ফেলে দাও।’

ঘণ্টায় পঁচিশ মাইল গতিতে এখনও ছটছে ওরা। পাসেঞ্জার

ডোর খুলে পাইলট আর তার সহকারীকে প্লেন থেকে ফেলে দিল মুরল্যান্ড। কাপড়ের তৈরি পুতুলের মত ড্রপ খেয়ে তাদেরকে রানওয়ের উপর গড়াতে দেখে তৃষ্ণি বোধ করল সে। ‘এখন কী হবে?’ ককপিটে ফিরে এসে জানতে চাইল। ‘মার্সিডিজ দুটো মাত্র একশো গজ পেছনে।’

‘ফ্লাইট কন্ট্রোল না থাকতে পারে,’ জবাব দিল রানা, ‘ব্রেক আর ইঞ্জিন তো আছে।’

‘সন্দিহান দেখাল মুরল্যান্ডকে।’ তুমি নিশ্চয়ই পেনসিলভ্যানিয়া এভিনিউ ধরে হোয়াইট হাউসে যাবার কথা ভাবছ না?’

‘কেন, তাতে অসুবিধে কী?’ সামনে থ্রিটল ঠেলে দিয়ে ট্যাক্সিওয়ের উপর দিয়ে প্লেনটাকে আরও জোরে ছোটাল রানা, তারপর বাঁক ঘুরে এয়ারপোর্ট থেকে বেরিয়ে যাওয়ার চওড়া রাস্তায় পড়ল। ‘আমরা যদি হেভি ট্র্যাফিকের মধ্যে গিয়ে পড়ি, হামলা করার সাহস হবে না ওদের।’

‘এ আমার বিশ্বাস হচ্ছে না।’

‘এরচেয়ে ভাল কোনও সাজেশন থাকলে বলতে...’

ককপিটের গায়ে বুলেট লাগায় থেমে গেল রানা। প্রথমে ডান, তারপর বাম ব্রেকে চাপ দিল ও, আঁকাবাঁকা একটা পথ ধরে ছোটাছে প্লেনটাকে, মার্সিডিজের গানাররা ঘাতে লক্ষ্যভূষ্ট হয়।

‘আমাকে ওয়াইল্ড বিল হিককের ভূমিকায় নামতে হচ্ছে,’ বলল মুরল্যান্ড।

তার হাতে নিজের কোল্টটাও ধরিয়ে দিল রানা। ‘ব্যাগে এক্সট্রা ক্লিপ আছে। প্রচুর ফায়ার পাওয়ার দরকার তোমার।’

খোলা প্যাসেঞ্জার ডোরের পাশে শুয়ে পড়ল মুরল্যান্ড, পা দুটো লম্বা করে দিয়েছে প্লেনের ককপিটের দিকে। টেইল সেকশনের উপর দিয়ে ‘পিছু নেওয়া মার্সিডিজগুলোর দিকে হারানো আটলান্টিস-২

তাকাল। লক্ষ্যস্থির করতে যাবে, এই সময় চোখের কোণ দিয়ে দেখতে পেল এক ঝাঁক বুলেট পোর্ট উইং সেলাই করছে। এরপর হয়তো ফুয়েল ট্যাংক আর ইঞ্জিনে লাগবে। সাবধানে লক্ষ্যস্থির করে গুলি করল সে।

আক্ষরিক অর্থেই প্লেনটাকে এয়ারপোর্ট থেকে বের করে, র্যাম্প বেয়ে ব্রাংশ এভিনিউ হাইওয়েতে তুলে এনেছে রানা। এই রাস্তাটাই সোজা শহরে ঢুকেছে।

দুটো ইঞ্জিনই গর্জন করছে, গতি এখন ঘণ্টায় একশো মাইল। হতচকিত ড্রাইভাররা হাঁ করে তাকিয়ে আছে—তাদেরকে শুধু যে একটা প্লেন পাশ কাটাচ্ছে তা নয়, প্লেন আর একজোড়া মার্সিডিজের মধ্যে তুমুল বন্দুক যুদ্ধও চলছে।

রানা জানে এই প্লেন নিয়ে মার্সিডিজগুলোকে খসানো কোন ব্যাপার নয়। কিন্তু সমস্যা হলো দুই ডানার বিয়ালিশ ফুট বিস্তার। কার, ট্রাক বা লাইটপোস্টকে ধাক্কা মারা স্বেফ সময়ের ব্যাপার। পা দুটো ব্রেকের উপর, ডান হাত থ্রুটলে, বাম হাত দিয়ে রেডিও অন করে ‘মেডে’ ঘোষণা করছে ও। অ্যানড্রু এয়ার ফোর্স বেস-এর কন্ট্রোল টাওয়ার ওর লোকেশন জানতে চাইল, ওদেরকে যেহেতু রাডারে খুঁজে পাচ্ছে না।

‘ব্রাংশ এভিনিউয়ে রয়েছি, পৌছাচ্ছি সুইটল্যান্ড পার্কওয়েতে,’  
বলল রানা।

‘কন্ট্রোলার স্বেফ পাগল ভাবল ওকে, পরামর্শ দিল, রেডিও বন্ধ করে নিজের চরকায় তেল দাও। কিন্তু রানা নাছোড়বান্দা, বলল কাছাকাছি পুলিশ ইউনিটকে খবরটা জানাও।

কেবিনে ভালই করছে মুরল্যান্ড। সামনের মার্সিডিজের ডান দিকের চাকা ফাটিয়ে দিয়েছে সে, পিছলে হাইওয়ে থেকে একটা ডোবায় পড়ে ডুবে গেছে সেটা।

এতটুকু ইতস্তত না করে দ্রুত কাছে চলে আসছে দ্বিতীয় মার্সিডিজ। সামনে শহর কাজেই রাস্তায় যানবাহনের সংখ্যা

ক্রমশ বাঢ়ছে। প্লেনের স্পিড কমিয়ে আনতে বাধ্য হলো রানা। সেই সুযোগে গতি বাড়িয়ে আরও কাছে চলে এল অবশিষ্ট মার্সিডিজ, প্যাসেঙ্গার সিট থেকে একের পর এক গুলি করছে।

এই সময় সাইরেনের আওয়াজ শোনা গেল। বিশ সেকেন্ড পর সামনে পুলিশের একটা প্যাট্রল কার দেখতে পেল রানা, মাথায় লাল-নীল আলো জুলছে।

রাস্তা ছেড়ে পাশের ঘাসজমিতে নেমে গেল পুলিশ কার, প্লেন আর মার্সিডিজকে পাশ কাটাল, তারপর ইউ টার্ন নিয়ে শুরু করল ধাওয়া।

প্রথম কয়েক সেকেন্ড পুলিশ অফিসাররা বুঝতেই পারল না যে মার্সিডিজ থেকে দু'জন লোক অটোমেটিক রাইফেল দিয়ে গুলি করছে প্লেনের দিকে। গাড়িটাকে পাশ কাটিয়ে এল তারা, তাদের একজন বুল হৰ্ন মুখে তুলে পাইলটকে নির্দেশ দিচ্ছে, ‘ইঞ্জিন বন্ধ করো! প্লেন থামাও!’

এই সময় মার্সিডিজের এক ঝাঁক বুলেট পুলিশ কারের পিছনের ঢাকা আর পেট্রল ট্যাংক ফুটো করে দিল। বলা কঠিন কী কারণে বিক্ষেপণ ঘটল না বা আগুন জুলল না, তবে রাস্তা থেকে নেমে খাদে পড়ার আগে তিনটে প্রাইভেট গাড়িকে গুঁতো মারল পুলিশ কার।

এরপর মার্সিডিজের ড্রাইভার বেপরোয়া হয়ে উঠল। ধীরে ধীরে প্লেনের আরও কাছে চলে আসছে সে। গানাররা এখন গুলি করছে প্লেনের ফুয়েল ট্যাংক আর ঢাকা লক্ষ্য করে।

এই সুযোগের অপেক্ষাতেই ছিল মুরল্যাঙ্ক। রেঞ্জের মধ্যে পেতেই তার দুই হাতের অস্ত্র গর্জে উঠল।

অন্তত দুটো বুলেট জানালা দিয়ে চুকে পাইলটের গলায় আর বুকে লাগল। হৃষিলের উপর ঢলে পড়ল সে। মাতালের মত ছুটে গিয়ে দুধ ভর্তি একটা ভ্যান গাড়িকে ধাক্কা দিল মার্সিডিজ। দুধের ভ্যাট সহ উল্টে পড়ল ভ্যান। সেটার পিছু নিয়ে রাস্তার হারানো আটলান্টস-২

পাশে ঢাল বেয়ে নীচে নেমে অদৃশ্য হয়ে গেল দ্বিতীয় মার্সিডিজন্ড।

‘তুমি এবার স্পিড কমাতে পার, হে,’ বলল মুরল্যাঙ্ক। ‘পেছনে কেউ নেই।’

‘ধন্যবাদ, দোস্ত,’ বলল রানা, ধীরে ধীরে থ্রটল টেনে আনছে। ইতিমধ্যে ফোর্ড ডেভিস পার্ক এলাকায় পৌছে গেছে ওরা। হাইওয়ে ছেড়ে চওড়া ঘাসজমিতে সরে এল রানা, তারপর বন্ধ করে দিল ইঞ্জিন দুটো।

কয়েক মিনিটের মধ্যে কলম্বিয়া ডিস্ট্রিক্টের দশটা পুলিশ কার চারদিক থেকে ঘিরে ফেলল ওদেরকে। দু'জনকে জোর করে ধরে এনে রাস্তার পাশে শোয়ানো হলো, শিরদাঁড়ার কাছে দুই হাত এক করে পরিয়ে দেওয়া হলো হ্যান্ডকাফ।

বিশ মিনিট পর। কাছাকাছি পুলিশ স্টেশনে নিয়ে আসা হয়েছে ওদেরকে। দু'জন ডিটেকটিভ জেরা শুরু করল। কী ঘটেছে সংক্ষেপে জানিয়ে একটা ফোন করার অনুমতি চাইল রানা।

‘ঠিক আছে,’ একজন অফিসার বলল। ‘তবে মাত্র একটা কল। আর সেটা শুধু আপনার উকিলকে করতে পারবেন।’

এক সেকেণ্ড চিন্তা করে রানা বলল, ‘খুশি হব আমার হয়ে কলটা যদি আপনি করেন।’

ইন্টারোগেশন রুমে একটা ফোন আনা হলো। ‘নম্বর বলুন,’ বলল অফিসার।

‘সেটা তো মুখস্থ করা নেই আমার, তবে অনুসন্ধানকে জিজ্ঞেস করলে তারা আপনাকে হোয়াইট হাউসের নম্বর বলে দেবে।’

‘আপনার বাজে কৌতুক শোনার সময় নেই আমার,’ বলল অফিসার, বিরক্ত আর ক্লান্ত দেখাচ্ছে তাকে। ‘কোন্ নম্বরে ফোন করতে চান বলুন।’

লোকটার দিকে ঠাণ্ডা চোখে তাকাল রানা। ‘আমি সিরিয়াস, মিস্টার ডিটেকটিভ। হোয়াইট হাউসে ফোন করুন, কথা বলুন প্রেসিডেন্টের চিফ অভ স্টাফ-এর সঙ্গে। তাঁকে আমাদের নাম বলুন, তারপর জানান আমিনিসদের আর্টিফ্যাক্ট ভর্তি প্লেনটা কোথায় আছে, জানান আমরা পটোম্যাক এভিনিউয়ের একটা পুলিশ স্টেশনে রয়েছি।’

‘আপনি ঠাণ্ডা করছেন।’

‘আপনারা নিশ্চয়ই এতক্ষণ চেক করে জেনেছেন যে আমরা মুমার পদস্থ কর্মকর্তা, তালিকাভুক্ত ক্রিমিনাল নই?’

‘কিন্তু লাইসেন্স ছাড়া পিস্তল দিয়ে হাইওয়েতে বন্দুকশুল্ক ও হত্যাকাণ্ডের কী ব্যাখ্যা দেবেন?’

‘বাজে কথায় সময় নষ্ট না করে প্লিজ, ফোনটা করুন।’

অগত্যা হোয়াইট হাউসের নম্বর সংগ্রহ করে ডায়াল করল অফিসার। ধীরে ধীরে, একজন কৌতুকাভিনেতার মত, তার চেহারা বদলে যেতে শুরু করল। সন্দেহের বদলে কৌতুহল, কৌতুহল বদলে গিয়ে বিস্ময় ফুটে উঠল চোখে-মুখে। রিসিভারটা নামিয়ে রাখার সময় রানার দিকে সমীহ-র দৃষ্টিতে তাকাল সে।

‘ইয়েস?’ জিজ্ঞেস করল মুরল্যাঙ্ক।

‘প্রেসিডেন্ট ব্রাউন-এর একজন এইড লাইনে এলেন, আমাকে সরাসরি নির্দেশ দিয়ে বললেন আর্টিফ্যাক্ট সহ আপনাদের দু’জনকে দশ মিনিটের মধ্যে হোয়াইট হাউসে পৌছে দিতে হবে, তা না হলে আমার ব্যাজ খুলে নেবেন তিনি।’

‘ঘাবড়াবেন না, অফিসার,’ অমায়িক হেসে তাকে আশ্বস্ত করল মুরল্যাঙ্ক। ‘আপনার বিরঞ্জে আমাদের কোনও অভিযোগ নেই। না-না, ঠাণ্ডা করছি না, সত্যিই নেই।’

‘এবার আমার বিদায়ের পালা,’ প্রিয় বন্ধু মুরল্যাঙ্ককে বলল রানা। ‘তুমি জানো হোয়াইট হাউসে আমি যেতে চাই না।’  
হারানো আটলান্টিস-২

মুরল্যান্ড কিছু বলার আগেই অফিসারের দিকে ফিরল ও।  
‘আমাকে আটক করার কোন নির্দেশ নেই তো?’

‘না-আ-আ! কী বলেন!’ অফিসার তাজ্জব বনে যাচ্ছে।  
‘তা হলে আমি চললাম...’ শান্ত অথচ দৃঢ় পায়ে পুলিশ  
স্টেশন থেকে বেরিয়ে গেল রানা।

\*\*\*

মাসুদ রানা সিরিজের আগামী বই

# মৃত্যবাণ

কাজী আনোয়ার হোসেন

এ এক নতুন জাতসাপ, ধনঞ্জয় ভূপতি খুব বড়  
একটা দাঁও মেরে এবার ভারত আর  
চিনকে ছোবল মারতে চলেছে। তাকে ধরার জন্য  
আন্দামান দ্বীপপুঞ্জে হাজির হয়েছে প্রথ্যাত  
ওমা বাবুরাম সাপুড়ে। কিন্তু বীন বাজাবে যে বাঁশী,  
সেই গাইগার কাউন্টার প্রমোদতরী 'জলপরী'তে  
নিয়ে যাবে কে? আছে একজন-পাগল  
করা রূপ-যৌবন মেয়েটির, নাম তৃষ্ণা।  
কেউ কি ভাবছেন, এর মধ্যে মাসুদ রানা  
কোথায়? আছে তো!



সেবা বই  
প্রিয় বই  
অবসরের সঙ্গী

সেবা প্রকাশনী, ২৪/৪ সেগুনবাগিচা, ঢাকা-১০০০

সেবা শো-রুম: ৩৬/১০ বাংলাবাজার, ঢাকা-১১০০

প্রজাপতি শো-রুম: ৩৮/২ক বাংলাবাজার, ঢাকা-১১০০

## আলোচনা

প্রিয় পাঠক/পাঠিকা, এই বিভাগে রহস্যসংজ্ঞান বৃক্ষদীপ্ত মন্তব্য মজার-আলোচনা, মতামত, কোনও রোমহর্ষক অভিজ্ঞতা, বিশেষ ব্যক্তিগত অনুভূতি বা সমস্যা, সুরক্ষিতপূর্ণ কৌতুক ইত্যাদি লিখে পাঠ্যাতে প্রার্থন।

বক্তব্য সংক্ষিপ্ত হওয়া বাস্তুনৈয়। কাগজের একপিটে লিখবেন। নিজের পূর্ণ ঠিকানা দিতে ভুলবেন না। খাম বা পোস্ট কার্ডের উপর 'আলোচনা বিভাগ' লিখবেন।

আলোচনা ছাপা না হলে জানবেন তান সঙ্কলন হয়নি, ঘনোনীত হয়নি, বা বিষয়বস্তু পুরানো হয়ে পেছে। দয়া করে তাগাদা বা অনুযোগ করে চিঠি লিখবেন না। ঠিক আছে?

—কা. আ. হোসেন।

### আনোয়ার হোসেন

লালবাগ, ঢাকা।

কাজীদা, শুভেচ্ছা নিবেন। ২৮/১০/০৫ ইং তারিখে প্রথম আলোয় আপনার একটি ছবি দেখলাম 'অন্য আলো' বিভাগে। বেশ শুকিয়ে গেছেন মনে হলো। ডায়াবেটিস আছে নাকি? নাকি বার্ধক্যের ছাপ? যাই হোক, জানিয়েছেন, ছেলেবেলার নায়ক বাবু রাও। বাবু রাও কোথাকার কে?

\* 'কোথাকার কে রবীন্দ্রনাথ' কথাটা মনে পড়ে গেল আপনার শেষ প্রশ্ন পড়ে। যাকগে, বাবু রাওকে আপনাদের চিনবার কথা নয়। তিনি ছিলেন ১৯৪৮-৪৯এর হিন্দী ছবিতে মারপিটের নায়ক। আপনাদের জন্মের অনেক আগেই তাঁর অভিনীত ছবিগুলো বাজে ও নিম্ন মানের বলে চিহ্নিত হয়ে অচল হয়ে গেছে। কিন্তু আমার যখন বারো-তেরো বছর বয়স, তখন তাঁর ছবি দেখার জন্যে আমি ও আমার ছোট ভাই স্কুল পালিয়ে স্কাল এগারোটা থেকে লাইন দিতাম ঢাকার লায়ন সিনেমার টিকেট কাউন্টারে। বাবুরাও ছিলেন তলোয়ারে ও ঘুসাঘুসিতে বাহাদুর-আমাদের হিরো; আর তাঁর বক্স বা চামচ ছিলেন উদ্বৃত্ত লাখি ও হাস্যরসের মাস্টার ভাগোয়ান চান্দি।

মোঃ শাহীন আজ্জার হাবীব

৬৪/এ, স্বামীবাগ, ঢাকা-১২০৩।

প্রথমে 'শয়তানের দীপ'। যতটুকু জানি কবির চৌধুরী 'অন্ধকারে বক্স' বইটিতে মাসুদ রানাকে প্রাণে বাঁচিয়েছিলেন। চমৎকার এই বইটির পর 'শয়তানের দীপে' আপনি তাকে এমনভাবে উপস্থাপন করলেন যা অবস্থা। এবার 'মাফিয়া ডন'-এ ১৯ পঞ্চায় বেনইয়ামিন বললেন তিনি বনি

ইসলাইলের বংশের লোক। কাজীদা, মুসা নবী ছিলেন বনি ইসরাইলের বংশধর আর সে বংশধরের কুস্তান বেনইয়ামিন। এটা হতেই পারে, তবে পরের কথাগুলো বইতে না রাখলেও পারতেন। দু'টি বইয়ের প্রচন্দ খুব সুন্দর হয়েছে, তবে 'মাফিয়া ডন' ভাল লাগেনি।

'CONGO' য্যাত 'মাইকেল ক্রাইটন'-এর আরও দু'একটি বই অ্যাডাপ্টেশন করা যায় না? 'মন্টেজুমার মেয়ে' অসাধারণ, অপূর্ব-ধন্যবাদ নিন।

★ আপনার ভাল লাগা ও মন্দ লাগার কথা জানিয়েছেন বলে আপনাকে অসংখ্য ধন্যবাদ। কিন্তু আমি বুঝতে পারছি না, মাফিয়া ডনে পরের কথাগুলো কেন চেপে যাব। আল্ট্রা কি ও কথা বলেননি? আল্ট্রার কথাও সেঙ্গের করতে চান নাকি?

### মোঃ মনির খান

**গ্রাম+ডাক:** তালুক কানুপুর (খানবাড়ি) গোবিন্দগঞ্জ, গাইবান্ধা।

আমার সালাম নিবেন। আশা করি আল্ট্রার রহমতে ভাল আছেন।

মাসুদ রানা, ওয়েস্টার্ন, তিন গোয়েন্দা, কিশোর হরর এই বইগুলো খুব ভাল লাগে। এর মধ্যে সব চেয়ে বেশি ভাল লাগে মাসুদ রানার বই। আমি গ্রামে বাস করি তবুও আমার সেবা প্রকাশনীর বই পেতে অসুবিধা হয় না। কেননা আমার ফুফু (সোনিয়া জান্নাত) থাকে রংপুরে, আর আমার আপা (রিমা) থাকে কুড়িগ্রামে। আমার আপা ও ফুফু সেবা প্রকাশনীর বই পড়ে। আমার আপা ও ফুফু বাড়িতে আসলে আমার জন্য বই নিয়ে আসে। মরুকল্পন্যা+রেড ড্রাগন ও নকল বিজ্ঞানীর মত অপূর্ব সুন্দর বই উপহার দেবার জন্য আপনাকে অনেক-অনেক ধন্যবাদ।

★ আর চিঠির জন্য আপনাকে! আপনার আপা ও ফুফুকেও আমার ধন্যবাদ পোছে দেবেন।

### মোঃ এনামুল হক খোকা

বাঘা উত্তর মোহাম্মদপুর, গোলাপগঞ্জ, সিলেট-৩১৬৬

কুয়াশা, মাসুদ রানা ও তিন গোয়েন্দাই হচ্ছে আমার অবসরের প্রিয় সঙ্গী। এক কথায় বলতে গেলে, সেবা পরিবারকে আমি আমার সমস্ত অস্তিত্ব দিয়ে ভালবাসি। সত্য বলতে কি, সেবা প্রকাশনীর যে-কোন বই আমার ভীষণ ভাল লাগে। পরিশেষে সেবা প্রকাশনীর সংশ্লিষ্ট সকলকে জানাই অগ্রিম পবিত্র সৈদ উল আয়হার 'সৈদ মোবারক বাদ'।

★ আমরাও আপনাকে জানাচ্ছি পবিত্র সৈদ উল আয়হার অগ্রিম সৈদ মোবারকবাদ। আপনার চিঠির জন্য ধন্যবাদ।

### নিশাত তাসনিন ঝর্না এবং কুসনা

ঢাকা দক্ষিণ, গোলাপগঞ্জ, সিলেট।

অসংখ্য সালাম ও গ্রাম্য নবান্নের শুভেচ্ছা রইল। মাসুদ রানার বই হাতে পেলে কেন এমন আনন্দের শিরশিরি অনুভূতি বয়ে যায় হৃৎপিণ্ড দিয়ে তার প্রত্যক্ষ প্রমাণ পেলাম। বর্ণনা সাবলীল ভাবে দেওয়া হয়েছে, তা যতই

অকল্পনীয় হোক না কেন অবিশ্বাস করতে কষ্টই হয়। যেন মনে হয় ল্যারি কিৎ এর ‘ভিনাস’-এর সাহায্যে আমরা এক অন্য কল্পনার রাজ্যে চলে গেছি। প্রচণ্ড তরঙ্গ নিয়ে দ্বিতীয় খণ্ডের অপেক্ষায় রয়েছি, রয়েছি অসাধারণ এক সমাধানের আশায়। তার পূর্বে ১ম খণ্ডের প্রাপ্য ধন্যবাদ সবাইকে বিলিয়ে দেওয়ার অনুরোধ রইল।

★ ২য় খণ্ড কেমন লাগল জানাতে ভুলবেন না।

শাকিল সুলতান

নারায়ণগঞ্জ | reneshakil@Yahoo.com

‘শয়তানের দ্বীপ’-এর জন্য ধন্যবাদ। ভাল লেগেছে।

আজ আমি রানার প্রশংসা করার জন্য চিঠি পাঠাইনি। আপনার উদ্দেশ্যে কিছু বলার জন্যই এ চিঠি। আমি এবং সেবার অন্যান্য পাঠকের ধারণা, আপনি যথেষ্ট জ্ঞানী মানুষ। অথচ আপনি বুঝতে পারছেন না, আমরা আপনার আত্মজীবনী চাচ্ছি? এখন ভালভাবেই বলছি, যদি কাজ না হয় তা হলে কিন্তু খবর আছে। অবশ্য আপনি বলেই একটি অপশন রেখেছি। যদি অসম্পূর্ণ আত্মজীবনী না-ই লেখেন, তা হলে সেবার বর্তমান লেখকদের সবার সংক্ষিপ্ত জীবনী নিয়ে একটি বই প্রকাশ করেন এটুকু বলতে পারি পাঠকেরা আপনাকে হতাশ করবে না। চিঠির উত্তর দেবেন, এড়িয়ে যেতে পারবেন না। আর যেহেতু ‘মাসুদ রানা’ সিরিজ বেশি চলে, তাই রানা-র আলোচনা বিভাগে উত্তর চাই।

★ ঠিকই ধরেছেন, আমি যে কী সাজ্ঞাতিক জ্ঞানী মানুষ এবং আমার জীবনটা যে কী অসাধারণ বৈচিত্র্যপূর্ণ ও অকর্ষণীয় ঘটনায় ভরপুর, যেসরের বিস্তারিত বিবরণ জানতে না পারলে পাঠকদের মন্ত ক্ষতি হয়ে যাবে, আমি হঠাতে মারা পড়লে তাঁরা বঞ্চিত হবেন চিরতরে-এই সত্য আমি বুঝতে অক্ষম। তবে আপনার অপশনটা নিয়ে ভেবে দেখা যেতে পারে। লেখকরা যদি আগ্রহী হন, তা হলে বিক্রি হোক-না হোক, আমি তাঁদের সংক্ষিপ্ত জীবনী প্রকাশ করতে রাজি আছি।

মোঃ কামরুজ্জামান আরিফ খান

গ্রাম: ফরিদপুর, পো: আমদাবাদ, সদর, যশোর

‘রেড ড্রাগনে’ শেষ পর্যন্ত দেখা গেল কোলামবি টাসকানেরই বিশ্বস্ত ও অনুগত। তা হলে কেন সে রানার সাথে অমন হতাশার অভিনয় করেছিল, রানাকে মারার অভিপ্রায় যদি থেকেই থাকে তবে দাদুকে উদ্ধারের পর সুযোগ পাওয়া সত্ত্বেও কেন গুলি না করে বরং বদ্ধুত্বপূর্ণ আচরণ করল? কি স্বর্থ ছিল এতে তার? লাভটাই বা কি ছিল? কোনও জবাব আছে কি?

পরিশেষে সেবার সকল পাঠক-পাঠিকা বিশেষভাবে রানা ভক্তদের জন্য রইল আন্তরিক শুভেচ্ছা ও ভালবাসা।

★ যা চেয়েছেন তা আপনার ঠিকানায় পাঠিয়ে দিলাম। ...হ্যাঁ, জবাব আছে। বইটির ২০২ পৃষ্ঠার অষ্টম থেকে দশম লাইন আবার একবার পড়ুন। ...আপনার আন্তরিক শুভেচ্ছা ও ভালবাসা নিলাম এবং সবার কাছে পোছে দিলাম।

## নকল বই

কিছু দুর্বৃত্ত সেবা প্রকাশনী ও প্রজাপতি প্রকাশনের বই বে-আইনীভাবে নিজেরা প্রকাশ করে বাজারে ছেড়েছে। বাইরের চেহারা কিছুটা সেবা/প্রজাপতির বইয়ের মত হলেও এসব বইয়ের মলাটের ভিতর রয়েছে অনেক গোলমাল।

কোয়ান্টাম মেথড বইটির আসল-নকলের তফাত:

১. আসল বই দামি অফসেট কাগজে ছাপা-নকল বইয়ে সন্তা দরের কাগজ ব্যবহার করছে।

২. আসল বইয়ে অফসেট মেশিনের ছাপা ঝকঝকে দেখাবে-নকল বই মনে হবে ফটোকপির মত ঝাপসা।

৩. আসল বইয়ের ছবিগুলোর ছাপা স্পষ্ট ও পরিষ্কার-নকল বইয়ের ছবি ঝাপসা, অস্পষ্ট।

৪. আসল বইয়ে বিষয়বস্তুর পুরোটা পাবেন-নকল বইয়ের প্রথম ও শেষ পৃষ্ঠা এক হলেও কোন কোন পৃষ্ঠা এমনকী কোন কোন পরিচ্ছদও কম পেতে পারেন।

৫. বাঁধাই লক্ষ করুন। আসল বই অটোমেটিক মেশিনের সাহায্যে নিখুঁত ভাঁজাই ও সেলাই করা হয়-নকল বইয়ের পাতা উল্টালেই দেখতে পাবেন ভাঁজাই ও সেলাইয়ের খুঁত।

আমরা এই পাইরেসির বিরুদ্ধে আইনগত ব্যবস্থা গ্রহণ করছি। পাঠক ও বিক্রেতাদের নিকট অনুরোধ: দয়া করে নকল বইসহ আইন প্রয়োগকারী কোনও সংস্থার হাতে ধরা পড়ে নিজের মান-সম্মান খোয়াবেন না।

যাঁরা কম দামে ‘কোয়ান্টাম মেথড’ বইটি কিনতে আগ্রহী, তাঁদের জন্য সুখবর: বইটি পেপারব্যাকেও প্রকাশ করা হয়েছে। দাম মাত্র সাতচল্লিশ টাকা। এখন পাইরেটেড বইয়ের চেয়ে আইনসম্মত বই-ই কম দামে পাবেন।

সেবা প্রকাশনী

২৪/৪ সেগুনবাগিচা, ঢাকা ১০০০

## বই পেতে হলে

আমরা চাই, ক্রেতা-পাঠক তাঁদের নিকটস্থ বুকস্টল থেকে সেবা প্রকাশনীর বই সংগ্রহ করুন। কোনও কারণে তাতে ব্যর্থ হলে আমাদের ডাকযোগে খুচরো বই সরবরাহ ব্যবস্থার সাহায্য নিতে পারেন।

আজই মানি-অর্ডার যোগে ১০০.০০ টাকা পাঠিয়ে সেবা প্রকাশনীর গ্রাহক হয়ে যান। কোন সিরিজের গ্রাহক হতে চান দয়া করে মানি-অর্ডার ফর্মেই উল্লেখ করুন। ইচ্ছে করলে সব 'কটি সিরিজ' বা 'যে-কোন এক বা একাধিক সিরিজের গ্রাহক হতে পারবেন। যতদিন টাকা শেষ না হয়, ততদিন প্রকাশের সঙ্গে সঙ্গে নতুন বই পৌছে যেতে থাকবে আপনার ঠিকানায়। টাকা শেষ হয়ে এলে অবশিষ্ট টাকা ফেরত নিতে পারবেন, অথবা আরও টাকা পাঠাবেন। বিস্তারিত নিয়মাবলী ও বিনামূল্যে ১৬ পৃষ্ঠার মূল্য তালিকার জন্য সেলস ম্যানেজারের কাছে লিখুন।

নিজের ঠিকানা ও চাহিদা পরিকার অক্ষরে লিখবেন। দয়া করে খামে ভরে টাকা পাঠাবেন না।

ভি. পি. পি. যোগে কোনও বই পেতে চাইলে কমপক্ষে ২০.০০ টাকা অধিম পাঠাবেন। কেবলমাত্র টাকা পেলেই ভি. পি. পি. যোগে বই পাঠানো যাবে।

## আগামী বই

২২/১২/০৫ টেরির দালো+বাবলি বাহিনী+উটকি গোয়েন্দা

(তিন গোয়েন্দা ভলিউম-৬৮)

টেরির দালো: রকিব হাসান: টেরিয়ার ডয়েলের মনে শান্তি নেই, কোনভাবেই পেরে ওঠে না তিন গোয়েন্দার সঙ্গে। মরিয়া হয়ে উঠল সে। ফাঁদ পাতল মাড়ি ক্রীকের পিছিল জঙ্গলে; চাঁদনি রাতে কাদার নীচ থেকে উঠে আসে যেখানে কবন্দার দানো।

বাবলি বাহিনী: রকিব হাসান: বাড়ি থেকে দূরে নিঃসঙ্গ পাহাড়ের উপর গাছপালায় ঘেরা জিগার বার্ণ। একসময় বড় খামারবাড়ি ছিল, এখন ধ্বংসস্তুপ। নীরব এক টাঁদনি রাতে ডাকাত ঝুঁজতে সেখানে চলল মুসা আর বব। রহস্যে জড়াল তিন গোয়েন্দা।

উটকি গোয়েন্দা: শামসুন্দীন নওয়াব: টুকুর লেগেছে উটকি টেরি আর কিশোর পাশার মধ্যে। টেরি চালেঞ্জ দিয়েছে, প্রমাণ করে দেবে সে-ই সেরা, গোয়েন্দা হিসাবে কিশোর তার কাছে কিছুই নয়, কেসটা জটিল। উদ্বার করতে হবে কিশোরের হারানো নেটবুকটা। যে পারবে তাকে মেনে নেওয়া হবে সেরা গোয়েন্দা বলে, দেখা যাক, কীভাবে কী হয়!

## আরও আসছে

২৭/১২/০৫ রহস্যপত্রিকা

(২২ বর্ষ ৩ সংখ্যা)

জানুয়ারি, ২০০৬

১/১/০৬ উড্ডন্ত রবিন

(তিন গোয়েন্দা)

শামসুন্দীন নওয়াব

১/১/০৬ কিংকৎ

(অনুবাদ) এক্ষণ্ঠার ওয়ালেস ও মেরিয়ান পি. কুগার/অনীশ দাস অপু

গোলাম মাওলা নজীম

৫/১/০৬ শকুন

(ওয়েস্টার্ন)

শওকত হোসেন

৫/১/০৬ প্রহরী+সংঘাত

(ওয়েস্টার্ন ভলিউম)

শওকত হোসেন

১৯/১/০৬ মৃত্যুবাণ

(রানা ৩৫৯)

কাজী আনোয়ার হোসেন

১৯/১/০৬ ব্লাইভ মিশন+আরেক গড়ফাদার

(রানা ভলিউম)

কাজী আনোয়ার হোসেন